



ফাল্গুন-১৩৩৮

দ্বিতীয় খণ্ড }

উনবিংশ বর্ষ

{ তৃতীয় সংখ্যা

গীতার মর্ম-বাণী

শ্রীঅনিলবরণ রায়

সাংখ্য ও যোগের মধ্যে তৎকালে যে প্রভেদ ছিল তাহারই উল্লেখ করিয়া গীতা তাহার অধ্যাত্ম-শিক্ষার অবতারণা করিয়াছে,—

এখা তেহভিহিতা সাখ্যবুদ্ধির্যোগে অিমাং শৃণু ।
 বুদ্ধ্যায়ুক্তো যয়া পার্থ! কস্মবন্দং প্রহাস্তমি ॥২।৩৯
 সাংখ্য জ্ঞানের পন্থা, যোগ কর্মের পন্থা; গীতা এই দুই প্রণালীরই সারতত্ত্ব গ্রহণ করিয়াছে, এবং উভয়ের মধ্যে সমন্বয় সাধন করিয়া নিজস্ব যোগপ্রণালী শিক্ষা দিয়াছে। এই সময়ের রহস্রটি না বুঝিলে গীতোক্ত সাধনার প্রকৃত মর্ম গ্রহণ করা যায় না। গীতা জ্ঞানযোগ ও কর্মযোগের

মধ্যে বিরোধ মিটাইয়া যে সমন্বয় সাধন করে, প্রথমতঃ বৌদ্ধধর্মের অভ্যুত্থানে, পরে আচার্য্য শঙ্কর প্রচারিত মায়াবাদ ও সন্ন্যাসধর্মের প্রভাবে, সেই সমন্বয় ভারতবাসীর জীবনের উপর কল্যাণময় প্রভাব বিস্তার করিতে পারে নাই; গীতার এই নিগূঢ় শিক্ষা চূপা পড়িয়া যায়, তৎপরিবর্তে জ্ঞানমার্গ এবং তাহার আত্মসম্বন্ধিক কর্মত্যাগ, সংসার-ত্যাগ, সন্ন্যাস, ইহাই শ্রেষ্ঠ আধ্যাত্মিকতা বলিয়া প্রচারিত হয়। এখনও লোকের মন হইতে এই ভ্রান্তি সম্পূর্ণরূপে দূর হয় নাই। গীতার অধিকাংশ টীকাকার শঙ্করের অনুসরণ করিয়া জ্ঞানমার্গ ও কর্মসন্ন্যাসকেই গীতার প্রকৃত শিক্ষা

বলিয়া প্রচার করিয়াছেন। (১) কর্মের সার্থকতা ও প্রয়োজনীয়তা কেবল প্রাথমিক অবস্থার; শেষ পর্যন্ত ইহাকে ত্যাগ না করিলে অধ্যাত্ম জীবনলাভ অসম্ভব। আবার গীতার আধুনিক ব্যাখ্যাকর্তীগণ গীতার অত্যাধিক অংশের উপর ঝাঁক না দিয়া, প্রথমার্শে যে কর্মযোগের শিক্ষা আছে, তাহাকেই গীতার পরম শিক্ষা বলিতেছেন। তাহাদের মতে গীতার পরম বাক্য হইতেছে,—

কর্মণ্যোবাধিকারস্তে মা ফলেষু কদাচন।

মা কর্মফলহেতুভূ মতে সঙ্গোহস্তকর্মণি ॥২।৪৭

আবার কেহ কেহ বলিতেছেন, গীতা দুইটি পন্থাই দেখাইয়াছে,—জ্ঞান ও কর্ম, সাংখ্য ও যোগ। সন্ন্যাসীর পক্ষে জ্ঞানযোগ, আর সংসারীর পক্ষে কর্মযোগ। কিন্তু, বস্তুতঃ গীতা একরূপ কোনও প্রভেদ স্বীকার করে নাই। সন্ন্যাস বলিতে গীতা বাহ্যিক কর্মত্যাগ, সংসারত্যাগ বুঝে নাই। আচার্য্য শঙ্কর কর্মত্যাগী, সংসারত্যাগী যত্র তত্র বিচরণীল কোপীনধারী সন্ন্যাসীর কথা বলিয়াছেন। গীতায় কোথাও আমরা এইরূপ সন্ন্যাসীর বর্ণনা পাই না। গীতা যে ত্যাগের কথা বলিয়াছে, তাহা ভিতরে বাসনা কামনা ত্যাগ, প্রজ্ঞাতি যদা কামান্ সর্বান্ পার্থ মনোগতান্। সন্ন্যাসী বলিতে গীতা ইহাই বুঝিয়াছে,—

জ্ঞেয়ঃ স নিত্যসংগ্রাসী যো ন দোষ্ট ন কাঙ্ক্ষতি ।

তিনি অত্যাধিক লোকের ত্রায় সংসারে বিচরণ করেন, কর্ম করেন, কেবল তাঁহার কোনও বাসনা নাই, রাগ দেহ নাই, তিনি সব “আমি” “আমার” ভাব হইতে মুক্ত—

বিহার কামান্ যঃ সর্বান্ পুমাংশ্চরতি নিস্পৃহঃ ।

নির্মমো নিরহঙ্কারঃ স শান্তি মধিগচ্ছতি ॥২।৭১

গীতার যে নিজস্ব যোগ-প্রণালী, সাধন-প্রণালী, তাহাতে কর্ম ও জ্ঞানের অপূর্ব সমন্বয় সাধিত হইয়াছে। দ্বিতীয় অধ্যায়েই এই সমন্বয়ের সূত্রপাত হইয়াছে, এবং শেষ পর্যন্ত এইটিকেই পূর্ণাঙ্গ করিয়া তোলা হইয়াছে। দ্বিতীয় অধ্যায়ে গীতা কর্মের প্রশংসা করিয়াছে, আবার জ্ঞানেরও প্রশংসা করিয়াছে। কর্ম করিতে হইবে কিন্তু যেমন তেমন ভাবে নহে,—বুদ্ধিযোগের দ্বারা, জ্ঞানের দ্বারা বাসনা-

(১) বাংলাদেশে শ্রীধর স্বামীর টীকাই সুপ্রচলিত, ইহা শঙ্কর ভাষ্যের অনুবাদী, কর্মত্যাগ ও সন্ন্যাসমূলক।

কামনার অহঙ্কারের উপর উঠিয়া যে ব্রাহ্মীহিতি লাভ করা যায়, সেই অবস্থাতেই কর্ম গ্রহণীয়, যোগঃ কর্ম কৌশলম্।—আমরা দেখিতে পাই, তৎকালের শিক্ষা প্রভাবিত অর্জুন প্রথমেই এই সমন্বয়ের মর্ম গ্রহণ করিতে পারেন নাই—ভিতরে ত্যাগ ও বাহিরে কর্ম বলিতে কি বুঝায় তাহা সম্যক হৃদয়ঙ্গম করিতে পারেন নাই। তৃতীয় অধ্যায়ের প্রথমেই তিনি এ বিষয়ে তাঁহার সংশয় জ্ঞাপন করিয়াছেন। সেই সূত্রে শ্রীকৃষ্ণ এই সমন্বয় আরও পরিষ্কার করিয়া কর্মযোগের ব্যাখ্যা করিয়াছেন। অর্জুনের সন্দেহ মন্দেহ তাহাতেও দূর হয় নাই, পুনরায় পঞ্চম অধ্যায়ের প্রথমে তিনি সেই প্রশ্নই তুলিয়াছেন, আবার শেষ অষ্টম অধ্যায়ের প্রথমেও আমরা দেখিতে পাই, অর্জুন এই সমন্বয়-তত্ত্ব আরও পরিষ্কার ভাবে জানিবার ইচ্ছা গুরুর নিকট নিবেদন করিয়াছেন। অতএব, গীতা জ্ঞান ও কর্মের সমন্বয়কে স্তরে স্তরে বিকশিত করিয়া তুলিয়াছে, এই ইহাদের সহিত ভক্তির সমন্বয় করিয়া তাহার নিজস্ব সাধনাকে পূর্ণ করিয়া তুলিয়াছে। সেই সাধনায় কর্ম, জ্ঞান ও ভক্তি এই তিন মিলিয়া এক হইয়াছে। দ্বিতীয় অধ্যায়ের আমরা গীতার পরম তত্ত্ব ভক্তির কেবল একটু ইঙ্গিত মাত্র পাই, যুক্ত আসীত মৎপর, গীতোক্ত সাধনার বীজময় স্বরূপ এই তিনটি কথাই পরে ব্যাখ্যা করা হইয়াছে। এই ভাবে দেখিলে গীতা-শিক্ষার পদ্ধতিটি আমরা বেশ বুঝিতে পারি। গীতা তাহার সমস্ত বক্তব্য একেবারে স্পষ্ট করিয়া বলে না, শিষ্যের মানসিক অবস্থা ও গ্রহণ-শক্তি অনুসারে কোনটা বিস্তৃত করিয়া বলিয়া প্রাথমিক সাধনা নির্দেশ করিয়াছে কোনটার ইঙ্গিত মাত্র করিয়াছে, আবার কোনটা একেবারে চাপিয়া রাখিয়াছে। (*) পরে আবার সেই সকল বিষয়ের পুনরালোচনা করিয়াছে, তাহাদিগকে প্রয়োজন মত সংশোধিত ও পরিবর্তিত করিয়া সমস্ত শিক্ষাটিকে পূর্ণাঙ্গ করিয়া তুলিয়াছে। গীতার এই বিশিষ্ট পদ্ধতিটুকু মনে রাখিলে, গীতার বিভিন্ন অংশের মধ্যে বিরোধ রহিয়াছে

(২) গীতার বাহ্য শ্রেষ্ঠ তত্ত্ব গীতা কোথাও তাহা পরিষ্কার করিয়া বলে নাই। গুরুতম রহস্যরূপেই রাখিয়া দিয়াছে, গীতোক্ত সাধন অনুসরণ করিয়া সাধকগণকে নিজ নিজ জীবনেই তাহার শিক্ষা করিতে হইবে।

নে করিয়া বিভ্রান্ত হইয়া পড়িতে হয়, অথবা নানা অদ্ভুত ব্যাখ্যার আশ্রয় গ্রহণ করিতে হয়।

অর্জুনের মুখে পুনঃ পুনঃ প্রশ্ন তুলিয়া গীতা জ্ঞান ও কর্মের যে সমন্বয় সাধন করিয়াছে, এবং ভক্তি ও ভগবানে আত্মসমর্পণের মধ্যে তাহাদের পূর্ণ সার্থকতা দেখাইয়াছে,— গীতার এই নিগূঢ় সমন্বয়ের মর্ম বিভিন্ন দার্শনিক মতবাদ ও আধুনিক ভাষ্যের দ্বারা চাপা পড়িয়া গিয়াছিল। কেহ জ্ঞানের উপরে, কেহ ভক্তির উপরেই বিশেষ ঝাঁক দিয়াছে, এবং সকলেই শেষ পর্যন্ত কর্ম-ত্যাগ, সংসার-ত্যাগকেই মানবজীবনের পরম লক্ষ্য বলিয়া প্রচার করিয়াছে। এই সংসার ছুঃখময়, এই জগৎ মিথ্যা মায়া, এই মায়াগয়, ছুঃখময় জগৎকে ছাড়িয়া আত্মার নিঃসঙ্গতা, নীরবতা, নিষ্ক্রিয়তার মধ্যে লীন হইতে হইবে, অবিচারপ্রিয়ী প্রকৃতির বন্ধন কাটাইয়া পুরুষ স্বীয় শুদ্ধ, শান্ত, স্বরূপে ফিরিয়া যাইবে, এইরূপে তাহার সংসার-দীনার অবসান হইবে, ইহাই সকলের প্রতিপাত। কিন্তু বস্তুতঃ ইহাই গীতার প্রকৃত শিক্ষা নহে। গীতা এই সকল মতবাদ ও সাধনপন্থার সার বস্তু গ্রহণ করিয়াছে, এবং এই সকলকেই ছাড়াইয়া উঠিয়া ইহাদের মধ্যে অপূর্ব সমন্বয় সাধন করিয়াছে। প্রকৃতির যে ক্রিয়ার মধ্যে আমরা বদ্ধ রহিয়াছি, ইহা অজ্ঞান, অবিচার ক্রিয়া; কিন্তু ইহা ত্রিগুণময়ী অপরা প্রকৃতি। ইহাই সব নহে, ইহারও উপরে আছে পরা-প্রকৃতি, ভাগবত প্রকৃতি, প্রকৃতিং বিদ্ধি মে পরাম্। তাহা দিব্য চেতনা, দিব্য জ্যোতি, শক্তি, আনন্দে পূর্ণ। তাহাই জীবের প্রকৃত স্বরূপ, জীবভূতাং। তাহার মধ্যে উঠিয়া, নিজের মধ্যে সেই পরা ভাগবত প্রকৃতির ক্রিয়ার বিকাশ করিয়াই মানুষ তাহার লক্ষ্য উপনীত হইতে পারে। অতএব, এই জগৎ ও জীবনকে মিথ্যা মায়া বলিয়া, ইহাকে পরিত্যাগ করিয়া যাওয়া নহে, তাহা হইলে ত জীবের আবির্ভূত হইবার কোন প্রয়োজনই ছিল না;—পরন্তু, ইহাকে পরিবর্তিত, রূপান্তরিত করিয়া, ইহার মধ্যে পরা ভাগবত প্রকৃতির দিব্য জ্ঞান, শক্তি, শান্তি, সৌন্দর্য্য, মানন্দ নামাইয়া আনা—ইহার জন্মই জীবের সংসার-দীনা, ইহার জন্মই মর্তের মানব-জীবন।

গীতার এই অতীত রহস্যময় শিক্ষা এতদিন প্রচ্ছন্ন ছিল, এতদিনে শ্রীঅরবিন্দ অপূর্ব সাধনালক্ষ্য দিব্য-দৃষ্টি সহায়ে

ইহাকে নূতন আলোকে উদ্ভাসিত করিয়া ভারতের, তথা জগতের সম্মুখে উপস্থিত করিয়াছেন। ইহার অনুসরণ করিয়াই মানবজাতি তাহার শ্রেষ্ঠ কল্যাণের পথে নিশ্চিত ভাবে অগ্রসর হইতে পারিবে। পাশ্চাত্যের নীচ ইন্দ্রিয়-ভোগপরায়ণ জীবন নহে, ভারতেরও মায়াবাদ বা সন্ন্যাস-ধর্ম নহে, মানব-জীবন এখন যেমন রহিয়াছে, নীচের প্রকৃতির অজ্ঞানের, ত্রিগুণের ক্রিয়া,—ইহাকে দিব্য-ভাবে বিকশিত ও রূপান্তরিত করিয়াই মানুষ তাহার পরম লক্ষ্য উপনীত হইতে পারিবে,—মর্তের মানব-জীবনই দিব্য জ্যোতির্ময় অমৃতময় জীবনে পরিণত হইবে,—ভগবানের নরনীলা সার্থক হইবে। শ্রীঅরবিন্দের কথায় গীতার বানীর সার মর্ম এই—

“মানুষ এখন তাহার প্রকৃতির যে নীচের ক্রিয়ার মধ্যে বাস করিতেছে ইহা হইতে নিবৃত্ত হইয়া, এই যে আলোক প্রকৃতপক্ষে অন্ধকারই, যা নিশা পশ্চতো মূনেঃ, ইহা হইতে উপরে উঠিয়া, অনন্ত, অক্ষর আত্ম-সত্তার জ্যোতির্ময় সত্যের মধ্যে জাগ্রত হইতে পারে, বাস করিতে পারে। তখন আর মানুষ তাহার ব্যক্তিত্বের সক্ষীর্ণ গণ্ডীর মধ্যে আবদ্ধ থাকে না, নিজেকে ক্ষুদ্র অহং বলিয়া দেখিয়াই চিন্তা করে না, কর্ম করে না, অহুভব করে না, সামান্তের জন্ম, স্বপ্নের জন্ম কষ্টকর প্রয়াসে প্রবৃত্ত থাকে না। শুদ্ধ আত্মার বিরাট ও মুক্ত নির্ব্যক্তিকতার (impersonality) মধ্যে সে ডুবিয়া যায়; সে ব্রহ্ম হয়; যে এক আত্মা সর্ব-ভূতের মধ্যে বিরাজ করিতেছে,—তাহার সহিত নিজেকে এক বলিয়া জানিতে পারে। তখন আর তাহার অহং-বোধ থাকে না, তখন আর সে স্বপ্নের দ্বারা বিক্ষুব্ধ হয় না, ছুঃখের জালা বা স্বেথের চাঞ্চল্য অহুভব করে না, তখন আর সে পাপের দ্বারা ব্যথিত বা পুণ্যের দ্বারা সীমাবদ্ধ হয় না। আর যদিই বা এই সকল জিনিষের আভাস বর্তমান থাকে, সে দেখিতে পায় ও জানে যে, এ সব হইতেছে প্রকৃতিরই ত্রিগুণের খেলা, তাহার নিজের জীবনের সত্য বলিয়া সে সবকে সে উপলব্ধি করে না। কেবল মাত্র প্রকৃতিই কর্ম করে এবং যন্ত্রবৎ নিজের নানা রূপ বিকাশ করে; কিন্তু শুদ্ধ আত্মা নীরব, নিষ্ক্রিয়, মুক্ত। শান্ত-প্রতিষ্ঠ, প্রকৃতির ক্রিয়া সকলের দ্বারা অস্পৃষ্ট,—সে সমুদয় ক্রিয়াকে সে দেখে সম্পূর্ণসমতার সহিত, এবং নিজেকে সেই

সব হইতে স্বতন্ত্র বলিয়া জানে। এই অধ্যাত্ম অবস্থা লইয়া আইসে নীরব শান্তি ও মুক্তি, কিন্তু ইহা শক্তিক্রিয়ায়ক দিব্যজীবন আনিয়া দেয় না, পূর্ণতম সিদ্ধি আনিয়া দেয় না; ইহা খুব উচ্চ-গতি সন্দেহ নাই, কিন্তু এইটাই সমগ্র ভগবদ্-জ্ঞান, আত্ম-জ্ঞান নহে, সমগ্র মাং যথা জ্ঞানসি, তাহা নহে।

“পূর্ণতম সিদ্ধিলাভ হয় কেবল পরম ও সমগ্র ভাগবতের মধ্যে বাস করিয়া।—তখন ভগবানের অংশ মানবাত্মা ভগবানের সহিতই যুক্ত হয়; তখন সে আত্মসত্তায় সর্ব-ভূতের সহিত এক হয়,—তাহাদের সহিত এক হয় ভগবানের মধ্যে, আবার প্রকৃতিরও মধ্যে; তখন সে শুধু মুক্ত নহে, সে পূর্ণ; তখন সে পরম আনন্দে নিমগ্ন, চরম সিদ্ধিলাভের জন্ম প্রস্তুত। তখনও সে আত্মাকে দেখে—চিরন্তন, অপরিবর্তনীয় সত্তা নীরবে সর্বভূতকে ধরিয়া রাখিয়াছে, কিন্তু সে প্রকৃতিকেও দেখে—আর কেবল যন্ত্রবৎ ত্রিগুণের ক্রিয়ায় রত অচেতন জড়াত্মিকা শক্তিমাত্র নহে, পরন্তু আত্মারই শক্তি, প্রকাশলীলায় রত ভগবানেরই শক্তি। সে দেখিতে পায় যে, নীচের প্রকৃতিই আত্মার জীবনের গূঢ়তম সত্য নহে, সে ভগবানের এক পরমা আধ্যাত্মিক প্রকৃতির সন্ধান পায়,—মন, প্রাণ ও দেহের মধ্যে এখন

যাহা কিছু অপূর্ণরূপে দেখা যাইতেছে, সে সবেদই উচ্চতর সত্যের মূল ঐ প্রকৃতির মধ্যে রহিয়াছে, তাহা এখনও প্রকট হয় নাই। নীচের এই মানসিক প্রকৃতি হইতে এই পরমা অধ্যাত্ম প্রকৃতির মধ্যে উঠিয়া সে সমস্ত অহং হইতে মুক্ত হয়। সে নিজেকে একটি অধ্যাত্ম সত্তা বলিয়া জানিতে পারে;—মূলতঃ সে সর্বভূতের সহিত এক, এবং তাহার ক্রিয়াশীল প্রকৃতিতে সে ভগবানেরই একটি শক্তি এবং বিশ্বাতীত অনন্তের একটি সনাতন আত্ম-সত্তা, জীবভূত সনাতনঃ। সে সব-কিছুকে ভগবানের মধ্যে দেখে, এবং সব-কিছুর মধ্যেই ভগবানকে দেখে, সে দেখে সবই বাসুদেব, বাসুদেব সর্বম্। সূখ দুঃখ, প্রিয় অপ্রিয়, আশা নিরাশা, পাপ পুণ্য সকল দ্বন্দ্ব হইতেই সে মুক্ত হয়। এখন হইতে তাহার চৈতন্যময় দৃষ্টি ও ইন্দ্রিয় সব কিছুকেই ভগবানের ইচ্ছা, ভগবানের কৰ্ম বলিয়া উপলব্ধি করে। বিশ্ব-চৈতন্য ও শক্তির একটি আত্মা ও অংশরূপে সে জীবন যাপন করে, কৰ্ম করে, পরম ভাগবত আনন্দে, অধ্যাত্ম আনন্দে পরিপূর্ণ থাকে। তাহার কৰ্ম হয় দিব্য কৰ্ম এবং তাহার পদ (status) হয়, উর্দ্ধতম অধ্যাত্ম পদ”। (Essays on the Gita, Second series)

বহুরূপী

শ্রীকুমুদরঞ্জন মল্লিক


বহুরূপী এক বছরদিন বছরদিন ধরি ভাবে,
গোবিন্দজীর রূপা সে যা করেই হ'ক পাবে।
নানা বোল্ নানা বেশে হায় ভুসিয়াছে বহু জনে,
অতি রূপণের কাছেও অর্থ এনেছে টেনে।
নিপুণতা তার অতুলন বিপুল পুলক চিতে,
ধারণা তাহার পারিবেই ভগবানে টলাইতে।

ভাবিতে ভাবিতে নিশিদিন হল সে পাগল মত,
মন্দির-দ্বারে প্রতিদিন করে হাবভাব কত,
কাবুলি সাজিয়া টাকা চায়, হাঘ'রে সাজিয়া নাচে,
সন্ন্যাসী সাজি গীত গায়, পাগলিনী সাজি যাচে।
নিরাশ হইয়া ফিরে যায় তবু বাধা নাহি মানে,
দেবতা তাহার রসময়, রসিক সে কথা জানে।

পাণ্ডা তাহারে সাজে এক ডাকি কন চুপি চুপি,
দেবতারও জেনো বহুরূপ, তিনিও যে বহুরূপী।
খেলা দেখাইয়া ভূলাবার ও বড় কঠিন ঠাই
গলেনাক জল হাতে গুঁর, লাভের ভরসা নাই।
শুনি বহুরূপী খুসী খুব, ভাবে মনে মনে আজি,
হাঘ'রে এসেছি দেখাতে হাবরের ঘরে বাজি।

একাকী পাইয়া দেবতায় বহুরূপী বলে জোরে,
দিতে হবে নাক কিছু আর, আছ কেন চুপ করে।
প্রাণ ভরে আজ কথা কও চলে যাই ভালবাসি
সহসা ফুটল দেবতার মুখে থিল্ থিল্ হাসি।

* * *
বহুরূপী আর আসে নাই, মোরা পথ চেয়ে থাকি
সম-ব্যবসায়ী দুজনায় এক হয়ে গেল নাকি ?



অস্তাচল

শ্রীহীরেন্দ্রনারায়ণ মুখোপাধ্যায় কাব্যবিনোদ বি-এ

(৬)

বনবিহারী বাবু প্রত্যহই আসিয়া মিঃ রায়কে দেখিয়া যাইতেন। মাড়োয়ারী হাঁসপাতালের ডাক্তার বংশীধর বাবুও যথাসাধ্য চেষ্টা ও তত্বাবধান করিয়া মেজরের চিকিৎসা বিষয়ে সাহায্য করিয়াছিলেন; কিন্তু তাঁহার অল্পমতই কমিল না। জ্বর ও বুকের বেদনা সমান ভাবেই ছিল। অনি আহার নিদ্রা ত্যাগ করিয়া সর্ব-প্রয়ত্নে মেজরের সেবায় আত্মনিয়োগ করিয়াছিল। ডাক্তার যথেষ্ট সাহস ও আশা দিলেও, অনি ভরসা করিতে পারিতেছিল না। তাহার মনে সর্বদাই আশঙ্কা হইতেছিল।

অনি যে নিজের ভবিষ্যৎ ভাবিয়াই অধিক বিহ্বল হইয়াছিল, তাহা নহে, যদিও মেজরের বর্তমান জীবনের উপর তাহার ভবিষ্যৎ জীবনের অনেক কিছুই নির্ভর করিতেছিল। মেজরের অল্পস্থ অবস্থায় অনি যেদিন তাঁহার সাংসারিক ও পারিবারিক অবস্থার বিষয় সম্পূর্ণরূপে জানিতে পারিয়াছিল, সেই দিন হইতেই যেন তাহার নারীর স্বভাব-কোমলতা আধকতর ব্যথিত হইয়া উঠিয়াছিল। অনি জানিত যে মেজর কৰ্মস্থানে একাকী, কিন্তু তাঁহার পশ্চাতের ইতিহাসের পাতাগুলিও যে তাহারই স্থায় শূন্য ও মরুময় হইয়া গিয়াছিল, তাহা সে পূর্বে কখনই ভাবিতে পারে নাই। অনি যেদিন মেজরের অল্পস্থতার কথা বাড়ীতে জানাইবার জন্ম তাঁহার অল্পমতি চাহিতে গিয়াছিল, সেদিন মেজরের সেই বেদনা-ম্লান মুখ ও একটা বুকভাঙা দীর্ঘনিশ্বাস যেন অনিকে পলকে আত্মহারা করিয়া দিল। একসঙ্গে তাহার স্নেহ, দয়া, মায়া প্রভৃতি কোমলতার ষাবতীয় সম্পদ যেন আর্জনাৎ করিয়া উঠিয়া-

ছিল। হায়! পুরুষ! তোমার কৰ্মশ্রান্ত জীবনকে তো তুমি স্বহস্তে সজীব করিয়া রাখিতে পার না। তুমি অদম্য উৎসাহে অগ্রসর হইয়া যাও; উৎসাহ তোমার কৰ্মকে বাঁচাইয়া রাখে। কিন্তু তোমার সেই ক্লান্ত ও রক্ষ উৎসাহকে সজীব করিয়া রাখে যে তোমার মাতা, পত্নী, ভগিনী ও কন্যা, তাহাদের সেই স্নিগ্ধতার শান্তিধারায় স্নান করাইয়া। সে যে প্রকৃতির নিয়ম,—দেবতার দান। সেই স্নেহ ও সেবাই যে তোমার যুদ্ধশ্রান্ত জীবনকে ঘুম পাড়াইয়া রাখে।

রাত্রিদিন মেজরের শয্যাপার্শ্বে বসিয়া অনি তাঁহার সেবা করিতেছিল; সে সেবার ক্লান্তি ছিল না, অবসাদ ছিল না। মেজরের সেবায় আত্মোৎসর্গ করিয়া অনি নিজেকে ধন্য মনে করিতেছিল; কিন্তু সেবার তৃপ্তিতে সে প্রীত হইতে পারিতেছিল না। মেজরের নিকট সে খণী ছিল সত্য। যিনি প্রতিদানের প্রত্যাশা রাখিতেন না, যাহাকে প্রতিদান দিবার মত তাহারো কোন সম্বল ছিল না, সেই মহাজনের ঋণভার সাধ্যমত লাঘব করিতে চাহিয়াছিল অনি, তাঁহার সেবায় নিজেকে উৎসর্গ করিয়া। কিন্তু রোগশয্যা-পার্শ্বে এই নিশ্চয় সেবার স্বেচ্ছা তো সে কখনই পাইতে চাহে নাই। ঠাকুর! সে আমরণ খণী হইয়া থাকিবে, তাহাতে তো তাহার কোন ক্ষতি নাই। তুমি মহৎকে প্রাণ দিয়াছ, হৃদয় দিয়াছ, শক্তি দিয়াছ,—বিপন্নকে সাহায্য করিবার জন্ম। যে নিরুপায়, তাহাকে সে সাহায্য গ্রহণ করিবার অধিকারও দিয়াছ তুমি; প্রতিদানের অক্ষমতাও দিয়াছ তুমি। এ প্রতিদানের

সুযোগ দিয়া অক্ষমকে আরও বিপন্ন করিয়া তুলিও না প্রভু! যদি সে অধিকার পাই, জন্মান্তরে ফিরিয়া আসিব। আমার মূল্যহীন জীবনের সবটুকু পরমায়ু নিঃশেষে লইয়া, মেজরের জীবনকে সুদীর্ঘ করিয়া দাও; তাঁহাকে ভাল কর না রাখ।

অনি লক্ষ্য করিয়াছিল—মেজর যেন সেদিন অদ্বৈতচারিত ভাবে কাহার নাম করিয়া কলিকাতায় একটা সংবাদ দিবার ইচ্ছা প্রকাশ করিয়াছিলেন। অনি ভালরূপে বুঝিতে না পারিয়া, তাঁহাকে পুনরায় জিজ্ঞাসা করিয়াছিল; কিন্তু মেজর আর কোন উত্তর দেন নাই। সে বুঝিয়াছিল মেজর ইচ্ছা করিয়াই সেটা গোপন করিয়া গেলেন। অনিচ্ছা বশতঃ, মেজর যেটাকে গোপন করিতে চান, অনি তাহা লইয়া আর কোনরূপ পীড়াপীড়ি করিল না।

* * *

অনাহার, অনিদ্রা ও দুশ্চিন্তায় অনির স্বভাব-কমনীয় মুখখানা যেন এই কয়েক দিনের মধ্যেই ছাইয়ের মত মলিন হইয়া গিয়াছিল। তাহার চোখে বুদ্ধিমত্তা ও তেজস্বিতার সে দীপ্তি যেন আর ছিল না। এই দশ বারো দিনের মধ্যেই সব কিছু শুষ্ক ও নিশ্চল হইয়া উঠিয়াছিল।

সেদিন বনবিহারী বাবু অনির এই আকস্মিক পরিবর্তন লক্ষ্য করিয়া বিশেষ দুঃখিত হইয়া বলিলেন—“অণিমা দেী, শরীরের প্রতি এতখানি অবহেলা করা কি আপনার উচিত হ'চ্ছে? এর 'পর আপনিও যদি বিছানা নেন, তখন কি উপায়টা হবে ভাবুন দেখি!”

অনি শুষ্ক একটু হাসিয়া উত্তর দিল “ক্যাপ্টেন, মানুষের চিকিৎসা করা আপনাদের ব্যবসা; সুতরাং তাদের শরীর-বিজ্ঞান সম্বন্ধে আপনাদের যথেষ্টই জ্ঞান থাকা উচিত—উচিত কেন! আছেই। কিন্তু তাই ব'লে যে ব্যবহারিক বিজ্ঞান সম্বন্ধেও আপনাদের বিশেষ পারদর্শিতা আছে—তা তো বোধ হয় না।”

বনবিহারী বাবু সহসা এরূপ একটা অসংলগ্ন উত্তরের কোন তাৎপর্যই বুঝিলেন না। তিনি যেন কতকটা আশ্চর্য হইয়াই অনির মুখের দিকে চাহিয়া জিজ্ঞাসা করিলেন—“তার মানে?”

অনি পুনরায় হাসিয়া উত্তর দিল—“মানে অত্যন্ত সহজ ও শাদা। শরীরের সম্বন্ধে আপনাদের বিজ্ঞানে

যা' সব লেখা আছে, তার একটাও হয় তো মিথ্যে নয়। কিন্তু যাদের উপর সেগুলোকে খাটতে চান, তাদের নিজের নিজের সাধারণ সূত্রগুলো খুব গোপনমলে হ'তে পারে তো! আমি মেনে নিচ্ছি যে, চিন্তাশীল ব্যক্তির মানুষের শরীর রক্ষা সম্বন্ধে যে সব সূত্রগুলো লিখে গেছেন, সেগুলো সম্পূর্ণ সত্যি ও ঠিক; তবে সেই সব সূত্র অমানুষের পক্ষেও খাটবে কি না সেটা সন্দেহজনক। ব্যবহারিক জীবনে মানুষের মধ্যে এত রকমারি স্বভাব গড়ে উঠেছে, যার জন্তে পুঁথির সূত্রগুলো ব্যক্তি নির্বিশেষে খাটে না; বুঝলেন? আপনি স্বীকার ক'রবেন নিশ্চয়ই, যে আশুনের তাপে মুখ ঝলসে যায়। কিন্তু অনবরত হাঁপরের পাশে থেকে থেকে আশুনের তাপ যার হৃৎ হ'য়ে গেছে, তার মুখ কি আর আশুনের তাপে ঝলসাবে?”

বনবিহারী বাবু কথাটা বেশ পরিষ্কার ভাবে বুঝতে না পারিয়া, একটু বিরক্তির সঙ্গেই কহিলেন—“ও সব বাজে কথা ছেড়ে দিন। সময়ে খাওয়া নাওয়া সব ছেড়ে দিয়ে, শরীরটাকে কি ক'রে ফেলেছেন, দেখছেন কি? এত কষ্ট করার আমি কোন দারকারই বুঝি না; একটা নাস কয়েক দিনের জন্তে ঠিক ক'রলে, আপনারও কোন কষ্ট হ'ত না, মেজরেরও সেবা-যত্ন যে ভালই হ'ত তা'তেও কোন সন্দেহ ছিল না। অবশ্য আপনি যে রকম রোগীর যত্ন করেন, তা' হয় তো নাস'রাও সব সময় পেয়ে ওঠে না; কিন্তু তাই ব'লে আপনার নিজের শরীরটাও দেখতে হবে তো!”

“নিজের শরীর তো সব সময়ই দেখছি বনবিহারী বাবু! ওতে আমার কোন কষ্টই হয় না, ওটা আমাদের শরীরের স্বাভাবিক ধর্ম। স্বাভাবিক ধর্মের ব্যতিক্রম ঘটলে, অসুস্থতা ও অশান্তি এসে পড়তে পারে। কিন্তু তার স্বাভাবিকত্ব একটু আধটু কম বেশী হ'লে কিছু ক্ষতি হ'তে পারে কি? সেবাই হচ্ছে নারীর স্বাভাবিক ধর্ম। সেবার জন্তে আমরা জন্মেছি, সেবাতেই আমাদের সার্থকতা। অন্ততঃ যে সমাজ ও জাতীয়তার আদর্শে আমাদের সব কিছু গড়ে ওঠে, সেখানে সেবার বাইরে স্ত্রীলোকের অস্ত্র কোন আদর্শই নাই। এবং আমরাও সেটাকে সর্বান্তঃকরণে মানি।”

বনবিহারী বাবু কিছুদিনের পরিচয়েই অনিকে বিশেষ

ভাবে চিনিয়াছিলেন। তিনি জানিতেন—অনি যেটাকে ধরবে, তাহা হইতে সহজে তাহাকে সরানো যায় না। তথাপি তিনি অনির এই প্রকার যুক্তি সমর্থন করিতে পারিলেন না। বেশ একটু অসন্তুষ্টির সঙ্গেই বলিলেন—“আদর্শ নিয়ে বেঁচে থাকবার যুগ আর নেই অণিমা দেবী! নারীও মানুষ; তারও রক্ত মাংস, স্নেহ দুঃখ সবই আছে। সমাজের ভিতর নারীর যে আদর্শকে খাড়া ক'রে রাখা হ'য়েছে, সেটা কেবলমাত্র পুরুষদের চালঃ—কেবল সর্বতোভাবে নারীর উপর তাদের কর্তৃত্বটাকে অক্ষুণ্ণ রাখবার মতলবে—বুঝলেন! সে চালিয়াতি যতদিন না ধরা পড়েছিল, ততদিন হয় তো তার কোন মূল্য ছিল; আজ আর সেটাকে কোনমতেই সমর্থন করা যায় না। সভ্য দুনিয়ার দরবারে স্বার্থ-পিশাচরা তাদের সে দাবী এখন হারিয়েছে। আপনি শিক্ষিতা হ'য়েও যে সেই সব গোঁড়াধির হাত থেকে মুক্ত হ'তে পারেন নি, সেটা বড়ই দুঃখের কথা। নিজেকে অত ছোট ক'রে দেখবেন না।”

“নিজেকে ছোট ক'রে দেখাটাই বড়, না বড় ক'রে দেখাটাই বড়,—সেটা আমার চেয়ে হয় তো আপনিই ভালো জানেন। সেই চালিয়াতির তথ্য আবিষ্কার ক'রে, আপনার সভ্য জগৎ হয় তো নারীকে তার ছোট আসন থেকে টেনে তুলে বড় আসনের পাশে সমান অধিকারে দাঁড় করিয়ে দিয়েছেন; কিন্তু তাই ব'লে তাদের স্বাভাবিক ধর্মকেও উল্টে দিয়ে তাতে সমান দাবী সাব্যস্ত ক'রতে পেরেছেন কি না সে বিষয়ে আমার যথেষ্টই সন্দেহ আছে। প্রকৃতির কাছ থেকে যে যা পেয়েছে, সেটার উপর ছোট বড়'র সমস্যা এসে কোন পরিবর্তন ঘটতে পারে কি? নারী গর্ভধারণ ক'রবেই; মেহ, মায়ী, মমতা, দুর্বলতা—এগুলো তার থাকবেই। তবে আপনাদের সভ্য দুনিয়ার ‘জন্ম শাসন’ বা ‘বার্থ কন্ট্রোল’ তার কোন আমূল পরিবর্তন ঘটাবে কি না ব'লতে পারি না। যাক, ওই নিয়ে তর্ক ক'রবার সময় এখন নয়, আমার ইচ্ছাও নেই। আপনি যদি বোঝেন যে রোগীর শুশ্রূষার কোন ক্রটি হ'চ্ছে, নাস নিযুক্ত করুন; তাতে আমার কোন দুঃখই নেই। তবে—সেবা ক'রতে যেনে না।”

অনি আর কোন কথা না বলিয়া গভীর ভাবে ঘর

হইতে বাহির হইয়া গেল। সে যেন নিজেই মনে মনে একটু লজ্জিতা হইল। মেজরের শুশ্রূষা করিবার কথা লইয়া তাহার এরূপ কোন তর্ক না করাই ভাল ছিল;—বনবিহারী বাবু কি ভাবিবেন! সত্যই তো! প্রয়োজন হইলে ডাক্তার নাস নিযুক্ত করিবেন; তাহাতে বনবিহারী বাবুর প্রতি এরূপ অকারণ বিরক্তি ও নাস'দের সেবার উপর তাহার এরূপ অবজ্ঞার ভাব আসিবার তো কোন কারণ নাই। অনির মনে হইতেছিল—সে যেন নাস'দিগকে একটা বিদ্রোহের চক্ষু দেখিতেছে; কিন্তু এরূপ বিদ্রোহ ভাব পোষণ করিবার কোন কারণ তো তাহার জীবনে ঘটে নাই। তবে মেজরের সেবার ভার বিন্দুমাত্র ছাড়িয়া দিতেও তাহার প্রাণে এ ঝাঁকানি লাগে কেন? কারণ খুঁজিতে গিয়া অনি অন্তরে একটা লজ্জার ধাক্কা খাইয়া রাঙিয়া উঠিল।

বনবিহারী বাবু বাহিরের খোলা বারান্দায় আসিয়া ইজি চেয়ারখানার উপর বসিয়া পড়িলেন। তিনি অবাক হইয়া ভাবিতেছিলেন এই নারীটার প্রকৃতির কথা। অনিকে যেন তিনি চিনিয়াও চিনিতে পারিতে-ছিলেন না। অনির স্বাভাবিক প্রকৃতি, কথাবার্তার ভঙ্গী, চালচলন প্রভৃতি সব কিছুই যেন তাহার শাস্ত ও স্নিগ্ধ রূপের কোমলতার সঙ্গে সামঞ্জস্য রাখিয়া ফুটিয়া উঠে। গোরাঙ্গী না হইলেও তাহার অভ্যুজ্জল শ্রামবর্ণের মধ্যে এমন একটা দীপ্ত অথচ মৃদু ও কোমল সৌন্দর্য আছে, যাহাতে তাহাকে একটা তৃপ্তামল ছায়াকুঞ্জ বলিয়া মনে হয়; কিন্তু সে স্নিগ্ধতার অন্তরের বিরটি-তেজস্বিতা দেখিলে মনে হয় যে যেন একটা ভীষণ আগ্নেয়গিরি। বাহিরের প্রকৃতি শান্তশ্রামল, কিন্তু অন্তর তেজস্বিতার বহির্নিখায় প্রদীপ্ত।

নিজের কথাবার্তার ক্রটিটুকু চাকিয়া লইবার জন্য অনি তাড়াতাড়ি বনবিহারীর উদ্দেশে ফিরিয়া আসিতেছিল। তাহার ধারণা হইয়াছিল—বোধ হয় বনবিহারী বাবু তাহার এরূপ বাচালতায় একটু অপ্রীত হইয়াছেন। কিন্তু বারান্দার সম্মুখ পর্যন্ত আসিয়াই সেই নির্বিকার কাব্য-মাতালের ভাবটুকু চোখে পড়িতে, অনির সে ধারণা কাটিরী গেল; সে যেন মনে মনে একটু সোঁয়াস্তি অনুভব করিল। বনবিহারী তখন আপন

মনে মাথা দোলাইয়া তুড়ি দিতে দিতে আবৃত্তি করিতেছিলেন—

রে চপলা, হাশ্র সে তোর
স্বপ্ন আলোয় মাথা !
গোপন বৃকের অন্তরালে,
প্রলয় তেজের বহি জলে ;
প্রাণ কাঁপানো সুরের আশুন
ঘুমের নেশায় ঢাকা ॥

(৭)

অনির অক্লান্ত সেবা ও বনবিহারী বাবুর সম্বন্ধ চিকিৎসায় মেজর উনিশ দিন রোগ ভোগের পর উঠিয়া বসিলেন। মেজরের রোগমুক্তিতে অনির মন একটা শান্তি ও তৃপ্তির গোরবে ভরিয়া উঠিয়াছিল। তাহার চির-ব্যর্থ সেবা যে সার্থক হইবে অনি তাহা কল্পনাও করিতে পারে নাই। কিন্তু সে শান্তিও অধিকক্ষণ স্থায়ী হইতে পারে নাই। মেজর সারিয়া উঠিলেন; নিজের কর্তব্য ও শ্রদ্ধা সব কিছুই দিক্ দিয়াই অনি এতদিন তাঁহাকে ছাড়িয়া যাইতে পারে নাই; কিন্তু এখন তো আর নিশ্চেষ্ট ভাবে মেজরের স্বন্ধে ভর করিয়া বসিয়া থাকা চলে না। নিজের জীবন-সংগ্রামে তাহাকে নাগিয়া পড়িতেই হইবে। ষাঁহার নিকট সে সহস্ররূপে ঋণী হইয়া পড়িয়াছে, তাঁহার ঋণভার আর মাল্লু কত বাড়াইতে পারে! অনি তাহার জীবিকা অর্জনের একটা পথ খুঁজিয়া লইবার জন্ত ভিতরে ভিতরে সচেষ্ট হইয়া উঠিতেছিল। দাতার হস্ত চির-মুক্ত হইতে পারে, কিন্তু নির্দিষ্ট গ্রহীতার সে দান গ্রহণে অবাধ-হস্ত হওয়াকে অনি যেন অন্তরের সহিত সমর্থন করিতে পারিতেছিল না। বন্ধুত্বের দাবীরও একটা সীমা আছে।

* * * *

সন্ধ্যার সময় মেজরকে ঔষধ খাওয়াইয়া অনি তাহার পড়ার ঘরে আসিয়া বসিল। মেজরের অস্বস্তির দিন হইতে আরম্ভ করিয়া আজ প্রায় তিন সপ্তাহেরও অধিক অনি তাহার পড়ার ঘরে আসে নাই। টেবিল ও আলমারির চারিদিকে ধূলা জমিয়া উঠিয়াছে; এ মাসের দৈনিক, সাপ্তাহিক ও মাসিক পত্রিকাগুলি যে অবস্থায়

আসিয়াছিল, ঠিক সেই ভাবেই এখনো পড়িয়া আছে। লাইব্রেরী ঘরের অবস্থা দেখিয়া অনির মনে হইল ইহার পূর্ব অবস্থার কথা! সে যেদিন প্রথম আসিয়া এই ঘরখানির সহিত পরিচিত হইয়াছিল, সে দিন যে অবস্থায় সে ইহাকে দেখিয়াছিল—আজকার অবস্থার সঙ্গে তাহার বিশেষ কোন পার্থক্যই নাই। তবে সাময়িক-পত্র ও বইএর সংখ্যা পূর্ব অপেক্ষা অনেক বেশী হইয়াছে। অনির অবসর সময়ের খোরাক জোগাইবার জন্তই মেজর বহু অর্থ ব্যয় করিয়া ইহার পুষ্টি সাধন করিতেছিলেন। সে কথা তিনি না স্বীকার করিলেও, অনির বৃষ্টিতে কণামাত্র বাকী ছিল না। সরঞ্জাম বজায় রাখিলেও লাইব্রেরীর সহিত সম্পর্ক রাখিবার অবসর মেজরের খুব কমই ঘটয়া উঠিত।

অনির শরীরটা অত্যন্ত অবসাদগ্রস্ত হইয়া পড়িয়াছিল; তখন আর ঘরের সংস্কার করিতে তাহার ইচ্ছা হইল না। খবরের কাগজখানা হাতে করিয়া খোলা জানালার পাশে চেয়ারখানা টানিয়া লইয়া অনি বসিয়া পড়িল। দেশ বিদেশের সংবাদ দেখিবার প্রবৃত্তি তখন তাহার ছিল না; নিজের ভবিষ্যৎ চিন্তা তাহাকে যথেষ্ট রূপেই পাইয়া বসিয়াছিল। যে কোন একটা উপায় তাহাকে অবলম্বন করিতে হইবেই। মেজর হিতৈষী ও মহৎ বন্ধু হইলেও—তাঁহার সাহায্যে—তাঁহারই ভাগ্যোপজীবী হইয়া গে অনি বাস করিতে পারে না; তিনি নিঃসম্পর্কীয়। অনিরও সমাজ আছে, মেজরেরও সমাজ আছে; সে সমাজ পরস্পর বিভিন্ন হইলেও সমাজ; তাহার বিধি ব্যবস্থা মাল্লুকে মানিয়া চলিতেই হইবে। বন্ধুত্বের দাবী যতই পবিত্র হউক; সে নারী—মেজর পুরুষ! সমাজ এ দাবী কখনই সমর্থন করিবে না। লোকালয়ে বাস করিতে হইলে লোকমতকে অবহেলা করিয়া চলা যায় না।

অনি বসিয়া বসিয়া “কর্মখালি”র ছত্রগুলির ভিতর তাহার কর্মজীবনের নির্দেশ খুঁজিতেছিল। কত দূর দেশের বিভিন্ন প্রকারের আহ্বান বহিয়া সংবাদপত্র কর্মপ্রার্থীর দ্বারে দ্বারে ঘুরিয়া বেড়াইতেছে। অভাবের তাড়নায় মাল্লু ছুটিয়া বাহির হইবে, এই আহ্বানে তাহার ভাই-বন্ধু, আত্মীয়-স্বজনকে ছাড়িয়া সেই স্বপ্ন

বাসের পথে। এই অভাব মেহের ধার ধারে না; বন্ধুত্বের সহায়তাকে সে মুছিয়া ফেলে। অদৃষ্টের সঘেষণে গৃহীকে উদাস করিয়া বাহির করে। তাহাকেও বাহির হইয়া পড়িতে হইবে—নিজের অদৃষ্টের সঘেষণে—একই পথে। তবে তাহার আকর্ষণের বালাই নাই; সমস্ত ঝাঞ্জন আপনা আপনিই ছিঁড়িয়া তাহার পথ পরিষ্কার করিয়া দিয়াছে।

আবার নূতন করিয়া ঘর ছাড়িয়া বাহির হইবার কথা ভাবিতে অনির চক্ষু দুইটা ভারি হইয়া আসিতেছিল। এই দুই তিন মাসের ঘনিষ্ঠতায় এখানকার সব কিছুই যেন তাহার তাহাকে আকর্ষণ করিয়া ফেলিয়াছে; এই ঘর বাড়ী, মেজরের এই মহৎ ও সুদৃঢ় আশ্রয়। মেজরের সহায়ত ও মেহের কথা ভাবিতে সহসা অনি যেন একটা অকল্পিত আনন্দ ও ভীতিতে শিহরিয়া উঠিল। এ শিহরণ সে জীবনে কখনো অনুভব করে নাই। একটা গুজাত আনন্দের রঙিন তুলি অলক্ষ্যে তাহার সমস্ত বৃকের ভিতর কে যেন টানিয়া দিল; কিন্তু পরমুহুর্তেই একটা বিতর্কিত কালো ছায়া সেই গোলাপী আভার রঙানো চিত্রপটকে গাঢ় মসির প্রলেপে ভরিয়া দিল। অনি ভয়ে কাঁপিয়া উঠিল; তাহার বিবেক যেন নিমেষে তাহার সমস্ত চিত্তবৃত্তিগুলিকে লাঞ্চিত করিয়া তুলিল। খবরের কাগজ-পানিকে ছুড়িয়া ফেলিয়া অনি দৃঢ়মুষ্টিতে জানালার গরাদে দুইটিকে ধরিয়া উঠিয়া দাঁড়াইল। অকারণ বিহ্বলতার উপাত্ত অশ্রুকে বোধ করিবার জন্ত অনি দস্তে ওষ্ঠ চাপিয়া বাহিরের অন্ধকারের দিকে চাহিয়া রহিল। কাল-বৈশাখীর ঐশ্বর্য মেঘ পাগল হাওয়ার সঙ্গে মাতামাতি করিয়া তখন সমস্ত প্রকৃতিকে কাঁপাইয়া ফিরিতেছিল। স্থির দৃষ্টিতে যদি আকাশের পানে চাহিয়া ছিল; এ যেন তাহারই বৃকের একটা প্রতিচ্ছবি! দূরে অন্ধকারের বুক চিরিয়া বৃষ্টিতে যে উজ্জ্বল রেখা ফুটিয়া উঠিয়াছিল, তাহা মনেমেই আবার সেই গাঢ় কালিমায় মিলাইয়া গিয়াছে।

অন্তরের সহিত কয়েক মুহূর্ত যুদ্ধ করিয়াই অনির মনটা গভীর হইয়া উঠিয়াছিল। যখন বয় আসিয়া জানাইল, বাহিরের হৃৎ ও রুটা গরম করা হইয়াছে, অনি মুখ না কাঁপাইয়াই দৃঢ় অচ নিমন্ত্রণে তাহাকে বলিয়া দিল মেজরকে খাওয়াইবার জন্ত। অনির একরূপ গাভীর্ঘ দেখিয়া

বয় আর কোন কথা বলিবার সাহস পাইল না; সে ধীরে ধীরে ঘর হইতে বাহির হইয়া গেল। অনি অবসন্নভাবে চেয়ারখানার উপর বসিয়া পড়িল। আজ আর মেজরকে খাওয়াইবার জন্ত সে উঠিল না। একটা কথা কেবলই ঘুরিয়া ঘুরিয়া অনির মনে হইতেছিল—‘মেজর-সাহেব ক্রিস্চান! ব্রান্স!’

শিক্ষিত হইয়াও যাহারা নিজের ধর্মের বিরুদ্ধে বিদ্রোহের সৃষ্টি করিয়া নূতন সম্প্রদায় গঠনে যোগদান করিত, নিজের জন্মগত জাতীয়তার গৌরবকে মাথায় লইয়া যাহারা পৃথিবীতে দাঁড়াইতে পারে না, অনি তাহাদিগকে শ্রদ্ধার চক্ষে দেখিতে পারিত না। কিন্তু মেজরের বিষয়ে তাহার সে দৃঢ়তা যেন আপনা আপনি কতকটা শিথিল হইয়া আসিয়াছিল। তাহার দৃঢ়চিত্ত দাদামহাশয়ও মেজরের এই দুর্বলতাকে উপেক্ষা করিয়া মেজরকে শ্রদ্ধার চক্ষেই দেখিয়া-ছিলেন। অনিও সে শ্রদ্ধাকে অমান্য করিতে পারে নাই।

কোনো একটা সূত্র লইয়া অনি যখনই মেজরের কথা ভাবিত, তখনই যেন তাহার মনের মধ্যে একটা অচেনা দম্কা হাওয়া আসিয়া চিন্তার সমস্ত সূত্রগুলিকে ওলট পালট করিয়া জট পাকাইয়া তুলিত। অনি কোনো-রূপেই সে অসোয়াস্তির সমাধান করিয়া উঠিতে পারিত না। আজও নিজের ভবিষ্যৎ জীবনের ও মেজরের কথা ভাবিতে গিয়া অনি সেই জটিলতার জালে জড়াইয়া পড়িয়াছিল। নিষ্কৃতির পথ খুঁজিতে গিয়া আজ শুধু দাদামহাশয়ের শেষ কথাটাই তাহার বারে বারে মনে পড়িতেছিল। তাহার হাত দুইটা ধরিয়া নিজের বৃকের উপর টানিয়া লইয়া দাছ বলিয়াছিলেন—“দিদিমণি, সমাজ আর শাসনের দরকার মাল্লুয়ের সম্পদকে নিরাপদ ক’রে রাখবার জন্তে। বিপন্ন যদি সম্পদের কোনো আশ্রয় পাবার জন্তে সেই সমাজের কোনো একটা গণ্ডীকে ভেঙে ফেলে, তাতে পাপ হয় না। নিয়মিত বিধি বা আইনের একটা সূত্র লঙ্ঘন করা হইলেও, সেই বিধির উদ্দেশ্যকে তো তার দ্বারা ভাল ক’রেই সমর্থন করা হয় দিদি! সমাজ অহুমতি না দিলেও—তোমার দাদুর আদেশ থাকলো।”

দাছকে যথেষ্ট ভক্তি, এবং মেজরকে শ্রদ্ধা করিলেও অনি তাহার দাদুর শেষ উপদেশটা এতদিন কোনরূপেই মাথা পাতিয়া লইতে পারে নাই। আজ মেজরের আশ্রয়

(৮)

ছাড়িয়া যাইবার কথা মনে হইতেই অনি সহসা নিজের বকের ভিতর যে দুর্বলতার ক্ষত দেখিতে পাইল—তাহাতে তাহার নিঃস্বল চিত্ত আর্তনাদ করিয়া উঠিতেছিল। অনি সে দুর্বলতাকে প্রাণপণ চেষ্টাতেও ঝাড়িয়া ফেলিতে পারিতেছিল না। দৃঢ়তার নিষ্ঠুর শাসনে তাহার ক্ষতমুখ হইতে যে রক্তশ্রোত ছুটিতেছিল, তাহার একমাত্র প্রলেপ সে খুঁজিয়া পাইতেছিল দাহুর ঐ কয়েকটা কথার ভিতর। তবুও অনি স্থির হইয়া ভাবিতেছিল—সেটা দাহুর সত্যকার আদেশ, না—স্নেহের কাছে পরাজয় স্বীকার! তাঁহার চিত্তে তো কখনই দুর্বলতা ছিল না!

* * * *

অনেকক্ষণ অশ্রুমনস্কভাবে বসিয়া থাকার পর, সহসা খেয়াল হইতেই অনি চাহিয়া দেখিল—খোলা জানালাপথে বৃষ্টির ছাঁট আসিয়া সব ভিজিয়া গিয়াছে। মেজরের ঘরের জানালা তখনও বন্ধ করা হয় নাই, সে কথা মনে হইতেই অনি তাড়াতাড়ি উঠিয়া মেজরের ঘরে আসিল।

* * * *

মেজর সমস্ত জানালা দরজা আরও ভালরূপে খুলিয়া দিয়া সোফার উপর চোখ বন্ধ করিয়া পড়িয়া ছিলেন। দুখ ও পীড়নটি টিপয়ের উপর ঠাণ্ডা হইয়া পড়িয়া আছে। অনি বুঝিল—মেজর সচেতন, কিন্তু ডাকিয়া কোন সাড়া পাইল না।

মেজরের এরূপ ক্ষুদ্র ক্ষুদ্র অভিমানের সহিত অনি পূর্ব হইতেই পরিচিতা ছিল। মেজর তাঁহার জীবনের প্রত্যেকটা মুহূর্তকে সেই সাময়িক বিশিষ্টতা মাত্র লইয়াই বিচার করিয়া দেখিতেন। জীবনের পশ্চাৎ ও সম্মুখের দিকে চাহিয়া চলিবার ঐশ্বর্য তাঁহার কখনই ছিল না। এক একটা মুহূর্তের তীব্র খেয়াল তাঁহার সমস্ত অতীত ও ভবিষ্যৎকে ছাপাইয়া উঠিত। মেজরের এইরূপ সাময়িক উত্তেজনাগুলিকে অনি উত্তমরূপে চিনিয়াছিল বলিয়াই, দ্বিতীয় কোন চেষ্টা না করিয়া গ্রীন-শেডে আলোটা চাকিয়া দিয়া ঘর হইতে বাহির হইয়া গেল।

অনি যেন ইচ্ছা করিয়াই তাহার সঙ্কোচের উন্মুক্ত রশ্মিকে আবার ধীরে ধীরে টানিয়া তাহার গতি ফিরাইবার চেষ্টা করিতেছিল।

বনবিহারী বাবুর একান্ত অল্পবোধে সেদিন সন্ধ্যায় অনি ও মেজর তাঁহার প্রবাস-কুটারে নিমন্ত্রণ রক্ষার জন্ত উপস্থিত না হইয়া পারিলেন না। এ নিমন্ত্রণে মেজর বিশেষ প্রীতি না হইলেও, অনি আনন্দিত হইয়াছিল। সে তাহার দুশ্চিন্তা-পীড়িত অবসরে এইরূপ একটা অবলম্বনই কয়েক দিন হইতে খুঁজিতেছিল।

মেজরের অপ্রীতির কোন কারণই হয় তো ছিল না। কিন্তু তাঁহার অস্বাভাবিক গাভীর্ষ্য সর্বদার জন্ত এরূপ একটা হেঁয়ালি করিয়া তাঁহাকে চাকিয়া রাখিত, যাহাতে তাঁহার অন্তরের ক্ষুদ্র ভাবও বহির্জগতের চক্ষে একটা অকারণ গুরুত্ব লইয়া চলিত। যাহারা অস্বাভাবিকরূপে গভীর তাহাদের ছদ্ম আবরণ সহজে ভেদ করা যায় না বলিয়াই মানুষ তাহাদের নিতান্ত মূল্যহীন উপাদানগুলিকে সমীহ করিয়া চলে।

* * * *

শেষের কিছুদূরে—প্রকাণ্ড খালটার পাশে, ছোটকটা নিমগাছের সারির আড়ালে ঢাকা বনবিহারী বাবুর মত বাংলা ও রেলকর্মচারীদের ছোট ছোট কয়েকটা একতলা বাসা। পুরানো লাইনের রেলগুলিকে তুলিয়া ফেলিয়া পাথর ও পোড়া কয়লা পিটাইয়া তাহাকেই রাস্তা করা হইয়াছে। বিশ বৎসরের সঞ্চিত পাথর কুচি ও রাশি রাশি ছাই সর্বত্রই এরূপ কায়েনী স্বভে জমিয়া বসিয়াছে যে সমস্ত স্থানটাই যেন মরুভূমির মত শুষ্ক ও নীরস হইয়া গিয়াছে।

বহু যত্নে এই নীরস মাটির বকে উর্বরতা সঞ্চার করিয়া বনবিহারী বাবু তাঁহার বাংলার সংলগ্ন ময়দানটাতে ছোট একখানি সুন্দর বাগান গড়িয়া তুলিয়াছিলেন। চারি দিক লোহার রেলিং দিয়ে ঘেরা; মাঝে মাঝে দেবদারু ও ইউক্যালিপটাস্ মাথা তুলিয়া আছে; তাহারি মাঝে অজস্র এপ্রিকট ও সিঞ্জনের ফোটা ফুলগুলি বাজীখানায় যেন একটা সুন্দর কবিতার মত করিয়া রাখিয়াছে।

ছুরি আর আইডিনের ভিতর দিয়াও যে কাপে তাঁহার কাব্যরচিকে সজীব করিয়া রাখিয়াছিলেন, তজ্জন্য অনি তাঁহাকে সহস্রবার ধন্যবাদ জানাইয়াছিল।

সন্ধ্যার পর মেজর, অনি, বনবিহারী ও তাঁহার

সুলতা বাগানের মার্বেল বেদীটির উপর বসিয়া গল্প জমাইয়া তুলিয়াছিল। সুদূর প্রবাসে অপরিচিতের ভিড়ের মাঝখানে সহসা স্বদেশীকে খুঁজিয়া পাইলে, মানুষ যেরূপ অপ্রত্যাশিত আনন্দে ভরিয়া উঠে, সুলতাকে পাইয়া অনিও সেইরূপ একটা অপূর্ব আনন্দে উৎফুল্ল হইয়া উঠিয়াছিল। সুলতার সহিত নানা গল্পে অনি এতই মাতিয়া গিয়াছিল যে, মেজর ও বনবিহারী বাবুর কথায় যোগ দিবার অবসর তাহার ছিল না।

রাত্রি হইতেছে দেখিয়া বনবিহারী বাবু বয়সকে ডাকিয়া সকলের খাবার ঠিক করিয়া দিতে বলিলেন। হঠাৎ সকলের খাবার কথা শুনিয়াই অনির চমক ভাঙিয়া গেল। তাড়াতাড়ি বনবিহারীর দিকে ফিরিয়া তাঁহাকে নমস্কার করিয়া অনি বিশেষ লজ্জিতা হইয়া কহিল—“মাপ্ করবেন, ক্যাপ্টেন! আমি পূর্বে বলতে ভুলে গেছি। আমার তো—”

বনবিহারী বাবু জানিতেন—অনির কতকগুলি সংস্কার আছে। কিন্তু সে কুসংস্কারের দড়ি যে এখনো তাহার মাকে কাণে টান দিয়া রাখিয়াছে, তাহা ভাবিয়া তিনি যেন বিশেষ আশ্চর্য হইয়াই কহিলেন—“সে কি কথা! সংস্কারের মোহ আপনার এখনো কাটে নি? তা হ’তেই পারে না; গরীবের কুটারে যখন দয়া ক’রে পদার্পণ ক’রেছেন, তখন অন্ততঃ আজকার মত ও-সংস্কারটাকে হাড়তেই হবে। যা হোক একটু কিছু মুখে না দিলে তো মুতে পারে না অনি দেবী।”

অনি হাতজোড় করিয়া বলিল—“ক্ষমা করুন ডাক্তার-বাবু, যা এতদিনেও মন থেকে দূর ক’রতে পারি নি, জোর করে তাকে বেড়ে ফেলবার ক্ষমতা আমার নাই। তবে একথা আমি সর্বান্তঃকরণে স্বীকার করে’ যাচ্ছি যে, আমার তরফ থেকে আপনার আতিথেয়তার কোন ক্রটিই হয় নি। আমি না খেয়েও যে তৃপ্তি ও আনন্দ পেয়েছি, সেটা তার চেয়ে বেশী কখনই পেতুম না।”

বনবিহারী বাবু বুঝিলেন—ইহা অনির একটা ছদ্ম আবরণ। এইখানেই যে তাহার একটা প্রকাণ্ড দুর্বলতা আছে তাহা তিনি জানিতেন। মানুষকে জয় করিবার প্রশস্ত উপায় হইয়া দুর্বলতাকে আক্রমণ করা। সেদিন চেষ্টা করিয়াও বনবিহারী অনিকে হার মানাইতে পারেন নাই; কিন্তু সেই

দুর্বলতাকে পুনরাক্রমণ করিবার লোভ তাঁহার যথেষ্টই ছিল। যাহাকে সহজে আঁটিয়া উঠা যায় না, দুর্বলতার অবসর লইয়া তাহাকে বিব্রত ও বিপর্যস্ত করিয়া তুলিবার চেষ্টা করিতে তিনি ক্রটি করিতেন না। বনবিহারী বাবু বেশ বাঁঝের সঙ্গেই বলিয়া উঠিলেন—“তুনিয়ায় শুধু নিজের তরফের তৃপ্তিটা দেখলেই চলে না; পরের তরফ বলেও একটা জিনিষ আছে। মাপ্ করবেন; আপনাদের এই যে সংকীর্ণতা—যা শুধু নিজের তরফটাকেই দেখতে শিখিয়েছে—তার মূল কারণ ঐ কুসংস্কারের পচা আবর্জনা। ওই আবর্জনাই আমাদের সমাজ, দেশ, জাতীয়তা—সব কিছুকেই পঙ্কিল ক’রে তুলেছে। এইটাই সব চেয়ে দুঃখের বিষয় যে, শিক্ষিত সম্প্রদায়ও এই সব আবর্জনাগুলোকে বে’ড়ে ফেলে, ভিতরটাকে পরিষ্কার ক’রে ফেলতে পারে নি। ঐ সব বাজে সংস্কার,—না আছে তার কোন বৈজ্ঞানিক ভিত্তি, না আছে কোন বাস্তব মূল্য—বেড়াজালের মত ঘিরে ঘিরে দেশটাকে উচ্ছন্নের পথে টেনে নিয়ে গেছে,—জাতিটাকে অধঃপতনের চরম সীমায় এনে দাঁড় করিয়েছে। এ বাঁধন যতদিন না ছিঁড়ে, ততদিন বিশ্বমানবের পাশে দাঁড়াবার যোগ্যতা পাওয়া আমাদের পক্ষে অসম্ভব। শিক্ষা পেয়েও যাদের সে জ্ঞান হয় না, তাদের শিক্ষার কোনই মূল্য নেই; তা’দিকে শিক্ষিত বলে ধারণা ক’রতেই আমি পারি না।”

বনবিহারী বাবুর কথার মধ্যে যে উষ্ণতা ছিল, তাহা উপলব্ধি করিলেও অনি বেশ ধীর অথচ দৃঢ়ভাবে বলিল—“ওই নিয়ে তর্ক ক’রবার ইচ্ছা আমার নেই, ক্যাপ্টেন! জীবনের পথে যার যা ভাল লাগে সে তাই নিয়ে চলবে; তাতে সমালোচনার কিছু নেই। তবে মুখ যে ভুলটা ক’রে চ’লছে—আপনারাও যে সেই ভুলটাকে পরিত্যাগ ক’রবার চেষ্টায় নতুন ভুলে জড়িয়ে যাচ্ছেন কেন, সেইটা আমি বুঝতে পার’চ্ছি না। একটা বিধিবদ্ধ সামাজিক রীতিকে অবিচারিতভাবে মেনে চলাই যদি সংস্কার হয়, তবে সর্বপ্রথমে সেই সব সংস্কারকে অবিচারিত ভাবে শুধু ‘সংস্কার’ বলেই বাদ দিয়েও ঘৃণা ক’রে চ’লবার বিধিবদ্ধ রীতিটাও কি সংস্কার নয়? সংস্কার হ’লেই কি সেটাকে ঘৃণা ক’রতে হবে? বিশেষতঃ আপনি যাকে সংস্কার

বলেন—তা যে ছুনিয়ায় নেই কোন্ জাতির, তা ঠিক বুঝে উঠতে পারি না।”

অনির কথায় বাধা দিয়া বনবিহারীবাবু বলিলেন—“তা ব’লবেন না অগ্নিমা দেবী। ছুনিয়ার সভ্য জাতিদের যদিও কোনো সংস্কার থাকে, তবে সে সংস্কারের নিশ্চয় কোনো একটা বৈজ্ঞানিক মূল্য আছে। নিছক গোঁড়ামি যাকে বলে, তা তাদের নেই।”

পূর্ববৎ ধীরভাবেই অনি বলিয়া চলিল—“তা নয় ক্যাপ্টেন, সকল জাতিরই এমন অনেক সংস্কার আছে, যার বৈজ্ঞানিক মূল্য মিলবে না। তবুও সেগুলোকে তারা মানে, কারণ সেগুলো তাদের সাম্প্রদায়িক বা জাতীয় বৈশিষ্ট্য; এক কথায় যাকে ‘স্বাতন্ত্র্য’ বলা যেতে পারে। বুঝলেন?”—ঈশৎ হাসিয়া অনি বনবিহারীর পানে চাহিল।

বনবিহারী বোধ হয় তাহাতে আরও একটু জলিয়া উঠিয়া বেশ বাঁয়ের সঙ্গেই কি বলিতে যাইতেছিলেন; কিন্তু অনি তাড়াতাড়ি তাঁহার কথায় বাধা দিয়া বলিল—“আর আপনি যে ব’লছিলেন—‘ভিত্তিহীন সংস্কারগুলোই জাতির উন্নতির পথ রোধ করে দাঁড়িয়েছে, বিশ্ব-প্রেম ক’রবার মত আমাদের অন্তরকে প্রশস্ত হ’য়ে উঠতে দিচ্ছে না।’ সেটা মস্ত ভুল। ঐ আবর্জনাই আমাদের পথ রোধ ক’রছে, না—তাকে না-জেনে না-চিনে, আবর্জনা ব’লে ঘৃণা ক’রবার সক্ষমতা আমাদের পথ রোধ ক’রছে, তা ঠিক বলা যায় না। আমার মনে হয়, ‘নিজস্ব’কে অবহেলা ক’রে, ‘পরস্ব’কে পূজা ক’রবার কাপুরুষতাই আমাদের পিছিয়ে রেখেছে। যে মা-ভাইকে ভালবাসতে পারে না, তার পক্ষে বিশ্ব-সেবায় আত্মনিয়োগ ক’রবার ইচ্ছাটা নিতান্ত বাতুলতা নয় কি? জন্মগত বৈশিষ্ট্যকে বিসর্জন দিয়েও দশা কতকটা তাই ঘটে; সিঁড়ি ভেঙে ফেলে চারতলায় উঠবার পথ পরিষ্কার করার মত। কবিকল্পনার বিশ্ব-প্রেম আর বাস্তব বিশ্ব-প্রেমে অনেক তফাৎ। নিজস্বকেই ব্যাপ্ত ক’রে নিয়ে পরস্বের সঙ্গে মিল করাতে হবে; ছেঁটে ফেলে নয়।”

“তা’ কখনই হ’তে পারে না অনিদেবী। নিজস্ব বৈশিষ্ট্যের ভিত্তিকে যদি মূল্যহীন ব’লে বুঝতে পারি, তবে সেটাকে ত্যাগ ক’রতেই হবে। যা মেনে চলে’ এতকাল কোন লাভই হয় নি, সেটা যে কেবলমাত্র ভার হ’য়ে

আমাদের ঘাড়ে চেপে আছে, তা আপনাকে স্বীকার ক’রতেই হবে। ঐ ভার যত দিন ঘাড় থেকে না নামবে, ততদিন আমাদের কোন আশাই নেই। এতদিন হয়তো মূল্য যাচাই ক’রতে পারে নি ব’লে লোকে তাকে মেনে এসেছে।”

“তা হবে। তবে এ জাতি যেদিন স্বাধীনতা ও সভ্যতার শীর্ষ স্থান অধিকার ক’রেছিল, সেদিনও তাদের ঐ বৈশিষ্ট্য ছিল। নিজেদের গৌরবের জন্তে তারা বুক পেতে দিতে পেরেছিল ব’লেই তাদের আসন তারা বিশ্বগৌরবের মাঝখানে দাঁড় করাতে পেরেছিল। পরের মর্যাদাকে পূজা ক’রতে গিয়ে তারা নিজের স্বাতন্ত্র্যকে বিসর্জন দেয় নি। আপনি কি ব’লতে চান যে, তারা ঐ বৈশিষ্ট্যের মূল্য যাচাই ক’রতে পারে নি ব’লেই তাকে মেনে চলেছে!” বলিয়াই অনি একটু হাসিল।

বনবিহারীবাবু তাহা লক্ষ্য করিয়া একটু বিরক্ত হইয়া বলিলেন—“আপনার যুক্তির কোন মাথাযুগুই নেই অগ্নিমা দেবী। সভ্য জগৎ যাকে মূল্যহীন বলে’ বুঝতে পেরেছে, তা যে মূল্যহীন তাতে কোন সন্দেহই নেই। বাস্তব জীবে আমরা ওসবের কোন মূল্য বুঝতে পারি না; স্বতরাং তাকে মাথায় তুলে নিয়ে, অকারণ নিজের মূর্ত্তাকে জাহির করা হয়। এতে কোন লাভই নেই, বুঝলেন!”

অনি পুনরায় বেশ দৃঢ় ও গম্ভীর হইয়াই বলিল—“লাভ আছে কি না আছে তা নিয়ে তর্ক চলে না। ঐ এত দিন যাতে কোন লোকসান হয় নি, তাকে বাদ দিয়ে যে লাভ হবে তার কোন মানে নেই। মূল্য যাচাই ক’রতে বলচেন; কিন্তু এটা মনে রাখবেন বনবিহারীবাবু—ত্যাগের ভিতর দিয়ে যার প্রতিষ্ঠা পড়ে উঠেছে, তাহা ভোগের ভিতরে বসে’ তার ওজন যাচাই করা যায় না। তাতে সব কিছুই বিকৃত বলে’ মনে হয়। যার বাস্তব মূল্য আমরা বুঝতে পারি না, তার সবগুলোকেই বাদ দিয়ে চ’লতে হয়, তা হ’লে তো দেখছি শেষ পর্যন্ত পুরোদস্তুর নাস্তিক হ’য়ে উঠতে হবে।”

অনির কথা শেষ না হইতেই সুলতা তাড়াতাড়ি বলিয়া উঠিল—“তা কি আর ব’লতে দিদি! ঔর মত পুঁজি নাস্তিক আর ছুটি নেই। ঔর সঙ্গে তর্ক করা মানে উনি ভাঙবেন—তবুও হুইবেন না।”

সুলতা এতক্ষণ অবাঁক হইয়া ইহাদের যুক্তিতর্ক শুনিতেছিল। অনির ভিতরে যে এত কথা বলিবার শক্তি আছে, তাহা সে ভাবিতেই পারে নাই। স্বামীর নাস্তিকতাকে সে সর্বদা মানিয়া লইতে পারিত না বলিয়া, অনেক দিন অনেক কথা লইয়া তাঁহার সহিত তর্ক করিয়াছে; কিন্তু তাঁহাকে আঁটিয়া উঠিতে পারে নাই। অনির নিকট তাঁহাকে বিরত হইতে দেখিয়া সুলতা বেশ একটু আশোদ পাইতেছিল; যদিও তাহার অন্তরের গোপন ইচ্ছাশক্তি স্বামীকে জয়ী করিবার জন্ত যথেষ্টই চেষ্টা করিয়াছিল।

সুলতার হাতখানাকে চাপিয়া ধরিয়া অনি হাসিয়া বলিল—“নাস্তিক তো আমরা সবাই বোন্! তবে তফাৎটা হ’ছে এই যে—নাস্তিক হ’লেও আমরা মূর্খ। ঔদের মত বিজ্ঞবুদ্ধির দৌড় তো নেই; কাজে কাজেই ঔদের সঙ্গে পাল্লা দিয়ে আমরা চ’লতে পারি না। বিদ্বান্ যদি নাস্তিক হন, তবে তাঁর নাস্তিকতা ও অবিশ্বাসের সীমা মূর্খ নাস্তিকের গণ্ডিকে ছাড়িয়ে যায়। তিনি তাঁর জ্ঞান-গরিমার যে সব মূল্যবান সংস্কারকেও তুচ্ছ ক’রে অবহেলার সঙ্গে পায়ে দ’লে যান, মূর্খ তা’ পারে না। নিজের অজ্ঞতায় মূর্খ যে সংস্কারের রুদ্ধদ্বারে প্রবেশ ক’রতে পারে না, উর্কর-মস্তিষ্ক পণ্ডিতের মত অহুমান ও কল্পনাপ্রসূত সিদ্ধান্তের সাহায্যে সে বিষয়ের সমৃদ্ধি অস্বীকার ক’রতে তা’র একটা অজ্ঞাত সঙ্কোচ আসে। মূর্খ যেটাকে ভক্তি করে না, সেটাকে ভয় করে, অন্ততঃ যত দিন শক্তির মল্ল পরীক্ষায় সে জয়লাভ ক’রতে না পারে।”



কথায় কথায় রাত্রি অনেক হইয়াছে দেখিয়া, বনবিহারীবাবু সহসা তাঁহার অভ্যস্ত হাসিতে সমস্ত বাঁধ ভাঙিয়া দিয়া বলিয়া উঠিলেন—“আর নয়; আজও না হয় আমিই হার মেনে নিচ্ছি। রাত্রি অনেক হ’য়ে গেছে। অন্ততঃ একটু জলযোগ ক’রেও আমাকে সুখী ক’রবেন বলে’ আশা করি অগ্নিমা দেবী।”

মেজর এতক্ষণ মৌনভাবে বসিয়া ইহাদের আলোচনা শুনিতেছিলেন হঠাৎ একটা ধাক্কা খাইয়াই যেন তাড়াতাড়ি বলিয়া উঠিলেন—“ব্রেভো! ক্যাপ্টেন! আমার কাছে যেটা শুধু দীর্ঘনিশ্বাসের রূপ নিয়ে বেরিয়ে এসেছিল, আপনি যে তার স্বরূপটাকেই পেয়েছেন, তার জন্ত আপনার সৌভাগ্যকে ধন্যবাদ না দিয়ে পারি না।”

এ কথার তাৎপর্য বনবিহারী বাবু কিছুই বুঝিলেন না, কিন্তু অনি অতৃষ্ণিক মুখে ফিরাইয়া বলিল—“এ বিকৃত-স্বরূপ আবিষ্কারের কৃতিত্ব ঔর সৌভাগ্যের, না উর্কর কল্পনার—তা উনিই ভালো জানেন।”

মেজর রায়ের মুখে যেন একটা অস্পষ্ট হাসির রেখা ফুটিয়া উঠিয়াই মিলাইয়া গেল। স্বপ্ন-আলোকিত অন্ধকারের মধ্যে তাহা কেহই লক্ষ্য করিতে পারিল না। বনবিহারীবাবু মেজরের হাত ধরিয়া তাঁহাকে ডাইনিং রুমে লইয়া চলিলেন; অনি বসিয়া ইতস্ততঃ করিতেছিল।

সুলতা একখানি খালায় করিয়া কতকগুলি ফল আনিয়া অনির সম্মুখে উপস্থিত করিল। এ ব্যবস্থা বনবিহারী বাবুই পূর্ব হইতে করিয়া রাখিয়াছিলেন; কিন্তু অনি তাহা বুঝিতে পারে নাই। (ক্রমশঃ)

রবীন্দ্র-জয়ন্তী *

ডাক্তার শ্রীমরেশচন্দ্র সেনগুপ্ত এম-এ, ডি-এল

বাঙ্গালার আজ মহাসৌভাগ্য। ষাঁহার গৌরবে আজ এ দেশ গৌরবান্বিত, আমরা সেই কবির সপ্ততি বৎসরের উৎসব করিতেছি। এ সৌভাগ্য-এ অভাগ্য দেশের কদাচিৎ ঘটে। যে সব মহাপুরুষ জন্মগ্রহণ করিয়া এ দেশের গৌরব বর্দ্ধন করিয়াছেন, তাঁরা প্রায়ই অকালে বিদায় লইয়াছেন—সত্তর বৎসর প্রায় কেহই অতিক্রম করেন নাই। আজ এ দুর্নিয়মের দুইটি উজ্জ্বল ব্যতিক্রম বাঙ্গালার অশেষ সৌভাগ্য সূচনা করিতেছে। একটি রবীন্দ্রনাথ, আর অপরটি তাঁরই অভিন্নহৃদয় স্তূহাদ্ জগদীশচন্দ্র।

আরও সৌভাগ্যের কথা এই যে সত্তর বৎসর বয়ঃক্রমে রবীন্দ্রনাথ স্থবির বা নিষ্ক্রিয় নহেন; তাঁর প্রতিভা আজও পরিপূর্ণ গৌরবে দেদীপ্যমান। আজ আমরা ষাঁর পূজায় সমবেত হইয়াছি, সে রবি অস্তাচলগত ক্ষীণদীপ্তি ভাস্কর নহেন, আজও তাঁর প্রতিভা মধ্যাহ্ন-মার্ভণ্ডের পরিপূর্ণ দীপ্তিতে ভাস্বর। কালের নিয়মে তাঁর শরীরে আজ হয় তো বার্ককোর চিহ্ন স্পর্শ করিয়াছে, কিন্তু অন্তর যে তাঁর আজও “যৌবন বেদনা রসে উচ্ছল”, তাঁর অল্পভূতি ও প্রকাশের শক্তি যে আজও যৌবনের মতই প্রবল ও দ্যুতিমান, সে কথা তিনি না বলিয়া দিলেও আমরা অনায়াসে অনুভব করিতে পারিতাম।

তাই আজ সমস্ত বঙ্গদেশ, সমস্ত ভারত, সমস্ত জগৎ বাঙ্গালার এই গৌরব-রবির আনন্দ-কল্লোলময় স্তবগানে মুখর হইয়া উঠিয়াছে; দিকে দিকে রবীন্দ্র-জয়ন্তীর মঙ্গলগাথা ধ্বনিত হইয়া উঠিয়াছে। মিথিলার কেন্দ্রস্থলে আপনারা তাঁর যে জয়ন্তী-উৎসবের আয়োজন করিয়াছেন, তাহাতে আমাকে যোগদান করিতে আমন্ত্রণ করিয়া আমাকে মহা-সম্মান ও আনন্দ দান করিয়াছেন। আপনাদিগকে আমি কি বলিয়া ধন্যবাদ দিব জানি না।

বিহার আমার কাছে বিদেশ নয়। আমার শৈশবের অনেকগুলি বৎসর এই প্রদেশে কাটিয়াছে। মজঃফরপুরের

অনতিদূরে মোতিহারীতে আমার শৈশবের যে কয়টি আনন্দ-ময় বৎসর কাটিয়াছে তার স্মৃতি যে আমার অন্তরে বিলুপ্ত হয় নাই, ষাঁরা আমার উপভাসগুলি পড়িয়াছেন তাঁহারা সে কথা স্মরণ করিতে পারিবেন। সাহিত্য-সাধনায় আমি কোনও কৃতিত্ব লাভ করিতে পারিয়াছি কি না জানি না, কিন্তু যদি সে সৌভাগ্য আমার হইয়া থাকে, তবে আমি কৃতজ্ঞতার সহিত স্মরণ করিব যে, আমার সে সফলতার প্রথম বীজ উৎপন্ন হইয়াছিল এই দেশে আমার শৈশবে। মোতিহারী স্কুলে পড়িবার সময়ই সাহিত্য-রচনার কল্পনা আমার মস্তিষ্কে প্রথম প্রবেশ করে—সেইখানেই আমি আমার প্রথম কবিতা রচনা করি। কি লিখিয়াছিলাম স্মরণ নাই, স্মরণ করিবার প্রয়োজনও নাই, কেন না স্মরণ করিয়া রাখিবার মত কিছু তখন লিখি নাই। কিন্তু বেশ স্মরণ আছে যে, লিখিবার কল্পনা ও ব্যর্থ চেষ্টা আরম্ভ হইয়াছিল এই দেশেই। স্মতরাং বিহার প্রদেশের আহ্বান আমার কাছে পরম লোভনীয় হইয়াছিল এ কথা বলাই বাহুল্য।

কিন্তু এ তো শুধু বিহারের আহ্বান নয়—এ আহ্বান আপনাদের মুখপাত্র হইয়া পাঠাইয়াছেন ষাঁরা তাঁদের মধ্যে একজন সেই মহীয়সী নারী ষাঁর নাম বঙ্গভারতীয় সভায় স্বর্ণাঙ্করে লিখিত হইয়া গিয়াছে, বঙ্গসাহিত্যের মুকুটমণি-মালিকায় যিনি একটি পরম ভাস্বর রত্ন। শ্রীযুক্তা অল্পরূপা দেবীর কাছে এ আহ্বান আমার পক্ষে এতবড় সম্মান যে আমি ইহাতে যদি একটু অসঙ্গতরূপ গর্ব অনুভব করিয়া থাকি তবে হয় তো আপনারা আমাকে মার্জনা করিবেন।

আপনাদের রবীন্দ্র-জয়ন্তী-উৎসবে সভাপতিত্ব করিতে নিমন্ত্রিত হইয়া তাই আমি নানা কারণে সম্মানিত, গর্বিত ও উল্লসিত হইয়াছি।

রবীন্দ্রনাথ সম্বন্ধে আলোচনা করিতে বসিয়া আমি আপনাদিগকে এমন কোনও কথা বলিতে পারিব না

* মজঃফরপুরে—সভাপতির অভিভাষণ

যাহাতে আপনাদের তাক লাগিয়া যাইবে। তবু রবীন্দ্রনাথকে আমি যেমন ভাবে বুঝিয়াছি, এবং তাঁর গৌরব আমার চোখে যেমন করিয়া লাগিয়াছে, সে সম্বন্ধে গোটা কয়েক কথা আপনাদের কাছে আলোচনা করিব।

রবীন্দ্রনাথের কবিতা আমি যখন প্রথম পড়িয়াছিলাম—সে আজ অনেক দিনের কথা—তখন আমার সব চেয়ে বেশী বিষ্ময় ও আনন্দ হইয়াছিল এই দেখিয়া যে, আমার মনের ভিতর যে সব অস্পষ্ট অল্পভূতি উকি বুঁকি মারে, সেই সব কথা তিনি অপূর্ব সুন্দর ভাষায় সুস্পষ্ট করিয়া লিখিয়া গিয়াছেন। কৈশোরে ও যৌবনে যখন তাঁর “মানসী” ও “সোণার তরী” পড়িয়াছিলাম, তার পর অপেক্ষাকৃত পরিণত বয়সে যখন তাঁর “চিত্রা” পড়িয়াছিলাম, তখন ঠিক এই কথা মনে হইয়াছিল অনেকগুলি কবিতা পড়িয়া। তার পর বিশ্ববিদ্যালয় হইতে দর্শনশাস্ত্রের বোঝা মাথায় লইয়া যখন বাহির হইলাম, তখন ‘নৈবেদ্য’ পড়িয়া দেখিতে পাইলাম যে, যে-সব তত্ত্ব লইয়া দর্শন এত মাথা খোঁড়াখুঁড়ি করিয়াছে তার কি সরস সুন্দর সুস্পষ্ট প্রকাশ ‘নৈবেদ্যে’র কবিতায়। তার পর, সে বিষ্ময় কাটিয়া গেল, কিন্তু তৃপ্তি রহিয়া গেল। যখন ষাঁহা পড়িয়াছি তখনই অনুভব করিয়াছি কবি যেন আমার মনের কোন অস্পষ্ট অল্পভূতি টানিয়া বাহির করিয়া তাকে অপরূপ ভাষায় এক লাভণ্যময়ী মূর্তি দান করিয়াছেন তাঁর কবিতায়।

এইটাই কবির কাজ, এইখানেই কাব্যের সার্থকতা, ইহাতেই তার মাধুর্য। কবি এমনি করিয়া সবার মনের ভাষা ফুটাইয়া বলিতে পারেন বলিয়াই তাঁর লেখা তাঁর পাঠকের চিত্ত হরণ করে।

রবীন্দ্রনাথ তাঁর সুদীর্ঘ সাহিত্য-জীবনে, বিভিন্ন বয়সের অল্পভূত নানা বিচিত্র বেদনা এমনি করিয়া সুপটু তুলিকার পেলব স্পর্শে স্মরণ রেখায় চিত্রিত করিয়া বিশ্বমানবের সর্ববিধ বিচিত্র অল্পভূতি এমন পরিপূর্ণভাবে অঙ্কিত করিয়াছেন যে, সকল দেশের সকল মানুষ ইহার ভিতর কোথাও না কোথাও তার মনের সব কথাই প্রকাশ দেখিতে পায়। শিশু পায় শিশু-চিত্তের ভাব ও চিন্তার প্রকাশ, যৌবন পায় যৌবনের তীব্রতম ও সূক্ষ্মতম অল্পভূতির পরিচয়, পরিণত-বয়স্ক পায় তাদের গভীরতর চিন্তা ও অল্পভূতির সুস্পষ্ট প্রতিধ্বনি। প্রতি মানবের মনের গোপন কন্দরে যেখানে যে ক্ষীণ অশ্রুত

শব্দটি আছে, তাহা যেন রবীন্দ্রনাথের লেখনী-মুখে মাইক্রো-ফোনের ভিতর নিঃখসিত ক্ষীণ শব্দের মত পরিপূর্ণ হইয়া সারা বিশ্বময় ছড়াইয়া পড়িয়াছে। জগতের কোনও কবিই মানব-চিত্তকে এরূপ ব্যাপকভাবে বিশ্লেষণ করিয়াছেন বলিয়া আমি জানি না। এতটা অন্তর্দৃষ্টি, এতটা সহানুভূতি, এতখানি দরদ, এত পরিপূর্ণ রূপবোধ, এমন অপরূপ বিকাশপটুত্ব দিয়া খুব অল্প কবিই মানব-চিত্তের দলগুলি ঘিকশিত করিয়া তার অন্তরের সকল শোভা পরিষ্কৃত করিয়া দেখাইয়াছেন। ষাঁরা করিয়াছেন তাঁদের ভিতরেও অল্পভূতির এতখানি ব্যাপকতা, এত অপরূপ বৈচিত্র্য থাকা সম্ভব হয় নাই, কেন না রবীন্দ্রনাথের মত দীর্ঘ সাহিত্য-জীবন ভরিয়া মানব-চিত্তের সবগুলি স্তর এমন পরিপূর্ণরূপে আয়ত্ত করিবার সৌভাগ্য সকলের হয় নাই।

রবীন্দ্রনাথ অনেক কিছু—অনেক রকমে অনেক কক্ষে—তিনি আপনাকে আমাদের কাছে প্রকাশ করিয়াছেন। কিন্তু সকল কক্ষে, জীবনের সকল প্রকাশে তিনি আত্মোপাস্ত কবি, রূপ রসের তিনি উপাসক।—যাহা কিছু তিনি করিয়াছেন সকলই তিনি রূপরসে মগ্নিত করিয়াছেন। তাই দর্শন ও পলিটিক্সের মত বিয়কেও তিনি কাব্যরসে মগ্নিত করিয়াছেন। তাঁর দর্শন কঠোর তত্ত্বের সমষ্টি নয়, তাঁর অল্পভূত সত্যের রসরূপ তাহাতে প্রকাশ পাইয়াছে। তাঁর পলিটিক্স সমাজ-জীবনের একটি সৌষ্ঠবযুক্ত, শোভা ও মঙ্গলময় কল্পনার উপর প্রতিষ্ঠিত। তাঁর বিশ্বরাষ্ট্রের কল্পনা মানবচিত্তের মূলগত শিবসুন্দরের রসমূর্তির প্রকাশ।

এই কবির দৃষ্টি ও অল্পভূতি লইয়া তিনি জন্মগ্রহণ করিয়াছিলেন—চিরদিন কবির দৃষ্টি দিয়া দেখিয়াছেন প্রকৃতিকে, জগৎকে, জীবনকে। তাঁর সেই দৃষ্টিতে জগৎ ও জীবন তার রূপরসময় মূর্তিতে তাঁর জীবনের বিভিন্ন স্তরে বিভিন্ন রূপে দেখা দিয়াছে;—সেই বিভিন্ন রূপের একটা সামান্য পরিচয় দিবার চেষ্টা করিব।

কৈশোরের কবি প্রকৃতির স্তূধু রূপরসে ভরপুর। রূপময়ী সে প্রকৃতি স্তূধু নয় তাহা প্রাণময়ী—তার রূপের ও প্রাণের খণ্ডখণ্ড প্রকাশ তাঁর মুগ্ধ চিত্তে যে ভাবে প্রকাশিত হইয়াছে তাহাই তিনি প্রকাশ করিয়াছেন তাঁর আবেগময় ভাষায়। ক্রমে তাঁর দৃষ্টির সম্মুখে ফুটিয়া উঠিয়াছে প্রকৃতির সমগ্র রূপ, তার সমগ্র প্রাণ। সেই অল্পভূতির গৌরবে মহিমান্বিত

হইয়া উঠিয়াছে পরিণত যৌবনের রচনা। তার প্রকাশ “সোণার তরী” ও “চিত্রার” বহু কবিতায় আছে। দু’ একটি দৃষ্টান্ত দিব। ‘যেতে নাহি দিব’ কবিতায় কথার কণ্ঠে ‘যেতে নাহি দিব’ বলিয়া আবদার শুনিয়া কবি—

চলিতে চলিতে পথে হেরি দুই ধারে
শরতের শশ্বক্ষেত্র নত শশ্বভারে
রৌদ্র পোহাইছে। তরুশ্রেণী উদাসীন
রাজপথপাশে চেয়ে আছে সারাদিন
আপন ছায়ার পানে। বহে খর বেগ
শরতের ভরা গঙ্গা। শুভ্র খণ্ড মেঘ
মাতৃদুগ্ধ পরিতৃপ্ত গোবৎসের মত
নীলাবরে শুয়ে। দীপ্ত রৌদ্রে অনাবৃত
যুগ যুগান্তর ক্লান্ত দিগন্ত বিস্তৃত
ধরণীর পানে চেয়ে ফেলিলু নিঃশ্বাস।
কি গভীর দুঃখ মগ্ন সমস্ত আকাশ,
সমস্ত পৃথিবী। চলিতেছি যতদূর
শুনিতেছি একমাত্র মর্মান্তিক সুর
“যেতে আমি দিব না তোমায়।” ধরণীর
প্রান্ত হ’তে নীলাব্রের সর্বপ্রান্ততীর
ধ্বনিতোছে চিরদিন অনাগন্ত রবে
“যেতে নাহি দিব। যেতে নাহি দিব।” সবে
কহে “যেতে নাহি দিব।” তুণ ক্ষুদ্র অতি
তারেও বাঁধিয়া বক্ষে মাতা বসুমতী
কহিছেন প্রাণপণে, “যেতে নাহি দিব।”
আয়ুক্ষীণ দীপমুখে শিখা নিব’ নিব’
আঁধারের গ্রাস হ’তে কে টানিছে তারে
কহিতেছে শতবার “যেতে দিব নারে।”
এ অনন্ত চরাচরে স্বর্গমর্ত্য ছেয়ে
সব চেয়ে পুরাতন কথা সব চেয়ে
গভীর ক্রন্দন “যেতে নাহি দিব।”—

“বিশ্বনৃত্য”, “বসুমতী” প্রভৃতির মধ্যে এমনি সমগ্র
প্রাণময়ী প্রকৃতির রসমূর্ত্তি কবি প্রকাশ করিয়াছেন। কিন্তু
আর একটি কবিতামাত্র আমি উদ্ধার করিব। “সন্ধ্যা”য়
কবি বলিয়াছেন—

গৃহকার্য্য হ’ল সমাপন,
কে ওই গ্রামের বধু ধরি বেড়াখানি

সম্মুখে দেখিছে চাহি, ভাবিছে কি জানি
ধূসর সন্ধ্যায়।

অমনি নিস্তরু প্রাণে
বসুমতী দিবসের কর্ম অবসানে,
দিনান্তের বেড়াটি ধরিয়া, আছে চাহি
দিগন্তের পানে ;

* * * *

ধীরে যেন উঠে ভেসে

স্নানচ্ছবি ধরণীর নয়ন নিমেষে
কত যুগ যুগান্তের অতীত আভাস
কত জীব জীবনের জীর্ণ ইতিহাস।
যেন মনে পড়ে সেই বালা নীহারিকা
তার পরে প্রজ্বলন্ত যৌবনের শিখা
তার পরে স্নিগ্ধ শ্রাম অন্নপূর্ণা লয়ে
জীবধাত্রী জননীর কাজ, বক্ষে লয়ে
লক্ষ কোটি জীব—কত দুঃখ কত ক্লেশ,
কত যুদ্ধ, কত মৃত্যু নাহি তার শেষ,
ক্রমে ঘনতর হ’য়ে নামে অন্ধকার,
গাঢ়তর নীরবতা,—বিশ্বপরিবার
সুপ্ত নিশ্চেতন। নিঃসঙ্গিনী ধরণীর
বিশাল অন্তর হ’তে উঠে স্নগন্তীর
একটি ব্যথিত প্রশ্ন ক্লিষ্ট ক্লান্ত সুর
শূন্যপানে—“আরো কোথা ?” “আরো কতদূর ?”

সমগ্র পৃথিবী সমগ্র প্রকৃতির সঙ্গে এখন কবি মুখোমুখী
হইয়া দাঁড়াইয়াছেন, তার প্রাণের গভীরতম কথা যেন তাঁর
হৃদয়ে ধ্বনিত হইয়া উঠিতেছে। কিন্তু ইহাই তাঁর প্রকৃতির
পরিচয়ের শেষ স্তর নয়। ‘নৈবেদ্য’ ও ‘গীতাঞ্জলী’র
কবিও প্রকৃতির রূপরসে ভরপুর, সমগ্র প্রকৃতি তাঁর
অন্তরে রসের সঞ্চায় করিতেছে। কিন্তু সে প্রকৃতি সধু
প্রকৃতি নয়, নিজস্ব একটি প্রাণের অল্পভূতিতে তিনি
বিভোর নন, এই স্তরে প্রকৃতি ভগবানের রূপ, তার
অশেষ রূপলাবণ্যের ভিতর কবি দেখিতেছেন সেই রূপরসের
অশেষ সৌন্দর্য্য। “শ্রাবণ ঘন গহন-মোহে” তিনি তাঁর
“গোপন চরণ” দেখিতে পান। এখনও—

শালের বনে থেকে থেকে
ঝড় দোলা দেয় হেঁকে হেঁকে

জল ছুটে যায় একে বেকে
মাঠের পরে

কিন্তু তাহা দেখিয়া কবি ভাবেন—
মেঘের জটা উড়িয়ে দিয়ে
নৃত্য কে করে!

গীতাঞ্জলির ছন্দে ছন্দে এই ভাব—প্রকৃতির অপকল্প শোভার
অল্পভূতির সঙ্গে সঙ্গে সে শোভার উৎসের সন্ধান
পাইয়াছেন কবি তাঁর জীবন দেবতার রসে রূপে। তার
দৃষ্টান্ত দেওয়া নিশ্চয়োজন।

কবির হৃদয়ের এই অল্পভূতির পর কবির ভিতর
আবার নবজীবনের স্পর্শ দেখিতে পাই ‘বলাকায়’।
‘নৈবেদ্য’ ‘পেয়া’ গীতাঞ্জলীতে তাঁর যে জীবন তার প্রতি
লক্ষ্য করিয়াই বুঝি কবি বলিয়াছেন,

“চ’লেছিলাম পূজার ঘরে
সাজিয়ে ফুলের অর্ঘ্য।
খুঁজি সারা দিনের পরে
কোথায় শান্তি স্বর্গ ;
এবার আমার হৃদয় ক্ষত
ভেবেছিলাম হবে গত
ধূয়ে মলিন চিহ্ন যত
হব নিষ্কলঙ্ক।

পথে দেখি ধূলায় নত
তোমার মহাশঙ্খ !
আরতি দীপ এই কি জালা ?
এই কি আমার সন্ধ্যা ?
গাঁথবো রক্তজবার মালা ?

হায় রজনী-গন্ধা !
ভেবেছিলাম বোঝা বুঝি
মিটিয়ে পাব বিরাম খুঁজি
চুকিয়ে দিয়ে ঋণের পুঁজি
ল’ব তোমার অঙ্ক।
হেনকালে ডাকলো বুঝি
নীরব তোমার শঙ্খ।

কবি ফিরিলেন। যৌবনের পরশমণি আবার তাঁর প্রাণে
স্পর্শ করিল, নূতন জীবনের বাণী, প্রাণের বিদ্রোহের বাণী—

তিনি শুনাইলেন। তার সঙ্গে সঙ্গে তাঁর প্রকৃতির
অল্পভূতির স্বরূপ বদলাইয়া গেল। এখনও প্রকৃতি তাঁহার
চোখে ভগবানের প্রকাশ ; কিন্তু শান্তির ভগবান সে নয়—
সে কর্মের ভগবান, যুদ্ধের ভগবান। প্রকৃতির ভিতর
প্রাণের বিপুল প্রকাশ যে,—

বাড়ের মাতন ! বিজয় কেতন নেড়ে
অট্টহাসে আকাশখানা ফেড়ে

প্রমত্ত হইয়া ছুটিয়া বেড়ায়, তাহাই তাঁর দৃষ্টিকে মুগ্ধ করিল।
তিনি আকৃষ্ট হইয়া চাহিলেন হংসবলাকার পানে ‘বঙ্গা-
মদরসে মত্ত’ বাহাদের পাখা

রাশি রাশি আনন্দের অট্টহাসে
বিশ্বয়ের জাগরণ তরঙ্গিয়া চলিল আকাশে।

প্রকৃতির অল্পভূতির দিক দিয়া কবির জীবনের এই ক্রম-
বিকাশের স্তরের পরিচয় আমরা পাই চারিদিকে।

প্রথম জীবনে রবীন্দ্রনাথ প্রধানতঃ প্রেমের কবি।
প্রেমের অপূর্ব মধুময় অল্পভূতির স্বপ্ন পরদাগুলি তিনি
এত স্পষ্টরূপে রসের সহিত ফুটাইয়া তুলিয়াছেন যে, তাঁর এই
স্তরের কবিতাগুলি প্রতি যুবক-যুবতীর একান্ত প্রিয়তম
হইয়া চিরদিন বাঁচিয়া রহিবে। কিন্তু প্রেমের খণ্ড খণ্ড
স্বপ্ন অল্পভূতিতেই তাঁর কবিতা পরিনিষ্ঠা লাভ করে নাই।
তার একটা বিরাট সমগ্র-মূর্ত্তি তিনি কল্পনা করিয়াছেন—
সে কল্পনার শ্রেষ্ঠ প্রকাশ তাঁর ‘উর্ধ্বনী’। সকল যুগের
সকল প্রিয়া তাঁর দিব্য-দৃষ্টির সম্মুখে সঞ্জিলিত হইয়া
উঠিয়াছে ‘উর্ধ্বনী’র নব কলেবরে, আর সেই বিশ্বপ্রেয়সীর
যে অপূর্ব স্তব-গান তিনি গাহিয়াছেন প্রেমের সাহিত্যে
তাহা চিরদিন অমর হইয়া থাকিবে।

এই স্তরে তাঁর প্রেম যেমন গভীরতায় তেমনি গৌরবে
মহীয়ান হইয়া উঠিয়াছে। বিশ্ব প্রেমের স্থান তাঁর কাছে
পরম গৌরবময়—ভগবৎপ্রেমের কাছেও তাকে তিনি
খাটো করিয়া দেখিতে পারেন না। তাই ‘বৈষ্ণব-কবিতা’য়
তিনি বলিয়াছেন—

“আমাদেরি কুটার কাননে
ফুটে পুষ্প, কেহ দেয় দেবতা চরণে
কেহ রাখে প্রিয়জন তরে—তাহে তাঁর
নাহি অসন্তোষ। এই প্রেম-গীতিহার

গাঁথা হয়ে নরনারী মিলন মেলায়;
কেহ দেয় তাঁরে, কেহ বঁধুর গাঁথায়।
দেবতারে যাহা দিতে পারি, দিই তাই
প্রিয়জনে—প্রিয়জনে যাহা দিতে পাই
তাই দিই দেবতারে; আর পাব কোথা?
দেবতারে প্রিয় কার, প্রিয়েরে দেবতা।

এখনও তিনি বৈষ্ণব-কবির প্রেমের কবিতার গভীরতর
সাধনার অধিকারী নহেন। যেখানে

এ গীত উৎসব মাঝে
সুধু তিনি আর তাঁর ভক্ত নির্জনে বিরাজে;

সেখানে তিনি “দাঁড়িয়ে বাহির দ্বারে।”

কিন্তু পরবর্তী জীবনে তিনি আর বাহির দ্বারে দাঁড়াইয়া
নন, অন্তরের মজলিসে তাঁর প্রবেশ ঘটিয়াছে। ‘গীতাঞ্জলীর’
গানে গানে উচ্ছ্বসিত হইয়া উঠিয়াছে সেই বৈষ্ণব কবিতার
অন্তরের সুর—তাঁর প্রেম পূর্ণতর গভীরতর পরিণতি লাভ
করিয়াছে—দেবতাকে তিনি প্রিয়রূপে লাভ করিয়াছেন।
তাঁর এই অপূর্ব সরস নিবিড় ভগবৎ প্রেমাত্মত্বের একমাত্র
তুলনা আছে বৈষ্ণব কবিতায়, আর কোথাও আছে বলিয়া
জানি না।

তাঁর জীবনের লক্ষ্য ও আদর্শ, কবির mission সম্বন্ধে
তাঁর আদর্শ তাঁর জীবনের বিভিন্ন স্তরে বিভিন্ন রূপে তাঁর
চক্ষে প্রকাশিত হইয়াছিল। পরিণত যৌবনে “পুরস্কার”
কবিতায় তাঁর প্রাণের এই আকাঙ্ক্ষা প্রকাশ করিয়াছেন

ধরণীর তলে, গগনের গায়
মাগরের জলে অরণ্য ছায়
আরেকটুখানি নবীন আভাষ
রঙীন করিয়া দিব।

সংসার মাঝে দু’য়েকটি সুর
রেখে দিয়ে যাব করিয়া মধুর,
দু’য়েকটি কাঁটা করি’ দিব দূর
তার পরে ছুটি নিব।

সুখ হাসি আরও হবে উজ্জ্বল
সুন্দর হবে নয়নের জল

স্নেহ স্নানমাখা বাসগৃহতল
আরো আপনার হবে।

প্রেয়সী নারীর নয়নে অধরে
আরেকটু মধু দিয়ে যাব ভরে’
আরেকটু স্নেহ শিশু মুখ পরে
শিশিরের মত হবে।

না পারে বুঝতে আপনি না বুঝে
মানুষ ফিরিছে কথা খুঁজে খুঁজে,
কোকিল যেমন পঞ্চমে কুজে
জাগিছে তেমনি সুর;

কিছু যুচাইব সেই ব্যাকুলতা,
কিছু মিটাইব প্রকাশের ব্যথা,
বিদায়ের আগে দু’চারিটা কথা
রেখে যাব স্মধুর।

সুধু এইটুকু। জগৎ ও জীবনের সুন্দর ও মধুর রূপ
ফুটাইয়া তোলা, ইহাই এ স্তরে কবির জীবনের আকাঙ্ক্ষা!
কিন্তু এইটুকুতে তাঁর তৃপ্তি শীঘ্রই লুপ্ত হইয়া গেল।
প্রাণের ভিতর একটা আকুল ক্রন্দন ক্রমে ধ্বনিত হইয়া
উঠিল, গভীর বেদনার সুরে সেই দিন কবি গাহিলেন,
“এবার ফিরাও মোরে।”

“এবার ফিরাও মোরে, লয়ে যাও সংসারের তীরে
হে কল্পনে রঙ্গময়ি! ছুলায়ো না সমীরে সমীরে
তরঙ্গ তরঙ্গ আর! ছুলায়ো না মোহিনী মায়ায়।

* * * *
বলিলেন—

যে দিন জগতে চলে’ আসি
কোন্ মা আমারে দিলি সুধু খেলাবার বাঁশী।
বাজাতে বাজাতে তাই মুগ্ধ হ’য়ে আপনার সুরে
দীর্ঘ দিন দীর্ঘ রাত্রি চলে’ গেছে একান্ত সুদূরে
ছাড়িয়ে সংসার সীমা। সে বাঁশীতে শিখেছি যে সুর
তাহারি উল্লাসে যদি গীতশুষ্ঠ অবসাদপুর
ধ্বনিয়া তুলিতে পারি, মৃত্যুঞ্জয়ী আশার সঙ্গীতে
কর্মহীন জীবনের একপ্রান্ত পারি তরঙ্গিতে

শুধু মুহূর্তের তরে, ছুঃখ যদি পায় তার ভাষা,
সুপ্তি হ’তে জেগে ওঠে অন্তরের গভীর পিপাসা
স্বর্গের অমৃত লাগি, তবে ধস্ত হবে মোর গান
শত শত অসন্তোষ মহাগীতে লভিবে নির্কাণ।

মানবের ছুঃখ দৈত্য অবিচারের ব্যথায় জর্জর ছুঃখীর
ছুঃখানুভূতির অশ্রু ও তাহা নিবৃত্ত করিবার আকুল
প্রতিজ্ঞাপূর্ণ এই অপূর্ব মধুর কবিতা কবির জীবনের এক
মহাসন্ধিস্থলে লিখিত। ইহা তাঁর কবি-জীবনের আদর্শ
ও আকাঙ্ক্ষার একটা প্রকাশ বিপ্লবের সূচনা করিল।
‘দু’চারিটা কথা রেখে যাব স্মধুর’ বলিয়া কবি আর
সংসার হইতে ছুটি লইয়া পরিতৃপ্ত নন। মানবের সেবার
একটা বৃহত্তর বিপুলতর আদর্শ তাঁর চোখে ফুটিয়া
উঠিয়াছে—সে আদর্শ তাঁর সাহিত্য-জীবন ও কর্ম-জীবন
অশেষ ফলপ্রসূ করিয়া দিয়াছে।

তাঁর জীবনের এমনি আর একটা বৃহৎ সন্ধিস্থল
আসিয়াছিল অনেক দিন পরে। কবি তখন পঞ্চাশোর্ধ্বে
আপনাকে জীবন-সন্ধ্যায় উপনীত ভাবিয়া আবার ছুটি
লইয়াছেন। জীবনের শেষে দেবতার চরণে আপনাকে
নির্বেদিত করিয়া তিনি তখন দেবতাকে নৈবেদ্য ও গীতাঞ্জলী
দিতেছেন, জীবন খেয়ার পারের কড়ি সংগ্রহ করিতেছেন।
সেই সময়ে তাঁর কাছে আসিল একটা বৃহৎ আহ্বান—
নূতন ভাবে সাড়া দিয়া তাঁহার বীণা আবার নূতন সুরে
অভিনব সূচনায় ধ্বনিত হইয়া উঠিল।

এতদিন রবীন্দ্রনাথ বরাবরই ছিলেন বাঙ্গালার কবি,
বাঙ্গালীর কবি। যাদের সুখ ছুঃখের কথা অমর সঙ্গীতে
গাথিয়া রাখিবার জন্ত তিনি সাধনা করিয়াছিলেন, নব
নব প্রেরণা ও উদ্দীপনা দিয়া তিনি যাদের সঞ্জীবিত
করিবার চেষ্টা করিয়াছিলেন, তারা সকলেই বাঙ্গালী।
কিন্তু এক শুভ মুহূর্তে কবি ইয়োরোপ যাত্রার অবসরে
গীতাঞ্জলীর ইংরাজী অনুবাদ করিয়া বিশ্বের দরবারে তাঁর
সঙ্গীত শুনাইলেন, চারিদিকে জয়ধ্বনি বাজিয়া উঠিল,
বাঙ্গালার কবি বিশ্বের দরবারে জয়মাল্য লাভ করিয়া তাঁর
কণ্ঠস্থিকে গৌরবান্বিত করিলেন। তখন তিনি অল্পভর
করিলেন যে তাঁর সেবার আকাঙ্ক্ষা রাখে সুধু বাঙ্গালার
ঘাটে ঘাটে বা প্রাসাদের বাঙ্গালী নরনারী নয়, বিশ্বের

নরনারী। তাদেরও প্রাণের ভাষা, তাদেরও আশা
আকাঙ্ক্ষা তাঁর কাব্যে ধ্বনিত করিয়া তুলিবার জন্ত তারা
তাঁর মুখ চাহিয়া আছে।

ইহার পর হইতে রবীন্দ্র-সাহিত্যে যে একটা প্রকাশ
রূপান্তর দেখিতে পাই, তার ভিতর তাঁর কবি-জীবনের
আদর্শের একটা নূতন বিস্তার, বিশ্বের বিপুল প্রাণের
একটা নূতন প্রেরণা—ছত্রে ছত্রে ফুটিয়া উঠিয়াছে। তাঁর
উপন্যাসে, কবিতায়, নাটকে, প্রবন্ধে এই বিশ্বসেবার সুর
নানা বিচিত্র রূপে ধরা দিয়াছে।

জীবনে তাঁর সন্ধ্যা আসিয়াছে ভাবিয়া কবি আরতির
প্রদীপ জালিয়াছিলেন। এখন দেখিলেন সন্ধ্যা কোঁথায়?
ইয়োরোপের আকাশে সবদিন সূর্যাস্তেই তো সন্ধ্যা আসে
না—তার পরেও থাকে দীর্ঘ দিবসের আলো, কর্মের
প্রচুর অবসর। সেখানে বসিয়া কবি অল্পভব করিলেন,
আরতির প্রদীপ জ্বালার সময় তাঁর এখনো আসে নাই,
তাঁর সম্মুখে আছে অশেষ কাজ। ‘ফাল্গুনী’তে তিনি
জগৎকে শুনাইলেন যে জগতের যে বিরাট বৃড়োর ভয়
সেটা নিতান্তই ভুল—সে বৃড়ো নেই। গাহিলেন

আয় রে তবে, মাত রে সবে আনন্দে
আজ নবীন প্রাণের বসন্তে।

তিনি সবজকে, কাঁচাকে বরণ করিলেন, জীবনে যৌবনকে
নূতন করিয়া উদ্বোধন করিয়া লইলেন।

গীতাঞ্জলীর যে সুর, তাহা তাঁর এখনকার জীবনেও
লুপ্ত হয় নাই—সে যে লুপ্ত হইবার নহে, কিন্তু তাঁর সেই
ভগবৎ প্রেমের ভিতর প্রাণের একটা বিপুল স্পন্দনের
অনুভূতি জাগিয়া উঠিয়াছে। অন্ধ বাউলের গানের যে
ভগবান তার সঙ্গে গীতাঞ্জলীর ভগবানের প্রভেদ আছে।
গীতাঞ্জলীর ভগবান শান্তির দেবতা, ফাল্গুনীতে তিনি
কর্মের দেবতা—এগিয়ে চলার দেবতা। তিনি প্রলয়
নাচনে উন্মত্ত নটরাজ।

এই নূতন অনুভূতি, নূতন প্রেরণার ফলে কবির কাব্য
নূতন রসে নূতন অর্থে নূতন প্রাণে পরিপূর্ণ ও সঞ্জীবিত
হইয়া উঠিল। এক দিকে তিনি ফাল্গুনী ও বলাকায় প্রাণের
মাতনভরা আবেগভরা আনন্দের গান গাহিলেন, ‘আধ-
মরাদের বা দিয়ে’ বাঁচাইবার জন্ত কোমর বাঁধিলেন, সবুজ

পত্রে লেখা গল্প উপস্থাপন ও পরবর্তী বহু প্রবন্ধে আমাদের দেশবাসী নির্জীব অসাড় প্রাণশূন্যতাকে কঠোর আঘাতে জর্জরিত করিয়া তুলিলেন, আবার অপর দিকে পাশ্চাত্য জগতের সমাজ-সমস্যা নিবিড় বেদনায় পীড়িত হইয়া, সেখানে যন্ত্রদানবের নিষ্পেষণে আনন্দময় প্রাণশক্তির স্রিয়মাণ অবস্থায় চঞ্চল হইয়া জগৎকে আনন্দ ও মুক্তির বাণী শুনাইলেন 'মুক্ত ধারা'র 'রক্ত করবী'তে।

তাঁর কবি-জীবনের ভিতর যাহা কিছু শাস্ত, যাহা কিছু সুন্দর তাঁর কিছুই তাঁর এ অবস্থায় বিলুপ্ত হয় নাই। প্রকৃতির শোভায় তাঁর যে বিভোর আনন্দ তাহা এখনো ফুটিয়া উঠিয়াছে তাঁর সকল কবিতায়, সকল লেখায়। প্রেমের যে বিচিত্র অন্তর্ভূতি ও সরস ব্যাখ্যান তাহা এখনও তাঁর লেখনীতে তেমনি সতেজ ও জীবন্ত আছে—তাঁর সব চেয়ে নূতন ও সুন্দর পরিচয় তাঁর 'শেষের কবিতা'।— ভগবৎ প্রেমে তাঁর যে তন্ময়তা নৈবেদ্য, গীতাঞ্জলীতে প্রকাশ, তাহা এখনো পূর্ণ-গৌরবে দেদীপ্যমান—কিন্তু সমস্ত আজ পূর্ণ হইয়া উঠিয়াছে। গৌরবান্বিত হইয়াছে একটা নূতনতর অর্থ ও গভীরতায়, সমৃদ্ধ হইয়া উঠিয়াছে নবীন প্রাণের একটা অপূর্ণ স্পন্দনে।

Nothing of him that is lost
But is transformed into something
rich and grand.

সত্তর বৎসর বয়সে আজ তাঁর কবি জীবন, সাহিত্যিক জীবন, ভাবুক জীবন, ভক্ত জীবন সকলই সমৃদ্ধ হইয়া রহিয়াছে, নূতন ভাবে সঞ্জীবিত হইয়া রহিয়াছে নূতন জীবনের প্রেরণায়। তিনি দীর্ঘ জীবন ভরিয়া আমাদের কাছে 'নিতুই নব'—নিত্য সুন্দর, নিত্য মহান। কালের গতি তাঁহার দেহের শক্তি হয় তো খর্ব করিয়াছে, কিন্তু তাঁর চিন্তের শক্তি গৌরব ও সজীবতা উত্তরোত্তর সমৃদ্ধ করিয়াছে। বার্কক্য তাঁর দেহের সিংহদ্বারে আঘাত করিয়া তাহাকে জর্জরিত করিতে পারে; কিন্তু অন্তরের মণিকোঠায় তাঁর জীবনশৌখক বিষ এক ফোঁটাও প্রবেশ করাইতে পারে নাই।

বাঙ্গলার পক্ষে, ভারতের পক্ষে, জগতের পক্ষে এটা মহা সৌভাগ্যের কথা। তাই আমরা তাঁর সম্ভ্রুতিবর্ষোৎসবে অপরিমিত আনন্দের সহিত যোগদান করিয়া এই সৌভাগ্যের সুদীর্ঘ বিস্তার কায়মনোবাক্যে কামনা করিতেছি।

বেলজিয়ম ও তাহার চিত্র-সম্পদ

ডাক্তার শ্রীরুদ্রেন্দ্রকুমার পাল, ডি-এস সি, এম্-বি, এম্-আর-সি-পি


বিগত মহাসমরে ক্ষুদ্রায়তন বেলজিয়ম বাস্তবিকই শৌর্য-বীর্যের অদ্ভুত পরাকাষ্ঠা দেখিয়েছিল। মাসাধিক কাল যে অমিত বিক্রমে বেলজিয়ানগণ বিরাট জাঙ্গাণ বাহিনীর গতিরোধ করে রেখেছিল, স্বাধীনতা-সংগ্রামের ইতিহাসে তা' চিরকাল স্বর্ণক্ষরে লিখিত থাকবে। সেই অসম-সাহসিকতার কাহিনী এখনো বিশ্বতির অতলতলে ডুবে যায় নি বলেই, অনেক দিন ধরে মনে অদম্য আকাঙ্ক্ষা ছিল, দেখতে হবে এই বেলজিয়ান জাতিটাকে, আর মহাযুদ্ধের লীলা-নিকেতন এই ছোট দেশটাকে! বন্ধুবর মুখুয়ার ইচ্ছা ছিল, ফরাসী দেশ ছেড়ে সোজাসুজি

জাঙ্গাণীতে যাওয়া, কিন্তু আমার সনির্ভরক অনুরোধে আমাদের যাওয়ার পথ ঠিক হলো বেলজিয়মের ভিতরে দিয়ে। ২৭শে ফেব্রুয়ারী ভোরে সাড়ে নটায় প্যারিস ছেড়ে, প্রায় সাড়ে তিনটায় এসে পৌঁছলুম বেলজিয়মের রাজধানী ব্রুসেলস্ নগরীতে! নর্দ ষ্টেশনে নেমে, আঙ্গনেওয়া গেল কাছেই, হোটেল দি' নর্দে।

ফরাসী দেশের সীমানা ছাড়িয়েই, মনে হল হঠাৎ কে চোখের সামনে একখানা দৃশ্যপট বদলে গেল! উত্তর ফরাসী দেশের একটা রুক্ষ নীরস দৃশ্যের পরিবর্তে দেখতে পাওয়া গেল তৃণশ্যামল নয়নাভিরাম প্রাকৃতিক দৃশ্য

অন্য দেশের চেয়ে বেলজিয়ম ও হলান্ড অনেকটা নিম্নভূমিতে অবস্থিত, এমন কি স্থানে স্থানে সমুদ্রের চেয়েও নীচে বলে, এই দু'দেশকে একসঙ্গে "নেদারল্যান্ড" বলা হয়। সেই কারণেই এ দেশের ভূমি উর্বর ও শস্যশ্যামল। অবশ্য দক্ষিণ ফরাসী দেশ, (ডি রিভেরা, নীস, মন্টিকার্লো), স্পেন অথবা, ইটালীও প্রাকৃতিক সৌন্দর্যের অধিকারী সে সম্বন্ধে সন্দেহ নাই। তবে বেলজিয়ামের সৌন্দর্য্য সে সৌন্দর্য্য থেকে যেন একটু পৃথক্, আগাগোড়াই যেন একটু মন্থণ কোমলতায় ভরপুর! গাড়ী হতে যতদূর দৃষ্টি যায়, চোখে ঠেকছিল শুধু সবুজের চেউ, আর মাঝে মাঝে বাক্‌বাকে, তক্তকে নতুন করে গড়া দু একটি গ্রাম। অন্যত্র যাত্রীদের মুখে শুনলুম, এ সকল অঞ্চল যুদ্ধের

দেশীয় কৃষিমতা কমে অসেছে, তার পরিবর্তে একটা অতি সাধারণ স্বাভাবিকতা ফুটে উঠছে! আমাদের গাড়ীতেই, পোটলা পুটলা, লটবহর নিয়ে প্রায় আট-দশজন বেলজিয়ান পুরুষ ও স্ত্রীলোক এসে উঠে বসলো! তাদের মধ্যে দু একজন অল্পবয়স্ক ইংরেজী জানে! একজন মেয়ে আমরা কোথেকে আসছি, কোথায় যাব, ইত্যাদি নানা প্রশ্ন আমাদের জিজ্ঞেস কর্তে লাগলো, আর একজন অন্তর্মতির অপেক্ষা না রেখেই আমাদের ইংরেজী খবরের কাগজখানা হাতে নিয়ে, গুরুমশাইর মত ভঙ্গীতে, নাকের আগায় চশমা ঠেলে দিয়ে, প্রায় এক হাঁট সামনে কাগজখানা ধরে চোখ, ভুরু ও কপাল কুঞ্চিত করে, অধ্যয়নে মনোনিবেশ করলে! লোকগুলি আর যাই



পার্লামেন্ট হাউস ও তৎ-সম্মুখস্থ পার্ক (ব্রুসেলস্)

সময় একেবারে বিধ্বস্ত ও বিপর্যস্ত হয়ে গেছিল! সে রকমই একটা কিছু প্রত্যাশা কচ্ছিলুম, কিন্তু তার চিহ্ন মাত্র দেখতে পাওয়া গেল না। ক্ষুণ্ণ মনেই হিসেব করে দেখা গেল, যুদ্ধবিবর্তির পরও যে প্রায় বারোটি বছর চলে গেছে! এত বড় একটা যুদ্ধের, অমানুষিক বীভৎসতার ছবি, স্মৃতিপটে উজ্জ্বল হয়ে থাকে যুগ-যুগান্ত; কিন্তু, দেশের বুক হতে তার চিহ্ন পর্যন্ত লোপ কর্তে এক যুগই যথেষ্ট।

ফরাসী সীমান্ত পার হয়ে যেমন দেশের ছবি একেবারে বদলে গেল, তেমনি আস্তে আস্তে লোকের ছবিও বদলাতে আরম্ভ করলে! চলতি গাড়ীতে যতগুলি লোক উঠা-নামা কর্তে লাগলো, লক্ষ্য করে দেখলুম ক্রমশঃই ফরাসী

হটুক, আচারে ব্যবহারে যে ভদ্র, তা' বেশ টের পাওয়া গেল, কথায় কথায়, "পাছ' মুসে" অসংখ্যবার শুনে! পথে গাড়ীতে 'বা' গল্প হলো, তার বেশীর ভাগই বিগত মহাসমরের বিভিন্নকার কথা! স্পষ্টই বুঝলুম, বেলজিয়ানদের দেশ হতে যুদ্ধের ধ্বংসলীলা লোপ পেলেও, মনের মধ্যে তার ভীষণ স্মৃতি এখনো জাজ্জল্যমান আছে!

যতক্ষণ গাড়ীতে ছিলুম, অথবা নেমেও, যতই লোকগুলিকে দেখছিলুম, ততই যেন হতাশ হচ্ছিলুম, আর মনে একটু একটু করে অবিশ্বাস পুঞ্জীভূত হচ্ছিল,— সত্যিই কি, এই বেলজিয়ানরাই, বিরাট জাঙ্গাণ বাহিনীর গতিরোধ করে, মাসাধিক কাল বীরত্বের পরাকাষ্ঠা দেখিয়েছিল! আকারে কি চেহারায় ফরাসী কি

বেলজিয়ান কোন জাতিকেই তো খুব ঘোঁড়া বলে মনে হয় না, তবু এক যুগ আগে এরাই বীরত্বের অক্ষয় কীর্তি অর্জন করেছিল! যতই ভাবছিলাম, ততই অবাক হয়ে যাচ্ছিলুম,—এরাই কি সেই সব আদর্শ বীরের বংশধরগণ! বিশ্বাস কর্তে প্রবৃত্তি হচ্ছিল না, তবু ভাবলুম, হবেও বা, যখন লোকের জন্মগত অধিকার, স্বাধীনতা বিপন্ন হয়, যখন ঘরের কোণে রাজ্যলৌপ, দুর্দ্বর্ষ শত্রুর আগ্রাস্ত্র ভীষণ হবে গর্জে উঠে, তখন মৃতদেহেও যে প্রাণ সঞ্চার হওয়ার কথা! বেলজিয়ানরা আর যাই হউক, কাপুরুষ হবার অবসর পায় নি! ইয়োরোপে যত বড় বড় যুদ্ধ

নৃপতি! বর্তমান রাজা এলবার্টের নেতৃত্বে, বেলজিয়ম বিগত মহাসমরে, স্বাধীনতা-যুদ্ধে, বৃকের রক্ত দিয়ে প্রমাণ করেছে, পঁচাশি বছরের লক্ষ স্বাধীনতার মূল্য, হাজার বছরের স্বাধীনতার চেয়ে কম নয়।

উত্তেজনার পর অবসাদ, কর্মের পর নিষ্ক্রিয়তা জগতের চিরন্তন নীতি; স্পষ্টই বুঝতে পেলুম, বেলজিয়মের ভাগ্যেও তার ব্যতিক্রম হয় নি। ফ্রান্স যেমন আপনাকে বিলাস ও ব্যসনের উদ্যম শ্রোতে ভাসিয়ে দিয়েছে, বেলজিয়ম স্বভাবতঃ গরীব দেশ, অনেক শতাব্দী ধরে ফরাসী দেশের সঙ্গে নিজের ভাগ্য জড়িত থাকলেও, তাতে পেরে উঠে



রাজপ্রাসাদ (ব্রুসেলস্)

হয়েছে তার বেশী ভাগই হয়েছে এই বেলজিয়মের বৃকে! কে উঠবে, কে পড়বে, বারবার তার পরীক্ষা হয়ে গেছে বেলজিয়ানদের এই ক্ষুদ্র শস্যশ্রামল দেশের বৃকের উপর রক্তের শ্রোত বয়ে। বেলজিয়ানদের চিরদিনই তাতে অংশ নিতে হয়েছে। তারই পুরস্কার স্বরূপ ওয়াটার্লুতে নেপোলিয়নের পতনের প্রায় পনেরো বছর পরে, বেলজিয়ম স্বাধীন রাজ্য বলে ঘোষিত হয়। প্রায় একটি বছর আগে বেলজিয়ানরা সেই স্বাধীনতা লাভের শতবার্ষিকী উৎসব সম্পন্ন করেছে! বর্তমান রাজা এলবার্টের পিতামহ প্রথম লিয়োপোল্ডই বেলজিয়মের প্রথম স্বাধীন

নি বিলাসিতায় ফ্রান্সের সঙ্গে পাল্লা দিতে। অনেক স্থলে দেখতে পেলুম, মেয়েরা ফরাসী দেশের মেয়েদের অন্ধ অলুকের কর্তে গিয়ে হঠাৎ যেন মাঝামাঝি পথে থমকে গেছে! লিপ, ষ্টিক আর ক্রজের আমদানী ঘরে ঘরে হয়েছে, তবে মাথার চুল এখনো বব্ ছেড়ে শিংলে পৌঁছেছে, খুব কম জায়গায়ই। আর পোষাক, পায়ের গোড়া পর্যন্ত নামে নি, হাঁটু ও গোড়ালির মাঝামাঝি এক স্থানে এসে ঠেকেছে! হাব-হাবটা, এবং হাঙ্গি কাশিটে, পর্যন্ত ফরাসী ধরণের হলেও, খুব সার্থক অলুকের নয়, তা' বেশ বুঝতে পারা গেল! পান ভোজন দেখতে


পেলুম ফরাসী দেশের মত সমান তাতেই চলেছে, কিন্তু এক হিসাবে বেলজিয়ানরা ফ্রান্সকেও ছাড়িয়ে গেছে, তা' প্রত্যেক কাফে ও রেস্তোরাঁতে, তাস হাতে লোকের জটলা, ও বন্বন করে মুদ্রাবিনিময়ের দ্বারাই প্রমাণিত হ'ল! দেখে ছঃখ হ'ল, মহাযুদ্ধের বীর বেলজিয়ানগণের বীরত্ব এসে পর্যাবসিত হয়েছে, পানাহারে, জটলায় ও জ্বার আড্ডায়।

ক্রসেলস্ পৌঁছে, হোটেলের কাছে একটা কাফেতে মধ্যাহ্ন (?) ভোজন (বেলা প্রায় সাড়ে তিনটা) সেরে নিতে হ'ল। তার পরই খোঁজ করে গেলুম অগতির গতি,

গাইড হয়ে, দুটি বন্ধু বেলজিয়মের রাজধানীর পথে বেরিয়ে পড়লুম! একটু এগিয়ে যেতেই প্রায় ছ' মাইল দূরে, একটু উঁচু স্থানে, একটা প্রকাণ্ড অট্টালিকা দেখে বন্ধুবর বল্লেন “ওহে, ঐ দেখ; হাইকোর্ট।”

একে ত বাঙ্গাল, তাতে আবার যশোরের নয়, ফরিদপুরের নয়, ঢাকার নয়, ত্রিপুরার নয়, একেবারে সিলেটের; স্মতরাং পরিহাসের ভাবে নয়, গম্ভীর ভাবেই বল্লুম “বাঙ্গালকে হাইকোর্ট দেখাচ্ছ?”

বন্ধুবর পরিহাসের সুরেই বল্লেন, “আরে, দেখেই রাখ!” তখন অবশ্য দেখেই রাখা গেল, কিন্তু পরদিন অবাক




ব্রাবো (এন্টওয়ার্প)

বিদেশে পথিকের বন্ধু, কুক কোম্পানীর আড্ডায়! ভেবেছিলাম প্যারিসের মত, এখানেও কুক কোম্পানীর দ্বারাই সব বন্দোবস্ত ঠিক হবে, কিন্তু কার্যতঃ বিফল-মনোরথ হতে হলো! ফেব্রুয়ারী মাসের শেষ ভাগ, বেলজিয়মে অত্যন্ত শীতের সময় (যদিও সেদিন আমাদের বেশ গরম বোধ হচ্ছিল, এবং ওভারকোর্টটি হোটলেই রেখে গিয়েছিলাম) স্মতরাং ঐ সময় পর্যটকেরা বড় একটা কেউ আসে না, তাই টুরিষ্ট-কার সব বন্ধ! অগত্যা কোম্পানীর লোকদের নিকট হতে, ক্রসেলস্এ দ্রষ্টব্য যা' কিছু তারই একটা গিষ্ট পাওয়া গেল! নিজেরাই নিজের

হতে হয়েছিল জেনে, যে, “বাঙ্গালকে দেখানো হাইকোর্ট” ক্রসেলস্এর হাইকোর্টই বটে!

সেদিন বেলা চারটা হতে আরম্ভ করে, রাত্রি সাড়ে ন'টা পর্যন্ত, একের পর এক, ক্রসেলস্এর দ্রষ্টব্য অনেক কিছু দেখা গেল! বোটানিকেল গার্ডেন, পার্লামেন্ট হাউস ও তারই সামনে প্রকাণ্ড পার্ক, তারি মধ্যে বেলজিয়ামের অনেক খ্যাতনামা ব্যক্তির মন্দির-মূর্তি, পেটি সার্লো স্কোয়ার, ও তন্মধ্যস্থ কাউন্ট এগনোঁ ও কাউন্ট হর্নের প্রতিমূর্তি; আম্পার্ক ও কংগ্রেস স্মৃতিস্তম্ভ, রাজা দ্বিতীয় লিয়োপোল্ডের স্ম-উচ্চ ঘোড়ার উপর আসীন বিরাটকায় মূর্তি, এডিথ্

কেভেলের সমাধি, মন্সমেটেল আর্কেড প্রভৃতি স্থানগুলি দেখে, আমরা এসে পৌঁছলুম, বেলজিয়মের রাজপ্রাসাদের সম্মুখে! প্রাসাদটি খুব বড় নয়, তবু অতি চমৎকার ভাবে সাজানো, গোছানো! সম্মুখের সুপ্রশস্ত রাস্তা হতে প্রায় পঞ্চাশ ফিট দূরে অবস্থিত, মাঝে চমৎকার বাগান! রাস্তায়ই লোকজন অব্যাহত ভাবে চলাফেরা করছে, শুধু দুটি গেটে দুটি প্রহরী ছাড়া, রাজপ্রাসাদের মত আড়ম্বরের কিছুই দেখতে পেলুম না। অর্থাৎ হয়ে ভাবলুম, স্বাধীন দেশে, স্বাধীনতার আবহাওয়াই অত্যন্ত কম! অথচ আমাদের দেশের যে কোন গবর্নমেন্ট হাউসের ত্রিসীমানার মধ্যে কেউ চলাফেরা করতে পারে না। কিছুদিন আগে,




শেলড্‌ট নদী, ও তৎ-তীরবর্তী ওয়ার মিউজিয়াম (এন্টওয়ার্প)

দার্কিলিংএ বেড়াতে গিয়ে ছুটি ছেলে, না জেনে, গবর্নমেন্ট হাউসের বাইরে reserved areaতে ঢুকেছিল বলে, তিন দিন পর্যন্ত না কি হাজতে আটক থাকতে হয়েছিল। পথে দাঁড়িয়ে বন্ধুর ও আমি, এ কথাটাই বোধ হয় আলোচনা করছিলাম, এমি সময় একজন প্রহরী এসে সম্মানে নমস্কার করে, ফরাসী ভাষায় বলে “ক্ষমা করুন মহাশয়েরা, আপনারা বোধ হয় বিদেশী, রাজপ্রাসাদের সম্মুখে দাঁড়িয়ে থাকা আইনসঙ্গত নয়, কথা বলতে হলে, একটু আস্তে আস্তে চলতে আরম্ভ করুন ও কথা বলুন!” বেলজিয়মের কথা ভাষা ফরাসী, তাই প্রহরীর কথা অনেকটা

বুঝতে পারা গেল! কিন্তু অর্থাৎ হয়ে গেলুম, তার অর্থাৎ আচরণে ও কথায়! আমাদের দেশে হলে ঐ অবস্থায়, আমাদের যে কি হতো, তা আর বলে কাজ নেই। অগত্যা প্রহরীর নির্দেশ মত আমরা চলতে আরম্ভ করলুম! ক্রমাগতঃ প্রায় সাড়ে পাঁচ ঘণ্টা চলে আর চলার মত অবস্থা ছিল না পায়ের; তাই একজন কনেষ্টবলকে জিজ্ঞেস করে, নর্দ ষ্টেশনের পথে ট্রাম ধরুন!

ক্রসেলস্‌ ছোট সहर হলেও দেখতে বেশ লাগলো। মনে হল, সমস্ত সहरটিই যেন প্যারিসের একটা ছোটখাটো সংস্করণ! বাড়ী, ঘর, পথঘাট, পার্ক, সমস্তই যেন প্যারিসীর ভাবে গড়া! রাস্তায় লোকজন, যান-বাহনের উপরও

সরে বেরিয়ে পড়া গেল, সহরের মাথার উপর উঁচু বাসনকে দেখানো হাইকোর্ট লক্ষ্য করে! সেখানে পৌঁছতে লাগলো প্রায় এক ঘণ্টা; বন্ধুর এগিয়ে একজন



বোটানিকেল গার্ডেন (ক্রসেলস্‌)

পথিককে জিজ্ঞেস করলেন “পার্ছ মুঁসে, কি আলা মেইজো?” অর্থাৎ, ক্ষমা করুন, এই বাড়ীখানি কি?”

পথিক উত্তর করল “প্যালো দি শাস্টিস্‌”

আরযায় কোথায়,

এমি বন্ধুরের প্রতি

অর্থপূর্ণ দৃষ্টি নিক্ষেপ,

অর্থাৎ কেমন, হাই-

কোর্টই ত বটে! আর

দেখাবে হাইকোর্ট!

অর্থাৎ বন্ধুরের ও অর্থাৎ।

হাইকোর্টের সামনেই,

এক দিকে পুরাতন

রোমান এবং অর্থাৎ

দিকে গ্রীক আইনজ্ঞ-

দের প্রতিমূর্তি! অতঃ-

পর প্রহরীর অর্থাৎ

মুখে, সমস্ত অর্থাৎ

কিছুটা ঘুরে এসে,

আরতাল গম্বুজের উপর চড়া গেল।

তখনো বৃষ্টি হচ্ছিল,

এই সমস্ত ক্রসেলস্‌ সহরের দৃশ্য একটু ঝাপসা দেখালেও বড়


লাগলো না। রাজকীয় গীর্জাবরের অভভেদী চূড়াটি যেন

আকাশ ছুঁয়ে ফেলবার উপক্রম করছে, দেখতে পাওয়া গেল। তা ছাড়া কাছেই রাজপ্রাসাদটি ও স্থতিস্তম্ভগুলিও দেখতে পাওয়া গেল এবং বেশ বোঝা গেল কোন্‌টি কি? অবশ্য দিনটি

যদি ভাল হতো, তাহলে, হাইকোর্টের উপর হতে সহরের সাধারণ দৃশ্য নিশ্চয়ই আরো অনেক ভাল লাগতো, সে বিষয়ে সন্দেহ নাই।

হাইকোর্ট হতে বেরিয়ে এসে গিয়ে টুকলুম ক্রসেলস্‌এর প্রসিদ্ধ তিনটি মিউজিয়মে। একটি শুধু মিউজিয়মই, বাকী দুটির একটি পুরাতন ও অপরটি নূতন আর্ট গ্যালারি! বাস্তবিক বেলজিয়মে গিয়ে যদি কিছুতে পরিপূর্ণ আনন্দ উপভোগ করে থাকি তবে, এই আর্ট গ্যালারিও লিখে দেখেই! বাইরে তখনো সমান ভাবে বৃষ্টি

হচ্ছে, স্তবরাং নিবিষ্টচিত্তে দেখতে মনোনিবেশ করলুম, বেলজিয়মের অনন্তসাধারণ চিত্র-সম্পদকে! অনন্তসাধারণই বলতে হবে, কারণ এ দুটি চিত্রশালায় যতটুকু সৌন্দর্য লুকিয়ে



হাইকোর্ট (ক্রসেলস্‌)


আছে, যে কোন চিত্ররসজ্ঞ শিল্পীর মনের খোঁরাক ষোঁগাতে পারে অনেক দিন! অর্থাৎ প্যারিসের বিখ্যাত মিউজিয়াম লুভ্র, ও লণ্ডনের ব্রিটিশ আর্ট গ্যালারিও নানাবিধ বহুমূল্য

চিত্রসম্পদের অধিকারী! কিন্তু সবগুলি দেখে আমাদের মনে হল, ক্রেসেলসের ছুটি ও এন্টওয়ার্পের সুপ্রসিদ্ধ আর্ট



মরুভূমিতে আগর ও ইসমাইল।
(ক্রেসেলস্ মিউজিয়ম)

গ্যালারি একত্র করে ধর্মে বোধ হয় বেলজিয়মের চিত্রসম্পদের স্থান হয় সকলের উপরে! পুরাতন ও নূতন, ইংলণ্ড, ফ্রান্স, হল্যান্ড, সুইডিস্, স্পেন, ইতালীয়, জার্মান, সকল দেশের, সকল সুবিখ্যাত চিত্রকরদের, তুলিকানৈপুণ্য দেখতে পাওয়া যায়, এসে এই বেলজিয়মে! শুধু আমাদের চোখে, একটা অভাব ঠেকলো, যদি এই আর্ট গ্যালারিগুলিতে, শুধু ভারতীয় চিত্রকলার একটু স্থান হতো, তাহলেই বোধ হয় ষোলকলা পূর্ণ হতো! শুধু চিত্র নয়, মন্দির-



মেঘপালের গৃহ প্রত্যাবর্তন। (ক্রেসেলস্ মিউজিয়ম)

মূর্তির সম্পদেও, এই মিউজিয়মগুলি পৃথিবীর মধ্যে একটা উচ্চ স্থানের দাবী রাখে! নিজে শিল্পী নই, তবু সুন্দর যা, মনোরম যা' মনের লুপ্ত শিল্পীভাবকে অত্যন্ত ক্ষণেকের জন্তও একটু সাড়া দিয়ে জাগিয়ে দেয়! হয় ত শিল্পীর দক্ষ তুলির প্রত্যেকটি রেখা ও বর্ণ-বিত্যাসের অর্থ বুঝি না, তবু সেগুলির সমন্বয়ে অঙ্কিত গোট ছবিখানিকে ভাল লাগে; আমার শিল্পজ্ঞানের রসাতল ঐ পর্য্যন্ত! কিন্তু এ হিসাবে বন্ধুবর সন্তোষ সুখের আমার চেয়ে সমজ্জ্বল অনেক বেশী! ছবিখানাকে যখন আমি গোট ছবিরূপেই দেখি, তিনি তার প্রত্যেকটি অংশ আলাদা করে চুল চিরে দেখেন, প্রকৃত সমালোচকের চোখে! সময় সময় তন্ময় হয়ে বন্ধুর হয় ত আধ ঘণ্টা একখানা ছবির সামনে দাঁড়িয়ে আছেন দেখে, অনেক সময়ই অরসিকের মত তাকে তাড়া দিতে হয়েছে! বন্ধুবর আবার আর একখানির সম্মুখে গিয়ে তন্ময় হয়ে গেলেন! বাস্তবিকই তন্ময় হবার মতই জিনিষ বটে! আমারও যে সময় সময় দাঁড়িয়ে দেখতে ইচ্ছা না হচ্ছিল এমন নয়, তবে আমাদের সময় অল্প আর দেখার সামগ্রী অনেক বেশী, এই অভিজ্ঞানটুকুই, শীর্ষশিল্পী শীর্ষগির, "পিবস্ত্রীব চক্ষুভি" করে যতটুকু দেখা সম্ভব তারই জন্ত মনে তাড়া দিচ্ছিল! বেলা ন'টা হতে আরম্ভ করে সমস্ত ছপুর আমরা দুটি আর্ট গ্যালারি দেখলাম। বাস্তবিকই কেমন করে যে অতটা বেলা সেদিন কাটিয়ে ছিলাম শুধু ছবির পর ছবি দেখে, এখনো তা বৃত্তে পারি

না! অনেক কিছুই ভাল লাগলো। তার পর বন্ধুবর ও আমি দুজনে ভাল-লাগা ছবির তালিকা দুটি মিলিয়ে দেখি, গোটাকয় ব্যক্তিগত বৈষম্য ছাড়া—আমাদের ভাল-লাগার মধ্যে শতকরা নব্বইটি স্থলেই সাম্য ছিল! সুতরাং আর্টগ্যালারির দ্বারেই যে সব ছবি বিক্রী হয়—সে হতে, আমাদের দুজনের ভোটে বেগুলি লাগলো তারই অনেক-গুলি কিনে নেওয়া হ'ল। পাঠক পাঠিকা-দের জন্ত, ভাল ভাল ক'খানি, এরই সঙ্গে বিবেচিত করি!

আমাদের সবচেয়ে ভাল লেগেছিল নাভেজের অঙ্কিত, মরুভূমিতে "আগর ও ইসমাইল" চিত্রখানি। এখানি আধুনিক চিত্র! চিত্রখানি শিল্পীর এক অভূতপূর্ব দৃষ্টি! বতদূর দৃষ্টি যায়, মরুভূমি ধু ধু কচ্ছে; মরুভূমি পর্য্যটনের শ্রমে, ক্ষুধায় ও তৃষ্ণায় বালক ইসমাইল, স্মৃষ্টির কোলে চলে পড়েছে, এমন কি হাতের বাঁটি পর্য্যন্ত প্লাথ-আরে যেন হাত হতে খসে পড়ছে। পায়ের নীচে বোঝার গুরু-আর ধরার বুকো নুস্ত! স্মৃষ্ণ বালকের মুখের ভাব বাস্তবিকই অতি চমৎকার। আর তার চেয়ে বেশী চমৎকার, আগরের বেদনাময়ী মুখশ্রী! প্রস্রুপ্ত বালককে ধিরে, তার সেই উৎকণ্ঠাকাতর,

বাকুলতা-মাথা, সোম্য, সৌন্দর্য, আকুল দৃষ্টি, শিল্পীর অপরূপ প্রতিভার পরিচায়ক। নাভেজ যদি আর কোন ছবি না দিলে শুধু এই একখানি ছবিই এঁকে যে তে ন, তাতেই বোধ হয়, তাঁর নাম শতাব্দীর পর শতাব্দী পর্য্যন্ত শিল্পী বলে পরিচিত হতো জগতে!

সন্ধ্যায় "মেঘপালের গৃহপ্রত্যাবর্তন" ছবিখানিও দেখি। পাশেই একটা কবরের স্থান, তার উপরে কবরের ক্রুশ দেখা যাচ্ছে! বৃদ্ধ মেঘপাল, গোধূলিতে

শান্ত কলেবরে মেঘের দলকে নিয়ে গৃহে ফিরছে। চলতে চলতে একটি ছোট শাবক, চলতে পাচ্ছে না, তাই মেঘপাল তাকে কোলে তুলে নিয়েছে; শাবকের মা-টি ব্যগ্র ব্যাকুল দৃষ্টিতে শাবকের প্রতি চেয়ে আছে! সম্মুখে ক্ষুদ্র কাঠের সেতু; মেঘের দল দ্বিধাগ্রস্তচিত্তে, পার হবে কি না তাই ভাবছে! ছবিখানা শিল্পী ভারবিকোভেনের



গ্রাম্যপথ। (ক্রেসেলস্ মিউজিয়ম)

অঙ্কিত;—তুলিকার সাহায্যে, বাস্তব ও প্রকৃতির অপূর্ণ সামঞ্জস্যে অতি নিপুণভাবে চিত্রিত।

এখানি ল্যাণ্ডস্কেপ, টেনিয়ার্সের "গ্রাম্য পথ", ও "ছায়ায় বিশ্রাম" এবং হবের জলে "প্রতিবিম্ব" প্রত্যেক-



গ্রাম্যপথ। (ক্রেসেলস্ মিউজিয়ম)


খানি ছবি বাস্তবিকই অতি সুন্দর। দৃশ্যট হিসাবে, এগুলির মূল্য খুবই বেশী নিঃসন্দেহ।

তা ছাড়া কতকগুলি মন্দির-মূর্তিও শিল্পীর উৎকর্ষের

পরিচায়ক। পাথর কেটে যে এমি জীবন্ত প্রাণময়ী মূর্তি তৈরী করা যেতে পারে, না দেখলে বিশ্বাস হতো না! আমার অনেক দিন আগের কল্পনায় আঁকা, মাতৃমূর্তির



:জলে প্রতিবিম্ব (ব্র:সেলস্ মিউজিয়ম)



মাতৃমূর্তি (ব্র:সেলস্ মিউজিয়ম)

জাজ্বল্যমানস্বরূপ মর্ম্মর মূর্তি দেখতে পেলুম, বেলজিয়মের মিউজিয়মে, শিল্পী ব্রেকিলিয়ারের হাতে গড়া!

“নীরব নিখর যুমাই যখন,
মোর পানে চেয়ে কর জাগরণ,
অপলক স্থির, নিষ্পন্দ নয়ন ;

স্নিগ্ধ কর ছুটি, ব্লাও আমার মাথো

স্বপ্ন সন্তান বুকে, জননীর অপলক, নিষ্প

হীন স্থিরদৃষ্টি, সে এক অভূতপূর্ব দৃশ্য! মায়

দিন খেলাধুলার পর, অশান্ত শিশু খেলাধুল

ফেলে, শান্তিময় জননীর কোলে অঘোর সু

অচেতন ; কী সারল্যময় তার সেই নিদ্রাজ

নত চক্ষু ছুটি! কী স্নিগ্ধ পবিত্রতাময় তা

সেই নির্ভরশীল কোমল আনন! আর তার

পাশে, কী স্বর্গীয় পবিত্রতামাখা, সন্তানের মদ

কামনারত, জননীর স্নিগ্ধ মুখমণ্ডল, আর

সুন্দর, “নিষ্পন্দনয়ন, অপলক- স্থির” জন

দৃষ্টি! ছুই বন্ধুতে অনেকক্ষণ দাঁড়িয়ে দেখলুম, কখনো সন্তানের পানে, কখনো জননীর মুখের পানে! কোন্টা ছেড়ে কোন্টা দেখি? কোন্টার চেয়ে কোন্টা বেশী সুন্দর তাও পর্যন্ত ঠিক করবার ক্ষমতা নেই।

শিল্পী ডিলেক্সএর “উপাসনারতা একটি বালিকা” প্রতিমূর্তিও খুব চমৎকার লাগলো! স্বর্গচিহ্নদেহী কিশোরী একান্ত নির্ভরতার সঙ্গে হাঁটুগেড়ে বসে, যুক্ত করে, নিম্নীকিত নেত্রে প্রার্থনা করছে! সারল্যময়, প্রার্থনারত ভাবটি সত্যসত্যই অভূতপূর্ব ও অবর্ণনীয়।

সেদিন মধ্যাহ্নভোজন সারতে হলো আর্টগ্যালারি নিকটেই একটি রেস্টরাঁয়। রেস্টরাঁয় এক কাপ চা বাহা অথবা খাবারের সঙ্গে পাওয়া গেল, তাহা খুবই ভাল বলতে হলে বন্ধুদের ও আমি দুজনেই একবাক্যে অভিমত প্রকাশ করি যে ভারতবর্ষ ছাড়ার পর, এ রকম এক কাপ চা বিলাক কখনো ভাগ্যে জুটে নাই! সত্যসত্যই বিলাতে চা পান কখনো তৃপ্তি হয় নাই, ফরাসী দেশে ত নয়ই, কা ওখানে মদের পরিবর্তে লোকে জলটুকু পর্যন্ত ছোঁয় না।


রাত্রিতে একটা সিনেমা-হলে ক-ঘণ্টা কোন রকম কাটানো গেল। কোনরকমে কাটানো গেল, কারণ ফরাসী ভাষায় সবাকচিত্র পরিহার কর্তে মনস্থ করেও পারা যায় না, অনেক দূরে একটি নির্ঝাঁক চিত্রশালা আছে সেখানে গিয়েও শুনতে পাওয়া গেল, নির্ঝাঁকও

স্বাক হয়ে গেছে! স্মরণাত্মক অতখানি গিয়ে আর ফিরতে প্রবৃত্তি হলো না, অথচ তা’ হজম কর্তে কষ্টও হলো বেশ কিছু! যতক্ষণ ছবি হচ্ছিল, দেখছিলুম বটে, তবে “হিউগো” মাহেবের দৌলতে, বুঝতে পাচ্ছিলুম একটু আধটু মাত্র!


পরদিন বেলা প্রায় দশটায়, নর্দ ষ্টেশন হতে রওয়ানা হওয়া গেল এন্টওয়ার্পের পথে! পথে ভীড় এত বেশী ছিল যে, দ্বিতীয় শ্রেণীর টিকেট থাকা সত্ত্বেও একেবারে আগাগোড়া পথটা দাঁড়িয়েই কাটাতে হলো। তার উপর আবার উপদ্রব—T. T. C. এসে ব্লেন, কুক কোম্পানীর দেওয়া টিকেট অল্পসারে আমাদের নর্দ ষ্টেশনে না উঠে মিডি ষ্টেশনে উঠা উচিত ছিল, তা না করার দরুণ দুজনকে ভেরো ফ্রাঙ্ক করে অর্থাৎ নগদ ছাব্বিশ ফ্রাঙ্ক দিতে হবে। কি আর করা যায়, দিতে হলো আক্কেল-সেপায়ি! গাড়ীতেই ছুচার জন ভদ্রলোকের সঙ্গে আলাপ করে আমাদের মস্তবড় একটা ভুল ধারণা ভেঙ্গে গেল। জার্মান বুদ্ধের পূর্বে সমগ্র ইয়োরোপে এন্টওয়ার্পের মত সুদৃঢ় শত্রুর আক্রমণ প্রতিহত করার মত দুর্গ আর একটাও ছিল না। নেপোলিয়ন তাই ভবিষ্যদ্বাণী করেছিলেন, যাদের তোপের মুখে এন্টওয়ার্পের পতন হবে, তারা দুনিয়াতে হবে অপরাধের। অবশ্য ইতিহাস-প্রসিদ্ধ দিগ্বিজয়ীর সে ভবিষ্যদ্বাণী সফল হয়নি! অত্বেত দুর্গ এন্টওয়ার্পেরও পতন হয়েছিল বিরাট জার্মান-বাহিনীর সম্মুখে, কিন্তু অদৃষ্টের পরিহাসে তাদেরও পতন ঘটতে বেশী দিন দেবী হয় নি। মনে ধারণা ছিল, জার্মান-বাহিনীর তোপের মুখে ধ্বংসাবশিষ্ট দুর্ভেদ্য এন্টওয়ার্প দেখতেই হবে; কিন্তু সহযাত্রীদের মুখে শুনতে পেলুম, তার চিহ্নমাত্র নাই। শুধু শেলড্‌ট নদীতীরে, ওয়ার মিউজিয়ামে, যুদ্ধের ধ্বংসাবশেষ ও অত্যাচার অঙ্গশস্ত্রাদি রক্ষিত আছে! তাদের নিকট হতেই এন্টওয়ার্পে দ্রষ্টব্য অত্যাচার যা কিছু তার সংবাদ পাওয়া গেল।

সেদিনটাও ভাল ছিল না, অল্প অল্প বৃষ্টি হচ্ছিল, আর তার উপর বরফ পড়ছিল। ইংলও ছেড়ে এসে প্রায় সাত দিন পরে এই প্রথম বরফ দেখতে পেলুম এন্টওয়ার্পে এসে! গাড়ী হতে নেমে

আর্ট গ্যালারি। (এন্টওয়ার্প) পড়লো বেশ উঁচু একটা গীর্জার চূড়া! বরাবর লক্ষ্য করে এসেছি, উঁচু যা’ কিছু, বন্ধুদের লক্ষ্য সর্বদাই তার প্রতি।




প্রার্থনারতা বালিকা (ব্র:সেলস্ মিউজিয়ম):



আর্ট গ্যালারি। (এন্টওয়ার্প)

তাই যেই উঁচু চূড়া দেখা, অগ্নি বল্লেন, ওটা দেখতে হবে। আমি বল্লুম, তা হবে পরে, এখুনি প্রথম আর্টগ্যালারিতে যাওয়া দরকার; কারণ, সাড়ে তিনটায় বোধ হয় 'তা' বন্ধ হয়ে যাবে! এন্টওয়ার্পে আর্টগ্যালারি বিশ্ববিখ্যাত। যেই তার নামোল্লেখ, অগ্নি বন্ধবর উৎসাহের সঙ্গে বলে উঠলেন "ব-বেশ তাই।" ভাবাবেশের সময় বন্ধবরের মুখে একটু কথা বাধে—বুঝতে পার্লুম আমার কথায় তাহার ভাবের সঙ্গে বেশ একটু আবেশ এসে গেছে! পথেই একজন




ক্রুশ-বিদ্ধ খৃষ্ট। (এন্টওয়ার্প আর্ট গ্যালারি)

কনেষ্টবলকে জিজ্ঞেস করে, ট্রামে উঠে, আর্টগ্যালারির দরজায় এসে পৌঁছলুম।

বাহির হতে দেখে, আর্টগ্যালারির বিশেষত্ব বিশেষ কিছুই মনে হলো না। প্যারিসের লুভ, অথবা লণ্ডনের ব্রিটিশ আর্টগ্যালারির মত বড় নয়। মাঝারি গোছের বাড়ীখানা, দেখতে অনেকটা বড়বড় খামওয়ালার, কলিকাতার সিনেট হাউসের মত! বাই হউক বাহিরের

চেহারায় একটুও মনোনিবেশ না করে ঢুকে পড়লুম ভিতরে! দেখলুম, আর্টগ্যালারিটি চিত্র-সম্পদে বাস্তবিকই অতুলনীয়। ক্রসেলস্ এর ছুটি আর্টগ্যালারি, আর এটির যদি একত্র সমন্বয় হয়, তবে পৃথিবীর যে কোন শ্রেষ্ঠ আর্টগ্যালারির সঙ্গে পাল্লা দিতে পারে বেলজিয়মে রক্ষিত শিল্প-ভাণ্ডার। শুধু চিত্র নয়—কতকগুলি মর্ম্মরমূর্ত্তিও আমাদের চোখে অতি চমৎকার লাগলো! এন্টওয়ার্প আর্টগ্যালারির, আমাদের উভয়ের মতে ভাল লাগা, কথানা ছবির প্রতিকৃতি, পাঠক পাঠিকাদের জন্ম এতৎসঙ্গে সন্নিবেশিত



থেয়া (এন্টওয়ার্প আর্ট গ্যালারি)

কচ্ছি। এ হতেই তাঁরা এন্টওয়ার্পের প্রসিদ্ধ চিত্রশালার একটা মোটামুটি ধারণা কর্তে পারবেন।

সুপ্রসিদ্ধ শিল্পী ভ্যান্ডাইকের "ক্রুশবিদ্ধ খৃষ্ট" ছবিখানি অত্যন্ত চমৎকার। হস্তপদ-ক্রুশে বিদ্ধ, খৃষ্টের কী অপূর্ণ মহিমোজ্জ্বল দৃষ্টি!

শিল্পী ভ্যান লিরিয়াসের, "লেডী গডিভা"র ভীতচকিত, সম্বস্ত দৃষ্টি, যাহা তুলিকার মুখে চমৎকার ভাবে ফুটে উঠেছে; দেখেই মনে হয় সার্থক শিল্পীর শ্রম ও সাধনা।

ভ্যান কুইকের "কাঠুরিয়া পরিবার" চিত্রখানিও বেশ! কাচ্চা, বাচ্চা, পুত্র, কন্যা, ও জীর সঙ্গে—কাঠের বোঝা বয়ে কাঠুরের, শ্রান্ত কলেবরে গৃহে প্রত্যাবর্তনের দৃশ্য, অত্যন্ত সজীব বলে মনে হয়। মনে হয় তৎকালীন প্রত্যেকটি মুখভঙ্গিমার সহিত আমরা যেন পরিচিত!

বারেও ভান্ডার, "বিচারের দিন" ছবিখানিও রংএর খেলার জন্ম অত্যন্ত মনোরম দেখায়! উপরে আকাশে দেবদূতদের মেলা বসেছে, নীচেই অসংখ্য উর্দ্ধদৃষ্টি নরনারী



বিচারের দিন। (এন্টওয়ার্প আর্ট গ্যালারি)

বিচারের প্রতীক্ষায় দাড়িয়ে আছে। নানাবিধ রংএর সংস্পর্শে, তুলিকার মুখে এতগুলি লোকের মুখচ্ছবি যথাযথ ভাবে ফুটিয়ে তোলা, বাস্তবিকই শিল্পীর কুশলতার পরিচায়ক। এক রংএর প্রতিকৃতি হতে, আসল চিত্রখানির ধারণা করা সম্ভব নয়, তবু একটু আভাষ পাওয়া যায়!

হলাওস্কলের রুইসডেল অঙ্কিত "থেয়া" চিত্রখানিও আমাদের চোখে চমৎকার লেগেছিল! গাছের নীচে, নদীর বুকে, পার হবার জন্ম একখানা থেয়া নৌকা, তার

উপর ওপারের যাত্রী গাড়ী ঘোড়া লটবহর নিয়ে অনেকগুলি লোক! দৃশ্যপট হিসাবে এখানার মূল্য খুবই বেশী বলেই মনে হ'ল।

ক্রসেলস্ মিউজিয়মে দেখা মর্ম্মর-মূর্ত্তির মত, এখানেও অনেকগুলি মর্ম্মরমূর্ত্তি দেখে শিল্পীর উৎকর্ষের পরিচয় পাওয়া গেল! "খাণ্ড বিতরণ" দৃশ্যটি বাস্তবিকই শিল্পীর এক অভূতপূর্ব সৃষ্টি! জননীর সম্মুখে তিনটি শিশু। জননী একটিকে স্তনদান করছেন, আর বাকী দুটিকে একটি চামচে করে খাবার দিতে যাচ্ছেন। দুটি শিশুই একসঙ্গে হাঁ করে,—কে আগে খাবে, তারই



লেডী গডিভা (এন্টওয়ার্প আর্ট গ্যালারি) প্রতিযোগিতা চলছে! জননীও কার মুখে আগে দিবেন ঠিক না কর্তে পেরে, মাঝামাঝি

এক স্থানে চামচ ধরে আছেন। ছেলেদের মুখে খাবার সেই তীব্র ইচ্ছা, এবং জননীর মুখে তৃপ্তিতে উজ্জ্বল স্নিতহাস্ত যা' ফুটে উঠেছে, তা' বাস্তবিকই অপূর্ণ! দেখে আরো দেখতে ইচ্ছা হয়; মনে হয় যেন সম্মুখে মর্ম্মরমূর্ত্তি না দেখে, সজীবমূর্ত্তিই দেখছি; এমনকি, ভ্রম হয় যেন হাশ্বভরে জননীর ঠোঁট দুটি নড়ছে! সত্যসত্যই এমন জীবন্ত মূর্ত্তি জীবনে খুব কমই দেখেছি।


আর্টগ্যালারিতে ছবি কিনতে গিয়ে অনেকক্ষণ

আলাপ হলো ছবি-বিজ্ঞানীর সঙ্গে। বেলজিয়ানদের আচার ব্যবহার, রীতি নীতি, গত জাঙ্গাণ যুদ্ধের বীভৎসতা—অনেক কিছু সম্বন্ধে। আমাদের বিদেশী জেনে মেয়েটিও মস্তবড় একটা বক্তৃতা দিলে আমাদের কাছে। তাতে লাভই হলো,—সে দেশ সম্বন্ধে বেশ একটু অভিজ্ঞতা সঞ্চয় করা



কৃষক পরিবার (এন্টওয়ার্প আর্ট গ্যালারি)

গেল! কিন্তু আমাদের সময় কম, বেশীক্ষণ অভিজ্ঞতা সঞ্চয় চলো না। মেয়েটিকে ধন্যবাদ দিয়ে বেরিয়ে পড়লুম আর্টগ্যালারি হতে, সেই উঁচু চূড়াওয়ালা গীর্জাঘরটির পথে!



“খাণ্ড বিতরণ” (এন্টওয়ার্প আর্ট গ্যালারি)

ফরাসীদেশের মত বেলজিয়ামও রোমান ক্যাথলিক। গীর্জাটি অনেক শতাব্দীর পুরাতন। উঁচু চূড়াটি ১২৩ মিটার উঁচু, পাঁচতলা, তাতে একটি ঘড়ি আছে! ভিতরে

টুকে খানিকক্ষণ মূর্তিগুলি দেখে বেরিয়ে এলুম! একটু এগিয়ে গিয়েই সুপ্রসিদ্ধ স্কোয়ার ব্রাবোতে পৌঁছান গেল। এটি এন্টওয়ার্পের একটি জনবহুল প্রসিদ্ধ স্থান। চারদিকেই ছ’মাত তলা বাড়ী, বেশীর ভাগই বড়বড় দোকান। মাঝখানে উঁচু একটি ব্রোনজ মূর্তি, একটি দীর্ঘকায় লোক হাত হতে একটি অস্ত্র ছুঁড়ে ফেলছে! শুনতে পেলুম এন্টওয়ার্প নামটি এই হতেই হয়েছে। (এন্ট—হাত, ওয়ার্প—অস্ত্র!) সেখানে বেশীক্ষণ কালকিনয় না করে আমরা চলুম নদীতীর লক্ষ্য করে!

এন্টওয়ার্পের নদী শেলহুট মোটেই বড় নয়! তবু ছোট নদী দিয়েই ব্যবসার জাহাজগুলি সমুদ্র হতে আসে। নদীতীর বাণিজ্যের স্থান বলে লোকাকীর্ণ; তবে সেদিন রুষ্টি হচ্ছিল, আর অবিরত ভুয়ারপাত হচ্ছিল বলে লোকজন কম ছিল। আমরা খানিকক্ষণ নদীতীরে

বেড়িয়ে গিয়ে ওয়ার মিউজিয়মে ঢুকলুম। ছোট মিউজিয়মটি বেশী কিছু নেই; শুধু জাঙ্গাণযুদ্ধে, এন্টওয়ার্প দুর্গের ভগ্নাবশেষ অনেকগুলি কামান ও গোলা প্রভৃতি রাখা আছে! বড় আশা করে এসেছিলুম, জাঙ্গাণযুদ্ধের ধ্বংসাবশেষ দুর্গপ্রাকার দেখতে পাব; কিন্তু ছুধের আশা বোলেই মেটাতে হল মিউজিয়মে রক্ষিত ধ্বংসাবশেষগুলি দেখেই!

যখন বেরিয়ে এলুম তখন সন্ধ্যা হয় হয়। অবিরত বরফ পড়ছে, এবং বেশ শীত লাগছিল। হাত পা আড়ষ্ট হয়ে যাচ্ছে দেখে অগত্যা ঢুকলুম গিয়ে একটা ক্যাফেতে! চিন্তনীর পাশে বসে হাত পা গরম কর্তে কর্তে কিছু চা, বিস্কুট ও মিষ্টির সন্ধ্যাবহার করা গেল! তখন আর ক্রসেলস্ এর গাড়ীর বড় বিলম্ব নাই, সুতরাং আমাদের গন্তব্য স্থল হল ষ্টেশন!

ক্রসেলস্ এ পৌঁছে সেই রাতেই রাইনল্যান্ডের পথে গাড়ীতে উঠলুম ক্রসেলস্ মিডি ষ্টেশনে! ক্রসেলস্ ও এন্টওয়ার্পে আমরা যে তিনটি দিন ছিলাম, বেলজিয়ামের চিত্রশালাগুলি আমাদের অত্যন্ত আনন্দ দিয়েছিল। শিল্পী না হয়ে শিল্পের সমজদার হতে বাধ্য হয়েছিলুম বন্ধু দুটি! ভাল যা’, সুন্দর যা’, নয়নানন্দদায়ক যা’, সকলের চোখেই তা’ আনন্দ দেয়, আমাদের দিয়েছিল;—তেমন্টি জীবনে খুব কম স্থানেই পেয়েছি! বন্ধুবর ও আমি ক্রসেলস্ ছাড়বার মুহূর্তে, দুজনেই একবাক্যে অভিমত প্রকাশ করলুম বেলজিয়ামের চিত্রসম্পদ, সত্যসত্যই—অপূর্ণ!

চিরন্তনীর জয়

কুমার শ্রীধীরেন্দ্রনারায়ণ রায়

সপ্তদশ পরিচ্ছেদ

“তুমি?—তুমি হঠাৎ কোথা থেকে ভাই?”

প্রগাঢ় আলিঙ্গনে আবদ্ধ করিয়া বিকাশ অনিলকে বাহিরের ঘরে একরকম টানিয়াই লইয়া গেল।

অনিলচন্দ্র বলিল, “হ্যাঁ, অনেক দিন তোমাদের কোন পত্র লিখিনি। তা, মনীশ এখন কোথায়?”

“সে এখন কলকাতায় নেই, ভাই। শুনেছ, চিত্র-জগতে সে প্রতিষ্ঠা পেয়েছে।”

অনিলচন্দ্র বলিল, “তোমাদের সংবাদ আমি রাখি। যদিও মাস ছয়েকের মধ্যে তোমাদের চিঠি লিখিনি বটে। সে এখন প্রসিদ্ধ চিত্রশিল্পী, সে সংবাদ আমার ভালই জানা আছে। তার পর তুমি এখন কি করছ?”

বিকাশ সহাস্তে বলিল, “বাস্তালীর ত দু’টি পথ, হয় কেরাণীগিরি, নয় ত মাষ্টারী বা ওকালতি। আমি এখন—কলেজে একটা প্রফেসরি জুটিয়ে নিয়েছি। তার পর তুমি? সিভিলের সার্কিসের পদ পেয়েছিলে জানি, নাও নি সে খবরও রাখি। এখন কোথায় আছিস বল ত ভাই?”

অনিলচন্দ্র সতীর্থ ও বাল্যবন্ধুর দিকে স্নিগ্ধ দৃষ্টিতে চাহিয়া বলিল, “আমারও ঐ গতি।—পুরের কলেজে অধ্যাপনার কাজ নিয়েই আছি। মনীশ কোথায় গেছে বলি?”

“—পুরের নবীন মহারাজ তার চিত্রশিল্প-প্রতিভায় মোহিত হয়ে গেছেন। তাকে দিয়ে কতকগুলো ছবি আঁকিয়ে নেবার জন্ত, পূজোর সময় তিনি তাকে সঙ্গে করে বেড়াতে নিয়ে গেছেন। আজ সকালেই তা’র ফিরবার কথা। লাহোর থেকে যে চিঠি পেয়েছি তাতে তাই লিখেছে।”

এমন সময় বিকাশের পিতা বেড়াইয়া বাড়ী ফিরিলেন। পুত্রের অগতম অকৃত্রিম সুহৃদ অনিলচন্দ্রকে তিনি উত্তম-রূপেই জানিতেন। এক সময়ে মনীশ ও অনিল উভয়েই তাঁহারই প্রিয়পাত্র ছিল।

অনিলচন্দ্র বন্ধুর পিতা ও প্রথম-জীবনের আদর্শ শিক্ষা-গুরুকে দেখিয়া তাঁহার চরণ বন্দনা করিল। বিকাশের

পিতা সম্মেহে তাহাকে আশীর্বাদ করিয়া বলিলেন, “তোমার সাফল্যের সংবাদ আমি শুনেছি, বাবা। তিন বিষয়ে এম্-এ দিয়ে প্রত্যেক বারে প্রথম স্থান অধিকার করেছ, এ সংবাদ আমার অগোচর নেই। সিভিল সার্কিস পরীক্ষাতেও তুমি জয়লাভ করে সে পদ নাও নি, তাঁও আমি জানি। এজন্ত তোমার প্রতি আমার বিশেষ শুদ্ধা হয়েছে, বাবা।”

শিক্ষক মহাশয়ের প্রশংসা-বাক্যে অনিলচন্দ্র ঘামিয়া উঠিল। লজ্জার অরণ্য রাগ তাহার সুগৌর মুখমণ্ডলে ফুটিয়া উঠিল। সে মুহূর্তে বলিল, “আপনি আশীর্বাদ করুন যেন মাছুষ হতে পারি।”

“হ্যাঁ বাবা, সে আশীর্বাদ আমি সর্বদাই তোমাদের তিন বন্ধুকেই করে থাকি। মনীশও খুব নাম করেছে।”

বিকাশ ইতিমধ্যে বাড়ীর মধ্যে গিয়াছিল। সে ফিরিয়া আসিয়া বলিল, “অনিল, আয় ভাই, মা তোকে ডাকছেন।”

“যাও বাবা, যাও” বলিয়া বিকাশের পিতা জামা জুতো খুলিতে লাগিলেন।

চলিতে চলিতে বিকাশ বলিল, “তুই কোথায় উঠেছিস?”

অনিল বলিল, “আমার মামা ভবানীপুরে নতুন বাড়ী তৈরী করেছেন। মা ও বাবা সেখানে এসেছেন। আমি কাল কলকাতায় ছুপুরে এসে পৌঁছেছি। সেখানেই আছি।”

বিকাশের মাতা হাস্ত মুখে পুত্র সম অনিলকে আশীর্বাদ করিয়া কাছে বসাইলেন। নানা কুশল প্রশ্নাদির পর বিকাশের মাতা বলিলেন, “তা বাবা অনিল, তোরা তিন বন্ধু কি যে প্রতিজ্ঞা করে বসে আছিস—বিয়ের নামই নেই।”

বিকাশ তখন ব্যস্ত ভাবে ঘরের এক কোণে একখানি ছবি খুলিয়া লইয়া মুছিতেছিল। অনিলচন্দ্র মাথা নত করিয়া নীরবে বসিয়া রহিল।

বিকাশের মাতা পুনরায় বলিলেন, “এমন সব সোনার চাঁদ ছেলে, লেখাপড়া শেষ করে সবাই টাকা রোজগারও

আরম্ভ করেছে, অথচ এরা সংসারীর কাজ কর্তে ভয় পায়, কি যে দিন কাল পড়েছে !”

বিকাশ এবার সম্মুখে আসিয়া ছবিখানি একখণ্ড কাপড়ের সাহায্যে মুছিতে মুছিতে বলিল, “সকল মায়েরই ঐ এক কথা।”

মাতা দীপ্তকণ্ঠে বলিয়া উঠিলেন, “এক কথা ত হবেই। তোরা সব অন্ডায় করবি। আর মা বাপ সে অন্ডায় কাজের কথা তোদের মনে করিয়ে দেবে না?”

বিকাশ হাসিতে হাসিতে বলিল, “বিয়ে না করা কি পাপ কাজ?”

“পাপ নয়? সংসারে থাকবি অথচ সংসার-ধর্ম পালন করবি না, এটা অন্ডায় কাজ নয়? পাপ নয়? সম্যেসী হয়ে যা না, কেউ তোদের ছুবে না।”

বিকাশ সেইরূপই হাসিতে লাগিল। তার পর বলিল, “মাসীমা—মনীশের মাও ঐ কথা বলেন।”

“সবাই তাই বলবে, বাবা। তোরা আজকাল বক্তৃতা দিস, কাগজে লিখিস বিধবাদের বিয়ে দাও। তাতে ত খুব উৎসাহ দেখতে পাই। কিন্তু কুমারীগুলো যে বিয়ে না হয়ে দিন দিন কোন্ পথে ভেসে চলে যাবে, সে ভাবনা কারও নেই। কি যে তোরা স্বদেশী করিস, বাবা!”

এবার পুত্রদিগের তরফ হইতে কোনও উত্তর আসিল না। অনিল মৃত্তিকা-নিষ্কিন্ত দৃষ্টিতেই বসিয়া রহিল। বিকাশও মুখ ফিরাইয়া লইয়া মনোযোগ সহকারে ছবির গায়ের ময়লা তুলিতে লাগিল।

মাতা বলিয়া চলিলেন, “এই যে তোরা তিনটি ভাল ছেলে,—তিনটি মেয়েকে সংসারে স্মৃখী করতে পারিস; কিন্তু সত্যিকার দেশ-ভক্তি তোদের আছে বলে আমি ত মনে করি না। তা যদি থাকত, তবে তিনটি মেয়ের জীবনের দুর্ভাবনা—তিনটি পরিবারকে কষ্টাদায়ের বিস্তী ভাবনা থেকে উদ্ধার করে ভগবানের অশীর্বাদ লাভ করতে পারতিস না?”

বিকাশ এবার কি বলিতে যাইতেছিল, কিন্তু খামিয়া গেল। এ যুক্তির বিরুদ্ধ যুক্তির উল্লেখ করিয়া সে তাহার জননীর স্নেহাতুর প্রাণে বেদনা দিতে চাহিল না।

অনিলচন্দ্র মুখ তুলিয়া চাহিতেই তাহার আননের ব্যথাতুর ভাব বিকাশকে আহত করিল। অনিল কেন

এখনও বিবাহ করে নাই, তাহার সম্পূর্ণ হেতু সে জানিত না; কিন্তু তাহার মনে এ সম্বন্ধে একটা আভাস অনেক দিন হইতেই জাগিয়া উঠিয়াছিল। মনীশকে কেন্দ্র করিয়া তাহার উভয়েই যে এখনও পর্যন্ত দাম্পত্য-জীবনে অগ্রসর হয় নাই, এ সত্য বিকাশ ত মনের কাছে অস্বীকার করিতে পারে না।

ছেলেদের নীরব দেখিয়া বিকাশের মাতা আর কোন কথা বলিলেন না। অনিল বলিল, “মনীশের আত্মপৌছুবার কথা আছে, একবার সেখানে গেলে হয়। তার সঙ্গে আমার দরকারী কথা আছে।”

বিকাশ বলিল, “চল সেখানে যাই। এতক্ষণ হয় ত সে পৌছে গেছে।”

মা বলিলেন, “অনিল, বিকাশ, তোরা কিছু খেয়ে যা।”

অনিল বলিল, “না মাসীমা, আমি ভোর বেলা ভবানীপুর থেকে জলখেয়ে বেরিয়েছি, এখন ক্ষিদে নেই।”

বিকাশ বলিল, “মনীশ বোধ হয় আজই আমরা আজ রাতে আমরা তিনবন্ধু একসঙ্গে এখানে খাব। তুমি তার ষোগাড় করে রেখ। কেমন অনিল?”

অনিল বলিল, “সেই ভাল।” তার পর, দুই বন্ধু বাহির হইয়া গেল।

অষ্টাদশ পরিচ্ছেদ

এমন ভাবে এই তিন বন্ধুর পরস্পর মিলন দীর্ঘকাল ঘটে নাই। বিকাশের দ্বিতলের এক পার্শ্বস্থ কক্ষে বসিয়া তিন বন্ধু সন্ধ্যার অবকাশ নানা আলোচনায় পরিপূর্ণ করিয়া তুলিতেছিল।

বাল্য, কৈশোর ও প্রথম যৌবন-সঙ্গমের মধু-স্মৃতিভরা মুহূর্তগুলি, অতীত যবনিকার অন্তরাল হইতে ফিরা আসিয়া প্রফুল্ল যৌবন-মধ্যাহ্নের মিলন-ক্ষেত্রে যেন অভিন্ন মূর্তি পরিগ্রহ করিয়া দেখা দিতেছিল। ডিস্-রেলীর ছদ্ম জীবন সংক্রান্ত অমোঘ বাণীটি আজ বিকাশের মনে বারবার উদিত হইতেছিল।

শিক্ষা-মন্দির—বিশ্ববিদ্যালয় জীবন-প্রভাবে বহু বন্ধু মিলাইয়া দেয়। কিন্তু সংসারের রথচক্রের পেষণে মধু যখন পিষ্ট হইতে থাকে—অর্থ, যশ, কীর্তির পশ্চাতে ধারিত হইয়া মানুষ যখন ব্যর্থতার হাহাকারে ভাঙ্গিয়া পড়ে, অর্থ

সার্থকতার উচ্চ চূড়ে উন্নীত হয়, তখন পূর্বের বন্ধু কোথায় বিলীন হইয়া যায় তাহা অনুমান করাই কঠিন হয়। জীবনের চক্ররথ মধ্যপথে খামিয়া না গেলে—বন্ধুর সংসার-বজ্রের এখানে সেখানে মাঝে মাঝে হয় ত পুরাতন বন্ধুর সাক্ষাৎ মিলিয়া যায়; তখন হয় ত তথা-কথিত মৌখিক অর্থহীন কুশল-প্রশ্ন অথবা উভয় পক্ষ হইতে একটু কাঠ হাসির বিনিময় অতীতকে বিদ্রূপ করিতে থাকে।

মানব-জীবনের এই সাধারণ পরিণতি সম্বন্ধে বন্ধুদ্বয়ের জীবনে এখনও পর্যন্ত কোনও প্রত্যক্ষ অভিজ্ঞতা জন্মে নাই। এখনও বাল্য, কৈশোর ও প্রথম যৌবনের মাদকতাভরা তাহাদের জীবনের সমুদয় রঙ্গীন অংশে বাস্তবের নিকবক্ষণ যবনিকা ঢুলিয়া উঠে নাই। এখনও অনাবিল বন্ধুদের প্রবল প্রবাহধারা তর তর বেগে অন্তরকে ভাসাইয়া লইয়া চলিয়াছে।

রঙ্গমশালার তত্ত্বাবধান ও ছেলেদের প্রেয় আহাৰ্য্যগুলি প্রস্তুতের অবকাশে বিকাশের জননী, তাহাদের অগোচরে মাঝে মাঝে মিলন-আনন্দে অভিভূত আলোচনা-মগ্ন যুবক তিনটিকে দেখিয়া যাইতেছিলেন। বহু—বহু দিন তিনি এমন দৃশ্য দেখেন নাই। ভগবান! ইহাদিগকে স্মৃখী কর, তৃপ্তি ও আনন্দ দান কর।

বিকাশ বলিয়া উঠিল, “আজ কিন্তু আমরা তিনজন এই ঘরেই ঘুমবো।”

অনিল বলিল, “আমি মাকে বলে এসেছি, আজ আর ভবানীপুরে আসতে পারবো না।”

মনীশ বলিল, “মা জানেন এখানেই আমার রাজিবাস।” পল্লী সহরের অতীত জীবন-যাত্রার দৃশ্যগুলি তাহাদের বোধ হয় মনে পড়িতেছিল। অনিল মনীশের দক্ষিণ করপুট চাপিয়া ধরিয়া বলিল, “কিন্তু ভাই, তোমার প্রতিশ্রুতি ভুলো না। আমাদের স্বদেশী মেলায় তোমার একখানা নৃতন ভাল ছবি দেওয়া চাই-ই।”

মনীশ বলিল, “তা নিশ্চয় দেব। এখনো ত একমাসের উপর সময় আছে। একখানা ছবি এর মধ্যে হয়ে যাবে।”

বিকাশ বলিল, “আচ্ছা, অনি, তুই সারা দিন সেখানে কি করে কাটাস বল ত, ভাই? সঙ্গী তোর বড় কেউ আছে বলে ত মনে হয়না।”

মনীশ হাসিয়া বলিল, “কেন, কেতা-ব-কীটের সঙ্গীরা ভাব কি? কাউপার যেমন বলেছিলেন গ্রন্থাগার তাঁর

সহধর্মিণী। ও যে রকম কেতা-ব-কীট তাতে সঙ্গীর অভাব ওকে ছুঃখ দিতে পারে না।”

বিকাশ বলিল, “সে কথা ঠিক। তা ছাড়া চরকাও ত আছে।”

অনিলচন্দ্র সরল প্রাণে উচ্চশব্দে হাসিয়া উঠিল। বন্ধুরা তাহার সম্বন্ধে অত্রান্ত।

মনীশকে সে বলিল, “তোরা সে ব্যায়ামচর্চা এখনও চলছে ত?”

বিকাশ বলিল, “ওর চেহারা দেখে বুঝতে পাচ্ছি না, ভাই? বন্ধিমবাবুর সে বর্ণনাটা মনে আছে ত? ভাষাটা ঠিক মনে পড়েছে না, কোমলতায় এমন বলময়। ও তাই। রোজ ঘণ্টাখানেক শ্রাণ্ডোর প্রক্রিয়া ও চালাবেই।”

মনীশ হাসিয়া বলিল, “বিকাশ এ বিষয়ে যে সাধুপুরুষ নয় তা ত তুমি জানই। ও আবার আমার জুজুংছ আর লাটি খেলাও শিখিয়েছে।”

অনিল বলিল, “ওসব একটু আধটু জেনে রাখা ভাল। বাঙ্গালীকে যদি জীবন-সংগ্রামে জয়লাভ করতে হয়, তবে বলিষ্ঠ, ব্যায়ামপটু দেহ ও স্বস্থ সবল মনের অধিকারী হতে হবে। কলেজে এ বিষয়টা আমি ছাত্রদের মধ্যে বিশেষভাবে শিক্ষার ব্যবস্থা করে দিয়েছি।”

চিন্তিতভাবে বিকাশ বাতায়ন-পথে বাহিরের দিকে চাহিয়া মুহূর্তমাত্র চুপ করিয়া বসিয়া রহিল। তার পর গম্ভীর ভাবে বলিল, “ভাই, একটা জিনিষ লক্ষ্য করেছ কি না জানি না। কলকাতায় ত দেখতে পাচ্ছি, ছেলেরা যেন নারীসুলভ কমনীয়তার পক্ষপাতী হয়ে উঠেছে। খেলাধুলার উৎসাহ অনেকের মধ্যে আছে বটে; কিন্তু বাদের মধ্যে সাহিত্যিক মনোবৃত্তি একটু আছে, ললিত-কলার যারা পক্ষপাতী, তারা যেন পৌরুষের চর্চা করাটাকে অপরাধ বলে মনে করে।”

মনীশ বলিল, “এ বিষয়ে তোমার সঙ্গে আমার মত-বিরোধ নেই। বাঙ্গালী তার পূর্ব পুরুষগণের পৌরুষ হারাতে বসেছে। এটা দুর্লক্ষণ।”

অনিলচন্দ্র বলিল, “কিন্তু মফঃস্বলের ছেলেদের মধ্যে এ দোষটা কম দেখতে পাচ্ছি। সহর ও মফঃস্বলে এ পার্থক্য কেন বুঝতে পাচ্ছি না। আমরাও ত এখনো তরুণদলের

বাইরে গিয়ে পড়ি নি। আমাদের শিক্ষার সঙ্গে এ মনোবৃত্তির যোগ নেই।”

মনীশ বলিয়া উঠিল, “আমাদের প্রথম শিক্ষা মেসো-মশায়ের কাছে, সে কথাটা ঝুলে যেও না।”

অনিল বুঝিল, বিকাশের পিতার কথাই মনীশ বলিতেছে। শ্রদ্ধায় তাহার চিত্ত অরনত হইয়া পড়িল। সে বলিল, “সে সৌভাগ্য সত্যি সকলের ভাগ্যে ঘটে না। তাঁর আদর্শ আমার জীবনে সমুজ্জ্বল হয়ে আছে।”

বিকাশ কথাটার মোড় ঘুরাইয়া দিয়া বলিল, “মনীশ, তোর দেশভ্রমণের একটা মজার অভিজ্ঞতার কথা কি বলবি বলছিলি যে। সেটা ত শোনা হয় নি।”

অনিল বলিল, “হ্যাঁ ভাই, সেটা শোনা যাক।”

মুহূর্ত্তে মনীশ যেন গভীর হইয়া পড়িল। ডিবা হইতে একটা পাণ ভুলিয়া লইয়া চর্চণ করিতে করিতে সে বলিল, “মহারাজার সঙ্গে কাশী হয়ে সোজা আমরা আগ্রায় যাই। মহারাজা লোকটা সৌখীন, সে কথা বলা বাহুল্য। সঙ্গে একখানা মোটর। ওটা চালাবার কৌশল অনেক দিন আগেই শিখে নিয়েছিলুম। কোথাও যখন একলা বেড়াতে যেতাম, তখন নিজেই হাঁকাতাম। তোরা ত জানিস নিরুজনতার আমি ভারী ভক্ত। ও রোগটা তোদের দু'জনেরও আছে। আগ্রায় যাবার উদ্দেশ্য অনেকগুলো ছিল। মাস্তুলের শিল্প-প্রতিভার অনেকগুলো অভুলনীয় নিদর্শন সেখানে মূর্ত্ত হয়ে আছে। সেদিন পূর্ণিমা। ভারী ইচ্ছে হল, সাজাহানের প্রেমস্বপ্নের মূর্ত্ত-বিগ্রহের সামনে বসে বাঁশী বাজাব।” মনীশ সহসা নিমীলিত নেত্রে কয়েক মুহূর্ত্ত চুপ করিয়া রহিল।

বন্ধুগণ মনীশের দিকে চাহিয়া দেখিল, তাহার প্রতিভা-প্রদীপ্ত স্নন্দর মুখমণ্ডলে একটা আনন্দদীপ্তি উজ্জ্বল হইয়া উঠিয়াছে।

নয়ন উন্মীলিত করিয়া সহাস্রমুখে সে বলিল, “সে স্নন্দর, পবিত্র, মনোরম দৃশ্যের কথা জন্মে কখনও তুল্ধ না। কোন লোক যে পারে বিশ্বাস করি নে। আকাশে মেঘের বিন্দুমাত্র রেখাও নেই। যমুনার দিকে তাজের পেছনে একটা নিরুজন-স্থান খুঁজে নিয়ে বসে পড়লাম। লোকজন সেদিন ছিল না বললেই হয়। অনেকক্ষণ ধরে জ্যোৎস্না-ধারায় অভিষিক্ত তাজের মহিমা দেখে—সৌন্দর্যের জোয়ারে

প্রাণটা কাণায় কাণায় ভরে উঠলো। বাঁশীটা বাজাতে আরম্ভ করে দিলুম।”

মনীশ আবার নীরব হইল। বিকাশ তাহার মুখের দিকে দৃষ্টি স্থির করিয়া বসিয়া ছিল। অনিলচন্দ্রও মুগ্ধ ভাবে শুনিতেছিল। সহসা সে যেন একটু চঞ্চল হইয়া উঠিল; কিন্তু কোন কথা বলিয়া সে মনীশের একাগ্রতাকে ভঙ্গ করিতে চাহিল না।

“তারপর, কতক্ষণ বাঁশী বাজিয়েছিলুম মনে নেই। বার বার স্মরণটিকে ঘুরিয়ে ফিরিয়ে বাজিয়ে শেষে ঘড়ী বার করে চেয়ে দেখলাম, দশটা বাজে। আর রাত করা ঠিক নয়। মহারাজা আমায় সঙ্গে না নিয়ে কোন দিন খান না। মোটরখানা চাভি দিয়ে অচল করে বাইরে রেখে এসেছিলুম। বাঁশীটা পকেটে রেখে তাজকে প্রণাম করে বেরিয়ে পড়লাম। খানিক দূর গিয়ে ফটক পার হবার সময়—” মনীশ থামিল। সোজা হইয়া সে উঠিয়া বসিল।

বন্ধুরা দেখিল, বন্ধুর আয়ত নয়ন-যুগল প্রদীপ্ত হইয়া উঠিয়াছে। তাহার মুখে রৌষবহি অকস্মাৎ এমন প্রদীপ্ত হইয়া উঠিল কেন?

“দেখলাম, দুটো জোয়ান লোক একজন পুরুষকে ঠেলে ফেলে দিয়েছে। তাঁর দুইজন সঙ্গিনী স্ত্রীলোক টেঁচিয়ে উঠেছেন। পাষাণের তরুণীকে ধরবার জন্ত হাত বাড়িয়েছে।”

অনিল সহসা উত্তেজিত হইয়া উঠিল। বাধা দিয়া মনীশ বলিল, “না বন্ধু, পারেনি তারা। একজন পদাঘাতে দুটো পড়ল। আর একজনকে গলা টিপে শুইয়ে দিলাম। এতদিনের শক্তি সাধনা ব্যর্থ হয় নি, ভাই। শুধু ছবি আঁকার তুলি টেনে জীবনটা নারীর মত কোমল করে পৌরুষহীন করে তুলি নি।”

রুদ্ধ নিশ্বাসে বিকাশ বলিল, “এ যে উপন্যাসের মত চমকপ্রদ! তার পর?”

“বদমাসুরা বেগ দেবার চেষ্টা একটু করেছিল, কিন্তু বন্ধু, তোমার জুজুংসু শিক্ষা আর অব্যর্থ মুষ্টির আঘাত কাজে লেগে গেল। মোটরে করে তার পর তাঁদের তুলে নিয়ে যথাস্থানে পৌঁছে দিলুম।”

অনিলচন্দ্রের নয়ন যুগল সমুজ্জ্বল হইয়া উঠিয়াছিল। বিকাশ বলিল, “রোমান্স এখানেই শেষ। আর কিছু এগোল না।”

মনীশ গভীর ভাবে বলিল, “তার মানে?”

“না, ভাই, আমায় ক্ষমা কর। তুমি যে ও-সবের অতীত তা জানি।”

অনিলচন্দ্র চমৎকৃত হইয়াছিল। ভ্রমণ-প্রত্যাগত বীরেশ বাবুর মুখে সেদিন এই ঘটনার কথা সে শুনিয়াছিল; কিন্তু তাহার নায়ক যে তাহারই অন্তরঙ্গ বন্ধু মনীশ, ইহা সে ভ্রমেও কল্পনা করিতে পারে নাই।

সে কি বলিতে যাইবে, এমন সময় বিকাশের মা আসিয়া বলিলেন, “তোরা ওঠ। ঠাই হয়েছে, আর দেবী নয়—দশটা বাজে।”

অনিলচন্দ্র কি ভাবিয়া প্রসঙ্গের আলোচনাটা স্থগিত করিল। তার পর তিন বন্ধু আহারের জন্ত বিকাশের মাতার অলুসরণ করিল।

উনবিংশ পরিচ্ছেদ

অপরাত্নের আলোক জানালার মধ্য দিয়া ঘরের মধ্যে আসিয়া পড়িয়াছিল। পরীক্ষকগণ তীক্ষ্ণদৃষ্টিতে কণ্ঠার অবয়ব—অঙ্গপ্রত্যঙ্গ সমালোচকের ত্রায় পরীক্ষা করিতে ছিলেন। বীরেশবাবু উৎকণ্ঠিত চিত্তকে সংযত করিবার চেষ্টা করিতেছিলেন। বিশেষভাবে অল্পবুদ্ধ ও নিমন্ত্রিত হইয়া প্রতুলচন্দ্রের সহিত অনিলচন্দ্রও পরীক্ষা-সভার এক পাশে আসিয়া বসিয়া ছিল।

অনিলের সম্বন্ধে নিরাশ হইয়া বীরেশবাবু চারিদিকে কণ্ঠার জন্ত পাত্র সন্ধান করিতেছিলেন। বিক্রমপুরের কোনও শিক্ষিত পরিবারের উচ্চশিক্ষিত একটি পাত্রের পক্ষ হইতে, পাত্রের পিতা, মাতুল ও খুল্লতাত গৌরীকে দেখিতে আসিয়াছিলেন। ছয় জোড়া তীক্ষ্ণ চক্ষুর দৃষ্টির আঘাতে গৌরী অগ্রহারণ মাসেও ঘামিয়া উঠিতেছিল।

কেতাবতী বিচার পরীক্ষার পর শিল্প-নৈপুণ্যের পরীক্ষা গৃহীত হইল। গৌরী সঙ্গীতে বিশেষ পারদর্শিনী তাহা তাহার পূর্বেই শুনিয়াছিলেন। স্মতরাং এই পরীক্ষার দায় হইতে অব্যাহতি পাইয়া গৌরী বোধ হয় স্বস্তির নিশ্বাস ত্যাগ করিল। পাত্র-পক্ষের তরফ হইতে পাত্রীর রূপ-গুণের পরীক্ষার কার্য সমাপ্ত হইলে কণ্ঠাপগ্নীয়রা অল্পমান করিলেন, পাত্র-পক্ষ এ বিষয়ে বোধ হয় সমস্ত হইয়াছেন।

গৌরী তখন ভিতরে প্রবেশ করিবার অহুমতি পাইল।

বীরেশবাবু স্বয়ং তাহাকে অন্তরে প্রবেশ করিবার দ্বার পার করিয়া দিয়া আসিলেন।

পরামর্শান্তে পাত্রের মাতুল বলিয়া ফেলিলেন, কণ্ঠা সম্বন্ধে তাঁহাদের পক্ষ হইতে বিশেষ কিছু আপত্তি হইবে না। অত্যাচার বিষয়ের ব্যবস্থা যদি সঙ্গতভাবে হয়, তাহা হইলে এখনই তাঁহারা কথা পাকা করিয়া যাইতে পারেন। অগ্রহারণের শেষ দিকে তাঁহারা বিবাহ দিতে চাহেন। কারণ, পাত্র-বিবাহের পরই বিলাত যাত্রা করিবে। স্মতরাং বীরেশবাবু যদি তাঁহাদের দারী মিটাইতে পারেন, তাহা হইলে এইখানেই বিবাহ দেওয়াতে তাঁহাদের আপত্তি হইবে না। পাত্র বিলাতে যাইবে বলিয়া অগ্রহারণের মধ্যে যে কোনও স্থানে বিবাহ দিবেন, অবশ্য যদি ওদরে বনে।

অনিলচন্দ্র এতক্ষণ অস্থমনস্ক ভাবে অন্ধ দিকে চাহিয়া ছিল। ‘দর’ কথাটা তাহার কর্ণে প্রবেশ করিবার মাত্র সে একবার বক্তার দিকে ফিরিয়া চাহিল।

বীরেশবাবু বিনীত ভাবে বলিলেন, “আপনাদের অভিপ্রায় জানতে পারলে আমি অগ্রসর হতে পারি। তবে অল্পগ্রহ করে মনে রাখবেন, আমি ধনী নই।”

পাত্রের মাতুল আদালতে পেস্কারী করেন। এখানকার জজ আদালতেই তিনি কাজ করিতেছেন। সেই সূত্রেই পাত্রপক্ষ কণ্ঠা দেখিতে আসিয়াছেন। তিনি বিজ্ঞভাবে হাসিয়া বলিলেন, “বীরেশবাবু, আপনি পণ্ডিত লোক, স্মতরাং আপনাকে বলাই বাহুল্য যে, পণ্ডিত জামাই পেতে গেলে টাকার মায়া করলে চলে না।”

অনিল চেয়ারের উপর চঞ্চল হইয়া উঠিল। প্রতুলচন্দ্রও আসনে সোজা হইয়া বসিলেন।

বীরেশবাবু বলিলেন, “তা জানি, নগেনবাবু। কিন্তু অবস্থার অতিরিক্ত ত মাস্তুলের কোন কাজ করবার সামর্থ্য নেই।”

এবার প্রতুলচন্দ্র বলিলেন, “তা আপনাদের দরটা কি তাই বলুন না, নগেনবাবু।”

মুনসেফদের মধ্যে প্রতুলচন্দ্র বিচারকালে কড়া হাকিম, সে কথা নগেনবাবু জানিতেন। বিশেষতঃ জজ সাহেবের সঙ্গেও তাঁহার ম্যাজিস্ট্রেট সাহেবের ত্রায় বিশেষ ঘনিষ্ঠতা আছে সে খবরও তাঁহার অগোচর ছিল না। স্মতরাং নগেনবাবু কণ্ঠস্বর বেশ মোলায়েম করিয়াই বলিলেন,

“ওঁদের আঁচ, মেয়েকে বীরেশবাবু যা ইচ্ছে হয় দেবেন, তবে হাজার তিনেক টাকা কম যেন অলঙ্কারগুলো না হয়। বরাভরণ প্রভৃতি সম্বন্ধে কোনও বক্তব্য ওঁদের নেই। ঘর সাজান আম্বাবপত্র, সোনার রিষ্টওয়াচ্, অর্গান এসব ত উনি নিজেই দেবেন। সে সম্বন্ধে কোন কথা বলা বাহুল্য। তবে ছেলের বিলেতে পাঁচ বছর থাকতে হবে, সেজন্য হাজার দশেক টাকা ওঁদের দরকার আছে। এ আর পাত্র হিসাবে এমন বেশী কিছু নয়, কি বলেন বীরেশবাবু?”

বীরেশচন্দ্র এতক্ষণ দাঁড়াইয়া ছিলেন। পাত্রপক্ষের ক্ষুদ্র তালিকাভার ভায়ে তিনি ধীরে ধীরে সম্মুখের আসনে বিবর্ণ মুখে বসিয়া পড়িলেন।

প্রভুলচন্দ্র রসলেশহীন কণ্ঠে বলিয়া উঠিলেন, “পাত্রটির যাতায়াতের জাহাজ ভাড়া কি ঐ দশ হাজারের মধ্যে?”

এবার পাত্রের খুল্লতাত বলিলেন, “নগেনবাবু সে কথাটা বলতে ভুলে গেছেন। হিসাব করে যা পড়ে সেটা অবশ্য বীরেশবাবুই পরে দেবেন। তার জন্ত কোন চুক্তি অবশ্য আমরা করতে চাই নে।”

অনিলচন্দ্রের মুখমণ্ডল আরক্ত হইয়া উঠিয়াছিল। সে এতক্ষণ চুপ করিয়াই বসিয়া ছিল। এইবার সে তাহার স্বভাব-স্বলভ ধীর কণ্ঠে বলিল, “আচ্ছা নগেনবাবু, আপনার ভাগিনেয় এম্-এ-তে কোন ক্লাশ, জিজ্ঞাসা করতে পারি কি?”

নগেনবাবু এই নূতন জনপ্রিয় তরুণ অধ্যাপকটিকে বিশেষ ভাবেই চিনিতেন। তিনি বলিলেন, “এম্-এ পাশ সে এখনও করে নি। বি-এ পাশ করেই বিলেত যাচ্ছে।”

“ওঃ!” বলিয়াই অনিল চুপ করিয়া গেল।

বীরেশবাবু ক্ষীণ কণ্ঠে বলিলেন, “নগেনবাবু, আপনি ত আমার অবস্থা জানেন। এত টাকা দেবার সম্ভাবনা আমার নেই।”

পাত্রের পিতা এবার কথা কহিলেন। তিনি বলিলেন, “আপনি কত খরচ করতে পারেন, বীরেশবাবু?”

“মোট পাঁচ হাজার টাকার বেশী মেয়ের বিয়েতে খরচ করবার সামর্থ্য আমার নেই।”

পাত্রের খুল্লতাত উঠিয়া দাঁড়াইয়া তিক্ত কণ্ঠে হাসিয়া বলিলেন, “বিক্রমপুরের কুলীনশ্রেষ্ঠ বসুবংশের সঙ্গে তা হলে আপনার কুটুম্বিতা করা শোভা পায় না।”

অনিলচন্দ্র মুছ হাসিয়া বলিল, “আমরা কিন্তু গাভার

প্রসিদ্ধ ঘোষবংশের এম্-এ-তে ফার্স্ট ক্লাশ ফার্স্ট ছেলেকে মাত্র দু হাজার টাকা খরচ করে ঘরে এনেছিলুম। প্রভুলবাবু এখানকারই মুনসেফ, ওঁকেই জিজ্ঞাসা করুন।”

বীরেশবাবু দীর্ঘশ্বাস ত্যাগ করিয়া বলিলেন, “আপনার দাবী মেটাবার সাধ্য আমার নেই। কি আর করব—মেয়ের অদৃষ্ট!”

পাত্রপক্ষ গম্ গম্ শব্দে ঘর কাঁপাইয়া বাহির হইয়া গেলেন। প্রভুলচন্দ্র অর্থপূর্ণ দৃষ্টিতে একবার শালকের পানে চাহিলেন। অনিলচন্দ্র তখন নতনেত্রে ভূমিতলে কি দেখিতেছিল।

বিংশ পরিচ্ছেদ

শয্যার উপর দেহভার এলাইয়া দিয়া অনিলচন্দ্র অনেকক্ষণ চুপচাপ পড়িয়া রহিল। সম্মুখ উত্তীর্ণ হইয়া গিয়াছিল। ভৃত্য অনেকক্ষণ ঘরে আলো জ্বালিয়া দিয়া গিয়াছে। অনিলচন্দ্রের সে দিকে খেয়ালই ছিল না। সে নীরবে উপরের দিকে চাহিয়া চিন্তারাজ্যে আপনাকে নির্বাসিত করিয়া দিয়াছিল।

কনিষ্ঠা সহোদরার নিকট হইতে সে মুছ তিরস্কার পাইয়াছিল। প্রভুলচন্দ্র তাহার সম্বন্ধে প্রকাশ্যে যে মন্তব্য প্রকাশ করিয়াছিলেন, তাহা নিশ্চয়। কিন্তু অনিলচন্দ্র প্রতিবাদ করিতে ত পারে নাই। এ সকল কথা বিবর্তে বলিবার কিই বা আছে!

বীরেশ বাবুর কথা প্রিয়দর্শনা, সে সম্বন্ধে প্রতিবাদ করা দূরে থাকুক বরং তাহাকে বিশেষ অল্পকূল মতই প্রকাশ করিতে হইয়াছে। গুণের দিক দিয়া এমন কথা হাজারে একটা পাওয়াও কঠিন, সে কথা অনিলচন্দ্র স্পষ্ট ভাষায় নিজেই প্রকাশ করিয়াছে। বংশমর্যাদা এবং পিতৃ-মাতৃ পরিচয়? সে বিষয়ে অভিযোগ করিবার কিছুই নাই, বরং এমন সর্ববিষয়ে গুণবান পিতা এবং মাতা কণ্ঠে বাঙ্গালী পরিবারে দেখিতে পাওয়া যায়?

তবে?—তবে অনিলচন্দ্রের সমক্ষে এই কণ্ঠকে গ্রহণ না করিবার কি সম্ভব কারণ উপস্থিত থাকিতে পারে? চির-কৌমাৰ্য্যকে সে নীতি বা বিশ্বাস হিসাবে বরণ করিয়া লয় নাই, এটুকু সে সহোদরা ও ভগিনীপতির নিকট প্রকারান্তরে স্বীকার করিতে বাধ্য হইয়াছে। সংসারী

মানবের পক্ষে, যাহারা উপার্জনক্ষম, স্বস্থ-সবল-দেহ, তাহারা কোন কারণেই বিবাহ-বন্ধনে আবদ্ধ হইবার গুরু দায়িত্ব স্বীকার করিতে পারে না, করা কর্তব্য নহে, এ কথা তাহাকে মানিয়া লইতেই হইয়াছে। ব্যর্থ প্রেমের জন্ত সে চিরকুমার-ব্রত পালন করিয়া চলিতেছে না, ইহাও অনিলচন্দ্র তীর প্রতিবাদের সহিত, সরল ভাষায় ব্যক্ত করিয়াছে।

তবে কন্ঠাদায়গ্রস্ত এই সমধর্মী প্রবীণ অধ্যাপকের কণ্ঠকে বিবাহ করিতে তাহার বাধা কোথায়? তাহার পিতা ও মাতা এ প্রস্তাব শুনিবামাত্র সাগ্রহে মত করিবেন। সকল দিক দিয়া বিবেচনা করিলে আত্মীয় বন্ধুবান্ধবের কাছে তাহার কোন অজুহাতই বিচারসহ হইবে না, তাহা অনিলচন্দ্র উত্তমরূপে জানে। এতকাল বিবাহ না করিবার যে সকল আপত্তি সে পর পর প্রয়োগ করিয়া আসিয়াছে, তাহার প্রত্যেকটি এখন অন্তর্হিত। অর্থোপার্জন সে যত্ন করিতেছে, পিতার সঞ্চিত সম্পত্তিও স্বচ্ছন্দ জীবন-যাত্রা নির্বাহের পক্ষে নিতান্ত সাম্যাত্তও নহে। দেশের কাজে আত্ম-নিয়োগ যাহারা করে, তাহারা যে বিবাহ করিলেই দেশ-সেবা ব্যর্থ হইয়া যায়, এমন যুক্তি গায়ের জোরে ছাড়া প্রতিপন্ন করাও ত চলে না।

সবই সত্য। কিন্তু কোথায় তাহার বাধা সে কথা ত প্রকাশ করিয়া বলা চলে না, সম্ভবও নহে। তাহার জননীর মন্তব্যের ব্যথা দূর করিবার জন্ত বিবাহ করিবার কথা মনে পড়িবামাত্র আর এক জনের জননীর কথা তাহার অন্তরের দ্বারে তীব্রভাবে আঘাত করিল।

যদি সে কোনও দিন তাঁহার মুখে হাসি ফুটাইয়া তুলিতে পারে, তবেই সে নিজেও তাহার জননীর হৃদয়-ব্যথা দূরীভূত করিয়া দিবে। নহিলে তাহার জীবনে শান্তি নাই, তৃপ্তি নাই। সে যদি প্রথম হইতেই বন্ধু-জননীর চরণের হেতু না হইত, সে যদি বন্ধুকে উৎসাহ না দিত, তাহা হইলে আজ তাহার বন্ধু-জননীকে এমন নৈরাশ্রপূর্ণ দুঃখময় জীবন বাপন করিতে হইত না।

সেদিনও তিনি তাহার হাত ধরিয়া কত অল্পনয় নিয় করিয়া বন্ধুর মতপরিবর্তনের আবেদন জানাইলেন। তিনি ত জানেন না, তাঁহার পুত্র কতখানি ব্যর্থতা অন্তরে বহন করিয়া চির-কৌমাৰ্য্যকে বরণ করিয়া লইয়াছে। সে কথা প্রকাশ করা অসম্ভব। শুধু তিনজন ব্যতীত চতুর্থ

কোন নরনারী তরুণ জীবনের এই বিয়োগান্ত অবস্থার হেতু ঘূণাক্ষরেও জানিতে পারে নাই। জীবন থাকিতে সে কথা তাহারা প্রকাশ করিতেও পারিবে না।

বন্ধুর কল্পনাকে, কামনাকে সার্থক করিয়া তোলায় পক্ষে এমন বাধা ঘটবে ইহা যদি সে ঘূণাক্ষরেও পূর্ব হইতে জানিতে পারিত, তাহা হইলে এমন অবস্থা যাহাতে না ঘটতে পারে তাহার ব্যবস্থার জন্ত অন্ততঃ চেষ্টা করিতে পারিত; কিন্তু তরুণ, উদার, কল্পনাপ্রবণ মন কোন দিক হইতেই বিন্দুমাত্র প্রতিবন্ধকতার আভাস পর্যন্ত অনুমান করিতে পারে নাই। যাহা শোভন, সম্ভব এবং অনিবার্য্য বলিয়া মনে হইয়াছিল, যে পথ সত্য, শিব ও স্তম্ভের অল্পমোদিত বলিয়া তাহারা মনে করিয়াছিল, সেই পথে সেই শোভন ব্যাপারটিকে তাহারা সার্থক করিয়া তুলিতে অগ্রসর হইয়াছিল।

চিন্তার ঘূর্ণিপাকে পড়িয়া অনিলচন্দ্র অস্থির হইয়া উঠিল। এমন সময় ভৃত্য আসিয়া জানাইল, আহাৰ্য্য প্রস্তুত। অনিলচন্দ্র ভৃত্যকে বলিয়া দিল, সে ও পাচক আহাৰ্য্যাদি শেষ করিয়া ফেলুক। আজ তাহার বিন্দুমাত্র ক্ষুধা নাই।

ভৃত্য বহুদিনের পুরাতন। মাতা তাহাকে পুত্রের সঙ্গে পাঠাইয়াছিলেন। সে সঙ্গে থাকিলে তাঁহার পুত্রের কোন অসুবিধা হইবে না।

নিমাই দাদাবাবুর এমন ক্ষুধামান্দ্য কোন দিন লক্ষ্য করে নাই। সে বিস্মিত ভাবে বলিল, “কিছু খাবেন না? দিদিমণি অনেক রকম খাবার তৈরী করে আজ পাঠিয়ে দিয়েছেন যে। না খেলে তিনি দুঃখিত হবেন।”

অনিলচন্দ্র বলিল, “তবে ঠাকুরকে এখানে খাবার টাকা দিয়ে রেখে যেতে বল। যদি খানিক পরে ক্ষিদে পায়, খাব।” নিমাই দেখিল, তাহার দাদাবাবুর মুখ শুধু বিষণ্ণ নহে, বিবর্ণ। কোন কারণ অনুমান করিতে না পারিয়া সে বিড় বিড় করিয়া কি বকিতে বকিতে রন্ধনাগারের দিকে চলিয়া গেল। অনিলচন্দ্র টেবলের সম্মুখে চেয়ারে আসিয়া বসিল। টেবলের এক ধারে পিতা মাতা, অপর ধারে তাহার, মনীশ ও বিকাশের আলোকচিত্র। তিন বন্ধুতে একসঙ্গে এই চিত্র তুলিয়াছিল।

নির্নিমেষ নেত্রে সে মনীশের প্রতিভাপ্রদীপ্ত স্তম্ভের মুখের দিকে চাহিয়া রহিল। সে জানিত, মনীশ,

বিকাশ ও তাহার মধ্যে যে অনাবিল বন্ধুত্ব বিद्यমান, সহসা মানুষের মধ্যে তাহা ছলভ। তাহার বিশ্বাস, তাহাদের তিনজনের মধ্যে মনীশের প্রতিভার দীপ্তি সমধিক উজ্জ্বল। মনীশের কল্পনায় প্রচুর সৃষ্টি-ক্ষমতা সঞ্চিত হইয়া আছে। প্রথম জীবনে, ব্যর্থতার যে আঘাত-বেদনা সে পাইয়াছে, যদি তাহা না ঘটিত, তবে সহস্রধারায় মনীশের প্রতিভা চারি দিকে বিকীর্ণ হইয়া পড়িত। নিজের চরিত্রের দৃঢ়তা সম্বন্ধে অনিলচন্দ্রের নিষ্ঠা ও বিশ্বাস পর্যাপ্ত থাকিলেও, মনীশের চিত্ত কিরূপ দৃঢ় তাহা সে ভাল করিয়াই জানিত। দুর্বলতা তাহার মনের কোনও প্রান্তে উদ্ভিত হইতে সাহস পায় না। সেই গভীর, উদার, মহৎ হৃদয়ে নীচতার স্থান নাই। তাহা চপল, চটুল নহে। একবার যাহা তাহার মনে স্থান পায়, গভীর ভাবে তাহা রেখা কাটিয়া অচল অটল হইয়া থাকে।

সুতরাং এই দৃঢ়চেতা বন্ধুর মত পরিবর্তনের আশা সুদূরপর্যায়ত। কিন্তু যে পর্যন্ত তাহা না ঘটে, ততদিন তাহার পক্ষেও কৌমার্যকে পরিহার করা অসম্ভব। না এ বিষয়ে অল্প কোন পথ নাই। সে সম্পূর্ণ ভাবেই নিয়তির হস্তে এ বিষয়ে আত্মসমর্পণ করিতে বাধ্য হইয়াছে।

সংসারী মানুষ তাহার এই মনোভাব ও দৃঢ় সংকল্পের কথা শুনিয়া হাসিবে। বিজ্ঞপ করিবে, ইহা সে জানে। তাই সে তাহার মনের কথা বন্ধুদিগের নিকট হইতেও গোপন করিয়া রাখিয়াছে। অনিলচন্দ্র নীরবে বসিয়া ভাবিতে লাগিল।

একবিংশ পরিচ্ছেদ

যাহা চিত্তক্ষেত্রের নিভৃততম স্থানে মুদ্রিত হইয়া গিয়াছে, তাহাকে ধ্যানের সাহায্যে অনুভব করিয়া আনন্দ লাভ করা যায়, কিন্তু লেখনী বা তুলিকার সাহায্যে তাহাকে কি সম্পূর্ণভাবে রূপ দেওয়া চলে ?

গৌরী তাহার অঙ্কিত চিত্রপটের সম্মুখে দাঁড়াইয়া এই কথাই ভাবিতেছিল। আসন্ন মেলার প্রদর্শনীতে সে একখানি চিত্র দিবার জন্ত অনুরুদ্ধ হইয়াছে। নানা স্থান হইতে প্রসিদ্ধ চিত্রশিল্পীরা তাহাদের বিচিত্র প্রতিভার স্মৃতিস্মরণার্থে প্রকার চিত্রশিল্প পাঠাইতেছেন। এ প্রতিযোগিতায় তাহার এই অক্ষম প্রয়াসসজাত অতি সাধারণ চিত্রের কোন মর্যাদাই থাকিবে না, তাহা সে ভালরূপেই

জানে; কিন্তু তথাপি পিতার নিউদিশারুসারে তাহাকে একখানি চিত্র অঙ্কিত করিয়া দিতেই হইবে। অঙ্কিত বিচারকের দৃষ্টিতে তাহার চিত্র প্রশংসার যোগ্য বিবেচিত হইবে না, জানিয়া শুনিয়াই সে এ বিষয়ে অগ্রসর হইয়াছে।

তবে এ কথা সে জানে যে, যত্নের ক্রটি সে করে নাই। সমগ্র অন্তর দিয়া সে বর্ণ ও তুলিকার সদ্যবহার করিয়াছে। এজন্ত দীর্ঘ দিবা ও দীর্ঘ রাত্রি সে পরিশ্রম করিতে ত ক্রটি করে নাই!

চিত্রের অঙ্কন কার্য এতদিনে সমাপ্ত হইয়াছে। তুলিকার শেষ রেখাপাত, শেষ বর্ণবিছালা করিয়া আজ সে মুক্তির নিশ্বাস ত্যাগ করিতে পাইয়াছে। ভালই হউক, আর মন্দই হউক, আগামী কল্য সে পিতার দ্বারা চিত্রখানি প্রদর্শনী ক্ষেত্রে পাঠাইয়া দিবে।

পিতা স্বয়ং চিত্রবিচার গভীর অনুরাগী। তিনি যৎসম্ভব তাহাকে উপদেশ দিয়া আসিয়াছেন। কিন্তু প্রদর্শনী ক্ষেত্রে সে যে চিত্র দিতে চলিয়াছে, তাহার প্রতিপাত বিষয় পিতাকে সে এতদিন জানায় নাই, তিনিও জানিতে চাহেন নাই।

পাছে তাহার সমালোচনা বা মন্তব্যে তাহার কল্পনা পক্ষাঘাতগ্রস্ত হইয়া পড়ে, এজন্ত তিনি সম্পূর্ণভাবে এ সম্বন্ধে আলোচনায় নিরস্ত ছিলেন। সে বরাবর দেখিয়া আসিতেছে, শিক্ষাদান কালে তাহার পিতা সকল রকমে তাহার কাছে আলোচ্য বিষয় বিশদ করিয়া তুলিয়া ধরেন। কিন্তু যখন গৌরী তাহাকে আয়ত্ত করিবার জন্ত সাধনা করিতে থাকে, তখন তিনি আর কোনও প্রকার কৌতুহল প্রকাশ করেন না।

সন্ধ্যাকালে গৃহস্থালীর সকল কার্য শেষ করিয়া গৌরী নিজের ঘরে আসিয়া দাঁড়াইয়াছিল,—সপ্তমীর চাঁদ শীতের আকাশে ঈষৎ কুহেলিমাখা।

শীতের রাত্রিতেও সে বাতায়ন রুদ্ধ করিয়া রাখিতে অভ্যস্ত হয় নাই। খোলা জানালা দিয়া মুছ জ্যোৎস্নাধার ধৌত সন্ধ্যার আকাশ পানে কিয়ৎকাল সে চাহিয়া রহিল। সম্মুখে নদীর স্রোত বহিয়া চলিয়াছে।

ধীরে ধীরে সে অঙ্কিত চিত্রখানির আবেশিত করিয়া প্রদীপ্ত আলোকে তাহা সমালোচকের দৃষ্টি পরীক্ষা করিতে লাগিল। যে সময়ের চিত্র স্মরণ করিয়া সে অঙ্কিত করিয়াছে তখন ফুল-জ্যোৎস্না-পুলকিত বাসিন্দা

বিচিত্র মাধুর্যলীলায়িত অবস্থা। আজিকার এই ক্ষীণদীপ্তি চন্দ্রমার আলোকে তাহা কতকটা অনুভব করা যায় মাত্র।

সহসা তাহার সেই রজনীর ভয়াবহ অবস্থার কথা মনে পড়িল। সে রাত্রির ঘটনা তাহার মানসপটে চিরদিনের জন্ত অঙ্কিত হইয়া যায় নাই কি? সেই স্মরণীয় বিপৎসঙ্কুল অবস্থায় তাহার মানসিক উদ্বেগ এখনও তাহার বুকের মধ্যে উদ্বেল হইয়া উঠে। দূরন্ত রিপু-তাড়িত, মহুগ-পশুর ক্ষুধিত, লুক্কৃষ্টির চিত্র সে কোন দিনই ভুলিতে পারিবে না। দেবদূতের মত যে প্রচণ্ড শক্তিশালী যুবক আসন্ন অপমান ও লাঞ্ছনা হইতে তাহাকে রক্ষা করিয়া-ছিলেন, বহুবার সে তাহার উদ্দেশে হৃদয়ের ভক্তি ও শ্রদ্ধাঞ্জলি অর্পণ করিয়াছে।

পিতা ও মাতা কতবার এই অপরিচিত যুবকের প্রশংসায় পঞ্চমুখ হইয়াছেন। অনেক সময় তাহার মনে হয়, এই অপরিচিত, পথের ক্ষণিক দেখা মানুষটির হৃদয় কি মহৎ! নিজের পরিচয় দিয়া কৃতজ্ঞতা আদায়ের স্পৃহা মাত্রও তাহার ছিল না। বিংশ শতাব্দীর এই ঘোর স্বার্থপরতাপূর্ণ যুগে এমন বাঙ্গালীও কি সত্যই আছে? না, সেই পূর্ণিমা রজনীর সে ঘটনা স্বপ্নদৃষ্ট অবস্থার ছায় বাস্তবতাশূন্য?

গৌরী কতবার মনে করিয়াছে, সে বোধ হয় দুঃস্বপ্নই দেখিয়াছিল। নহিলে উপন্যাসের মত রোমাঞ্চকর ঘটনার মধ্যে যিনি ঔপন্যাসিক নায়কের ছায় আবিভূত হইয়া-ছিলেন, তিনি ঐন্দ্রজালিকের মায়াদণ্ডের স্পর্শে অন্তর্হিত হৃৎকের ছায় কোন পরিচয়ের আভাসমাত্র না দিয়া বিরাট পৃথিবীর জনকোলাহলের মধ্যে কোথায় বিলুপ্ত হইয়া গেলেন?

গৌরীর মন চিন্তার রাজ্যে এমনই ভাবে চলিতে চলিতে সহসা বাস্তব পৃথিবীর রাজ্যে ফিরিয়া আসিল। সে মনে মনে যেন একটু সঙ্কোচ ও লজ্জা অনুভব করিতে লাগিল। সত্য বটে, নারীচিত্ত সাহসী বীরের পক্ষপাতিনী হইয়া পড়ে—ইহা নারীর স্বভাবধর্ম। কিন্তু এমন ভাবে নাম-গোত্রহীন ক্ষণিক-দেখা অপরিচিত পুরুষের সম্বন্ধে চিন্তা করিয়া লাভ কি?

না, লাভ কিছুমাত্র নাই। তবে তাহার চিত্ত এমন ভাবে প্রায়ই কেন, ঘটনার স্মৃতি মনে পড়ার সঙ্গে সঙ্গে, সেই অজ্ঞাতকুলশীল মানুষটির সংবাদ জানিবার জন্ত আকুলতা অনুভব করে? ইহা কি মানব-মনের একটা চিরন্তন

অবস্থা? গৌরী চিত্রপটের সম্মুখে দাঁড়াইয়া নিবিষ্ট মনে চিন্তা করিতে লাগিল।

চিন্তার বিচ্ছিন্ন স্বত্রজাল অবলম্বন করিয়া ক্রমে ক্রমে নিজেদের অবস্থার কথা তাহার মনে পড়িল। পিতার সদাপ্রসন্ন মুখ সে আজকাল সকল সময়েই বিষন্ন দেখে, মাতার আননে চিন্তা ও নৈরাশ্রের কালিমা। তাহার ভবিষ্যৎ চিন্তায় তাহার যেন বিমূঢ়, অভিভূত হইয়া পড়িতেছেন।

কেন? এত দুঃশিন্তা কিম্বের? তাহার বিবাহ হইতেছে না, কেহ তাহার নারীজন্ম অনুগ্রহপূর্বক সার্থক করিয়া তুলিতেছে না বলিয়াই ত? নারী এমনই হয়, এমনই বিক্রয় পণ্য? তাহার কোন সত্তা নাই, কোন মর্যাদা নাই? যাহারা বিবাহ করিতে আসে, তাহারাই এক-তরফা মতামত প্রকাশ করিবে, পছন্দ করিবে, অথবা প্রত্যাখ্যান করিবে? এ অধিকার কে তাহাদিগকে দিয়াছে? নারীর তরফ হইতে অনুরূপ ব্যবস্থা কেন হইবে না?

পিতা মাতার কাছে এ সকল কথা উত্থাপন করিতে তাহার সঙ্কোচ হয় বলিয়াই এতদিন সে কোন কথা বলে নাই। এখন সে মার কাছে বলিবে, আজীবন সে কুমারীই থাকিবে। সে যে বিচার আলোচনা করিতেছে, তাহাতে কি নিজের জীবনযাত্রা নির্বাহ করা একান্তই অসম্ভব? তাহা ছাড়া পিতা যে সামান্য অর্থ সঞ্চয় করিয়াছেন, তাহার অবিগমানে সে অর্থ কি তাহাদের সামান্য প্রয়োজন মিটাইবার পক্ষে পর্যাপ্ত নহে? তবে?

গৌরী ধীরে ধীরে চিত্রপটের উপর আবেশিত অন্তমনস্ক ভাবে টানিয়া দিতে দিতে মনে মনে ভাবিল, পৃথিবীর ছরন্ত মানুষ এবং মনের হৃদয় প্রকৃতির আঘাতের শঙ্কা আছে বটে; কিন্তু মানুষ ইচ্ছা করিলে, সাধনা করিলে, এ সকল নিদারুণ বিপদ হইতে আত্মরক্ষা করিতে কেন পারিবে না?

এমন চরিত্রবান্ পিতা, এমন সাধবী জননীর রক্তধারা তাহার ধমনীতে প্রবাহিত। পরিভ্রমণ বংশের চিরাচরিত নিষ্ঠা ও সংযম কেন তাহাকে শক্তি প্রদান করিবে না?

না, সে আজীবন কুমারীই থাকিবে। পুরুষ যখন লাভ-লোকসান খতাইয়া—বাহিরের রূপ ও ঐশ্বর্যের ভিত্তির উপরই পল্লী-নির্বাচন করিয়া স্বার্থপরতার চরম নিদর্শন দেখাইতে পারে, তখন নারীরও কর্তব্য, তাহার এই নীচাশয়তার প্রশ্রয় না দেওয়া।

গৌরী সংকল্প স্থির করিয়া ঘরের বাহির হইতেই মাতার আহ্বান তাহার কর্ণে প্রবেশ করিল।

দ্বাবিংশ পরিচ্ছেদ

বন্ধুকে আলিঙ্গনে বদ্ধ করিয়া অনিল বলিল, “তুই এসে ছিস্ ভাই! আঃ! সত্যি আজ আমার যে কি আনন্দ হচ্ছে!”

মনীশ সহাস্য মুখে বলিল, “অঙ্গীকার পালন করতে কোন দিন ভুলে গেছি কি, অনি?”

গাঢ় স্বরে অনিল বলিল, “না,—সে দোষ তোর প্রধান শত্রুও তোকে দিতে পারবে না। কিন্তু এতটা দৃঢ়তা যদি তোর না থাকত!”

বন্ধুর মুখের দিকে চাহিয়া মনীশ বলিল, “তার মানে?”

দীর্ঘ নিঃশ্বাস ত্যাগ করিয়া অনিল বলিল, “ব্যাত্যা আমি করতে পারব না। থাক ও প্রসঙ্গ।”

মনীশ কি বুঝিল, সেই জানে। কিন্তু সে আর এ বিষয়ে কথা বাড়াইল না।

ভৃত্য নিমাই দাদাবাবুর বন্ধুর জিনিসগুলি গুছাইয়া রাখিয়া বাহিরে চলিয়া গেল।

মনীশ জামা জুতা খুলিয়া ফেলিয়া বলিল, “এখানে এসে দেখছি ভালই করেছি। প্রথমে ভেবেছিলাম ছবিখানা ইনসিওর করে পাঠিয়ে দেব; কিন্তু শেষে ভাবলাম অনিকে কথা দিয়েছি, বেড়িয়েই আসি। এখানে এসেই দেখলাম, চমৎকার জায়গা। প্রকৃতি-লক্ষী দু’হাতে তাঁর ঐশ্বর্য্য-সম্ভার ছড়িয়ে দিচ্ছেন। ভারী ভাল লেগেছে আমার।”

অনিশ বলিল, “বিকাশ আসবে না ভাই?”

“সে নিশ্চয় আসবে। তার ছুটি আর পাঁচ দিন পরে আরম্ভ হবে। কলেজ বন্ধ হইলেই সে রওনা হবে।”

প্রাতঃকৃত্যাদি সারিয়া স্নান শেষে মনীশ আরাম করিয়া অনিলের পাঠ-কক্ষে বসিল। নিমাই উভয়ের জন্ত জলখাবার লইয়া আসিল।

মনীশ বলিল, “এবার ত স্থিত-ভিত হয়েছিস, এখন বিয়ে করে ফেল। তা হ’লে অভাগা বন্ধুদের আতিথ্য সংকারের জন্ত তোকে এমন ব্যস্ত হতে হবে না।”

অনিল উচ্চৈঃস্বরে হাসিয়া বলিল, “এ যে ভূতের মুখে রাম নাম! তা বন্ধু, দৃষ্টান্তটা তুমিই আগে দেখাও! সে অভিযোগ ত তোমার সম্বন্ধেও সমানভাবে চলে।”

মনীশ সহসা গভীর হইয়া গেল। পরিহাসচ্ছলে সে যে প্রসঙ্গের আলোচনায় উৎফুল্ল হইয়া উঠিয়াছিল, তাহাই যেন তাহার অন্তরকে বিদ্ধ করিল। প্রসঙ্গের মোড় ফিরাইয়া দিয়া মনীশ বলিল, “ঐ বাংলোটা কার রে? বেশ সুন্দর দেখতে ত!”

অনিল বলিল, “তা জানিস নে বুঝি? না, তুই কেমন করেই বা জানবি। ওখানে মুন্সেফ প্রতুলবাবু থাকেন, আমার ভগিনীপতি রে—তুই তাঁকে আগে কখনও দেখিস নি। ঠিক ঠিক!”

নিবিষ্ট দৃষ্টিতে সেই বাংলোর প্রতি চাহিয়া মনীশ গভীর ভাবে বলিল, “ওঁরা এখানে কত দিন আছেন?”

“তা অনেক দিন—আমার এখানে আসবার অনেক আগে প্রতুলবাবু এখানে বদলী হয়েছেন।”

এ আলোচনা এইখানেই শেষ হইল। আহাঙ্গারির পর উভয় বন্ধু খানিক বিশ্রাম করিল। তার পর অনিল বলিল, “তা হ’লে ছবিখানা এবার মেলা কমিটির আপিসে পাঠিয়ে দেওয়া যাক,—কেমন?”

মনীশ বলিল, “তা দিলেই হয়। তবে কমিটির সেক্রেটারী ত অনিলচন্দ্র বসু?”

অনিল হাসিতে হাসিতে বলিল, “সে কথা কি। কিন্তু আপিস ঘর ত এখানে নয়, তা ছাড়া চিত্র-শিল্পগুলি মিসেস টমসনের কাছেই পাঠাতে হয়। চিত্রের আদরণ পর্যন্ত তিনি নিজে প্রথমে খুলবেন। তার আগে ছবি দেখবার নিয়ম নেই। এ ছবি বেশ করে প্যাক করা আছে ত?”

মনীশ আসবারপত্রের মধ্য হইতে ছবিখানি সম্বরণে বাহির করিয়া বলিল, “কমিটির নির্দেশ অক্ষরে অক্ষরে পালন করা হয়েছে।”

অনিল সেই অবস্থায় মনীশের ছবি ম্যাজিষ্ট্রেট-পল্লীর কাছে ভৃত্য নিমাইয়ের হাতে দিয়া পাঠাইয়া দিল।

অপরাহ্নকালে বন্ধুকে সঙ্গে লইয়া অনিল বলিল, “চল, প্রতুলবাবুর সঙ্গে তোমার সাক্ষাৎ পরিচয় করে দিবে আসি। কোন আপত্তি আছে?”

মনীশ চলিতে চলিতে বলিল, “আপত্তি আবার কিসের?”

প্রতুলবাবু বাহিরের ঘরে বসিয়া তখন একখানি বই মনোযোগ সহকারে পড়িতেছিলেন। একজন অপরিচিত

যুবকের সহিত শ্রালককে আসিতে দেখিয়া তিনি উঠিয়া দাঁড়াইলেন।

অনিল বলিল, “ইনি প্রতুলবাবু, আমার ভগিনীপতি। আর ইনি আমার বন্ধু প্রসিদ্ধ চিত্র-শিল্পী মনীশ গুহ।”

অভিবাদনান্তর প্রতুলবাবু সানন্দে মনীশকে বসাইলেন। প্রফুল্ল কণ্ঠে বলিলেন, “চিত্র-শিল্পের মারফতে আপনার পরিচয় আমার কাছে নূতন নয়। আমি আপনার চিত্রের অহুরাগী। আগে জানতাম না,—আপনি অনিলবাবুর বন্ধু। অল্প দিন হ’ল সে সংবাদ অনিলবাবুর প্রসুখাৎ জেনেছি।”

আলাপ অল্পক্ষণেই বেশ জমিয়া উঠিল। মনীশ এই মার্জিতকণ্ঠি পণ্ডিত ব্যক্তিটির সহিত আলাপ আলোচনায় আনন্দলাভ করিল।

জলধোগের আহ্বান প্রত্যাখ্যান করিয়া উভয়ে বলিয়া উঠিল, তাহারা অল্পক্ষণ পূর্বেই সে কাৰ্য্য শেষ করিয়া আসিয়াছে। এখন একটু সহর ঘুরিয়া দেখিবার ইচ্ছায় বাহির হইয়াছে।

প্রতুলচন্দ্র বলিলেন, “আমি আপনাদের সঙ্গী হ’তে পারলে সুখী হতাম; কিন্তু নূতন ডেপুটীবাবু একটু পরেই আমার সঙ্গে দেখা করতে আসবেন। স্ততরাং আমার অপরাধ নেবেন না, মনীশবাবু।”

মনীশ হাসিয়া বলিল, “না, না, সে কি কথা। আপনি বসুন, আমরা ঘুরে আসি।”

বাংলোর চারিদিকে ফুলের বাগান—গোলাপের স্নিগ্ধ মধুর দীপ্তিতে বাগানটি যেন হাসিতেছিল। তাহার সৌন্দর্য্য-লুক্ক দৃষ্টি চারিদিকে একবার নিষ্কিপ্ত হইল। তার পর বন্ধু-যুগল রাজপথে আসিয়া দাঁড়াইল।

পরিচ্ছন্ন সহরের বিভিন্ন অংশ দর্শন করাইয়া অনিলচন্দ্র বন্ধুকে লইয়া নদীর দিকে চলিল। নদী তীরের মধুর সৌন্দর্য্য শীতের সন্ধ্যাতেও মনোরম।

সেদিন পূর্ণিমা। সন্ধ্যার স্তিমিত আলোকে পূর্ব-গগনে পূর্ণিমার বৃহৎ চন্দ্র দেখা যাইতেছিল। শীতের বৃহেলিকা আজ তেমন গাঢ় নহে। অল্পক্ষণেই চারি দিকে বজতধারার দীপ্তি পরিস্ফুট হইয়া উঠিল। মনীশের কবিত্ত এ দৃশ্যে উল্লসিত হইয়া উঠিল। সে বলিয়া উঠিল, “চমৎকার!”

নদীর ধারে একটি ক্ষুদ্র বোম্ব। দুই বন্ধুতে সেইখানে

বসিল। তাহারা যেখানে আসিয়াছিল, তাহার অনতিদূরে নৌকা ভিড়িবার স্থান। সখের জল-ভ্রমণ করিয়া কেহ কেহ এখানে নৌকা বাধিয়া তীরে উঠিয়া থাকে। নির্জন নদীতীরে বসিয়া বসিয়া দুই বন্ধুতে কত সুখ ছুঃখের আলোচনা চলিতে লাগিল।

শীতের নদী—তরঙ্গশূন্য। জ্যোৎস্না-স্নাত নদী-জলের উপর দিয়া একখানি জেলে-ডিম্বি বন্ধু-যুগলের অদূরে তীর-লগ্ন হইল। একটি পুরুষ ও দুইটি নারী ধীরে ধীরে তীরে উঠিলেন। বন্ধু-যুগল সেখান হইতে উঠিয়া একটু সরিয়া দাঁড়াইল। পার্শ্বেই চন্দ্রালোকিত রাজপথ।

পুরুষটি অগ্রে, তাঁহার পশ্চাতে দুইটি নারী ধীরে ধীরে তাহাদিককে অতিক্রম করিয়া রাজপথে উঠিলেন। বন্ধু-যুগলকে তাহারা লক্ষ্য করিলেন না। সহসা অক্ষুট কণ্ঠে মনীশ বলিয়া উঠিল, “আশ্চর্য্য!”

অনিল বন্ধুর দিকে মুখ ফিরাইয়া বলিল, “ব্যাপার কি?”

অঙ্গুলি নির্দেশ করিয়া মনীশ তন্দ্রা-জড়িত কণ্ঠে বলিল, “এই তিনজনকে যেন কোথায় আমি আগে দেখেছি। ঠিক মনে হচ্ছে না; কিন্তু এটা ঠিক, এঁরা আমার চোখে নতুন নন। হাঁ নিশ্চয়! মনীশ একবার যা দেখে, জীবনে তা কোন দিনই ভুলবে না। তাই ত কোথায় এঁদের দেখেছি!”

অনিলের চক্ষুযুগল উজ্জ্বল হইয়া উঠিল। বন্ধুর প্রতি নিবিষ্ট ভাবে চাহিয়া বলিল, “তোমার ভুল হয় নি ত?”

“পাগল, এত ভুল হলে কি ছবি আঁকতে পারতাম? কিন্তু কোথায় দেখলাম এঁদের!”

তিনটি নরনারী তখন রাজপথের অনেক দূর চলিয়া গিয়াছেন। বন্ধুর হাত ধরিয়া অনিল বলিল, “চল রাত হয়েছে। কোথায় এঁদের দেখেছ সে কথা বাসায় গিয়ে ভাল করে ভেবে দেখো।” “চল” বলিয়া মনীশ নীরবে বন্ধুর সহিত বাসার দিকে ফিরিল। অনিলচন্দ্রও আর কোন কথা পথের মধ্যে বলিল না।

ত্রয়োবিংশ পরিচ্ছেদ

মেলা আরম্ভ হইয়াছিল। জেলার হাকিম উদ্বোধন-কার্য্য সমাপ্ত করিয়াছিলেন। সহরের গণ্যমান্য এবং কর্ম্মীসম্প্রদায় এই স্বদেশী মেলাকে সার্থক করিয়া তুলিবার জন্ত প্রাণপণ চেষ্টা করিয়াছিলেন। তাহাদের সে চেষ্টা

বহুলাংশে সার্থক হইয়াছিল। দূর পল্লী হইতে বহু লোক মেলা দেখিতে সহরে আসিতেছিল; কৃষিবিভাগ, উচ্চ-পণ্য-শিল্প-বিভাগ, চিত্র-শিল্প প্রভৃতি নানা বিষয়ের প্রদর্শনের আয়োজন হইয়াছিল।

আজ চিত্র-শিল্পাগারের উদ্বোধন হইবে। মিসেস টমসন উহার উদ্বোধন-কার্য উপলক্ষে একটি বক্তৃতা করিবেন। সে জন্ত সহরের সকলেই মেলা-প্রাঙ্গণের পটমণ্ডপে সমবেত হইয়াছিলেন। বিকাশ আজ সকালেই বন্ধুর গৃহে আতিথ্য গ্রহণ করিয়াছে। আহা! তাহার পর বন্ধুত্ব সভাক্ষেত্রে উপস্থিত হইল। পল্লীসহরে এমন একটা মেলার আয়োজন দেখিয়া বিকাশ অত্যন্ত বিস্ময়ান্বিত হইল।

মনীশ বলিল, “এ প্রচেষ্টার মূলে আমাদের সম্মানীয় বালাবন্ধু অনিলের প্রাণপণ আগ্রহ ও চেষ্টা আছে, এ কথা অনেকের মুখেই শুনি।”

অনিল লজ্জিত ভাবে বলিল, “কি যে বলিস্ তোরা! কাশ্য অবশ্য মাহুষ করে, কিন্তু মূলে যে তাঁরই কল্যাণ চেষ্টার আশীর্বাদ রয়েছে, সেটা ভুলে গেলে চলবে কেন, ভাই!”

বিকাশ বলিল, “সে কথা ঠিক, কিন্তু যন্ত্রীর গুণগানের সঙ্গে যন্ত্রের গুণপনার প্রশংসা মাহুষ যদি না করে, তাহলে সেটা অশোভন হয় না কি?”

মেলার প্রবেশ-দ্বারে তাহারা আসিয়া পড়িয়াছিল। মণ্ডপতলে দর্শকগণ সমবেত হইয়াছিলেন। অনিল বন্ধু-যুগলকে লইয়া সভানেত্রীর আসনের নিকটেই উপবেশন করিল।

মিসেস টমসন নির্দিষ্ট সময়ে হর্ষধ্বনির মধ্যে সভাক্ষেত্রে প্রবেশ করিলেন। তাহার প্রসন্ন আনন্দ চারিদিকে নিক্ষিপ্ত হইল। অদূরে উপবিষ্ট অনিলচন্দ্রকে দেখিয়া, তাহার অভিবাদনের বিনিময়ে অভিবাদন ফিরাইয়া দিয়া তিনি আসনে উপবিষ্ট হইলেন।

সভার কার্য যথারীতি আরম্ভ হইলে সভানেত্রী তাঁহার স্বভাবসিদ্ধ মিষ্ট বচনে বলিলেন, “আপনাদের সমস্ত-সংগৃহীত চিত্রপূর্ণ চিত্রাগারের দ্বার উন্মোচন উপলক্ষে আমি আপনাদের কাছে নিবেদন করতে চাই। মেলা-কমিটি আমাকে চিত্র-সম্বন্ধে গুণাবলীর বিবেচনা করে, যে চিত্র সর্বশ্রেষ্ঠ হবে তা নির্বাচন করবার ভার দিয়েছেন। অবশ্য এ কাষে সাহায্য করবার জন্ত কয়েকজন গুণী ব্যক্তি দ্বারা তাঁরা একটা কমিটিও গঠন করে দিয়েছেন।

“সংগৃহীত চিত্রগুলি আমরা সকলে পুথ্যপুথ্যরূপে বিচার করে দেখেছি। আমাদের জ্ঞান বুদ্ধি মতে বিচারে যা নির্দিষ্ট হয়েছে, তার একটা সংক্ষিপ্ত সার আপনাদের কাছে নিবেদন করছি। তার পর চিত্রাগারে প্রবেশ করে আমাদের নির্বাচন ঠিক হয়েছে কি না, তা ত আপনাদের পরীক্ষা করে দেখবার অবকাশ পাবেন।

“চিত্র-শিল্পে বাঙ্গালাদেশের উন্নতি দেখে আমি সত্যই বিস্মিত হয়েছি। অবশ্য অনেক চিত্র-শিল্পী মৌলিক পরিকল্পনার পরিচয় দিতে পারেন নি, এ কথাটাও এই সঙ্গে বলে রাখা সঙ্গত মনে করি। বিদেশী প্রতিভাবান চিত্র-করের অঙ্করণে, শুধু অঙ্কসরণে নহে, তাঁরা ছবি এঁকেছেন। কিন্তু মৌলিক পরিকল্পনা এবং খাঁটি ভারতীয় পরিকল্পনার পরিচয়ও কেহ কেহ দিয়েছেন—অবশ্য তাঁদের সংখ্যা অল্প।

“সংগৃহীত চিত্রগুলির মধ্যে দু’খানি ছবি আমাদের দৃষ্টি বিশেষভাবে আকৃষ্ট করেছে। কিন্তু বিষয়ের বিষয়, এই দুই চিত্র-শিল্পীর বিষয়-বস্তু একই। কমিটি এই বিচিত্র সাদৃশ্য দেখে সন্ধান নিয়ে জেনেছেন, এই দু’জন প্রতিভাবান চিত্র-শিল্পী ভিন্ন ভিন্ন স্থানে বাস করেন, পরস্পর পরস্পরের সম্পূর্ণ অপরিচিত। কিন্তু চিত্তারাজ্যে অনেক বিস্ময়কর ঘটনা ঘটে থাকে। জানি না, কোন্ বিষয়কর মুহূর্তে এঁরা দু’জনেই একই বিষয়কে চিত্র-রচনার উপযোগী বলে মনে করেছেন—”

ম্যাজিষ্ট্রেট-পত্নী টেবিলের উপর হইতে একতারা কাগজ তুলিয়া লইয়া খুলিতে লাগিলেন। শ্রোতৃবর্গ মুগ্ধ বিষয়ে বক্তৃতা শুনিতেছিলেন। মনীশ চমৎকৃতভাবে অনিলের দিকে ফিরিয়া বলিল, “এ বড় অদ্ভুত কাহিনী ত!” অনিল নীরবে মুছ হাসিল। বিকাশ বলিল, “সাহিত্যে এমন বিচিত্র সাদৃশ্যের কথা পড়া গেছে বটে।”

সভানেত্রী পুনরায় আরম্ভ করিলেন, “আপনাদের গুণে বিস্মিত হবেন, এই দুই চিত্র-শিল্পীর একজন পুরুষ, তিনি ইতিমধ্যেই চিত্রশিল্পে প্রসিদ্ধি লাভ করেছেন বলে শুনেছি। অপরা নারী, হিন্দুগৃহের কুমারী কণ্ঠা!—” শ্রোতৃবর্গের মধ্যে একটা অস্ফুট গুঞ্জনধ্বনি উত্থিত হইল।

মিসেস টমসন, কণ্ঠস্বর আরও উন্নত করিয়া বলিলেন, “মাহুষের প্রত্যক্ষ জ্ঞানের অগোচরে, বস্তু-তাত্ত্বিক জগতের

অজীত মনোভায়ে কি অদ্ভুত লীলা চলে, মাহুষ এখনও তার সম্পূর্ণ সন্ধান পায় নি। কিন্তু দেখা যাচ্ছে, কোন নৈসর্গিক বা অনৈসর্গিক অবস্থার মধ্যে পড়ে পরস্পরের অপরিচিত এই তরুণ চিত্র-শিল্পী এবং এই তরুণী অন্তঃপুর-চারিণী একই বস্তুকে উপলক্ষ করে চিত্র অঙ্কিত করেছেন। নিপুণতার দিক দিয়ে পুরুষ চিত্র-শিল্পী যে অভিনব সৌন্দর্য্য তাঁর অঙ্কিত চিত্রে ফুটিয়ে তুলেছেন, তাতে সংগৃহীত চিত্রগুলির মধ্যে তাঁর চিত্রখানি শ্রেষ্ঠ সন্দেহ নেই। কিন্তু তরুণী চিত্র-শিল্পীও ভাবের দিক দিয়ে যে ব্যঞ্জনা প্রকাশ করেছেন, তাতে তাঁর ছবিখানিও শ্রেষ্ঠত্বের দাবী রাখে। তাই আমরা স্থির করেছি, এই দু’খানাই একই বন্ধনীর মধ্যে প্রথম স্থান লাভ করেছে।”

সভানেত্রী এই পর্যন্ত বলিয়া একবার দর্শকদিগের প্রতি দৃষ্টিপাত করিলেন। তার পর কোন্ কোন্ চিত্র দ্বিতীয় ও তৃতীয় স্থান অধিকার করিয়াছে তাহার পরিচয় দিয়া তাঁহার অভিভাষণ সমাপ্ত করিলেন।

মনীশ চিত্রাৰ্পিতবৎ বসিয়া এই অভিভাষণ শ্রবণ করিতেছিল। তার পর মুছস্বরে বলিল, “মিসেস টমসনের বর্ণনাত্মকী ত চমৎকার!”

সভানেত্রী তার পর বলিলেন, “এখন হয় ত আপনাদের প্রথম দু’জন চিত্রশিল্পীর নাম জানবার জন্ত কৌতূহলী হয়েছেন। পুরুষ-শিল্পীর নাম মিঃ মনীশ গুহ—”

মনীশ মহস্মা চমকিত হইয়া উঠিল। বিকাশ বলিল, “এ আমি জানতাম। রসজ্ঞ সমালোচকরা মনীশের প্রতিভাকে অস্বীকার করতে পারেন না।”

শ্রোতৃবর্গের করতালি-ধ্বনি থামিলে কণ্ঠস্বর উচ্চে তুলিয়া মিসেস টমসন বলিলেন, “আর এই তরুণী চিত্র-রচয়িত্রী আমাদের এই সহরের প্রসিদ্ধ অধ্যাপক বীরেশ বাবুর কণ্ঠা হুমারী গৌরী ঘোষ”—উচ্চ করতালি-ধ্বনিতে প্রায় দুই মিনিট কাল সভাস্থল মুখরিত হইয়া উঠিল।

মনীশ বিস্মিতভাবে বলিল, “এ মেয়েটিকে তুমি চেন অনিল?” বিকাশ বলিল, “আশ্চর্য্য! বীরেশবাবুর নাম শুনেছি, তরুণী সম্পর্কে তাঁর স্ত্রী মার বোন হন। মেয়েটির পাত্র ছুটছে না বলে সেদিন মাকে তিনি পাত্রের খোঁজের জন্ত গাধা লিখেছেন। আমাদেরও তাঁদের সঙ্গে দেখা করতে গলে দিয়েছেন। তাঁর মেয়ে এমন গুণবতী!”

অনিল এতক্ষণ চুপ করিয়া ছিল। এবার বলিল, “বীরেশ বাবু তোর আত্মীয় হন, সে খবর ত আমার জানা ছিল না!” মনীশ আপন মনে বার দুই অস্ফুটস্বরে বলিয়া উঠিল, “আশ্চর্য্য! আশ্চর্য্য!”

মিসেস টমসনের কথা আবার শুনা গেল। তিনি বলিতেছিলেন, “এবার আমি গিয়ে চিত্রাগারের দ্বারোন্মোচন করব। তার পর আপনাদের যথারীতি চিত্রগুলি দর্শন করে ধন্ত হবেন। কেবল একটা কথা আমি এখানে না বলে পারছি না। এই মেয়েটি বাইরের কোন সাহায্য না পেয়ে, তাঁর বাপের কাছে উপদেশ ও প্রথম শিক্ষা পেয়ে নিজের প্রতিভা-বলে যে সন্দের ছবিখানি এঁকেছেন, এ জন্ত আমি তাঁকে আমার হৃদয়ের শ্রদ্ধা ও প্রীতি জ্ঞাপন করছি। আর কমিটির নির্দিষ্ট পুরস্কার ছাড়াও আমি তাঁকে একটি মেডেল দিতে চাই।”

আবার সমবেত কণ্ঠে জয়ধ্বনি সভা-প্রাঙ্গণকে মুখরিত করিয়া তুলিল। বীরেশবাবু সভাক্ষেত্রের এক প্রান্তে বসিয়া ছিলেন। তিনি উদ্গত-প্রায় আনন্দ-অশ্রুধারাকে অতি কণ্ঠে সংবরণ করিয়া উঠিয়া দাঁড়াইলেন।

দ্বারোন্মোচনের সঙ্গে সঙ্গে বহু ব্যক্তি চিত্রাগারের মধ্যে প্রবেশ করিয়াছিল।

অর্দ্ধঘণ্টা পরে ভিড় একটু কমিলে অনিলচন্দ্র বন্ধুগণের সহিত চিত্রাগারে প্রবেশ করিল। সম্মুখেই মনীশ তাহার চিত্র দেখিতে পাইল। “জ্যোৎস্নালোকে তাজ” চিত্রের পার্শ্বেই দেখিল আর একখানি চিত্র। তাহার শিরোনামা শুধু “জ্যোৎস্নালোকে।” অনিল বলিয়া উঠিল, “চমৎকার!” বিকাশ বলিল, “আশ্চর্য্য সাদৃশ্য, কিন্তু—”

তিনজনেই গৌরী-রচিত চিত্রখানির সম্মুখে দাঁড়াইয়া দেখিল, এই চিত্রখানিতে তাজ জ্যোৎস্নার ওড়নায় সর্বদ্বন্দ্ব আচ্ছাদিত করিয়া দাঁড়াইয়া। তাহার কিছু দূরে একটি ভয়ানক নারী। তাহাকে আক্রমণ করিবার জন্ত একজন দুর্ভৃত্ত হস্ত প্রসারিত করিয়াছে। তাহার নয়নে লালসার কি উগ্র দীপ্তি! আর একজন বলিষ্ঠ তরুণ আক্রমণকারীর গলদেশ চাপিয়া ধরিয়াছে!

মনীশ আপন মনেই বলিয়া উঠিল, “চমৎকার! চমৎকার! কিন্তু এ দৃশ্য—” বিকাশ বলিয়া উঠিল, “মনীশ! এ যে তোর গল্পের ছবি বলেই মনে

হচ্ছে!” অনিলচন্দ্র সহসা আপনাকে দৃঢ় বলে সংবরণ করিল।

মনীশ ঈষৎ বিচলিত ভাবে বলিল, “তাই ত দেখছি। তবে—ওঃ! অনিল, সেদিন জ্যোৎস্না রাতে ষাঁদের দেখেছিলুম।—মনে পড়েছে, তাঁরাই, তাঁরাই!”

মনীশের মনের কোনও প্রান্তে আর সন্দেহের অবকাশ মাত্র রহিল না। সে তখন বলিল, “নিশ্চয় এঁদের সঙ্গে তোমার জানা শোনা আছে, অনি?”

মৃদু হাসিয়া অনিল বলিল, “তা আছে বৈ কি। তবে শুধু বীরেশবাবুর সঙ্গে। বই বচন হিসাবে নয়!”

বিকাশ হাসিয়া বলিল, “অনিলের স্বভাবটা এক রকমই রয়ে গেলে। রহস্য করবার অবকাশ পেলে, কখনই ছাড়বে না।”

অত্যাশ্চর্য চিত্র দর্শনের পর মনীশ মাঝে মাঝে আশ্চর্য ভাবে বলিয়া উঠিতে লাগিল, “আশ্চর্য্য কিন্তু! ভারী আশ্চর্য্য!”

বিকাশ বন্ধুকে কি বলিতে যাইতেছিল, কিন্তু অনিলচন্দ্র তাহার গা টিপিয়া নিষেধ করিল। বিকাশ অনিলের ইচ্ছিতের উদ্দেশ্য না বুঝিলেও সে বন্ধুর সতর্কতার সম্মান রক্ষা করিল।

চতুর্বিংশ পরিচ্ছেদ

শীতের প্রভাত। তখনও কুহেলিকার যবনিকা চারি দিক আচ্ছন্ন করিয়া ছিল। সূর্য্যোদয়ের বিলম্ব আছে।

হিন্দু সমাজের বর্তমান অবস্থা লইয়াই নিদ্রোথিত বন্ধুত্রয়ের মধ্যে আলোচনা চলিতেছিল। অনিলচন্দ্র তাহার স্বাভাবিক ওজস্বিনী ভাষায় বলিয়া চলিয়াছিল, সমাজের লোক যতই শিক্ষা দীক্ষায় অগ্রসর হইতেছে, মনুষ্যত্বের উচ্চাঙ্গ হইতে ততই তাহারা নীচে নামিয়া চলিয়াছে। প্রতীচ্য সভ্যতার বস্তুতাত্ত্বিক প্রভাব, প্রাচ্য সভ্যতার অনাড়ম্বর উদারতাকে আচ্ছন্ন করিয়া ফেলিয়াছে। বাঙ্গালী জাতির ভবিষ্যৎ, এই ভাবে চলিলে, কখনই আশা-প্রদ হইবে না। এ কথা সে জোর করিয়া বলিতে পারে।

বিকাশ বলিল, “কিন্তু আমরাই ত সে সমাজের লোক। আমরা ইচ্ছা করলে অনেক অনাচারের প্রতিবিধান করিতে পারি। খাঁটা বাঙ্গালী জীবনকে অবলম্বন করতে বাধা কোথায়?”

মনীশ বলিল, “তাই করাই ত দরকার। তরুণ দলের পর্যায়ে আমাদের নাম নিশ্চয়ই আছে। সংস্কারের দিকে শক্তি প্রয়োগ করাই ত দরকার।”

অনিল বলিল, “কিন্তু আমাদের মন যে পক্ষাঘাতগ্রস্ত হয়েই রয়েছে। এই ধর না কেন বিবাহে পণপ্রথা। এটার সংস্কার কি সাধ্যের অতীত?”

মনীশ বলিল, “এটা ত সহজেই হতে পারে। হচ্ছেও অনেক।”

অনিল হাসিয়া বলিল, “অনেক নয়, কদাচিৎ দু' একটা। এই ধর না কেন, বীরেশবাবুর মেয়ে। দেখতেও চমৎকার—অবশ্য গৌরবর্ণ নয়, কিন্তু চেহারা খুব সুন্দর। গুণের কথা কি আর বলব! লেখাপড়া, স্থচিশিল্প, গান বাজনা চমৎকার শিখেছেন। আর চিত্রশিল্পের পরিচয় নিজের চোখেই পেয়েছ। অথচ মেয়েটির বিয়ে হচ্ছে না। যে আসে, সেই দশ পনের হাজার চেয়ে বসে।” এই বলিয়া সম্ভ্রান্তি যে ঘটনা সে প্রত্যক্ষ করিয়াছিল, তার সবিস্তারে বর্ণনা করিল। বিকাশ উত্তেজিত ভাবে বলিল, “এরা কি মাছষ!” মনীশ চেয়ারের উপর একবার নড়িয়া চড়িয়া বসিল।

বিকাশ রূপারথানা গায় জড়াইতে জড়াইতে বলিল, “আমরাও ত এ বিষয়ে সাহায্য করতে পারি। অষ্ট আমার মাস্তুতো বোন। তোমরা দুজন ত বিয়ে কর নি। একজন কেন এমন চমৎকার মেয়েটিকে বিয়ে কর না। তোমাদের কারুরই ত অনবজ্ঞের অভাব নেই।”

তীক্ষ্ণ দৃষ্টিতে সে বন্ধু-যুগলের দিকে দৃষ্টি নিক্ষেপ করিল। মনীশ চঞ্চল হইয়া উঠিল। সে কি বলিতে যাইতেছিল, এমন সময় দ্বারপ্রান্তে মনুষ্য-পদশব্দ শ্রুতিগোচর হইল।

“অনিলবাবু উঠেছেন না কি?”

“কে প্রভুলবাবু? আসুন, আসুন!”

বাহিরে যাইবার সজ্জায় ভূষিত হইয়া প্রভুলচন্দ্র কক্ষমধ্যে প্রবেশ করিলেন। অনিল বলিল, “এত সকালে কোথায় চলেছেন?”

“আর ভাই, আমার বোন মেলা দেখবে বলে ভারী উৎসুক হয়েছে। কিন্তু লোকের অভাবে আসতে পারছে না। বোনাই মফঃস্বলে আদায়ের চেষ্টায় গেছেন। ভাই তাকে আনবার জন্ত যাচ্ছি। ষ্ট্রিমার চটার ছাড়বে।”

সেখানে পৌঁছতে ১২টা বাজবে। আজই তাকে নিয়ে ফিরব। তবে আস্তে রাত্রি হবে। আপনার বোন রইল। কথাটা বলবার জন্ত এসেছিলাম!” প্রভুলচন্দ্র বিদায় লইলেন। আলোচনায় বাধা পড়ায় প্রসঙ্গটা আর উঠিল না।

মধ্যাহ্ন আহারের পর বিকাশ বলিল, “বীরেশ বাবুর বাড়ীটা—মাগীমার বাড়ীটা নদীর ধারে, সহরের দক্ষিণে বলছিলে না? সেখানে আমি একবার যাব। তোমরা গল্প কর, আমি সেখান থেকে ঘুরে আসি।”

বিকাশ চলিয়া গেলে দুই বন্ধু শয্যার উপর শয়ন করিয়া পুস্তক পাঠে মনোনিবেশ করিল। দিবা নিদ্রার স্বভাব কাহারও ছিল না। চিত্রাগার হইতে ফিরিয়া আসার পর হইতে মনীশ একটু স্বল্পভাষী হইয়া পড়িয়াছিল, ইহা অনিল লক্ষ্য করিয়াছিল। একরূপ অবস্থা তাহার যে নূতন তাহা নহে। যখনই কোন একটা কল্পনা তাহার চিত্তে জাগ্রত হইয়া উঠে, সেই সময় মনীশ কম কথা কহে, ইহা অনিল ও বিকাশের অগোচর ছিল না। তার পর যখন তাহার কল্পনা বর্ণ ও তুলিকার সহযোগে রূপ গ্রহণ করে, তখন মনীশের এই গাভীর্ঘ্য বা অশ্রমনস্ত-ভাব অন্তর্হিত হয়।

দূরে কোতোয়ালীর ঘটিকা-ঘন্টে ৪টা বাজিয়া যাইবার শব্দ শ্রুত হইল। নিমাই আসিয়া দুইজনের জলখাবার দিয়া গেল। দুই বন্ধু জলযোগ সারিবার পর অনিল বলিল, “একবার ও-বাসা ঘুরে আসি। মনীশ চল না আমার সঙ্গে।” মনীশ বলিল, “বাবো?”

“একা বসে কি করবি? ওখানে খানিক বসে তার পর বেড়াতে গেলে হবে। বিকাশ সন্ধ্যার আগে ফিরবে বলে মনে হয় না। তার পর না হয় একবার তিন জনে মেলার দিকে যাওয়া যাবে। কি বলিস?” “তাই চল।” মনীশ হুতা জোড়া পায় গলাইয়া দিল।

প্রভুলবাবুর বাংলায় উপস্থিত হইয়া মনীশ বন্ধুকে জিজ্ঞাসা করিল, “তোমার বোনের শরীর এখন ভাল আছে?” তরলিকার বিবাহের পর আজ সর্ব প্রথম মনীশ অনিলচন্দ্রকে তাহার সহোদরা সম্বন্ধে প্রশ্ন করিল।

অনিলচন্দ্র অশ্রমনস্তভাবে বলিল, “সে ভালই আছে। তার শরীর আগের চেয়ে অনেক ভাল হয়েছে। তার সঙ্গে কথা করবি?” “মন্দ কি!” অনিলচন্দ্র বন্ধুর দৃষ্টিতে একটা অশ্রমতা এবং কণ্ঠস্বরে ঔৎসুক্যের ব্যঞ্জনা অল্পভব করিল

কি? বাহিরের ঘরে মনীশকে বসাইয়া অনিল ভিতরে চলিয়া গেল।

মনীশ চুপ করিয়া বসিয়া থাকিতে পারিল না। তাহার হৃদপিণ্ড যেন দ্রুত তালে নৃত্য করিতে আরম্ভ করিয়াছিল। একটা অল্পভূতির দহন জ্বালা যেন ক্রমেই তাহাকে অস্থির করিয়া তুলিল। সে ঘরের মধ্য হইতে বাহিরে আসিয়া দাঁড়াইল। পৌষের শীতল বাতাস তাহার ললাটের শ্বেদবিন্দু মুছাইয়া দিল। সোপান বাহিয়া নীচে নামিয়া সে উদ্যানে বিচরণ করিতে লাগিল। অদূরে গোলাপ-বীথির ডালে ডালে কতকগুলি বড় বড় গোলাপ ফুটিয়া উদ্যানের শোভা বাড়াইয়া তুলিয়াছিল। গাছগুলি একটি বাতায়নের নিম্নেই অবস্থিত।

অশ্রমনস্তভাবে মনীশ সেই দিকে চলিল। তাহার উদ্দেশ্যের কোনও স্থিরতা তখন ছিল না। গোলাপ-কুঞ্জের কাছে পৌঁছিয়া সে হাত বাড়াইয়া একটি প্রকাণ্ড গোলাপ তুলিতে যাইবে, এমন সময় তাহার প্রসারিত বাহ সঙ্কুচিত হইয়া গেল। জানালার অপর পারে ঘরের মধ্যে দুইটি কণ্ঠস্বর স্পষ্ট শ্রুত হইল। একটি তাহার বন্ধু অনিলের, অপরটি—সে কাণ পাতিয়া শুনিবে, ইহা সেই স্পর্শিত কণ্ঠস্বর, কিন্তু যৌবন-ধর্ম্মের প্রভাবে এখন তাহা আরও গুঞ্জন-মাধুর্য্য অর্জন করিয়াছে! সে মন্ত্রমুগ্ধবৎ সেইখানে দাঁড়াইয়া রহিল। কেহ তাহাকে দেখিতে পাইল না। তাহার মুর্ত্তিও কাহারও দৃষ্টিগোচর হইল না।

তরলিকার কণ্ঠ উচ্চ সপ্তকে উঠিয়াছিল। সে বলিল “তুমি কি বলছ, দাদা!—আমি এখন শুধু তোমার বোন নই। আমি একজনের স্ত্রী—সহধর্ম্মিণী। তিনি বাড়ী নেই, তাঁর অগোচরে আমি তোমার বন্ধুর সঙ্গে দেখা করব?”

অনিল মিনতিপূর্ণ কণ্ঠে বলিল, “সে ত তোমার অজানা নয়, আগে তাকে দাদা বলেই ডাকতে। এতে দোষ হতে পারে—বিশেষতঃ এ যুগে?”

বন্ধুর দিয়া তরলিকা বলিয়া উঠিল, “তার মানে? লেখাপড়া শিখে তোমাদের কি বুদ্ধি শুদ্ধি হয়েছে, বুঝতে পারি নে। হিন্দুর মেয়ে স্বামীর মত না নিয়ে বাইরের মাছষের সঙ্গে দেখা করতে যাবে কেন? তোমার বন্ধুই বা একজন পরস্ত্রীর সঙ্গে দেখা করবার জন্ত এত লালায়িত কেন?”

অনিল বলিল, “তুই অত রাগুছিস কেন, বোন?”

“রাগ হবে না? এসব লোকের মতিগতি দেখলে হিন্দুর মেয়ে সহ্য করতে পারে? আমার স্বামী যখন বাড়ী নেই, তখন আমার সঙ্গে দেখা করতে আসা হল। কেন, তোমার বন্ধু ত অনেক দিন হল এখানে এসেছেন। এ বাড়ীতেও এসেছেন। আমার স্বামীকে বলতে পারেন নি, তরলিকা আমার বোন হয়, তার সঙ্গে দেখা করব? ছিঃ! ছিঃ!—তুমি আবার তার হয়ে ওকালতি করছ? না, তাকে বলগে দেখা হবে না। তার সঙ্গে সম্পর্ক কি? তার পর আমার স্বামীর অসাক্ষাতে আমি তার সঙ্গে দেখা করব না। হিঁদুর ছেলে হয়ে, হিঁদুর মেয়ের সঙ্গে পরজীর সঙ্গে কেমন ব্যবহার করতে হয়, এসব কি জানা নেই?”

মনীশচন্দ্রের দেহ টলিতে লাগিল। তাহার মাথায় আগুন জলিয়া উঠিল। নাক কাণ দিয়া অগ্নি-তরঙ্গ তীব্র উচ্ছ্বাসে নির্গত হইতে লাগিল। সে আর দাঁড়াইল না। সোজা ফটক পার হইয়া বন্ধুর বাসভবনে আসিল। স্পন্দিত দেহ-ভার বহন করা অসাধ্য দেখিয়া সে শয্যার উপর এলাইয়া পড়িল।

বুকের উপর হাত রাখিয়া সে কেবল বারকয়েক অতি কষ্টে উচ্চারণ করিল, “উঃ। উঃ!”

পঞ্চবিংশ পরিচ্ছেদ

অনিলচন্দ্র বাহিরে আসিয়া মনীশকে দেখিতে না পাইয়া চিন্তিত হইল। তবে কি মনীশ তাহাদের আলোচনা শুনিতে পাইয়াছে? মনীশ ত তরলিকার সহিত দেখা করিবার প্রস্তাব করে নাই, বরং সেই উপযাচক হইয়া দেখা-সাক্ষাতের প্রস্তাব করিয়াছিল। তরলিকা যে এই সহজ ব্যাপারটিকে এমন দৃষ্টিভাবে গ্রহণ করিবে, ইহা তাহার কল্পনাতেও আসে নাই। এখন সে বুঝিতে পারিয়াছে, এ প্রস্তাব উত্থাপিত করা সঙ্গত হয় নাই। সে এখন পরের স্ত্রী, হিন্দু ঘরের কুললক্ষ্মী। বিশেষতঃ—না, সত্যই তাহার সাংসারিক বুদ্ধি অল্প।

অনিলচন্দ্র ক্ষতপদে বাসার দিকে ফিরিল। ঘরের মধ্যে প্রবেশ করিয়া দেখিল, মনীশ নিম্নলিখিত নয়নে, নিস্পন্দ ভাবে শয্যায় শুইয়া আছে।

অনিলের পদশব্দে মনীশ উঠিয়া বসিল। অনিল দেখিল, বন্ধুর আননে একটা বিচিত্র পরিবর্তন দেখা দিয়াছে। তাহার নয়নযুগলে অস্বাভাবিক দৃঢ়তার দীপ্তি।

মনীশ স্থির দৃষ্টিতে অনিলের পানে কয়েক মুহূর্ত চাহিয়া অকম্পিত কণ্ঠে ডাকিল, “অনিল!”

বিস্মিতভাবে অনিল বলিল, “কি?”

“বীরেশবাবু আমাদের স্বজাতি?”

“নিশ্চয়।”

“তিনি আমার মত পাত্রের তাঁর মেয়েকে দান করতে রাজি আছেন? অবশ্য বিনাপণে?”

অনিলচন্দ্র চমকিত হইয়া উঠিল। পরে স্বাভাবিক কণ্ঠে বলিল, “তোমার মত পাত্র পেলে তিনি চরিতার্থ হবেন, আমি জানি।”

“তবে তুমি আজই প্রস্তাব কর, আমি তাঁর মেয়ে গৌরীকে আমার গৃহলক্ষ্মীর পদে বরণ করবার জন্ত প্রস্তুত। এই মাঘ মাসের প্রথমেই যে শুভদিন থাকে, আমি রাজি।”

অনিলচন্দ্র কয়েক মুহূর্ত বন্ধুর মুখের দিকে নিবন্ধদৃষ্টি হইয়া চাহিয়া রহিল।

সত্য? ভীষ্মের প্রতিজ্ঞা তবে বিংশ শতাব্দীতে ভঙ্গ হওয়া সম্ভবপর? কিন্তু কেমন করিয়া এমন সম্ভব হইল?

অনিলচন্দ্র মনস্তত্ত্বের অধ্যাপক। মানব-মনের গোপনতম মনোরত্তির প্রকাশ-ভঙ্গীর সূক্ষ্মতম তত্ত্বগুলি সে বহুবার বহুরূপে আলোচিত হইতে দেখিয়াছে। সে কয়েক মুহূর্ত কি চিন্তা করিল। তার পর সহসা তাহার নয়নে একটা আলোক-দীপ্তি উজ্জ্বল হইয়া উঠিল। সে কি তবে মনের গতি এই আকস্মিক পরিবর্তনের মূলমন্ত্রটি আবিষ্কার করিতে পারিয়াছে?

মনীশ এতক্ষণ বাহিরের দিকে চাহিয়া বসিয়া ছিল। সহসা সে মুখ ফিরাইয়া বন্ধুর দিকে চাহিল। দেখিল, অনিলচন্দ্র তাহারই দিকে একদৃষ্টিে চাহিয়া রহিয়াছে। তাহার সমগ্র আননে একটা রক্তোচ্ছ্বাস বহিয়া গেল। তার পর হৃদয়াবেগ সংযত করিয়া মুছকণ্ঠে বলিল, “বিধাম হচ্ছে না বন্ধু? আমি সত্য কথাই বলেছি। মনের উপরে এত দিন কল্পনার যে মায়াজালখানা পড়েছিল, সত্যের তীব্র আলোকে তার মিথ্যা রূপ ধরা পড়ে গেছে। মরীচিকা কখনো প্রকৃত শীতল জলে ভরা দীঘি হতে পারে না। এতদিন শুধু শুধু আমার মাকে, আমার পার্থক্য দেবতাকে কষ্ট দিয়েছি। এখন সে পাপের প্রায়শ্চিত্ত হয়ে যাক। বন্ধু, আমায় ভুল বুঝো না।”



তরুণের স্বপ্ন

অনিলচন্দ্র বোধ হয় এতক্ষণে প্রস্তুত হইতে পারিয়াছিল। সে মুহূর্ত্ত হাসিয়া বলিল, “মেয়েটিকে একবার চোখে দেখবে না? শেষে যদি অল্পতাপ আসে?”

গাঢ় স্বরে মনীশ বলিল, “কোন প্রয়োজন হবে না। আমার জীবনের প্রিয় বন্ধুদের মধ্যে একজন যখন তাকে দেখেছে, তুমি বিশ্বাস করতে পার, তখন আমি নিজের চোখে তাকে আর দেখব না। নারী জাতি সম্বন্ধে আমার বিশেষ সম্ভ্রমবোধ আছে, সে কথা বোধ হয় তুমি ভালই জান। বারবার পুরুষ তার গৃহলক্ষ্মীকে বরণ করবার জন্য বেগুন, পটল, শাক, মাছের মত তাকে পরীক্ষা করে দেখবে, এটা আমার কাছে অসহ্য। অনিলচন্দ্র যার প্রশংসায় পঞ্চমুখ, তাকে দেখবার আমার দরকার হবে না। বিশেষতঃ আগরার তাজমহলে পরিপূর্ণ জ্যোৎস্নালোকে আমি সে মূর্ত্তি দেখেছি। নতুন করে আর দেখতে যাবার দরকার নেই।”

ধীরে ধীরে একটা নিশ্বাস ত্যাগ করিয়া অনিল বলিল, “তবে তাই হোক। তুমি বস। এ শুভ মুহূর্ত্ত আমি বুঝা যেতে দিতে পারি নে। আমি বেরুচ্ছি, ঘণ্টাখানেকের মধ্যে ফিরে আসব।”

নিমাই এমন সময়ে ঘরের মধ্যে প্রবেশ করিয়া বলিল, “দাদাবাবু, এ বেলা কি রান্না হবে?”

অনিল প্রফুল্ল কণ্ঠে বলিল, “তোমার যা খুসী, নিমাই। আজ ভালরকম ভোজের ব্যবস্থা করতে পারবি?”

বিস্মিত ভাবে নিমাই বলিল, “কেন পারব না? কিন্তু আজ কি হয়েছে, দাদাবাবু?”

অনিল বন্ধুর দিকে চাহিয়া বলিয়া উঠিল, “আজ খুব ভাল খবর এসেছে। তাই এখানে উৎসব করা যাবে।”

সে আর দাঁড়াইল না। ছড়িগাছা হাতে লইয়া বাহির হইয়া পড়িল।

ষড়বিংশ পরিচ্ছেদ

ভুলসীতলে প্রদীপ দিয়া, লক্ষ্মীর পূজা সারিয়া গৌরী নিজের ঘরে আসিয়া বসিয়াছিল। আজ তাহার বাবা এখনও তাহাকে নিয়মিত পাঠে সাহায্য করিবার জন্য আসেন নাই। সে পাঠ্য-পুস্তকগুলি লইয়া আলোকের সম্মুখে বসিল।

কিন্তু গড়ার দিকে আজ তাহার চিত্ত যেন অগ্রসর

হইতে চাহিতেছিল না। গত কল্যা মেলায় চিত্র-শিল্পীগারের উদ্বোধন উপলক্ষে মিসেস্ টমসন তাহার শিল্পপ্রতিভা সম্বন্ধে যে সকল মন্তব্য প্রকাশ করিয়াছিলেন, পিতার মুখে সে তাহা শুনিয়াছিল। সহরের সাপ্তাহিক পত্র একটা অতিরিক্ত সংস্করণ আজ ছাপিয়াছে, তাহাতেও সে তাহার প্রশংসার কথাগুলি পাঠ করিয়াছে। আজ পুনঃ পুনঃ সেই কথাগুলিই তাহার মনে পড়িতেছিল।

নিজের শক্তি সম্বন্ধে তাহার কোন বিশ্বাসই ছিল না। তাহার অঙ্কিত চিত্র যে বিশেষজ্ঞগণের কাছে প্রশংসিত হইবে, এমন দুরাশা মুহূর্ত্তের জন্যও তাহার মনের কোন প্রান্তে স্থান পায় নাই। শুধু প্রশংসা পাওয়া নহে। বাঙ্গালার উদীয়মান, সর্বজন-প্রশংসিত শ্রেষ্ঠ চিত্রশিল্পীর সমপর্যায় তাহার আসন নির্ধারিত হইয়াছে!

গৌরী ভাবিতে লাগিল। বাস্তবিক, এ কি বিস্ময়! উভয়ে একই বিষয়-বস্তু লইয়া ছবি আঁকিয়াছে! কেমন করিয়া ইহা সম্ভবপর হইল?

গৌরী চিন্তাশ্রোতে ভাসিতে ভাসিতে তন্দ্রায় হইয়া গেল। নানারূপ সম্ভব অসম্ভব কল্পনা তাহার মনের মধ্যে জটলা পাকাইয়া তুলিল।

সহসা পার্শ্বের কক্ষ পিতা ও মাতার কণ্ঠস্বর শুনিয়া তাহার চমক ভাঙ্গিল। তাহার সম্বন্ধে বাবা মাকে কি বলিতেছেন? গৌরী উৎকর্ণ হইয়া শুনিতে লাগিল।

মাতা বলিলেন, “সত্যি না কি?”

পিতা বলিলেন, “অনিলবাবু এইমাত্র সেই প্রস্তাব নিয়ে এসেছেন। বিকাশও তাই বলছে।”

গৌরী শুনিল মাতা বলিতেছেন, “বিকাশ একটু আগে এসেছিল, তা কোন কথা বলে নি ত?”

“না, তখন বলে নি, এখন বলছে। পাত্র এক পয়সাও চায় না। তোমার কি মত?”

মাতা বলিলেন, “ছেলেটির স্বভাব-চরিত্র কেমন খোঁজ নেবে ত?”

বীরেশবাবু বলিয়া উঠিলেন, “অনিলবাবু ও বিকাশের পরম বন্ধু, শ্রেষ্ঠ চিত্রকর! তা ছাড়া আগরার তাজ দেখতে গিয়ে রাত্রি বেলা কি বিপদে পড়েছিলুম মনে আছে ত? এই মনীশ গুহই গুণীদের হাত থেকে গৌরীকে রক্ষা করেছিল। আরও শুনতে চাও?”

গৌরী চমকিয়া উঠিল। তাহার বুকের স্পন্দন দ্রুত-
তালে নাচিয়া উঠিল। মনীশ গুহ! নব-যুগের শ্রেষ্ঠ
চিত্রশিল্পীই তাহার মান-মর্যাদার রক্ষাকর্তা! তিনিই
আজ তাহার পাণিপ্রার্থী!

বীরেশবাবু বলিতেছিলেন, “ছেলে গৌরীকে দেখতেও
চায় না। বন্ধুদের কাছে তার গুণের পরিচয় পেয়েছে,
তাই যথেষ্ট বলে মনে করে। বিকাশ, অনিলের শৈশবের
বন্ধু। মা আছেন, বিষয়-সম্পত্তি আছে; ব্যাঙ্কে নগদ
টাকাও যথেষ্ট। চরিত্রটি গঙ্গার জলের মত পবিত্র।
এমন পাত্র—মহাদেবের ছায় স্নন্দর জামাই—তোমার
মেয়ের তপস্যা এতদিনে বুঝি সার্থক হয়!”

গৌরী তখন তপস্কারতা গৌরীর ছায়ই নিমীলিত নেত্রে
বসিয়া ছিল। পরীক্ষা দিব্যর জন্ম সে আর কখনও
পরীক্ষার্থীগণের সম্মুখে আসিবে না। তাহাতে যদি
আজীবন কুমারীও থাকিতে হয়, তাহাও শ্রেয়ঃ; আজ
কি সর্কান্তর্ধামী, অনাথ-শরণ তাহার সে মর্যাদা রক্ষা
করিলেন! তিনি নিরুপায়ের উপায়, দরিদ্রের বন্ধু,
নিরাশ্রয়ের আশ্রয় স্বরূপ এ কথা মিথ্যা নহে, মিথ্যা নহে!

* * * *

মাঘ মাসের শুক্ল পক্ষের শুভ্র রজনীতে মনীশ ও
গৌরীর মিলন-মন্ত্র উচ্চারিত হইল। বাসর-ঘরে দম্পতি নীত
হইল। অনিল ও বিকাশ সেখানে আসিয়া মহিলাবন্ধুকে
সম্বোধন করিয়া বলিল, “আপনার এখানে আমাদের

ছ’জনকে খানিকক্ষণ বসবার অনুমতি দিন। আমাদের
শৈশব বন্ধু আজ আমাদের একটা গান শুনিতে দেবেন। এ
গানটা এই ঘরে বসে শুনবার পর আমরা চলে যাব।”

মনীশ অনিলকে জনান্তিকে ডাকিয়া বলিল, “তোমার
মতলব কি, অনি?”

হাসিয়া অনিল বলিল, “কিছু না। শুধু তোমাকে
একটা গান গাইতে হবে।”

“কি গান?”

অনিল তেমনই প্রশান্তভাবে হাসিয়া বলিল, “চিরন্তনী
জয়!—যে গানটা আমরা তিন জনে অনেকবার গেয়েছি।
সেইটি।”

মনীশের মুখ আরক্ত হইয়া উঠিল। সে বুঝিল, অনিল
এই গানটি রচনা করিয়াছিল। গানের মর্ম ধরে
চিরন্তন। সে কখন কোন্ আধারে তাহার অভিব্যক্তি
ফুটাইয়া তুলে মাহুষ তাহা জানে না, বলিতে পারে না।
বিদ্রোহ করিয়া উহাকে দূরে ঠেলিয়া ফেলিলেও চিরন্তন
মত্য একদিন তাহার জয় ঘোষণা করিবেই।

মনীশ বলিল, “বন্ধু, তোমাদের আদেশ শিরোধার্য।”

গান শেষ হইয়া গেলে অনিল বিকাশের হাত ধরিয়া
সে ঘর ত্যাগ করিল।

তাহার মুখের উপর তখন শুধু তৃপ্তির একটা অনাটন
দীপ্তি উজ্জ্বল হইয়া উঠিয়াছিল কি?

শেষ

মাধবী

শ্রীগিরিজাকুমার বসু

শুধু ভালোবাসিয়াছি; সেই প্রেম মোর
কুসুমের মতো শুভ্র; কৌমুদী-বিতোর
আকাশের মতো দীপ্ত; জাহ্নবীর সম
অন্তরের স্বধামন্ত্রে সুপবিত্রতম।

যে যুগল নামে তব আত্মীয় স্বজন
তোমাতে আসিছে ডাকি, কোরেছি বর্জন
আমি তাহা ওগো সখি! বলিয়া ‘মাধবী’
জানায়েছি মাধুরীর তুমি মূর্ত ছবি।

যোগ্য নাম ‘মাধবী’ তোমার; মধু তব
দৃষ্টিতে, বাণীতে, হাস্তে; নিশিদিন দ্রব
পরাণ-পরাণ তব মধু মধুধারে,
মধু তব সারা অঙ্গে, মধু অঙ্গহারে।

নিমেষে সোহাগভরে মরুভূরে চুমি
চাকো তারে পত্রে পুষ্পে হে মাধবী তুমি
তোমার পুলক রসে প্রজাপতি ছলে
মেলিয়া চিকণ পাখা কৃষ্ণচূড়া-ফুলে।

মরমের রাঙারান্থি অনুরাগে দিয়া
তোমাতে নিয়াছি আমি আপন করিয়া
সবুজ আঁচল তব ভরেছি কোঁতুকে
চাঁপা, নাগকেশরেতে, অশোকে, কিংগুকে।


হৃদয়ের অর্ঘ লহ, মাধুরীর রাণী
তুমি যে বেসেছ ভালো, বহু ভাগ্য মানি
মন চুরি করা জেনো অপরাধ নয়,
যেথা তাহা মৃত্যুহীন শুধু বিনিময়।

ভারতে যাদব-বংশ

অধ্যাপক শ্রীনলিনীকান্ত ভট্টশালী এম-এ


আজ মহাপুরুষ কৃষ্ণের একটি অদ্ভুত ঐতিহাসিক কীর্তি,—
যাদব-বংশকে জরাসন্ধের হাত হইতে রক্ষা করার জন্ম
আবালবৃদ্ধবিনীতা সমগ্র বংশের বহু সহস্র লোককে মথুরা
হইতে ছয় শত মাইল দূরবর্তী সুরাষ্ট্রে লইয়া যাওয়া আমাদের
আলোচ্য। কৃষ্ণ যাদববংশে জন্মগ্রহণ করিয়াছিলেন।
যথেষ্ট যাদববংশের সমুদ্র অতিক্রম করিয়া ভারতে আগমন
করিবার কথা আছে। এই জন্ম আদৌ তাহার আর্ধ্য
জাতীয় ছিল কি না সেই বিষয়ে কোন কোন পণ্ডিত সন্দেহ
প্রকাশ করিয়াছেন। আচার-ব্যবহারে যে তাহার সাধারণ
আর্ধ্যগণ হইতে অনেকটা ভিন্ন প্রকৃতির ছিল, মহাভারত,
হরিবংশ ইত্যাদিতে তাহার প্রচুর পরিচয় পাওয়া যায়।
তাহার স্বভাবতঃই কিছু উচ্ছৃঙ্খল প্রকৃতির ছিল, এবং
ইহাও দেখা যায় যে, সুরা ও রমণীতে তাহাদের আসক্তি
কিছু অতিরিক্ত ছিল। যাহা হউক, পরবর্তী কালে তাহার
ভারতীয় আর্ধ্যসমাজে সম্পূর্ণ মিশিয়া গিয়াছিল, এবং
সুরাষ্ট্র হইতে আরম্ভ করিয়া বিক্রম-পর্বতের দুই ধারে,
ভারতের সমগ্র পশ্চিম-উপকূল ব্যাপিয়া দক্ষিণে লঙ্কাদ্বীপ
পর্যন্ত ও পূর্বে মথুরা পর্যন্ত তাহার ছড়াইয়া পড়িয়াছিল,
এবং ক্ষুদ্র ক্ষুদ্র রাজ্যের প্রতিষ্ঠা করিয়াছিল। হরিবংশে
যাদববংশের বংশ-বিস্তার সম্বন্ধে একটি দীর্ঘ প্রস্তাব আছে।
তাহা হইতে জানা যায় যে, অযোধ্যার সুর্য্যবংশে হর্য্যখ
নামে একজন রাজা ছিলেন। তিনি মধুপুরীর (মথুরা)
রাজা মধুদৈত্যের (দ্রাবিড়বংশীয়?) কন্যা বিবাহ করিয়া-
ছিলেন। কনিষ্ঠ ভ্রাতা কর্তৃক রাজ্য হইতে তাড়িত হইয়া
তিনি স্বশুরবাড়ী আসিয়া আশ্রয় গ্রহণ করেন। স্বশুর
মধুদৈত্য তাঁহাকে সুরাষ্ট্র প্রদেশে স্থাপিত করিলেন এবং
গিরিজুর্গ-সম্বন্ধিত তাঁহার রাজ্য যে আমর্ত নামে বিখ্যাত
হইবে তাহাও বলিয়া দিলেন। হর্য্যখের পুত্র যজ্ঞ। যজ্ঞ
সমুদ্রোদরবাসী (সম্ভবতঃ আরব সাগরের সোম দ্বীপের
রাজা) সোম রাজার পঞ্চ কন্যা বিবাহ করেন। যজ্ঞের পাঁচ
পুত্র,—মুচুকুন্দ, পদ্মবর্ণ, মাধব, সারস ও হরিত। ইহাদের

মধ্যে মাধব পিতৃরাজ্যের উত্তরাধিকার লাভ করেন। অল্প
চারিজন দেশবিজয়ে বহির্গত হইয়া ক্ষুদ্র ক্ষুদ্র রাজ্য স্থাপন
করেন। মুচুকুন্দ বিক্রম ও ঋক্ষবাণ পর্বতের মধ্যে রাজ্য
স্থাপন করিয়া নন্দদাত্তীয়ে মাহিষ্মতীপুরীতে রাজধানীর
প্রতিষ্ঠা করিলেন। পদ্মবর্ণ পশ্চিমঘাট পর্বতমালার মধ্যে
বেণা নদীর তীরে করবীর নামক স্থানে রাজধানী স্থাপন




গোকুলের মানচিত্র
করিলেন। [এই স্থান বর্তমান পর্ভুগীজ অধিকার গোয়া
প্রদেশের সীমার অব্যবহিত দক্ষিণে অবস্থিত এবং বর্তমানে
কারোয়ার নামে পরিচিত, প্রায় সমুদ্রতীরবর্তী বিখ্যাত
স্থান।] সারস বনবাসী নামক রাজ্য প্রতিষ্ঠিত করিয়া
ক্রৌঞ্চপুরে রাজধানী স্থাপন করিলেন। “হরিত...বহুরত্নপূর্ণ
সমুদ্রদ্বীপ পালন করিতে লাগিলেন। তাঁহার রাজ্যের

মুদগর নামক বিখ্যাত ধীবরগণ সমুদ্রগর্ভে বিচরণ করতঃ সেই রাজ্যের লোক সকল মৎস্য ও মাংস ভক্ষণ করিয়া শস্যসকল আহরণ করিত। অপর সাবধান ধীবরগণ রাশি জীবনযাত্রা নির্বাহ করিত। সেই রত্নদ্বীপ নিবাসী মনুষ্যগণ রাশি জলসম্ভূত প্রবাল ও উজ্জল মুক্তাসমূহ সংগ্রহ করিত। সর্বপ্রকার রত্ন গ্রহণ করতঃ মহানৌক্যযোগে দূরদেশে



সুরাষ্ট্রের মানচিত্র

নিবাসীগণ ক্ষুদ্র নৌক্যযোগে অন্বেষণ করতঃ জলজাত সিংহলেরই অপর নাম। হরিবংশের এই বিবরণ প্রাত্তনিক রত্নরাশি আহরণ করিয়া মহানৌক্য সংগ্রহ করিত।



জুনাগড়ে উপর কোট দুর্গ

প্রমাণ দ্বারা সপ্রমাণ বা অপ্রমাণ করা কঠিন। যাদবগণের পশ্চিম ভারতে এই বিস্তৃতির অল্পমানিক কাল খৃষ্টপূর্ব চতুর্দশ শতাব্দে। অর্থাৎ সভ্যতা অশোকের (খৃষ্টপূর্ব তৃতীয় শতাব্দে) পূর্বেই সিংহল পর্যন্ত প্রসৃত হইয়াছিল, এইমাত্র জোর করিয়া বলা যায়।

যছর স্বশুর সমুদ্রোদরবাসী নাগ যছকে বর দিয়াছিলেন যে, তাঁহার সন্ততিগণ জলে-স্থলে সমান বিচরণশীল হইবে। যাদবগণের মহানৌক্য সমুদ্র যাত্রা দেখিয়া মনে হয়, তাঁহার সেই আশীর্বাদ সার্থক হইয়াছিল। ভারত মহাসাগরের দ্বীপগুলিতে এবং শ্রীলঙ্কা, কাশ্মীর ইত্যাদি রাজ্যে খৃষ্টের জন্মের


গমন করিয়া বাণিজ্যলব্ধ জন্ম দ্বারা ধনদস্যদৃশ একমাত্র হরিবংশই তৃপ্তিসাধন করিত। হরিবংশ। বঙ্গবাসী সংস্করণ, বঙ্গাহুবাৎ, ১৫৪ পৃ। বনবাসীর কদম্ব রাজগণ পরবর্তী কালে বিখ্যাত হইয়া উঠিয়াছিলেন—উদ্বর্তমান কালের উত্তর কানাড়া প্রদেশ মাস্কাবোর নামক বিখ্যাত সহর ইহার অন্তর্গত। রত্নদ্বীপ

পূর্ব হইতেই কি করিয়া ভারতীয় সভ্যতা প্রসৃত হইয়াছিল, যাদবগণের এই মহানৌক্য সমুদ্রে বিচরণ হইতে তাহা বুঝা যায়।

সুরাষ্ট্রে মাধব রাজা হইলেন। মাধবের ছেলে সাম্বত। সাম্বতের পুত্র ভীম। “রাজা ভীমের রাজত্বকালেই অযোধ্যায় রাম রাজ্যশাসন করিতেছিলেন।” সেই সময়েই স্বমিত্রানন্দন শত্রুঘ্ন মধুপুরীতে মধুর পুত্র লবণকে যুদ্ধে নিহত করেন। লব ও কুশের সময় ভীম মধুপুরী বা মথুরা অধিকার করেন। ভীমের পরে অন্ধক রাজা হন। অন্ধকের পুত্র রেবত। তাঁহার নামানুসারে সুরাষ্ট্রের স্বনামখ্যাত পর্বত রৈবতক নাম ধারণ করে। রেবতের দুই পুত্র ঋক্ষ ও বিশ্বগর্ভ। ঋক্ষ সম্ভবতঃ সুরাষ্ট্রে রাজা হ’ন, বিশ্বগর্ভ মথুরায় প্রস্থান করেন। বিশ্বগর্ভের পুত্র বসু। বসুর পুত্র বসুদেব।


বসুদেবের ঘরে শ্রীকৃষ্ণের জন্ম—কংস-বধ মথুরায় তখন যাদবগণের আর এক শাখা ভোজ-বংশীয়গণ রাজত্ব করিতেছিল। ঐ বংশের শুরসেন বা উগ্রসেন যখন মথুরার রাজা, তখন উগ্রসেনের কনিষ্ঠ ভ্রাতা দেবকের কন্যা দৈবকীর সহিত বসুদেবের বিবাহ হয়। বসুদেবের আর এক স্ত্রীর নাম রোহিণী। কিছু দিন পরে উগ্রসেনকে রাজ্যচ্যুত করিয়া উগ্রসেন-পুত্র কংস মথুরার সিংহাসন অধিকার করিলেন। কংস বসুদেবের গোষ্ঠীকে স্তনজরে দেখিতেন না। নানা প্রকার গালগল্পের মধ্য হইতে সত্য বাহির করা বড় কঠিন। কংসের এই বাসুদেববংশ-ভীতির প্রকৃত কারণ কি, হরিবংশ পড়িয়া তাহা স্থির করা যায় না। যে আদিম মনোবৃত্তি হইতে মার্জ্জার বা ব্যাঘ্র তাহার নবজাত শাবক ভক্ষণ করিয়া ফেলে, যে মনোবৃত্তিবশে মিশরাধিপ অধীন হইতদী-

গণের নবজাত শাবক মাত্রকেই নদীতে ফেলিয়া দিতে হইবে বলিয়া আদেশ দিয়াছিলেন, কংসের বসুদেববংশ-ভীতিও সেই মনোবৃত্তিরই বিকাশ বলিয়া মনে হয়।




শিলালিপির টীলা

যাহা হউক, কংসের ভয়ে বসুদেব জ্যেষ্ঠপুত্র বলরাম সহ তাহার গর্ভধারিণী রোহিণীকে যমুনার পূর্বপারে গোকুলে গোপ-পল্লীতে লুকাইয়া রাখিতে বাধ্য হইয়াছিলেন।



উপর কোট হইতে রৈবতকের দৃশ্য কিছু কাল পরে দৈবকী-গর্ভে কৃষ্ণ জন্মিলে পর তাহাকেও আভীরগণের সর্দার নন্দগোপের ঘরে লুকাইয়া রাখিয়া তাহার প্রাণ রক্ষা করিতে হইয়াছিল।

গোকুলে কৃষ্ণ ও বলরাম বাড়িয়া উঠিল, ক্রমেই তাহারা অসাধারণ বলবীৰ্যের পরিচয় দিতে লাগিল। তাহাদের বলবীৰ্যের খ্যাতি যাইয়া মথুরা পর্যন্ত পৌঁছিলে, দুই পুত্রকে গোকুলে লুকাইয়া রাখার অপরাধে একদিন



রৈবতকের মানচিত্র

কংস বহুদেবকে রাজসভামধ্যে খুব গালাগালি দিলেন,— আদেশ দিলে পর কংসও কৃষ্ণের হাতে নিহত হইলেন। যাদববৃদ্ধগণও কংসকে বেশ ছুকা শুনাইয়া দিলেন। কিশোর কৃষ্ণের পরামর্শে যাদবগণ কংসের পিতা ধনুর্যজ্ঞ উপলক্ষে কৃষ্ণ ও বলরামকে মল্লযুদ্ধে আহ্বান উগ্রসেনকে রাজা করিলেন। উগ্রসেন কৃষ্ণ ও বলরামকে

করিয়া কংস তাহাদিগকে মথুরায় আনিতে গোকুলে অক্রুর নামক যাদবকে পাঠাইয়া দিলেন। মহাবলশালী কিশোর কৃষ্ণ ও বলরাম মথুরায় যাইয়া মল্লগণকে পরাজিত ও নিহত করিলেন, অত্যাচার যুদ্ধে কিশোরদ্বয়কে বধ করিতে

অবস্থিতে শিক্ষার জন্ত প্রেরণ করিলেন। অল্পকাল মধ্যেই শিক্ষা সমাপ্ত করিয়া দুই ভাই মথুরায় প্রত্যাবর্তন করিলেন।

এই প্রসঙ্গের পরে হরিবংশে বলরাম ও কৃষ্ণের বহু-রাষ্ট্র-ভ্রমণ-প্রসঙ্গ আছে। কংস প্রবল পরাক্রান্ত মগধ সম্রাট জরাসন্ধের দুই কন্যাকে বিবাহ করিয়াছিলেন। কংসের মৃত্যুর পরে সেই দুই বিধবা কন্যা অনবরত জরাসন্ধকে মথুরা আক্রমণ করিয়া কৃষ্ণ ও বলরামকে বধ করিবার জন্ত উত্তেজিত করিতে লাগিলেন। জরাসন্ধও অনেকবার মথুরা আক্রমণ করিয়া যাদবগণের পরাক্রমে বিফল-মনোরথ হইয়া ফিরিয়া গেলেন। রাম ও কৃষ্ণ দেখিলেন, তাহাদেরই জন্ত বাঁধার মথুরা আক্রান্ত হইতেছে ও যাদবগণ বিপন্ন হইতেছে। দুই ভাই তখন মথুরা ছাড়িয়া দেশ ভ্রমণে বাহির হইলেন এবং দক্ষিণ দিকে


চলিয়া বিদ্যাপর্বত পার হইয়া তথাকার এবং মহাদ্রির নিকট ভারতের পশ্চিম উপকূলস্থিত যাদবরাজ্যসমূহে পরিভ্রমণ করিয়া বেড়াইতে লাগিলেন। হরিবংশে আছে—মগধ সম্রাট জরাসন্ধ তাহাদিগকে ধরিতে সসৈন্য পিছনে পিছনে ধাইয়াছিলেন এবং বর্তমান গোয়ার নিকটস্থ গোমন্ত নামক পর্বতে কৃষ্ণ ও বলরাম আশ্রয় গ্রহণ করিলে চারি দিক হইতে ঐ পর্বত ঘিরিয়া ফেলিয়া তাহাতে আগুন লাগাইয়া দিয়াছিলেন। এই

স্থানে রাম ও কৃষ্ণের সহিত জরাসন্ধের যুদ্ধ উপস্থিত হয় এবং জরাসন্ধ আবার বিফল-মনোরথ হইয়া প্রত্যাবর্তন করিতে বাধ্য হ'ন। রাম এবং কৃষ্ণও কিছু দিন পরে মথুরায় ফিরিয়া যান। রাম ও কৃষ্ণের বহু-রাষ্ট্রভ্রমণ এবং জরাসন্ধের সসৈন্য তাহাদের অনুসরণ ও গোমন্ত পর্বতে তাহাদের সহিত যুদ্ধের উপাখ্যান হরিবংশে প্রক্ষিপ্ত বলিয়া মনে হয়। বিস্তারিত আলোচনার স্থান ইহা নহে। মহাভারতের সভাপর্বে (পরে দ্রষ্টব্য) স্মরণীয় হইয়াছে।

যাদবগণের মথুরা হইতে অপমান

রাম ও কৃষ্ণ মথুরায় ফিরিয়া আসিয়া দেখিলেন, জরাসন্ধ এবার কাশ্যবন নামক এক চূর্ণ বন রাজার সহিত মিলিয়া দুই দিক হইতে মথুরা আক্রমণ করিয়া মথুরাকে একেবারে পিষিয়া ফেলিবার জোগাড় করিতেছেন। যাদবগণের এই বিপদ দেখিয়া দূরদর্শী রাজনৈতিক কৃষ্ণ যাদবগণকে মথুরা পরিত্যাগ করিয়া সুদূর যাদবরাজ্য সুরাষ্ট্রে প্রয়াণ করিবার পরামর্শ দিলেন। এই অপমানের কাণ্ড ও কারণ সম্বন্ধে মহাভারত হইতে আমরা নিম্নলিখিত বিষয়গুলি জানিতে পারি। বলা বাহুল্য মহাভারতের সাক্ষ্য এই বিষয়ে হরিবংশ হইতে গণ্যতর।

মহাভারত অনুসারে, কংসের মৃত্যুর অব্যবহিত পরেই জরাসন্ধ একবার মথুরা আক্রমণ করেন। হংস ও ডিম্বক




জৈন-মন্দির

নামক তাহার দুই সেনাপতির মৃত্যু হওয়ায় জরাসন্ধ সেই-বারের মত ফিরিয়া গিয়াছিলেন। পরে কংসপত্নী নিজের বিধবা কন্যাগণের প্ররোচনায় জরাসন্ধ আবার মথুরা আক্রমণ করিবার উত্তোগ করিলেই যাদবগণ “বিমনা ও পলায়মান” হইল। ঐ জরাসন্ধের ভয়ে আমরা বিপুল ঐশ্বর্য পৃথক পৃথক বিভাগ দ্বারা সংক্ষিপ্ত করিয়া লইয়া পুত্র, জাতি ও বান্ধবগণের সহিত পলায়ন করি।.....তৎকালে আমরাও উহার ভয়ে মথুরা পরিত্যাগ করিয়া দ্বারবতী পুরীতে পলায়ন করিয়াছিলাম।” (বর্তমান রাজবাটীর মহাভারত সভাপর্বে, চতুর্দশ অধ্যায়। বঙ্গবাসী সংস্করণ, বঙ্গানুবাদ,

২২২ পৃষ্ঠা।) হরিবংশের জরাসন্ধ কর্তৃক অষ্টাদশবার মথুরা আক্রমণ প্রসঙ্গ মহাভারতে নাই। জরাসন্ধ ও কালমবনের একযোগে মথুরা আক্রমণ প্রসঙ্গও মহাভারতে নাই।

যাদবগণের রাজধানী দ্বারবতীর অবস্থান নির্ণয় সুরাষ্ট্রের মানচিত্রের সহিত সকলেই পরিচিত আছেন। মানচিত্রে দেখিবেন, বর্তমান দ্বারবতী নগরী বা দ্বারকাপুরী



মূল দ্বারকার মানচিত্র

অতসী-কোরকাকৃতি সুরাষ্ট্রের একেবারে স্বল্পপ্রদেশে অবস্থিত। এই স্থানেই দ্বারকাধীশ বা রণছোড়জির বিখ্যাত মন্দির ও মূর্তি আছে। কিন্তু সুরাষ্ট্রের সকলেই জানেন, কৃষ্ণের দ্বারবতী বা মূল দ্বারকা এই স্থানে ছিল না। মানচিত্রে আজিও মূল দ্বারকার অবস্থান প্রদর্শিত হইয়া থাকে। সঙ্গীয় মানচিত্র হইতেই বর্তমান দ্বারকা ও মূল দ্বারকার

অবস্থান দৃষ্ট হইবে। কিন্তু মহাভারত ও হরিবংশ মিলাইয়া পড়িয়া আমার দৃঢ় ধারণা হইয়াছে যে আদি দ্বারবতী মূল দ্বারকাও অবস্থিত ছিল না। মূল দ্বারকা দ্বারবতী নগরীর দ্বিতীয় সংস্থান। আদি দ্বারকা কোথায় ছিল সেই বিষয়ে একটু আলোচনা করা যাক।

মহাভারতের সভাপর্ক চতুর্দশ অধ্যায়ে যুদ্ধস্থিরের

কথাই নাই। হে শক্রবাতিন্, এক্ষণে আমরা অকুতোভয়ে ঐ পুরীতে বাস করিতেছি। মাধবেরা ঐ গিরিবরের সংস্থানাদি পর্যালোচনা করিয়া এবং মগধেশ্বরের হস্ত হইতে উত্তীর্ণ হইয়াছি বিবেচনা করিয়া পরম হর্ষ প্রাপ্ত হইয়াছেন। এইরূপে জরাসন্ধের অনিষ্টাচরণে সর্বতোভাবে উত্তোক্ত হওয়ায় আমরা সামর্থ্যযুক্ত হইয়াও প্রয়োজনবশতঃ আমরা গোমণ্ড পর্বতে সমাপ্তিত হইয়াছি। ঐ পর্বত তিন যোজন বিস্তীর্ণ। প্রতি যোজনের মধ্যে উহাতে একশটি সৈন্যবৃহরচিত এবং যোজনাতে এক শত দ্বার নির্মিত আছে। বীরদের বিক্রমই উহাতে তোরণ স্বরূপ হইয়াছে, এবং অষ্টাদশ বংশসমুত যুদ্ধ দুর্ন্দম ক্ষত্রিয়গণ উহার রক্ষণাবেক্ষণ করিতেছেন। হে রাজন্, আমাদের কুলে অষ্টাদশ সহস্র ব্রাতা বর্তমান আছে।”

মহাভারতের এই প্রসঙ্গটি হইতে বিবিধ প্রয়োজনীয় তথ্য অবগত হওয়া যায়। তাই এই অংশটুকু সম্পূর্ণ উদ্ধৃত করিয়াছি।

প্রথম দেখা যাউক মথুরা হইতে সুরাষ্ট্রে প্রয়াণকারী যাদবগণের মোট সংখ্যা কত ছিল।

মাঝারি আকারের একটা সহরের লোক-সংখ্যা সেই কালে ৬০৭০ হাজারের উপরে ছিল বলিয়া সম্ভব মনে হয় না। তাহাদের মধ্যে ১০২০ হাজার রহিয়া গিয়াছিল ধরিলে হাজার পঞ্চাশেক যাদব মথুরা পরিত্যাগ করিয়াছিল ধরিতে হইবে। বলা বাহুল্য, এইটা নিতান্তই একটা মোটা রকমের আন্দাজ।

মহাভারতে কৃষ্ণ বলিতেছেন, যাদবগণ অষ্টাদশকুলে বিভক্ত এবং তাহাতে ১৮০০০ ‘ব্রাতা’ বর্তমান আছে। ব্রাতা অর্থে যদি যুদ্ধক্ষম ব্যক্তি ধরা যায়, তবে হিসাবের একটা ভিত্তি পাওয়া যায়। সেই কালে যুদ্ধবিচার জ্ঞানই ক্ষত্রিয়ের প্রধান গুণ বলিয়া বিবেচিত হইত এবং ১৪ বছর হইতে ৫০ বছর পর্যন্ত যোদ্ধারা সমরে লিপ্ত হইত বলিয়া ধরা যায়। বর্তমান কালের লোক-গণনার অল্প পর্যালোচনা করিলে দেখা যায় যে, হিন্দুসমাজে পুরুষের সংখ্যা ১৪ বছর পর্যন্ত মোট সংখ্যার তৃতীয়াংশ, ১৪ হইতে ৫০ বছর পর্যন্ত মোট সংখ্যার অর্ধাংশ এবং বৃদ্ধ ষষ্ঠাংশ। কাজেই যাদবগণের মধ্যে পুরুষ প্রায় $18 \times 2 = 36000$ ছিল এবং স্ত্রীগণও প্রায় সমান সংখ্যক ছিলেন ধরিলে

উহাদের মোট সংখ্যা প্রায় ৭০০০০ ছিল ধরিতে হইবে। এই সত্তর হাজার লোকের মথুরা পরিত্যাগ করিয়া দুর্গম পথের উপর দিয়া চলিয়া প্রায় সাড়ে ছয় শত মাইল দূরবর্তী রৈবতক পর্বত পর্যন্ত যাইয়া বসতি স্থাপন করা ভারতের ইতিহাসে এক পরম আশ্চর্য ব্যাপার এবং যাদব-নায়ক মহাপুরুষ কৃষ্ণের এক অননুসাধারণ কীর্তি।

দ্বিতীয়তঃ, যাদবগণ যে পুরীতে বাস স্থাপন করিয়াছিল, তাহার নাম কুশস্থলী অথবা দ্বারবতী। তথায় পূর্ব হইতেই এক দুর্গ ছিল; যাদবগণ যাইয়া তাহা উত্তমরূপে সংস্কৃত করিয়া লইয়াছিল মাত্র। ঐ দুর্গ এত দুর্ভেদ্য ছিল যে স্ত্রীগণও তাহাতে অনায়াসে যুদ্ধ করিতে পারে। ঐ দুর্গ ও পুরী রৈবত শৈল দ্বারা পরিশোভিত। এই রৈবত শৈল তিন যোজন বিস্তীর্ণ এবং উহার নানা স্থানে সৈন্য সমাবেশ দ্বারা উহা শত্রুর অধুষ্ট করা হইয়াছিল।

রৈবতক পর্বতে যে সুরাষ্ট্র স্থিত, বর্তমানে জুনাগড় রাজ্যের অন্তর্গত গির্গার পাহাড়, তাহা সকলেই জানেন। এই পাহাড়ে অনেকগুলি শিখর আছে। ইহা আকারে প্রায় গোল এবং উত্তর দক্ষিণে অথবা পূর্ব পশ্চিমে প্রায় বার মাইল দীর্ঘ। কাজেই এ স্থানে চারি মাইলে এক যোজন ধরিতে হইবে। মনিয়ার উইলিয়ম্‌স্‌এর সংস্কৃত অভিধানে যোজনের অতীতম পরিমাণ চারি অথবা পাঁচ মাইল বলিয়া স্বীকৃত হইয়াছে। পরবর্তী কালে দ্বারকা সমুদ্রতীরে প্রতিষ্ঠিত হইয়াছিল। লক্ষ্য করা আবশ্যক যে দ্বারবতীর প্রথম উল্লেখ সমুদ্রের প্রসঙ্গ মাত্র নাই। অথচ মৌযল পর্বের দেখা যায়, দ্বারবতী সমুদ্রতীরে প্রতিষ্ঠিত।

আদি দ্বারবতী যে রৈবতক পর্বতের নিকটবর্তী, এমন কি ঐ পর্বতের উপরেই ছিল, হরিবংশে তাহারও প্রমাণ আছে। যাদবগণ মথুরা হইতে বাহির হইয়া পশ্চিম দিকে চলিতে চলিতে “সাগরানুপ শোভিত বিপুল দেশ দেখিতে পাইলেন।... তাহার অনতিদূরেই মন্দরের আয় রমণীয় শিখরসমম্বিত রৈবতক পর্বত সার্বাঙ্গীন শোভা বিস্তার করিতেছে। সেই পর্বতে একলব্য বাস করিতেন... এবং তদুপরি তাহার যে স্বায়ত অষ্টাপদ সদৃশী বিহার ভূমি নিশ্চিত হইয়াছিল তাহাই দ্বারবতী নামে প্রসিদ্ধ। কেশব সেই স্থানেই নগর স্থাপন করিতে অভিলাষী হইলেন এবং যাদবগণও তথা স নিবাস করিতে চাহিলেন।...

এইরূপে সবার্দ্ধ যাদবগণ দ্বারবতী পুরী প্রাপ্ত হইয়া দেবগণ যেরূপ সুরপুরে বাস করেন তদ্রূপ স্থখে বাস করিতে লাগিলেন।”

হরিবংশ, ১১৩ অধ্যায়।

হরিবংশের ১১৫ অধ্যায়ে দ্বারবতীর একটি বর্ণনা আছে। উহাতে সমুদ্র-তীরবর্তী দ্বারকা এবং রৈবতকের পশ্চিমস্থ দ্বারকার বর্ণনা মিশিয়া খিচুড়ী হইয়াছে বলিয়া বোধ হয়। এই বর্ণনায়ও আছে যে দ্বারকার পূর্ব দিকে— “মণি ও কঙ্কনময় তোরণ সমন্বিত এবং রমনীয় সান্নিধ্য গুহা চত্বর শোভিত লক্ষ্মীবানু রৈবতক শৈল শোভা পাইতেছে।” এই বর্ণনা সমুদ্রতীরস্থ মূল দ্বারকায় কখনও প্রযুক্ত হইতে পারে না।

আদি দ্বারবতী রৈবতক পর্বতের খুব কাছে অথবা ঐ পর্বতের উপরে থাকিবার আর একটি প্রমাণ মহাভারত হইতে উপস্থিত করিতেছি। এই স্থানে মনে রাখা আবশ্যক যে, দ্বারবতীর দ্বিতীয় সংস্থান-স্থল, যাহা বর্তমানে মূল দ্বারকা বলিয়া পরিচিত, তাহা রৈবতক পর্বত হইতে প্রায় ৫০ মাইল দক্ষিণে সমুদ্রতীরে অবস্থিত।

দ্রৌপদীকে বিবাহ করিয়া পৈত্রিক রাজ্যাদি লাভ করিয়া পাণ্ডবগণ খাণ্ডবপ্রস্থে রাজধানী স্থাপন করিলে দ্রৌপদী সম্বন্ধে নিয়মভঙ্গ করার জন্ত অর্জুন বার বছরের জন্ত দেশ ভ্রমণে বাহির হইলেন। গোটা ভারতবর্ষ ঘুরিয়া তিনি অবশেষে সুরাষ্ট্রের প্রভাস তীরে আগমন করিলেন। অর্জুন প্রভাস তীরে আসিয়াছেন শুনিয়া কৃষ্ণ আসিয়া আদর করিয়া তাঁহাকে যাদব-রাজধানীতে লইয়া গেলেন।

“অনন্তর তাহারা দুইজনে প্রভাসে যথাভিলাষ বিহার করিয়া বাসের নিমিত্ত রৈবতক পর্বতে গমন করিলেন। ইতিপূর্বেই কৃষ্ণের অমুজ্ঞানসারে পরিচারকগণ সেই মহীধর মণ্ডিত করিয়া তথায় বিবিধ খাণ্ডবদ্রব্যাদি প্রস্তুত করিয়া রাখিয়াছিল। অর্জুন বাসুদেবের সহিত তথায় ভোজনাদি করিয়া... শয্যায় নিদ্রাভিভূত হইলেন... বিভাবরী অবসানে... উখিত হইলেন এবং যাদবগণ কর্তৃক অভিনন্দিত হইয়া কাঞ্চনময় রথে দ্বারকা গমন করিলেন।... (তথায়) কৃষ্ণের সহিত... রমনীয় ভবনে বহুদিবস বাস করিলেন।”

মহাভারত, আদিপর্ব, ২১৯ অধ্যায়।

প্রভাস হইতে মূল দ্বারকা ২২ মাইল সোজা পূর্বদিকে।

প্রভাস অর্থাৎ সুলতান মামুদ লুজিত সোমনাথও সমুদ্রতীরে মূল দ্বারকাও সমুদ্রতীরে। আদি দ্বারবতী তথায় প্রতিষ্ঠিত হইয়া থাকিলে তথায় যাইতে ৫০ মাইল উত্তরস্থিত রৈবতক হইয়া যাওয়ার কোন দরকার ছিল না। তর্কের স্থলে বলা যায়, রৈবতকের মত চমৎকার জায়গাটি দেখাইবার জন্ত কৃষ্ণ অর্জুনকে প্রথম রৈবতকে লইয়া গিয়াছিলেন, পরে সমুদ্রতীরবর্তী রাজধানীতে লইয়া যান। কিন্তু দ্বারবতী এই সময় সত্যই রৈবতকের নিকটবর্তী ছিল, সুভদ্রাহরণের বিবরণে তাহা পরিষ্কার বুঝা যায়।

বর্তমান কালে ফাল্গুন মাসে রৈবতক-যাত্রা-উৎসব উপস্থিত হইয়া থাকে। এই প্রথা অতি প্রাচীন কাল হইতেই চলিয়া আসিতেছে বলিয়া বোধ হয়। রৈবতক পর্বত সম্বন্ধীয় উৎসবেই অর্জুন প্রথম সুভদ্রার দর্শন লাভ করেন। শত শত যাদব কেহ বা যানে কেহ বা পদযাত্রা রৈবতকে যাইতেছিল, কৃষ্ণাৰ্জুনও যাইতেছিলেন। রৈবতকে সখী-পরিবৃত্তা সুভদ্রাকে দেখিয়া অর্জুন মোহিত হ'ন এবং কৃষ্ণের পরামর্শ এবং ক্ষত্রিয় আচার অনুসারে তাহাকে হরণ করিয়া বিবাহ করিতে মনস্থ করেন। যুধিষ্ঠিরের নিকট অল্পমতি চাহিয়া দূত পাঠান হইল। দূত যুধিষ্ঠিরের সম্মতি লইয়া ফিরিয়া আসিলে একদা যখন সুভদ্রা রৈবতকে অর্চনা ও প্রদক্ষিণ করিয়া দ্বারকায় ফিরিয়া চলিয়াছেন তখন অর্জুন সুভদ্রাকে হরণ করিয়া রথে তুলিলেন এবং “স্বীয় নগরাভিমুখে” গমন করিতে লাগিলেন—অর্থাৎ খাণ্ডবপ্রস্থে রওনা হইলেন। সুভদ্রার রক্ষী সৈন্তেরা অমনি দ্বারকায় দৌড়িয়া গিয়া সুভদ্রাহরণ বৃত্তান্ত যাদবগণের গোচর করিল। তৎক্ষণাৎ রণভেদী (Alarm signal) নিনাদিত হইল। যাদবগণ সমবেত হইয়া অর্জুনকে শাস্তি দিবার পরামর্শ আঁটিতে লাগিলেন। অবশেষে কৃষ্ণের যুক্তি যুক্ত বাক্য শুনিয়া নিরন্ত হইলেন এবং অর্জুনকে সাদরে ফিরাইয়া আনিয়া তাঁহারা সুভদ্রার সহিত অর্জুনের বিবাহ দিলেন। দ্বারকা রৈবতকের নিকটবর্তী না হইয়া ৫০ মাইল দূরে অবস্থিত হইলে রক্ষীগণ এত শীঘ্র সুভদ্রাহরণ বৃত্তান্ত যাদবগণের নিকট পৌঁছাইতে পারিত না। বর্ণনা পড়িয়া এমনও বোধ হয় না যে, উৎসব শেষ করিয়া যাদবগণ সমুদ্র-তীরবর্তী মূল দ্বারকায় ফিরিয়া গিয়াছিল; কেবল সুভদ্রাই পিছনে পড়িয়াছিল, এবং মূল দ্বারকায় পৌঁছিবার জন্ত

থাকিতে রাষ্ট্র হইতে সুভদ্রাকে হরণ করিয়া অর্জুন করিয়া পড়িতেছিলেন।

কৃষ্ণের আদি দ্বারকার অবস্থান নির্ণয়ের জন্ত রৈবতক পর্বত ও তাহার নিকটবর্তী স্থানগুলির ভৌগোলিক সংস্থান পর্যালোচনা করা আবশ্যক। রৈবতক পর্বত বর্তমানে সুরাষ্ট্রের করদরাজ্য জুনাগড়ের অন্তর্গত। রাজধানীর নাম জুনাগড়; তাহা হইতেই রাজ্যেরও নাম হইয়াছে। জুনাগড়ের চারি দিকে পাথরের দেওয়াল আছে, সঙ্গীয় মানচিত্রের মধ্যে তাহার নক্সা দৃষ্ট হইবে। এই দেওয়ালের অভ্যন্তরে সহরটি উত্তর-দক্ষিণে দেড় মাইল এবং পূর্ব-পশ্চিমে এক মাইল বিস্তৃত। সহরের পূর্ব ও উত্তর ভাগ বর্তমানে একরকম খালিই পড়িয়া আছে—লোক-বসতি নাই। সহরের পূর্বভাগ সহরের অন্তর্গত ভাগ হইতে অনেক উচ্চ,—এখানেই একটি পাহাড়ের মাথা সমতল করিয়া জুনাগড়ের দুর্গ প্রতিষ্ঠিত। প্রকৃত পক্ষে এই দুর্গেরই নাম জুনাগড়, তাহার চারিদিকের সহর পরবর্তী কালে গড়িয়া উঠিয়াছে। সহরের প্রকৃত নাম মুস্তাফাবাদ, কিন্তু ঐ নাম পরিচিত নাহে, সমস্তটা জড়াইয়া জুনাগড়ই বলা হয়—এবং দুর্গকে উপরকোট নামে অভিহিত করা হয়।

উপর কোটের দ্বার মাত্র একটি, গড়ের পশ্চিম প্রান্তে অবস্থিত। এই উপর কোট দুর্গের দুর্ভেদ্যতা সম্বন্ধে অনেকেই বিস্ময় মন্তব্য প্রকাশ করিয়া গিয়াছেন। ১৮৩৮ খৃষ্টাব্দে লোকটেম্পাট পোষ্টান্স জুনাগড় দেখিয়া নিম্ন লিখিত মন্তব্য লিপিবদ্ধ করিয়া গিয়াছেন—

“The old citadel is built upon an elevation of the limestone, which appears to cap over the granite at the base of the hills; and on which the city of Junagarh is situated... The Uparkot is a noble specimen of eastern fortification, its walls being unusually high, with immense bastions. The materials for these have been taken from a wide and deep ditch, which has been scarped all round it. There is only one gate-way and narrow entrance from the westward..... J. A. S. B. 1838. P. 874.

কাপ্তেন উইলবারফোর্স-বেল্ প্রণীত History of Kathiawad হইতে উদ্ধৃত করিতেছি,—

“.....The fort at Janagadh, now known as

the “Uparkot.” This fort lies on a most commanding position in the town of Junagadh, and about one and a half miles west of the holy Girnar Hill. Its massive walls and strong defences must have made it a very formidable stronghold to attack before the days of artillery..... From its walls, the whole country round could be seen and in course of time, the town of Junagadh came to be built round it, which in its turn was surrounded by a strongly fortified wall, thus making the citadel doubly secure.” P. 55:

জুনাগড়ের প্রতিষ্ঠা সম্বন্ধে কাপ্তেন সাহেব নিম্নলিখিত তথ্য লিপিবদ্ধ করিয়াছেন—

“Ra Mulraj...died in A. D. 915. and was followed by his son Vishwarah...The next Raj of Wamansthal Grahripu built the fort at Junagadh, now known as the Uparkot..... The word Junagadh means “the Old Fort” and the story of how it got the name is somewhat quaint. It relates that between the Girnar Hill and Wamansthal, * there was formerly thick jungle, through which no one could penetrate. After several Raj of Wamansthal had ruled, a wood-cutter one day managed to cut his way through the forest and came to a place, where stone-walls and a gate existed. Near by sat a holy man in contemplation, and on being asked by the wood-cutter the name of the place and its history replied that its name was “Juna”—old. The wood-cutter returned by the way he had come, to Wamansthal and reported his discovery to the Raj who ordered the forest to be cleared away. This being done, the fort came into sight. But there was none who knew its history or who could tell more than the holy man had told the wood-cutter. So the fort became known as Junagadh...”

History of Kathiawad—by Captain Wilberforce-bell, P. 55—56.

* Modern Wanthale eight miles S. W. W. of Junagadh.

এই বিবরণ হইতে পরিষ্কারই বুঝা যায় যে, রায় গ্রহরিপু গহন বন মধ্যে একটি প্রাচীন দুর্গের অবস্থান অবগত হইয়া জঙ্গল পরিষ্কার করাইয়া তাহা ব্যবহারোপযোগী করিয়া লইয়াছিলেন। ভীমকান্তি রৈবতক পর্বতের সাহুদেশ হইতে আরম্ভ করিয়া অনতি-উচ্চ দুইটি পাহাড় প্রায় সমান্তরাল ভাবে পশ্চিম দিকে প্রসৃত হইয়া আছে— এই দুই পাহাড়ের ব্যবধান স্থানে স্থানে ৪০ গজ মাত্র। এই ব্যবধানের নিম্নতম স্থান দিয়া একটি পার্বত্য শ্রোতস্বতী প্রবাহিত—রৈবতক হইতে নামিয়া রৈবতক হইতে প্রসৃত সমস্ত ঝরণার জলে পুষ্ট হইয়া তাহা জুনাগড়ের দেওয়ালের নিম্ন দিয়া পশ্চিম দিকে বহিয়া গিয়াছে। রৈবতকে যাইবার একমাত্র চলতি পথ ঐ দুই পাহাড়ের মধ্য দিয়া এই পার্বত্য শ্রোতস্বতীর পার দিয়া নির্মিত। জুনাগড় দুর্গ এই পথেরই মুখে দুই পাহাড়ের ব্যবধান রুদ্ধ করিয়া নির্মিত। দুর্গের পূর্ব দেওয়াল হইতে অর্ধ মাইল পূর্বে রৈবতকে যাইবার রাস্তার পারে সেই বিখ্যাত টীলা, যাহার উপরে সম্রাট অশোকের (খ্রীঃ পূঃ ২৫০) চতুর্দশটি অলুশাসন খোদিত রহিয়াছে। এই টীলারই অপর পাশ্বে রৈবতক পর্বত হইতে প্রসৃত নদীগুলিকে বাঁধ দিয়া আটকাইয়া রৈবতকের পাদদেশে চন্দ্রগুপ্ত মৌর্য কর্তৃক স্মদর্শন হ্রদ নির্মাণের কাহিনী (৩০০ খ্রীঃ পূঃ) এবং শকক্ষত্রপ রুদ্রদাসের স্মদর্শন হ্রদ পুনর্নির্মাণ-কাহিনী খোদিত (১৫০ খ্রীঃ) এবং আর একটি পাশ্বে সম্রাট স্কন্দগুপ্ত কর্তৃক (৪৫৬ খ্রীঃ) ঝটিকা বিধ্বস্ত স্মদর্শনের পুনর্নির্মাণ-কাহিনী খোদিত রহিয়াছে। এই প্রাচীন লিপি সমূহের সান্নিধ্য হইতেই জুনাগড় দুর্গের বয়স অনুমান করা যায়। জুনাগড় সহর ও দুর্গ যে অতি প্রাচীন কাল হইতেই বর্তমান আছে, তাহার কতকগুলি ভাল প্রমাণ উপস্থিত করিতেছি।

১। চৈনিক পরিব্রাজক হিউএন্ সঙ ৬৪০ খ্রীষ্টাব্দে অথবা তমিকটবর্তী কোন বৎসরে এই অঞ্চলে আগমন করেন। সুরাষ্ট্র বর্ণনা প্রসঙ্গে তিনি লিখিয়াছেন—

“রাজধানীর অনতিদূরে উজ্জয়ন্ত নামে এক পর্বত আছে। উহার শিখরে একটি সজ্জারাম অবস্থিত। গৌফা এবং মঞ্চগুলি বহুশঃ পাহাড়ের গা খুঁদিয়া বাহির করা হইয়াছে। গভীর জঙ্গল ও বড় বড় গাছে পাহাড়টি ঢাকা; পাহাড়ের চারিদিকে অনেকগুলি ছোট ছোট নদী বহিয়া

যাইতেছে। সাধু সন্ন্যাসীগণ এই পাহাড়ে ঘুরিয়া বেড়াই ও বিশ্রাম করে এবং তপোবল সম্পন্ন ঋষিগণও এই স্থানে একত্রিত হয় ও বাস করে।”

Bal. Vol II. P 269.

উজ্জয়ন্ত বা উর্জয়ন্ত রৈবতক পর্বতেরই আর একটি নাম। কাজেই ৬৪০ খ্রীষ্টাব্দে জুনাগড়ে যে সুরাষ্ট্রের রাজধানী প্রতিষ্ঠিত ছিল, এই বিষয়ে কোন সন্দেহই উঠিতে পারে না।

২। জুনাগড়ের অর্ধ মাইল পূর্বস্থিত পূর্বোক্ত স্কন্দগুপ্তের শিলালিপিতে লিখিত আছে যে, স্কন্দগুপ্ত পর্ণদত্তক সুরাষ্ট্র শাসনে নিযুক্ত করিয়াছিলেন এবং পর্ণদত্ত নিজের পুত্র চক্রপালিতকে এই নগর রক্ষণ ও শাসনে নিযুক্ত করিয়াছিলেন। এই সময় ভয়ঙ্কর ঝড়ে স্মদর্শন হ্রদের বাঁধ ভাঙ্গিয়া হ্রদটি জলশূন্য হইয়া পড়িলে চক্রপালিত রু পরিশ্রমে ও অর্থব্যয়ে আবার বাঁধটি গড়িয়া তুলিয়াছিলেন। কাজেই ৪৫৬ খ্রীষ্টাব্দেও এই সহর ছিল।

৩। ঐ স্থানেরই শকক্ষত্রপ রুদ্রদাসের শিলালিপিতে এই নগরস্থ গিরিনগর বলিয়া উল্লিখিত আছে বলিয়া বোধ হয়, যদিও লিপিটির কতক স্থান নষ্ট হইয়া বাওয়াতে পাহাড়ের উপর প্রতিষ্ঠিত কাজেই-সার্থকনাম গিরিনগরের কথাই হইতেছে না উজ্জয়ন্ত (রৈবতক) পাহাড়ের সমিকটে প্রতিষ্ঠিত কোন নগরের কথা হইতেছে, তাহা ভাল বুঝা যায় না। পাহাড়ের বর্তমান নাম গির্ণার (গিরিনগর) দেখা মনে হয়, পাহাড়ের এক মাথায়, যেখানে বর্তমানে জৈন মন্দিরগুলি প্রতিষ্ঠিত, ঐ স্থানে যে নগর প্রতিষ্ঠিত ছিল, তাহারই নাম সম্ভবতঃ ছিল গিরিনগর। জুনাগড়ের প্রাচীন নাম কি ছিল তাহা হইলে তাহা আমরা আশিঃ জানিতে পারি নাই।* যে স্থানে জৈন মন্দির প্রতিষ্ঠিত আছে তাহার বর্ণনা পরে প্রদত্ত হইবে। উহাও চারিদিকে পাথরের দেওয়াল দ্বারা দুর্গের মত সুরক্ষিত; তবে আয়তনে উহা সঙ্কীর্ণ, নগর নামে অভিহিত হইবার যোগ্য নহে। উহার পরিমাণ দৈর্ঘ্যে অর্ধমাইল এবং প্রস্থে সিকি মাইল মাত্র। এই আয়তনের উপর ছোট ছোট সহর যে প্রতিষ্ঠিত

* কোন পণ্ডিত বলেন যখনগড়, কেহ বা বলেন জীর্ণগড়, বিবেচনা করিয়া কেহই প্রমাণ দেন নাই।

না হইতে পারে তাহা নহে এবং সঙ্কটকালে তাহাতে আশ্রয় লওয়াও অসম্ভব নয়।

উপরকোটে রুদ্রদাসের পিতা জয়দাসের একটি শিলালিপিও পাওয়া গিয়াছে।

৪। রুদ্রদাসের এই লিপিতেই উল্লেখ আছে যে, যে স্মদর্শন হ্রদের বাঁধ রুদ্রদাসের আমলে ১৫০ খ্রীষ্টাব্দে মেরামত হইয়াছিল (এবং ৪৫৬ খ্রীষ্টাব্দে স্কন্দগুপ্তের আমলে ফিরিয়া যাহার মেরামত হইয়াছিল,) তাহা প্রায় ৩০০ খ্রীষ্ট-পূর্বাব্দে চন্দ্রগুপ্ত মৌর্যের আমলে, বাঁধ দিয়া নদী আটকাইয়া, প্রথম নির্মিত হইয়াছিল এবং অশোক মৌর্যের আমলে (২৫০ খ্রীঃ পূঃ, প্রায়) প্রণালী ইত্যাদি খুলিয়া বাঁধটির দৃঢ়তা সাধিত হইয়াছিল। অশোক এবং চন্দ্রগুপ্তের রাজস্থানীয়গণ নিকটবর্তী অধিষ্ঠান অর্থাৎ সহরে বাস করিতেন, লিপির ভাবে তাহাই বুঝা যায়। কাজেই জুনাগড়ের বয়স খ্রীষ্টপূর্ব ৩০০ পর্যন্ত পাইতেছি।

এখন যদি আমরা মহাভারত ও হরিবংশে দ্বারবর্তীর বর্ণনা স্মরণ করি এবং ঐ বর্ণনায় দ্বারবর্তী ও রৈবতক পর্বতের পরস্পরের নৈকট্য স্মরণ করি, তবে সন্দেহ মাত্র থাকে না যে, বর্তমান জুনাগড়ই কৃষ্ণের আদি দ্বারবর্তী। হরিবংশের একটি বর্ণনায় এমনও বোধ হয় যে পাহাড়ের উপর $\frac{1}{2} \times \frac{1}{2}$ মাইল স্থান ব্যাপিয়া যে পাথরের-দেওয়াল-যেরা সহর প্রতিষ্ঠার স্থান আছে—তাহাই আদিতম দ্বারবর্তী। এক-দ্বার-বিশিষ্ট উপরকোট দুর্গে তৎপর দ্বারবর্তী স্থাপিত হয় এবং এই দুর্গও যাদবগণ তৈয়ার করে নাই,—তৈয়ারী অবস্থায়ই পাইয়াছিল, মেরামত করিয়া লইয়াছিল মাত্র। রাজসূয় যজ্ঞ উপলক্ষে ভীম, অর্জুন ও কৃষ্ণ কর্তৃক জরাসন্ধ নিহত হইলে জরাসন্ধের ভয় যখন আর রহিল না, তখনই সমুদ্রতীরবর্তী দ্বারবর্তী নির্মিত হইয়াছিল। এই জায়গাই হরিবংশে দুই দুইবার করিয়া দ্বারবর্তী নির্মাণ প্রসঙ্গ আছে—যদিও দুই বারই সমুদ্র-তীরবর্তী দ্বারবর্তী নির্মাণের প্রসঙ্গই দেখা যায়। পণ্ডিত-গণের নিকট যদি আমাদের যুক্তি গ্রাহ্য হয়, তবে খ্রীষ্ট-পূর্বাব্দ ৩০০ হইতে জুনাগড়ের বয়স প্রায় খ্রীঃ পূঃ ১২০০তে এমন কি তাহারও আগে চলিয়া গেল। চারি পৃথকী কাল মুসলমান শাসনে আসিয়া উহার প্রাচীনত্বের প্রমাণ অধিকান্তই প্রায় নিশ্চিত হইয়া মুছিয়া গিয়াছে,—

উপরিউক্ত জয়দাসের লিপি এবং নিকটবর্তী অশোক, রুদ্রদাস ও স্কন্দগুপ্তের লিপি ভিন্ন আর কোন প্রাচীনত্ব প্রমাণই আজকাল খুঁজিয়া পাওয়া যায় না।

উপরকোট ও রৈবতকের সংস্থান পর্যালোচনা করিলে কৃষ্ণের সদভোক্তির অর্থ বুঝা যায়, যে, কেমন করিয়া দ্বারবর্তী দুর্গ দেবতাদেরও অগম্য এবং তথায় কিরূপে স্ত্রীগণও অনায়াসে যুদ্ধ করিতে পারে। উপরকোটের দুর্ভেদ্যতার বিষয়ে আধুনিক বোদ্ধাগণের মন্তব্য পূর্বেই উদ্ধৃত করিয়াছি। ইতিহাসে দেখা যায় পরবর্তী কালের রাজাদের মধ্যে কেহ কেহ উপরকোটও রক্ষা অসম্ভব দেখিলে গির্ণার পাহাড়ের উপর, যে দুর্গমধ্যে অধুনা জৈন মন্দির প্রতিষ্ঠিত, সেই দুর্গে পলাইয়া যাইতেন। এই দ্বিতীয় দুর্গ যে ‘দেবতাগণেরও অগম্য’ সেই বিষয়ে কোনও সন্দেহই নাই। * খাড়া পাহাড়ের মাথায় এই দুর্গ প্রতিষ্ঠিত এবং সমুদ্রতল হইতে এই দুর্গ স্থান ২৮৩৮ ফিট উচ্চ। মাত্র পাঁচফুট প্রশস্ত অতি দুর্গম রাস্তা দিয়া এই স্থানে পৌঁছিতে হয়। ঐ রাস্তায় দুখানা পাথর গড়াইয়া দিলে শত-শত লোককে ঠেকাইয়া রাখা যায়। কিছু উপরে অতি চমৎকার জলের অফুরন্ত উৎস আছে, এবং আরও উপরেও আরও আশ্রয়-স্থান আছে। সর্বোচ্চ শিখরেও একটি মন্দির আছে। এই স্থানের উচ্চতা ৩৬৬৬ ফুট।

পুণ্যতীর্থ রৈবতক

ভারতের হিন্দু, বৌদ্ধ বা জৈন তীর্থগুলি প্রকৃতির অফুরন্ত সৌন্দর্য-ভাণ্ডার। প্রাকৃতিক সৌন্দর্যের অজস্র-তায় নিরীশ্বরবাদীর নিকটও অথবা ভিন্ন ধর্মাবলম্বীগণের নিকটও এই সকল স্থান তীর্থ বলিয়া স্বীকৃত হইবে সন্দেহ নাই। ভারতের অতি অল্প তীর্থ-স্থানই এ পর্যন্ত দেখিতে সমর্থ হইয়াছি; কিন্তু ব্রহ্মপুত্রদ্বার বিধৌতপাদ, চারি দিকে অনন্ত গিরিমালার মধ্যে অবস্থিত, কামাখ্যা শৈলে যে দেবতা বিরাজ করেন, স্বচক্ষে দেখিয়া আমি তাহার সাক্ষ্য দিতেছি। চন্দ্রনাথ পাহাড়ের শিখরে উঠিয়া পাদমূলে

* “The Uparkot has been many times besieged and often taken, on which occasions, the Raja was wont to flee to the fort on Girnar, which from its inaccessibility was almost impregnable. Imperial Gazetteer. Ed. 1886 “Junagarh.”

বিস্তীর্ণ স্তম্ভ বন্ধোপসাগরের অপার বারিধি বক্ষে অস্ত-গমনোন্মুখ সূর্যের অপূর্ণ লীলা দেখিয়া সত্যই মনে হয়, কলিযুগে দেবতা চন্দ্রশেখরেই বাস করেন। আর সকল কল্পবাজারের অনতিদূরে সমুদ্রগর্ভে আদিনাথ পাহাড়ে অনাদিকাল হইতে জগতের নাথ বাস করিতেছেন, একবার দেখিলেই সেই বিষয়ে কোন সন্দেহ থাকে না। রৈবতক যে কেমন সুন্দর স্থান, ইহার অবস্থিতি-স্থান যে কেমন মনোহর, তাহা বলিয়া শেষ করা যায় না। মনে হয় রুক্ষ যেন উহারই শিখরে বসিয়া, অবিশ্রাম বাঁশী বাজাইয়া বিশ্ববাসীকে অহরহ আকর্ষণ করিতেছেন।

পূর্বেই বলিয়াছি, রৈবতকের সান্দ্রদেশ হইতে দুইটি পাহাড় নামিয়া আসিয়া প্রায় জুনাগড়ের দেওয়ালে ঠেকিয়াছে, ঐ দুই পাহাড়ের মধ্য দিয়াই রৈবতক যাত্রার পথ। উপরকোট হইতে এই দুই পাহাড়ের মধ্য দিয়া রৈবতকের যে ভীমকান্ত মূর্তি নয়নগোচর হয় তাহার সৌন্দর্যের তুলনা হয় না।

জুনাগড়ের পূর্ব তোরণ হইতে বহির্গত হইয়া অর্ধ মাইল পূর্ব দিকে অগ্রসর হইলেই হাতের দক্ষিণে রাস্তা হইতে কয়েক গজ মাত্র দূরে বিখ্যাত শিলালিপির ক্ষুদ্র টীলাটি নয়নগোচর হয়। টীলাটি আকৃতিতে একটি বৃহদাকার পাশার গুটির মত। উচ্চ মাত্র ৮ হাত, গোড়ার বেড় ৫০ হাত। অশোকের শিলালিপি ইহার সমস্ত পূর্ব ধারটা অধিকার করিয়া আছে। পশ্চিম ধারে রুদ্রদাসের লিপি এবং উত্তর ধারে স্কন্দগুপ্তের লিপি। এই শিলালিপি টীলার নিকট হইতেই রৈবতকে যাইবার একটি বাঁধা রাস্তা আরম্ভ হইয়াছে। এই বাঁধা রাস্তা দুই পাহাড়ের মধ্যের নালায় পার দিয়া অগ্রসর হইয়া একটি চমৎকার পাথরের পুলের উপর দিয়া নালা পার হইয়াছে। নালায় পাশ সাধারণতঃ ৫০ গজ; কিন্তু যেখানে পুল সেখানে নালা ৪০ গজের বেশী প্রশস্ত হইবে না। শিলালিপি হইতে প্রায় অর্ধ মাইল অগ্রসর হইয়া কয়েকটি মন্দির এবং দামোদরকুম্ভ নামে খ্যাত এক সরোবর পাওয়া যায়। এই স্থানে বাঁধা রাস্তা শেষ হইয়াছে। অতঃপর ঘন জঙ্গলের মধ্য দিয়া রাস্তা গিয়াছে। আরও অর্ধ মাইল গেলে রৈবতক পর্বতের পাদদেশে উপনীত হওয়া যায়। এই স্থান হইতে পদব্রজে

অথবা ডুলিতে চড়িয়া রৈবতকে আরোহণ করিতে হয়। শিখর পর্যন্ত দূরত্ব ৪৬৯১ ফিট। মাইলখানিক আরোহণ করিলে একটি বিশ্রাম-স্থান পাওয়া যায়। এই স্থানে ধর্মশালা আছে। এই পর্যন্ত পাহাড় জঙ্গলময় এবং চারি দিকের পাহাড়ের সহিত সম্বন্ধযুক্ত। ইহার পরেই খাড়া শিখর উঠিয়াছে—এবং উহার গায়ে বৃক্ষলতা কিছু নাই বলিলেই হয়। উত্তরে প্রকাণ্ড একটি প্রস্তরখণ্ড স্তম্ভের মত আলা হইয়া খাড়া দাঁড়াইয়াছে—মনে হয় যেন একটু ধাক্কা দিলেই ভীমনাদে ধরাশায়ী হইবে। এই স্তম্ভকে ভৈরবরক্ষ বলে, অনেকে ইহার মাথা হইতে লক্ষ দিয়া পড়িয়া আত্মহত্যা করে। ধর্মশালা হইতে মাত্র পাঁচফুট প্রশস্ত রাস্তা খাড়া পাহাড়ের গা বাহিয়া নানা কোশলে ঘুরিয়া ফিরিয়া জৈন মন্দিরগুলিতে যাইয়া পৌঁছিয়াছে।

পূর্বেই বলিয়াছি সমুদ্র হইতে ২৮৩৯ ফিট উচ্চ পাহাড়ের ক্রোড়ে প্রায় $3 \times \frac{1}{2}$ মাইল পরিমাণ সমতল ভূমির উপর এই মন্দিরগুলি প্রতিষ্ঠিত। স্থানটি জুর্গের মত চারি দিকে পাথরের দেওয়ালে ঘেরা। এই ঘেরের মধ্যে জৈনদের আটটি চত্বর-সমন্বিত মন্দির আছে। জৈনগণ বলেন তাঁহাদের দ্বাবিংশ তীর্থঙ্কর অরিষ্টনেমি কৃষ্ণের জাতি-ভ্রাতা ছিলেন। অরিষ্টনেমি স্থানীয় রাজবংশের যুব ছিলেন। তাঁহার বিবাহ-উৎসব উপলক্ষে খাচ্চার্থে হননের জন্ত সংগৃহীত পশু পাখীর কাতর চীৎকারে তিনি এত বিচলিত হইলেন যে, বিবাহ না করিয়াই তিনি পলাইয়া রৈবতক পর্বতে চলিয়া গেলেন এবং তথায়ই তপস্বী করিয়া তীর্থঙ্করত্ব লাভ করিয়া দেহরক্ষা করিলেন। তদবধি ইহা জৈনতীর্থ। জৈন মন্দিরগুলি কিন্তু কোনটিই ৭৮০০ বৎসরের বেশী পুরাতন নহে। ইহাদের মধ্যে নেমিনাথের মন্দিরই বৃহত্তম। মন্দিরচত্বর আয়তনে 125×130 ফিট। হিউএন্স গু-এর বর্ণনা মত দেখা যায় খ্রীষ্টীয় সপ্তম শতাব্দীর মধ্যভাগে এই পর্বতশিখরে বৌদ্ধ সঙ্ঘারাম ছিল।

জৈন মন্দিরগুলি হইতে রৈবতক-শিখর পর্যন্ত আরোহণ বিশেষ কষ্টসাধ্য নহে—আগাগোড়াই সিঁড়ি আছে। রাস্তার দুই ধারে ছোট বড় অনেকগুলি মন্দির আছে। সর্বাপেক্ষা উল্লেখযোগ্য দর্শনীয় বস্তু গোমুখী নামক চমৎকার ঝরণাটি—উহা হইতে অবিশ্রাম অতি নিঃশব্দ জল উচ্ছিত হইতেছে। গোমুখার নিকটেও ছোট ছোট কয়েকটি মন্দির আছে।

আরও কিছু উঠিলেই রৈবতকের শিখরদেশে উপনীত হওয়া যায়। এই স্থানে অষ্টা মা নাম্নী দেবীর মন্দির আছে। রৈবতক পর্বতে ব্রাহ্মণ্যধর্মের ইহাই একমাত্র মন্দির। এই স্থানে সমতলভূমির পরিমাণ ১৫ গজ \times ১৫ গজের বেশী নহে। অষ্টা মার মন্দিরপ্রাঙ্গণে বসিয়া চারি দিকের যে দৃশ্য দেখা যায়, তাহা আজীবন মনে থাকে; এবং পরবর্তী কালে যখন মানস নয়নে ভাসিয়া উঠে, তখনই অনাবিল আনন্দের কারণ হয়। ডাঃ উইলসন ১৮৩৫ খ্রীষ্টাব্দে গির্গার পাহাড়ে (রৈবতকের বর্তমান নাম) উঠিয়াছিলেন এবং জৈন ও বৌদ্ধ মন্দিরগুলি দেখিতে গিয়া তথায় সমবেত জনসম্মেলন নিকট পুতুল পূজার নিরর্থকতা ও খ্রীষ্টধর্মের সেবার অনন্ত জীবন লাভের বিষয় বক্তৃতা না দিয়া পারেন নাই। গির্গার পাহাড়ের শিখরে উঠিয়া সেই পাদ্রি উইলসনই লিখিয়াছেন—

“গির্গার শিখর হইতে চারি দিকের যে দৃশ্য দেখা যায়, উঠিবার দারুণ পরিশ্রম তাহার যথেষ্ট মূল্য নহে। চারি দিকে সারি সারি পাহাড়, নিকটবর্তী ধাতর নামক শিখর যাহা প্রায় গির্গারেরই সমান উচ্চ, চারি দিকে বিপুল গুহার অপূর্ণ সৌন্দর্যের বিকাশ, পশ্চিমে মহাসমুদ্রের অনন্ত বিস্তার!” J. A. S. B., 1838, P. 335.

অষ্টা মার মন্দির হইতে দক্ষিণে চাহিলে দুইটি অদ্ভুত পর্বতশিখর দৃষ্টিগোচর হয়। সম্পূর্ণ পৃথক তলদেশ হইতে নির্ধাকৃতি পিরামিডের মত উহার উপর দিকে উঠিয়া গিয়াছে। উহাদের স্তম্ভাংশ শিখরগুলি গ্রেনাইট পাথরের এবং তাহাদের গায়ে বৃক্ষলতাদি মাত্রই নাই। গির্গার ও উহাদের মধ্যে একটি গভীর খাত; গির্গার হইতে যেটি অপেক্ষাকৃত দূরে, সেটিই উচ্চতর এবং তাহার মাথায় এক দত্তাত্রেয়ের একটি মন্দির আছে। অষ্টা মার মন্দির হইতে দক্ষিণে চাহিলে কিছুতেই মনে হয় না যে গুরু দত্তাত্রেয়ের মন্দির মাহুয়ের অধিগম্য। কিন্তু প্রকৃতপক্ষে অষ্টা মার মন্দির হইতে গুরু দত্তাত্রেয়ের মন্দিরে যাইবার মতাই সিঁড়ি আছে এবং প্রত্যেক বৎসর সহস্র সহস্র তীর্থযাত্রী এই ছুর্গম পথ দিয়াই দত্তাত্রেয়ের মন্দিরে যাতায়াত করে, পা পিছলিয়া পড়িয়া অনেকে প্রাণও হারায়।

এই গির্গার পর্বতশ্রেণীর মধ্যে মুসলমানদেরও তীর্থস্থান আছে। দক্ষিণে দাতারপীর নামক শিখরে

জামাল শাহ (দাতার পীর) নামক ফকিরের দরগা আছে। সুরাত্তের মুসলমানগণ এই দরগাকে অতি শ্রদ্ধার চক্ষে দেখিয়া থাকে। দাতারপীর পাহাড়ের তলদেশে শত শত কুষ্ঠী ও খঞ্জ এবং নানা প্রকার ঘৃণ্য রোগগ্রস্ত ব্যক্তিগণ রাতদিন বসিয়া পীরের নিকট আরোগ্য প্রার্থনা করে। সুরাত্তের পশ্চিম তীর দিয়া যাইবার সময় নাবিকগণ দাতার-পীর লক্ষ্য করিয়া সিঁড়ি মানত করে।

চন্দ্রগুপ্ত মৌর্যের আমলে গির্গার পাদমূলে যে সুদর্শন হ্রদের সৃষ্টি, যাহার অস্তিত্ব রক্ষা করিতে ১৫০ খ্রীষ্টাব্দে মহাস্কন্দ্রপ রুদ্রদাসের আমলে এবং ৪৫৬ খ্রীষ্টাব্দে মহারাজাধি-রাজ স্কন্দগুপ্তের আমলে এতটা ব্যয়বাহুল্য হইয়াছিল, আজ আর তাহার কোন চিহ্নও নাই। মানচিত্র দেখিলেই স্পষ্ট বুঝা যাইবে যে, গির্গার-পর্বতের পশ্চিম দিকে যে উপত্যকা আছে, তাহাই হ্রদে পরিণত করা হইয়াছিল। এই উপত্যকার দক্ষিণ হইতে একটি এবং উত্তর হইতে একটি নদী নামিয়াছে। রুদ্র-দাসের লিপিতেও দুইটি নদীরই উল্লেখ পাওয়া যায়। একটির নাম ছিল স্বর্ণসিকতা, আর একটির নাম ছিল পলাশিনী। পলাশিনীর নাম লোকে ভুলিয়া গিয়াছে, কিন্তু উভয়ের মিলিত জলপ্রবাহ আজিও সোনারেখা বলিয়া পরিচিত। এই মিলিত জলপ্রবাহকে বাঁধ দিয়া রুদ্ধ করিয়াই হ্রদের সৃষ্টি করা হইয়াছিল। ১৮৩৮ খ্রীষ্টাব্দে লেফটেন্যান্ট পোষ্টাম্‌স্‌ অনেক খুঁজিয়াও এই বাঁধের কোন চিহ্ন পান নাই। রুদ্রদাসের লিপিতে বাঁধের যে অংশ ভাঙ্গিয়া গিয়াছিল তাহার মাপ দেওয়া আছে। ঐ ভগ্ন অংশ লম্বায় ছিল ২১০ গজ, পাশেও তাহাই এবং উচ্চতায় ছিল ৭৫ হাত। কাজেই বাঁধাটি ইহারও অপেক্ষা বড় ছিল বলিয়া ধরিতে হইবে। অথচ বর্তমানে যেখানে সেতু নির্মিত সেই স্থানে দুই পাহাড়ের মধ্যে ব্যবধান ৪০ গজের বেশী নহে। কাজেই যেই বাঁধের ২১০ গজ পরিমিত স্থান ভাঙ্গিয়াই গিয়াছিল সেই প্রকাণ্ড বাঁধ ঐ স্থানে কি করিয়া ধরিতে পারে, পোষ্টাম্‌স্‌ সাহেব তাহা বুঝিয়া উঠিতেই পারেন নাই।

পোষ্টাম্‌স্‌ সাহেবের লেখা হইতেই কিন্তু এই রহস্যের মীমাংসার একটা সূত্র খুঁজিয়া পাওয়া গিয়াছে। তিনি লিখিয়াছেন—The remains of an old causeway

are to be seen near the present one, crossing the bed of the ravine in a diagonal direction. It is only traceable for a few yards, but appears to have been connected with some former extensive work of the kind, as it is again to be seen for a short extent beyond the modern causeway towards Junagarh.

J. A. S. B 1839. P. 879

একটু ভাবিয়া দেখিলেই বুঝা যায় যে, বর্তমান পুলটি যে ভাবে নির্মিত, সেই রকম আড়াআড়িভাবে যদি সুদর্শন হ্রদের বাঁধ নির্মিত হইত, তাহা হইলে বর্ষাকালে জল বাঁধে ঠেকিয়া কুল প্রাণিত করিয়া রৈবতকে যাইবার পথ ডুবাইয়া ফেলিত। কাজেই বাঁধ কোণাকোণী করিয়া এমন ভাবে রৈবতকে যাইবার রাস্তা তাহার উপর দিয়া লেওয়া হইয়াছিল যে বাঁধের উপর দিয়াই রাস্তা উচ্চ স্থানে যাইয়া পৌঁছিয়াছিল, বর্ষায়ও প্রাণিত হইবার আশঙ্কা আর ছিল না। প্রয়োজন না হইলে একটা পার্বত্য নালার উপরে অনর্থক ব্যয়বাহুল্য করিয়া কোণাকোণী ভাবে কেহ রাস্তা নির্মাণ করে না। কাজেই পোষ্টাম্‌স সাহেব বর্তমান রাস্তার নিকটবর্তী কোণাকোণী নির্মিত যে প্রাচীন প্রশস্ত রাস্তার চিহ্ন পাইয়াছেন বলিয়া লিখিয়াছেন, তাহাই সুদর্শন হ্রদের প্রাচীন বাঁধের ভগ্নাবশেষ বলিয়া আমার মনে হয়।

মূল দ্বারকা ও বর্তমান দ্বারকা

যুধিষ্টির রাজস্বয় যজ্ঞের উপক্রমে কৃষ্ণের পরামর্শমত জরাসন্ধ নিহত হইলে যাদবগণ তাহাদের পরম শত্রুর ভয় হইতে নিষ্কৃতি পাইল। এইবার রৈবতক শিখরে অথবা দ্বারকার সূদূত কিন্তু স্বপ্নায়তন দুর্গের অভ্যন্তরে আবদ্ধ হইয়া শত্রু প্রতীক্ষায় সর্বদা সতর্ক হইয়া থাকার প্রয়োজন আর রহিল না। পূর্বেই বলিয়াছি, হরিবংশে দ্বারবতী নির্মাণ প্রসঙ্গ দুইবার আছে। রাজস্বয় হইতে প্রত্যাবৃত্ত হইয়া কৃষ্ণ সমুদ্রতীরে দ্বারবতী নির্মাণ করিয়াছিলেন বলিয়া বোধ হয়। হরিবংশে আছে, কৃষ্ণের অহুরোধ স্বয়ং বিশ্বকর্মা দ্বারবতী নির্মাণ করিয়াছিলেন এবং কৃষ্ণের আদেশে সমুদ্রে অনেক দূর সরিয়া গিয়া দ্বারবতীর জন্ত স্থান ছাড়িয়া দিয়াছিল। সাধারণ বুদ্ধিতে এই বুঝা যায় যে সমুদ্রতীরবর্তী অনেকখানি ঢালু যায়গা ঘিরিয়া লইয়া দ্বারবতী নির্মিত হইয়াছিল এবং সম্ভবতঃ উহার কতক স্থান, বর্তমান কালের নেথারল্যান্ড দেশের মত, সমুদ্রপৃষ্ঠ হইতে নিম্ন এবং সূদূত বাঁধ দ্বারা সমুদ্র জল হইতে রক্ষিত ছিল। বর্তমান মূল দ্বারকার নিকটবর্তী স্থানগুলির অবস্থা পর্যালোচনা করিলে এই অনুমান অসম্ভব বলিয়া মনে হয় না। * সার্ভে অব

ইণ্ডিয়া প্রচারিত ১ ইঞ্চি = ১ মাইল মানচিত্রে দেখা যায়, মূল দ্বারকার পূর্বে সিঙ্গাওরা নদী, প্রায় ১৩২ গজ প্রশস্ত পশ্চিমে এক বিস্তীর্ণ নিম্ন ভূমি, তাহার মধ্য দিয়া দেড় শত হাত প্রশস্ত সুরমং নামক নদী আসিয়া সমুদ্রে পড়িয়াছে। এই দুই নদীর অভ্যন্তরে দেড় মাইল বিস্তৃত নিম্ন ভূমির উপরে মূল দ্বারকা অবস্থিত ছিল। এই ভূভাগের উত্তরাংশ অনেক দূর পর্যন্ত সমুদ্রপৃষ্ঠের সমান, পশ্চিমেও প্রায় দেড় মাইল বিস্তৃত জলাভূমি। সঙ্গীয় মানচিত্রে দেখা যাইবে যে একরূপে মূল দ্বারকা দেড় মাইল বিস্তৃত এবং তিন পোয়া মাইল দীর্ঘ এক দ্বীপাকার ভূমির উপর প্রতিষ্ঠিত ছিল।

যাদবগণ নিতান্ত কোপন-স্বভাব ও কলহপ্রিয় ছিল, মহাভারতে এবং হরিবংশে অনেক স্থানেই তাহার পরিচয় আছে। সুরায় ও রমণীতে আসক্তি ছিল তাহাদের অসাধারণ। শত্রু কর্তৃক দ্বারকা অবরোধ প্রসঙ্গে অথবা অন্তর্বিধ বিপৎকালে একাধিক বার এ কথা মহাভারতে আছে যে সুরাপান নিবারণ করিয়া এবং সুরাপায়ী শূলদণ্ড বিধান করিয়া দ্বারকায় রাজাজ্ঞা প্রচারিত হইল এবং নট ও নর্তকদিগকে রাজধানী হইতে তাড়াইয়া দেওয়া হইল। যথা—মহাভারত বনপর্বের শল্য কর্তৃক দ্বারবতী অবরোধ প্রসঙ্গ এবং মৌযল পর্ব। শ্রমস্তুক হরণ প্রসঙ্গে দেখা যায় যাদবপ্রধানগণের মধ্যে পরস্পরের প্রতি হিংসা, রেষা-রেষি ও অবিশ্বাস বেশ প্রবল ভাবেই ছিল এবং যাদবগণের সর্বপ্রকারে মঙ্গলকামী কৃষ্ণও এই সকল বীর আক্রমণ হইতে রক্ষা পাইতেন না। প্রভাসে যাদবকুলের পরস্পর কলহে ধ্বংস এই উচ্ছ্বলতার শেষ ফল। মৌযল যুদ্ধের বিবরণে দেখা যায়, কৃষ্ণ নিজ হস্তে অনেক যাদবের প্রাণ বধ করিয়া ভূভার লাঘব করিয়াছিলেন। মৌযল যুদ্ধের পর অর্জুন আসিয়া হতাবশিষ্ট যাদবগণকে ও যাদব রমণীগণকে নিজের দেশে লইয়া গেলেন—সমুদ্র দ্বারকাপূরী গ্রাস করিল। সম্ভবতঃ যে বাঁধ ও প্রাকার সাধারণ সমুদ্রজল আটকাইয়া দ্বারকাপূরীর বিস্তৃতি-সাধন হইয়াছিল, যাদবগণ দ্বারকা ছাড়িয়া যাইবার কালে তাহা ভাঙিয়া দিয়াছিল এবং এইরূপেই সমুদ্র দ্বারকাপূরী গ্রাস করিয়া থাকিবে। সুরাষ্ট্রের একেবারে পশ্চিম প্রান্তে বর্তমান দ্বারকা যে নিতান্ত আধুনিক প্রতিষ্ঠান, তাহা পূর্বে উল্লিখিত হইয়াছে।

* হরিবংশের ১৪৫ অধ্যায়ে দেখা যায়, যাদবগণের পিতারকর্তৃক সমুদ্রস্নান-যাত্রাকালে সহস্র সহস্র গণিকা তাহাদের সঙ্গে যাইতেছে। প্রসঙ্গে হরিবংশকার মন্তব্য করিয়াছেন—“দূতবিক্রম যাদবগণ যুদ্ধে স্বস্থান হইতে অপসারিত করতঃ এই অসংখ্য বেষ্ট্রাগণকে দ্বারবতী সন্ন্যবেশিত করিয়াছিলেন।

পুনরাগমন

শ্রীবুদ্ধদেব বসু

বাঁচা গেলো। এই তিন ঘণ্টা সময় তার ছঃস্বপ্নের মত কটেছে। ছঃস্বপ্নের মত, চার ডিগ্রী জ্বরের তীব্র সম্মোহনের মত—চারপাশে যা-কিছু হচ্ছে, তা তার মস্তিষ্কে পৌঁছতে পারছে না,—চেতনায় প্রবেশ করতে পারছে না; অথচ, কিছু হচ্ছে, সব তা'কে নিয়েই, তা'রি উপলক্ষ্যে। তা'কেই উপলক্ষ্য করে' এই ব্যাপার—তা'রি জন্তে সিঁড়িতে আল্পনা, ফুলের মালা, ধূপের ধোঁয়া, চন্দনের প্রলেপ—মিষ্টি গন্ধ, মিষ্টি গান, শাড়ির এত রঙ-বেরঙ, তার এত ঘট। সব শুধু তা'রি জন্তে—এটা সে তা'র সবচেতন মনে আগাগোড়া উপলব্ধি করছিলো—আর ভেতরে ভেতরে ঘেমে উঠছিলো। সত্যি—শারীরিক অর্থে ঘামছিলো; বার-বার তা'র হাতের চেটো ঘেমে উঠছিলো, বার-বার রুমাল বা'র করে' তা'কে হাত মুছতে হচ্ছিলো। একবার হঠাৎ তা'র মনে হয়েছিলো, সারাই তা'র এই হাত-মোছা ব্যাপারটা লক্ষ্য করছে কে? এবং, ও-কথা মনে হওয়ারাত্র সে তাড়াতাড়ি রুমাল পকেটে ঢুকিয়ে তা'র গলার প্রকাণ্ড ফুলের মালাটা নিয়ে প্রাণপণে টানাটানি করতে আরম্ভ করলো। মালাটা ছিঁড়ে যেতো, যদি না এক ফাঁকে আভা তা'র কানের কাছে মুখ এনে তা'কে সাবধান করে' দিতো—

যাক, সব চুকেছে। এইবার সে বাঁচলো। সভা ভেঙে যাওয়ার পরও ভক্ত-মণ্ডলী তা'কে ছাড়তে চায় না; তা'র মুখের কথা শোনবার জন্ত সবাই উৎসুক; অধ্যাপকরা আসেন কাব্যের তত্ত্ব নিয়ে, সুন্দর চেহারার মেয়েরা স্টুটো গ্রাফ নিয়ে; হালে যে-সব যুবক লিখে' নাম করেছেন, তারা আসেন তা'র সাহিত্যিক জীবনের প্রথম অধ্যায় শুনতে। কথা শুনতে হয়, কথা বলতে হয়, নাম-সই করতে হয়। আভাকে গিয়ে কয়েকজন খবরের কাগজের এডিটর—‘কবি’র ব্যক্তিগত জীবনের তথ্য-সম্বন্ধে তাঁদের প্রশ্ন কৌতুহল। রাস্তায় বেরোতেই আধ ঘণ্টা কেটে গেলো। অনেক চেপ্টায় গাড়িতে যদি বা উঠে বসা গেলো,

দরজার কাছে বিদায়ের ঘট—গণ্য-মান্য ব্যক্তির এক-এক করে' বিদায় নিচ্ছেন—ভদ্রতার কথা বলতে হয়, হাসি হাসতে হয়; কলকাতার শ্রেষ্ঠ বুদ্ধি, শ্রেষ্ঠ সৌন্দর্য্য তা'কে শ্রদ্ধার নমস্কার জানাতে আসে; বিনয়ের অবতার হ'য়ে তা'কেও আনন্দে গলে' যেতে হয়। গাড়ি যখন স্টার্ট দিয়েছে, তখনো এক ভদ্রলোক ছুটে এসে কী যেন একটা কথা বলে' গেলেন। সে শুনতে গেলো না—তবু অমায়িক ভাবে ঘাড় নেড়ে হাসলো। অসহ, অসহ!

এতক্ষণে গাড়ি নির্জন পার্ক স্ট্রীট দিয়ে ছুটে চলেছে—বেশ জোরেই ছুটেছে। নেই; কেউ নেই; কিছু নেই। আর চার মিনিটের ভেতর বাড়ি পৌঁছে যাবে। এমন একটা শুভ-ঘটনা তা'র বিশ্বাস করতে সাহস হচ্ছিলো না। রাস্তা খালি, গাড়িতে তা'র পাশে শুধু আভা। অনেক দূরে টাউন হল, অনেক দূরে তা'র ভক্তরা; অনেক পুরোনো কথা তা'র স্মরণনা—আলো আর মালা, গানের সুর আর শাড়ির রঙ, বক্তৃতা আর তর্ক। অতীত, সেটা অতীত। সেটা হ'য়ে গেছে। আঃ—কী মুক্তি। গদিতে হেলান দিয়ে আরামে সে চোখ বুঁজলো।

এ-ও তার কপালে ছিলো! চিরকাল একটা জিনিষকে সে ভয় করে' এসেছে—বক্তৃতা-শোনা। তা'র চেয়েও ভয় করেছে বক্তৃতা-দেয়াকে। যা জন-সভা—ছ'চারজন বাছা-বাছা লোকের আড্ডা নয়—সেখানে গেলেই তা'র হাঁফ ধরেছে; সভা-সমিতি ইত্যাদিকে বদ্বিন পেরেছে, এড়িয়ে চলেছে। কিন্তু বেশি দিন পারে নি। ছেলেবেলা থেকেই সে লিখতো। লিখতে তা'র ভালোই লাগতো। প্রথম যৌবনের অনভিজ্ঞতায় সে ভেবেছিলো, সাহিত্যিক জীবনের চাইতে স্নেহের কিছুই নয়। প্রথম যৌবনের কয়েকটা বছর কেটেওছিলো স্নেহে। তার পর খ্যাতি এলো। খ্যাতি যতই বাড়তে থাকলো, ততই দেখলো, তা'র নিজকে দশজনে লুটে' খাচ্ছে; সে আর তা'র নিজের নয়। বাঁড়ীতে খবরের কাগজের লোক

আসে ইন্টারভিউ করতে, বহু দূর থেকে ছেলেরা আসে তা'কে 'দেখতে'; সভার সভাপতিত্ব করতে হয়, দিতে হয় বক্তৃতা, মিশতে হয় বহু লোকের সঙ্গে। প্রথম-প্রথম এড়াতে চেষ্টা করেছে, ঠেকাতে চেয়েছে—শেষটায় বাধ্য হয়েছে ভেঙে পড়তে, ধরা দিতে, বেসুরো, বিশ্রী বাইরেকে আমল দিতে। এলো অর্থ, এলেন স্নায়োগ্যা স্ত্রী, উঠলো বালিগঞ্জ বাড়ী, হঠাৎ একদিন নিজের একখানা গাড়িও হ'ল। সপ্তাহে তিন দিন তা'র নিমন্ত্রণে যেতে হয়, সপ্তাহে চার দিন নিমন্ত্রণ করতে হয়। শহরের সব অনুষ্ঠানে জোর করে তা'কে ধরে নিয়ে যায়; বছরে অন্তত দু'খানা বই প্রকাশকরা তা'কে দিয়ে জোর করে লিখিয়ে নেয়। সময় নেই; এক মুহূর্ত সময় নেই। নিজ হাতে একখানা চিঠিও সে লিখতে পারে না; তা'র প্রিয়, পুরোনো বইগুলোর বছরে একবারো পাতা ওঁটানো হয় না। জনতার কাছে নিজকে সে বেচে দিয়েছে; জনতার হুকুম প্রতি মুহূর্তে তা'কে তামিল করতে হয়; সে আর তা'র নিজের নয়। প্রতি মুহূর্তে তা'র অসহ্য লাগে, প্রতি মুহূর্তে সে পালাবার জন্ত ছটফট করে; প্রতি মুহূর্তে সে আরো বেশি করে জড়িয়ে পড়ে। আরো যশ, আরো অর্থ। সে যদি না-ও চায়, কৃতিত্ব তা'র পায়ে এসে লুটিয়ে পড়ে। সে যদি নিজকে লুকিয়ে রাখতে চায়, গৌরব এসে ঘর জুড়ে বসে। একটু ফাঁকা নেই, একটু সময় নেই।

শেষটায়, আজকে তার এই সম্বন্ধনা। বাংলাদেশকে এ-দোষ কখনো দে'য়া যাবে না যে সে তা'র সাহিত্যিককে যোগ্য সম্মান দেয় নি। দিয়েছে; তা'কে, শিবপ্রসাদ দত্তকে খুব বেশি করেই দিয়েছে। এখনো তা'র বয়েস চল্লিশ হয় নি। আজকে সমস্ত দেশ প্রকাশ্যে তা'কে বরণ করেছে, তা'র কপালে দিয়েছে চন্দন, গলায় পরিয়েছে মালা; সোনার পাত্রে করে সমস্ত জাতি তা'কে আজ অভিনন্দন দিয়েছে। এত দিন পর্যন্ত যদি বা তা'র কোনো ছিটেফোঁটা তা'র নিজের ছিলো, আজ থেকে তা-ও গেলো, তা-ও গেলো।

উঃ—শেষ আর হয় না। তা'র চেয়ে অন্তত তিরিশ বছরের বড়, বুদ্ধ, গত শতাব্দীর ধ্বংসাবশেষ এক সভাপতি—তা'র অভিভাষণ, উঃ, কী স্তুতি, কী চাটুকারিতা, মিথ্যা কথা, নির্বোধ কথা, অর্থহীন কথা! মেয়েদের

গান, একটা গান এই উপলক্ষ্যে বিশেষ করে' রচিত, তা'র কবিতার আবৃত্তি, তা'র সাহিত্য নিয়ে প্রবন্ধ পাঠ—শেষ আর হয় না। অভিনন্দন পাঠ ও উপহার—তার পর তা'র উত্তর। কী উত্তর দেবে—একটা কথা তা'র মনে আসছে না। তবু, কলের মত কতগুলো কথা বলা গেলো—করতালি শুন'ে বুঝতে পার'ছিলো, খারাপ কিছু বলছে না। একবার, শুধু একবার আটকে গিয়েছিলো—আভা তৎক্ষণাৎ পাশ থেকে তা'কে ঠিক শব্দটি জুটি দিয়েছিলো। আভা—আভাকে না হ'লে তা'র কী করা চলতো? গেলো দশ বছর ধরে—বিয়ের পর থেকে আজ পর্যন্ত—আভা তা'র দক্ষিণহস্ত, তা'রো বেশি এত কাজের বোঝা আভা না হ'লে সে কিছুতেই বঁচ পায়তো না। আভা তা'র বোঝা অর্ধেক করে দিয়েছে; এ-সব কাজে-কর্মে তা'র যেমন উৎসাহ, তেমন নিপুণতা বাইরের বহুমুখী উদ্যস্ত জীবন আভা বেশ কাটাতে গার্ল লোকের চোখের স্মৃতিতেই তা'র ভালো লাগে; এই ঝগড়া এই গৌরব, তা'র কাছে আসা উচিত ছিলো, তা'রো ও-সব মানাতো; সে, শিবপ্রসাদ দত্ত, এর যোগ্য নয়। আভার রূপ কলকাতা শহরে নাম-করা; তা'র ওপর অসাধারণ তা'র কথা-বলার ক্ষমতা, তা'র উপস্থিত বুদ্ধি তা'র চরিত্রের দৃঢ়তা। মনকে সে চব্বিশ ঘণ্টা চাব্বিশ ওপর রাখতে পারে; তা'র মধ্যে কোনো হেলাফেলা আলস্য, উদাস্য নেই—কাজ, কাজ তা'র কাছে মাঝে মাঝে করতে তা'র ভালো লাগে। আশ্চর্য! আজকে এই সম্বন্ধনা—এই আলো আর মালা আর রঙ-বেরঙের শাড়ি, এই তর্ক-বিতর্ক, কথার উত্তরে কথা—এ-সব তারি জন্তে হওয়া উচিত ছিলো, আভার জন্তে, আভাই এ-সব সহ করতে পারতো; শুধু তা-ই নয়, উপভোগও করতো।

একবার চোখ মেলে সে আভার দিকে তাকানো; আভা স্থির দৃষ্টিতে সামনের দিকে তাকিয়ে আছে—তা'র উজ্জল চোখ আরো উজ্জল, তা'র গোলাপী গাল লাল হ'য়ে ফেটে পড়ছে। নেশা—নেশা—গৌরবের নেপথ্যে তা'কে ধরেছে, তা'র স্বামীর গৌরবে। সমস্ত বাংলাদেশে যে-লেখককে আজ অভিনন্দন দিলে, সে তা'র স্বামী। তা'র। আভা কথা কইতে পারছে না উত্তেজনায়, আর সে নিজে—শিবপ্রসাদ দত্ত—সে চুপ করে' আছে ক্লাস্ত

ক্লাস্তি, ক্লাস্তি। তিন ঘণ্টা ধরে' প্রকাশ্য সভায় যে সম্বন্ধিত হয় নি, সে কী করে' বুঝবে, ক্লাস্তি কা'কে বলে।...যাক, বাড়ী এসে গেছে।

তা'র ইচ্ছে হ'ল, একেবারে শোবার ঘরে গিয়ে আশ্রয় নেয়; কিন্তু একবার ওপরে উঠলে, আর নীচে নাবা অসম্ভব হ'বে। তাই, খাবার হাঙামটা চুকিয়ে যাওয়াই ভালো। মাথোতে পারলেই সে খুসি হ'ত; কিন্তু আজকের রাতে মাথোতে আভা ছঃখিত হ'বে; এবং আজকের রাতে আভাকে ছঃখ দেয়া যায় না, তা'র ভেতর থেকে একটা ধর একথা বলছিলো। অশ্রের হুকুমে চলতে সে অভ্যস্ত; তাই নিজের ওপর এটুকু জবরদস্তি তা'র গায়েই লাগলো না। বসবার ঘরে একটা সোফায় গা এলিয়ে দিলে—মদ্যে-মদ্যে সন্ধ্যার কাগজগুলো থেকে একটা তুলে' নিয়ে চোখের সামনে খুলে' ধরলো। মহেশ এসে পাখাটা খুলে' দিয়ে চলে' গেলো। আভা এরি মধ্যে কাপড় বদলে এসেছে। তা'র পাশে দাঁড়িয়ে বলছে—'ভারি ক্লাস্ত বোধ করছে—না? একটু বোসো, খাবার ব্যবস্থা দেখি গে।' সে মাথা নেড়ে সায় দিলে।

তা'র দিকে একবার ক্ষিপ্ত দৃষ্টিপাত করে' আভা বেরিয়ে গেলো। সে-দৃষ্টি সে লক্ষ্য করলে। নেশা, নেশা! আভা আজ সার্থক মনে করছে নিজকে। সে—শিবপ্রসাদ—সে-ও সার্থক মানছে সব। আভা যদি স্মৃতি হ'য়ে থাকে, সে কেন অভিযোগ করতে যাবে? যে-মেয়ে তা'র সমস্ত জীবন তা'কে দিয়েছে, তা'র জন্ত ব্যয় করেছে, সে তা'র প্রতিদানে নিলো খানিকটা গৌরব; তা'র জন্ত, তা'র তৃপ্তির জন্ত, বে-আক্রে বাইরের কাছ থেকে ছ' হাতে গৌরব কুড়োতে শিবপ্রসাদ কেন কুষ্ঠিত হ'বে?

'টেলিফোনে আপনাকে ডাকছে।'
'বলে' দাও, মহেশ, এখন হ'বে না।'
'বলেছিলাম।'
'আবার গিয়ে বলো।'
মহেশ ভয়ে-ভয়ে বললে, 'ও-কথা মানে না। ভয়ানক কী দরকার।'

তুর্ক কুঁচকে শিবপ্রসাদ জিজ্ঞেস করলে, 'কী নাম?'
'বলে নি।—মেয়েলি গলা।'
অসম্ভব! এখন যদি আবার কোনো আধ-চেনা

'সাহিত্যিক' মেয়ের সঙ্গে মধুরভাবে আলাপ করতে হয়—না, অসম্ভব।

'যাও, মহেশ; দাঁড়িয়ে আছো কেন?'
মহেশ ইতস্ততঃ করতে লাগলো।
'বলে' দাও, 'কাল সকাল ন'টায় রিং-আপ করতে।'
'তা-ও বলেছিলাম। আজকে রাত্তিরেই নাকি অনেকদিনের জন্ত কলকাতা ছেড়ে যাবে—পনেরো মিনিটের মধ্যেই গাড়ি ছাড়বে। সময় নেই।'

মহেশ এক নিঃশ্বাসে কথাগুলো বলে' ফেললো।
জীবনে বহুবার শিবপ্রসাদকে বহু ভক্ত খামকা টেলিফোনে বিরক্ত করেছে। আর-একবার না-হয় হ'ল। এই তো তার জীবন; সে অত-সকলের, সে তার নিজের নয়। লাইব্রেরী-ঘরে গিয়ে সে টেলিফোন তুলে' নিলে।—
'হ্যালো।'

'চিন্তে পারছো?'
সে (একটু ভেবে)। না।
স্বর। অথচ তুমিই তো বলেছিলে, মাল্লেশ্বর সবি বদলায়, শুধু বদলায় না তার গলার স্বর।
সে (চুপ)।

স্বর। এখনো চিন্তে পারছো না?
সে। বলো। একটু—এ-ঘর থেকে যাও, মহেশ।
স্বর। বেশিক্ষণ রাখবো না। জানি, তুমি খুব ক্লাস্ত।
—তবু ভাগিন্দ তুমি টেলিফোন ধরলে। অনেক ধন্যবাদ।
সে। ও-সব বোলো না।
স্বর। আজকে তোমার সম্বন্ধনা কেমন লাগলো?
সে। ও-কথা থাক।
স্বর। ভেবেছিলাম, যাবো। হ'য়ে উঠলো না।

গেলে তোমাকে দেখতে পেতাম। তুমি কি বদলেছো—
চেহারায়?
সে। কী করে' বলি। পনেরো বছর আগে যা'রা আমাকে দেখেছে, তা'দের কারো সঙ্গে আর-দেখা হয় না।
স্বর। অনেক বই লিখেছো—না?
সে। অনেক।
স্বর। সবগুলো আমার পড়াও হয় নি। সময়ই
পাই নে।

সে। কী করে' কাটাও সময়?

বিবিধ-প্রসঙ্গ

স্বপ্ন-রহস্য

শ্রীবীরেন্দ্রনাথ ঘোষ

স্থির আদি হইতে মানুষ ও অল্প অল্প জীবজন্তু স্বপ্ন দেখিয়া আসিতেছে। সেই অনাদি অনন্ত কাল ধরিয়া স্বপ্ন মানবের কাছে চির রহস্যময় হইয়া রহিয়াছে। স্বপ্ন কি রকম করিয়া হয়, এবং কেনই বা হয়? এই 'কেন'র উত্তর পাইবার জন্ত মানুষের চেষ্টার অন্ত নাহি, এবং এখনও সে চেষ্টার বিস্রাম নাই। কিন্তু আজিও এ রহস্যের সমাধান হইল না—রহস্য চিরদিনই রহস্যই রহিয়া গেল।

স্বপ্ন-রহস্য ভেদ করিবার জন্ত সভ্য সভ্য সকল দেশের সকল জাতির লোকদের কৌতুহল অসামান্য। ঐহার যেরূপ মনে হইয়াছে, তিনিই সেইরূপ স্বপ্ন-রহস্যের এক একটা সমাধানের চেষ্টা করিয়াছেন। কেহ স্থির করিয়াছেন, স্বপ্ন অমূলক চিন্তামাত্র। মনস্তত্ত্ববিদ পণ্ডিতগণও বলেন, স্বপ্ন চিন্তার ফল মাত্র। কিন্তু তাঁহারা স্বপ্নঘটিত চিন্তাকে অমূলক বলেন না। তাঁহারা স্থির করিয়াছেন, স্বপ্ন-চিন্তার একটা না একটা মূল আছে। শারীরতত্ত্ববিদরা স্বপ্নকে কতকগুলি (প্রধানতঃ বিকৃত) শারীর-ক্রিয়ার ফল বলিয়া নির্দেশ করিয়াছেন। আমাদের শাস্ত্রকাররা স্বপ্ন সম্বন্ধে যাহা সিদ্ধান্ত করিয়াছেন, তাহা আমাদের স্বপ্নফলগুলির আলোচনা করিলেই বেশ স্পষ্ট বুঝা যায়। স্বপ্নফল-সংক্রান্ত সংস্কৃত গ্রন্থে কয়েকজন পৌরাণিক ব্যক্তির স্বপ্ন-দর্শন-বৃত্তান্ত উল্লিখিত হইয়াছে। এই সকল ব্যক্তির মধ্যে কেহ স্বপ্ন কেহ-বা দুঃস্বপ্ন দেখিয়াছেন; কিন্তু সকলেই শাস্ত্রানুযায়ী স্বপ্ন দর্শন করিয়াছেন—কেহই অশাস্ত্রীয়ভাবে স্বপ্ন দেখেন নাই।

সম্প্রতি অধ্যাপক ফ্রয়ড নামক একজন মনস্তত্ত্ববিদ পণ্ডিত নূতন ধরণে স্বপ্নের ব্যাখ্যা করিয়াছেন। তাঁহার স্বপ্ন-বিশ্লেষণ পদ্ধতি চিন্তামূলক, এবং অতি অভিনব ও হৃদয়। এইরূপ বিশ্লেষণের ফলে অনেক স্বপ্নের হৃদয় ব্যাখ্যা করা বাইতেছে। প্রসিদ্ধ মনস্তত্ত্ববিদ পণ্ডিত ডাক্তার শ্রীযুক্ত গিরীন্দ্র-শেখর বসু ডি-এসসি, এম-বি মহাশয় অধ্যাপক ফ্রয়ডের স্বপ্ন-বিশ্লেষণ প্রণালীর অনুসরণ করিয়া বাঙ্গলা সাহিত্যে স্বপ্ন-বিশ্লেষণ প্রণালীর প্রবর্তন করিয়াছেন। তাহা অতি চমৎকার। ঐহারা এই প্রণালী অবগত হইতে এবং নিজে নিজে তাঁহাদের নিজেদের এবং তাঁহাদের বন্ধু-বান্দবদের স্বপ্ন বিশ্লেষণ পূর্বক তত্ত্ব নির্ধারণ করিতে চাহেন, তাঁহারা গিরীন্দ্রবাবুর "স্বপ্ন" পুস্তকখানি পাঠ করিলে সমুদ উপকৃত হইবেন।

আমার মনে হয়, স্বপ্নকে কয়েকটি শ্রেণিতে বিভক্ত করা চলে। তন্মধ্যে তিনটি প্রধান যথা,—(১) চিন্তাতাত্ত্বিক, (২) বস্তুতাত্ত্বিক এবং (৩) (চিন্তা ও বস্তু) সিদ্ধান্তাত্ত্বিক। এতদ্ব্যতীত, প্রয়োজন হইলে আরও দুই একটি শ্রেণী-বিভাগ করা যায়। কারণ, আমায় ধারণা, স্বপ্নমাত্রই কেবল

অমূলক বা সমূলক চিন্তার ফল নহে। অনেক স্বপ্নের মূলে বাস্তব ঘটনা, বস্তু বা ব্যক্তির অস্তিত্ব রহিয়াছে। দুই একটি দৃষ্টান্ত দিতেছি।

১৩২৮ সালের চৈত্র মাসের শেষে ও ১৩২৯ সালের বৈশাখ মাসের প্রারম্ভে গুডফ্রাইডের ছুটি উপলক্ষে মেদিনীপুরে বঙ্গীয় সাহিত্য সম্মিলনের বার্ষিক অধিবেশন হয়। "নায়ক"র প্রতিনিধি রূপে আমি এই সম্মিলনে গিয়াছিলাম।

মেদিনীপুরে আমার একজন আত্মীয়—দূর সম্পর্কের ভায়রা-ভাই বাবু করেন। মেদিনীপুরে যখন যাওয়া গেল, তখন আত্মীয়ের সঙ্গে একবার সাক্ষাৎ করিবার বিশেষ ইচ্ছা হইল। আমি সম্মিলনের কর্তৃপক্ষের নিকট আবেদন করায় তাঁহারা অনুগ্রহ করিয়া দুইজন স্বেচ্ছাসেবকের সহিত আমাকে আমার আত্মীয়ের নিকট পৌছাইয়া দিলেন।

এইখানে বলিয়া রাখা উচিত যে, আমার এই আত্মীয়ের সহিত আমার বিবাহের রাতে কয়েক ঘণ্টার জন্ত মাত্র আলাপ হইয়াছিল। তাহার পর তাঁহার সহিত কালে-ভদ্রে এক আধ দিন সাক্ষাৎ হইয়া থাকিলেও তার কলিকাতাতেই হইয়াছিল। কারণ, ভায়রা-ভাই মহাশয় স্বয়ং কলিকাতায় খুব কমই আসিতেন, এবং সাহিত্য-সম্মিলনের পূর্বে আমিও কখনও মেদিনীপুরে যাই নাই। তবে তাঁহার স্ত্রী এবং পুত্র কছারা প্রায় কলিকাতায় আসিতেন এবং আসিয়া থাকেন—দেখা সাক্ষাৎও প্রায়ই হয়।

আত্মীয়-গৃহে গমন করিয়া দুই চারিটি কথাবার্তার পর তিনি তাঁহার স্ত্রীর (আমায় স্থালিকা) সহিত সাক্ষাৎ করাইবার জন্ত আমাকে বাড়ীর ভিতর লইয়া গেলেন। অন্তঃপুরে প্রবেশ করিবমাত্র আমি আশ্চর্য্যবিত্ত হইলাম। আমার মনে হইল, আমি এ বাড়ীতে পূর্বে যেন একবার আসিয়াছিলাম! বাড়ীর প্রত্যেক অংশই আমার পরিচিত বলিয়া মনে হইল। আমি পূর্বে কখনও মেদিনীপুরে যাই নাই, অথচ, এ বাড়ী আমার এত চেনা কেমন করিয়া হইল তাহা আমি আদৌ বুঝিতে পারিলাম না। বাড়ীর বাহিরের অংশ দেখিয়া কিন্তু তাহা পরিচিত বলিয়া বোধ হয় নাই। চিন্তা করিতে করিতে মনে পড়িল, বাল্যকালে—বিবাহের বহু দিন পূর্বে স্বপ্নে আমি সেই বাড়ীতে গিয়াছিলাম। এমনও মনে হইল যে, ঐ বাড়ীতে আমি একটি গৃহ-বিগ্রহও দেখিয়াছিলাম। তখন আমি স্থালিকা মহোদয়াকে আমার স্বপ্নে সেই বাড়ীতে বহুকাল পূর্বে যাওয়ার কথা এবং ঠাকুর দেখার কথা বলিলাম। স্ত্রীমনি তাঁহারও বিশ্বাসের সীমা রহিল না।

এখানে আমার বক্তব্য এই যে আমার স্বপ্নদৃষ্ট বাড়ীটি চিন্তামাত্র নহে।

—তাহার একটা বাস্তব অস্তিত্ব রহিয়াছে। বাল্য-স্বপ্নের সকল কথা আমি স্মরণ করিতে না পারিলেও, বাড়ীখানি যে স্বপ্ন-দৃষ্ট এবং পূর্বে পরিচিত তাহাতে লেশমাত্র সন্দেহ নাই, অথচ, আমি যে তৎপূর্বে আর কখনও—সে বাড়ীতে যাওয়া দূরের কথা—মেদিনীপুরেই যাই নাই, তাহাও সত্য। এই জন্ত আমার মনে হয়, স্বপ্ন যদি চিন্তামাত্র হয়, তাহা হইলে একপ ঘটনা কিরূপে সম্ভব হয়? এবং এই জন্তই আমি স্বপ্নের শ্রেণী-বিভাগ করিয়া একটি বিভাগকে বস্তুতাত্ত্বিক বলিতে চাই।

আর একটি দৃষ্টান্ত দিতেছি। ইহা আমার কথা নহে—স্বর্গীয় সাহিত্যোচাচর্য্য অক্ষয়চন্দ্র সরকার মহাশয়ের কথা। শ্রীযুক্ত হরিশোহন মুখোপাধ্যায় মহাশয় সম্পাদিত "বঙ্গভাষার লেখক" গ্রন্থান্তর্গত "পিতা-পুত্র" নামক প্রবন্ধ হইতে অক্ষয়বাবুর নিজের কথাগুলিই আমি এখানে উদ্ধৃত করিয়া দিলাম—

"১৮৭০ সালের ২৯শে মার্চ, পিতা পাকা সবজ্জ হন। পাকা পদ গাইয় প্রথমে চটগ্রামে গমন করেন। সেই সময়ে একটি অপূর্ণ ঘটনা হয়। বঙ্গ-সাহিত্যের সঙ্গে কোন সন্দেহ না থাকিলেও সেটির উল্লেখ করা আমি কর্তব্য মনে করি। সাহিত্য কেবল মাত্র আধ্যাত্মিক ভাব লইয়া, অর্থাৎ রস লইয়া, নাড়া চাড়া করে। সাহিত্যের এলেকা ছাড়া আরও অনেক গুরুতর আধ্যাত্মিক বিষয় আছে। সেইরূপ একটি আধ্যাত্মিক ঘটনার কথা বলিতেছি। ১২৯৩ সালের শ্রাবণের "নবজীবনে" যাহা লিখিয়াছিলাম, তাহাই উদ্ধৃত করিতেছি :—

"ভবিষ্যতের ছোটখাট ঘটনা আমি কতবার স্বপ্নে দেখিয়াছি, তাহা বলিতেই পারি না। সাক্ষোপাঙ্গ একটি গুরুতর ঘটনা আমি একবার স্বপ্নে দেখিয়াছিলাম। আমি একত্রিৎ বহরমপুরে থাকিতে হঠাৎ (এইখানে আচার্য মহাশয় পাদটীকায় লিখিয়াছেন—হঠাৎ বলিবার ভাব এই যে, যে বিষয় স্বপ্ন দেখি, সে বিষয়ে জাগ্রত অবস্থায়, কোনই তোলা-পাড়া করি নাই।) স্বপ্নে দেখি যে, পূজ্যপাদ পিতৃদেব যেন চটগ্রামে কর্তৃক করিতে বাইতেছেন, আর আমি তাঁহাকে কলিকাতায় রাত্রিকালে পায়ের উঠাইয়া দিতে গিয়াছি। আলোয় জাহাজ বন্ধ করিতেছে, খানাগীরা কন্ কন্ করিতেছে, নীচে গঙ্গা কুল কুল করিতেছে, আর উপরে বায়ু স্বরসর করিয়া বহিতেছে। স্বপ্নের কথা দুই এক জনকে বলিয়াছিলাম। ইহার কয়মাস পর, ঠিক সেইরূপ ঘটনা হইল। তেমনই খালো, তেমনই গঙ্গা; আমার বোধ হইল, সেই রেসুন নামা জাহাজই আমি স্বপ্নে দেখিয়াছিলাম। স্বপ্ন মিথ্যা আমি কখনই বলিতে পারি না।"

ইহা কেমন করিয়া সম্ভবপর হয়? আচার্য মহাশয় স্বয়ং বলিতেছেন, তিনি এ বিষয়ে (পিতার বদলী হওয়ার বিষয়ে) জাগ্রত অবস্থায় কোন মনেপাড়া অর্থাৎ চিন্তা বা আলোচনা করেন নাই। স্মরণ হইয়া ইহা চিন্তাতাত্ত্বিক স্বপ্ন নহে, বলিতে হইবে। আমার বোধ হয় এই ধরণের স্বপ্ন ব্যাখ্যা করা ফ্রয়ডের বিশ্লেষণ-পদ্ধতির দ্বারা সম্ভবপর নহে। রহস্য আমি এই শ্রেণীর স্বপ্নকে বস্তুতাত্ত্বিক বলিতে চাইতেছি।

কারণ, এই স্বপ্ন একটি ভাবী বাস্তব ঘটনার পূর্বাভাস—ইহার মূলে বস্তু, ব্যক্তি, ঘটনা—তিনটি ব্যাপারই রহিয়াছে, কিন্তু চিন্তামাত্র নাই।

আর এই স্বপ্ন বৃত্তান্তের অন্তর্গত 'আধ্যাত্মিক' কথাটির প্রতি আমি পাঠক-সাধারণের দৃষ্টি বিশেষ ভাবে আকর্ষণ করিতেছি। কারণ, পরে এই কথাটির আলোচনার প্রয়োজন হইতে পারে।

আরও একটি দৃষ্টান্ত দেখা যাউক। পরমহংস শ্রীশ্রীরামকৃষ্ণ দেবের অল্পতম শিষ্যোত্তম বাবুরাম (স্বামী প্রেমানন্দ মহারাজ) যখন প্রথম দক্ষিণেশ্বরে পরমহংস দেবকে দর্শন করিতে গমন করেন, তখন শ্রীশ্রীরামকৃষ্ণ বালক বাবুরামকে তাঁহার সাধন-ক্ষেত্র পঞ্চবটী দর্শন করিয়া আসিতে আদেশ করেন। পঞ্চবটীর চারিদিক ঘুরিয়া বাবুরামের বোল্যকালের অনেক স্মৃতি জাগিয়া উঠিল। পঞ্চবটীতে পদার্পণ করিয়াই স্থানটি ঠিক ঠিক তাঁহার বাল্যকালীন স্বপ্নের চিত্রানুযায়ী দেখিয়া মনে মনে চমৎকৃত ও পরিতুষ্ট হইলেন।—(উদ্বোধন)

আমার মনে হয়, ঐহারা বাস্তব-জগতে পূর্ব-স্বপ্ন-দৃষ্ট বস্তু, ব্যক্তি, বিষয় বা ঘটনার পুনরায় সাক্ষাৎ পান, তাঁহারা যদি সেই সকল স্বপ্ন ও ঘটনার বিবরণ প্রকাশ করেন, তাহা হইলে স্বপ্ন-লোকের বস্তু-তাত্ত্বিক দিকটাকে আলোক-সম্পাত হইতে পারে। এবং এ বিষয়ে প্রচুর গবেষণার প্রয়োজনও রহিয়াছে।

প্রাচীনপন্থী মত

প্রাচীনপন্থী দার্শনিক ও বৈজ্ঞানিকগণ যে ভাবে স্বপ্নের ব্যাখ্যা করিতে চাহেন, তদনুসারে সমগ্র মনোবিজ্ঞান শাস্ত্রের (Metaphysics) আলোচনা আসিয়া পড়ে। Metaphysics বলিতে তত্ত্ববিজ্ঞা, মনো-বিজ্ঞান এবং দর্শনশাস্ত্র—এই ত্রিবিধ বস্তুই বুঝাইতে পারে। স্মরণ স্বপ্ন-রহস্যও এই তিন দিক দিয়াই আলোচিত হইতে পারে, এবং প্রাচীন-পন্থীদের দ্বারা আলোচিত হইয়াছেও। আমি এখানে মোটামুটি তাহার সামান্য আভাস মাত্র দিবার চেষ্টা করিব।

প্রথমে এই শাস্ত্রটির ভিত্তি ছিল অনুমান মাত্র। পরবর্তী দার্শনিক পণ্ডিতগণ এই শাস্ত্রটিকে প্রত্যক্ষানুভূতি এবং বস্তুতাত্ত্বিক ঘটনাবলীর পর্যবেক্ষণ-রূপ ভিত্তির উপর স্থাপন করিয়া তাহার সংস্কার সাধন করেন। তাঁহারা প্রথমে ধরিয়া লয়েন যে, সমগ্র বিশ্ব-জগতের কার্যাবলী একটা স্থনিয়ন্ত্রিত ও সূত্রণালীবদ্ধ নিয়মাবলীর দ্বারা পরিচালিত হইতেছে—কোথাও এই নিয়মের এতটুকু ব্যতিক্রম ঘটিবার সম্ভাবনা নাই। মানুষের মন যে ভাবে কার্য করে তাহাও এই নিয়মের অধীন। পদার্থ-বিজ্ঞান শাস্ত্রে যে-ভাবে ঘটনাবলীর পর্যবেক্ষণ পূর্বক পদার্থ-বিজ্ঞান-ঘটিত প্রাকৃতিক নিয়মাবলী আবিষ্কৃত হইয়াছে, মনোবিজ্ঞান শাস্ত্রেও ঠিক সেই পদ্ধতির অনুসরণ করিয়া মানসিক ক্রিয়া সমূহের একটা সাধারণ নিয়ম নির্ণয় করা হইয়াছে। তবে অবশ্য এ বিষয়ে মনো-বৈজ্ঞানিকগণকে বিলক্ষণ বেগ পাইতে হইয়াছে। কারণ, পদার্থ সংক্রান্ত ঘটনাবলীর পর্যবেক্ষণ করা যতটা সহজ, মানসিক ক্রিয়ার গতি-প্রকৃতি পর্যবেক্ষণ করা তত সহজ নহে। কারণ, মন বলিয়া জিনিসটি বস্তুতাত্ত্বিক নহে,


স্বর। সে কথা থাক।—এখনো কবিতা লেখো?
সে। (একটু পরে) না। এখন শুধু গল্প।
স্বর। কবিতা একেবারেই লেখো না?
সে। যা লিখেছিলাম, লিখেছিলাম। তার পর—
স্বর। খামলে কেন? বলো।
সে। তোমার কথা বলো।
স্বর। আমার কথা? এ-পর্যন্ত ছ'টি হয়েছে।
সে (চুপ)।
স্বর। হামলে না?
সে। তার পর?
স্বর। বেঁচে তো আছি।
সে। কল্কাতায় কবে থেকে আছো?
স্বর। বছর খানেক।
সে। বছর খানেক!
স্বর। অনেক দিন—না? দৈবাৎ যে তোমার সঙ্গে দেখা
হয়ে যাবে, তার কোনোই সম্ভাবনা ছিলো না। এক বছরে
আমি বাড়ী থেকে বেরিয়েছি তিন বার। তা-ও বেশি দূর নয়।
সে (চুপ)।
স্বর। তা ছাড়া, আমাকে দেখলেও তুমি চিন্তে
পারতে না।
সে। তোমার চেহারা ঠিক মনে করতে পারছি না।
[একটু চুপচাপ]
সে। কল্কাতায় কোথায় ছিলে?
স্বর। কালীঘাটে।
সে। স—সপরিবারে?
স্বর। তা-ই।—ও-সব তুমি শুনতে চাও কেন?
সে। না—না, শুনতে চাই নে।
স্বর। খানিকটা শোনো। এক বছর কল্কাতায়
কাটিয়ে গেলাম—আগাগোড়া জান্তাম, তুমিও এখানেই
আছো।
সে। এখন কোথায় যাচ্ছে?
স্বর। তা আর না-ই শুনলে।
সে। কোথেকে কথা বলছো?
স্বর। হাওড়া স্টেশন। আমাদের গাড়ি ছাড়বার
আর দেরি নেই।
সে। কোথায় যাচ্ছে বলবে না?
স্বর। (চুপ)।
সে। এখন গাড়ি নিয়ে বেরুলে তোমাদের ফেঁদে
ছাড়বার আগে—ও কী?
স্বর (চুপ)।
সে। একটা কথা জিজ্ঞেস করতে পারি?
স্বর। বলো।
সে। আজ এই সময়ে হঠাৎ—
স্বর। কেন, বলছি। তোমার সম্বন্ধনার খবর আমি
কানেও পৌঁচেছিলো। মনে করলাম, আজ সময় থাকতে
আমিও তোমাকে আমার অভি—কী হ'ল?
সে। বলে' যাও, বলে' যাও।
স্বর।—আমার অভিনন্দন জানিয়ে যাই। সেখান
লোকের সঙ্গে আমিও তোমাকে—
সে (অত্যন্ত মৃদুস্বরে) না—না—না।
স্বর। কেনই বা নয়? আর হয়-তো স্বযোগ হ'ল
না।—তা হ'লে রেখে দিই?
সে। একটু—আর একটু।
স্বর। আচ্ছা, একটা কথা বলো। তোমার কি ভয়
ভয় করেছিলো?
সে। তখন?
স্বর। তখন।
সে। না—তা'কে ভয় বলে না।
স্বর। তা-ই। ভয় তুমি পাও নি; সেইজন্য আজ
তুমি জয়ী হ'লে। আর-একটা কথা।
সে। বলো।
স্বর। এখন তো আর তোমার মনে কোনো স্ফোভ নেই?
সে। কী করে' বলি!
স্বর। বলো, সবি সার্থক হয়েছে?
একসঙ্গে। Hurry up, please।
সে। One minute.
সে। বললে না?
স্বর। বললে না?
সে। তোমার গাড়ির ঘণ্টা শুনতে পাচ্ছি। তুমি
আর ফিরবে না?
স্বর। কোথায়?
সে। ফিরবে না?

স্বর। আজকে যে-রকম ফিরলাম?
সে। কেন নয়?
স্বর। তা হ'লে এখন—
সে। এই—আর-একটা কথা। শোনো—শোনো।...
হালো!...হালো! 'খাবার দিয়েছে।'
‘চলো, যাই।’ শিবপ্রসাদ টেলিফোন রেখে
দিলে।
আভা বললে, ‘খেয়ে-দেয়ে আজ আর কাগজ-পত্র নিয়ে
বসতে পারবে না।’ অমনি ঘুম। চোখ দুটো একেবারে
লাল হ'য়ে উঠেছে, দেখছি।’

বেতুইন

শ্রী পীযুষকান্তি বন্দ্যোপাধ্যায়

হাতে পারে গায়ে ধূলা মেখে আজ ক্রন্দন ভুলে যাই,
হাসি দিয়ে আমি সসাগরা ধরা জিনিয়া লইতে চাই।
ধরায় ধূলার ছেলে—
স্বর্গের শচী চাহিবে না কভু ছোট ছুটি বাহ মেলে।
বেশী কিছু শোভ নহে—
বজ্রের স্তর বীণার মতন বুকে যেন মোর সহে।
রাত্রি-শেষের শরতের চাঁদ উপভোগ যেন ক'রি,
জ্যৈষ্ঠের রোদে রোদন ভুলিয়া আমি যেন পথে ম'রি।
মত সাগর পাড়ি দিয়ে এল বেতুইন বেপরোয়া,
ধরাখানা মোর সরাইখানা যে,—বিশ্বপতির দেওয়া।
ফলে ফলে ভরা ধরা—
ইহায়ে যদি না উপভোগ ক'রি, বুথা এসে ঘুরে মরা।
মন মোর এই চায়—
পথের কুকুরো মোর সাথে মিশে আনন্দ যেন পায়।
কাহারো চাইতে বড় নহি আমি, কারু চেয়ে নই নীচু,
ভাগ্য সে মোর হাতের খেলনা—ছোটোমোর পিছু পিছু।
দিনের আলোতে চন্দ্রে-ভুলি, ভুলি রাতের তারা,
চাঁদের আলোতে ভুলি আবেশেতে স্মৃৎ দুঃখ দিল কারা।
ঝঞ্ঝায় ঝাঁকে চ'লি—
সসীমের মাঝে অসীমে নেহারি ধরণী ছুপায়ে দ'লি।
কত কি যে মনে আসে—
মধুকর আমি মধুকরী ক'রে বেড়াই সবার পাশে।
জীবন দোলায় দোল খেয়ে খেয়ে ছলে ছলে উঠে প্রাণ,
বেদের বেপথু প্রাণে লাগে ভাই—বপু নহে বেপমান।
আমার লাগিয়া কাঁদিতেছে হেরি সীমাহীন ওই পথ—
কোটি জনমেও পারি যদি ও'র মিটাইব মনোরথ।
হেসে নেচে গান গেয়ে—
একদিন আমি নিশ্চয় যাব ও'রি বুক বেয়ে ধেয়ে।
ভাবনা কিছই নাই—
যাহা চাই তাহা অনায়াসে আমি মুঠির ভিতরে পাই।
জ্ঞানী অজ্ঞানী বুঝি না কিছই,—শত মণি জলে বুক,
বন্ধুর পথে বন্ধুর মত মেনে নিই ভুল চু'কে।



এবং তৎসংক্রান্ত ঘটনাবলীর সংখ্যাও সুপ্রচুর নহে। এ বিষয়ে বৈজ্ঞানিককে প্রধানতঃ তাঁহার নিজের মনের উপর নির্ভর করিতে হইয়াছে—নিজের মনের গতিবিধির অনুসরণ করিয়া চলিতে হইয়াছে। অপরের মনের খবর তিনি খুব কমই পাইয়াছেন। বাহ্য ফলাফলের বিচার করিয়া লোকের মনের গতি অনেকটা অনুমানে বুঝিয়া লইতে হইয়াছে। এই জন্ত পদার্থ-বিজ্ঞান অপেক্ষা মনোবিজ্ঞান শাস্ত্রে নানা মূর্খের নানা মতের প্রাধান্য অপেক্ষাকৃত অধিক। তথাপি, ইহারই মধ্যে, যতটা সম্ভব, একটা সাধারণ নিয়ম খাড়া করিবার চেষ্টা করা হইয়াছে। তাহার ফলে মনোবিজ্ঞান শাস্ত্র গড়িয়া উঠিয়াছে। এ বিষয়ে চিকিৎসক সম্প্রদায়ের কার্যই সমধিক উল্লেখযোগ্য। মানুষের মনের গতিবিধির সম্বন্ধে রাথিবার সূত্রই তাঁহার যতটা প্রাপ্ত হইয়া থাকেন, এতটা অপর কেহ নহে। মনের সূত্র ও অসূত্র উভয় অবস্থাই পর্যবেক্ষণ করিবার সূত্রই তাঁহারই অধিক পরিমাণে প্রাপ্ত হইয়া থাকেন।

এই রূপে মানসিক ক্রিয়ার ফলাফল পর্যবেক্ষণ করিতে গিয়া প্রথমেই যে নিয়মটি আবিষ্কৃত হইল, সেটি—কার্য কারণের সম্বন্ধ। মানসিক ক্রিয়ার সম্বন্ধে যে প্রত্যক্ষানুভূতি জন্মিল, তাহাতে দেখা গেল যে, প্রথমে একটা কারণ উপস্থিত হইয়াছিল; তাহার পর কার্যটি ঘটিল। ঠিক অনুরূপ অবস্থায় অল্প কয়েকটা কারণ উপস্থিত হইতে দেখিলে বুঝিতে হইবে, কার্যটিও ঠিক ঘটবে; এবং যদি কার্যটিকে প্রত্যক্ষ করা যায়, তবে বুঝিতে হইবে—কারণটি পূর্বে উপস্থিত হইয়াছিল, তবে কার্যটি ঘটিয়াছে। এটি একটা সাধারণ নিয়ম। অবস্থার সমতা থাকিলে সর্বত্রই কারণের পর কার্য, কিম্বা কার্যের পূর্বে কারণ ঘটবেই ঘটবে। একটা শিশুর দৈব্যাৎ যদি কোন অঙ্গ পুড়িয়া যায় তবে সে আগুনের ভয় করিতে শিখিবে। যখনই সে আগুনের সংস্পর্শে আসিবে, তখনই তাহার মনে অগ্নিবীর্যের উদয় হইবে—কখনই ইহার ব্যতিক্রম ঘটবে না। অবশ্য স্থলবিশেষে এইরূপ অভিজ্ঞতা মাত্রা অতিক্রম করিতে পারে; কিন্তু সে সকল জটিল তত্ত্বের আলোচনা এ ক্ষেত্রে অপ্রাসঙ্গিক।

মনের কার্য চারিটি—চিন্তা করা, ইচ্ছা করা, স্মরণ করা ও বিচার করা। মনের এই চারিটি ক্রিয়ার আমরা পরিচয় পাই—উহাদের ফলাফলের দ্বারা। অতএব বস্তুতাত্ত্বিক কার্যের দ্বারা মনের পরিচয় লইতে হয়। অল্প কোন উপায়ে লইতে গেলে তাহা প্রথমতঃ হইবে—অবৈজ্ঞানিক; দ্বিতীয়তঃ, তাহাতে লাভি ঘটবার বিলক্ষণ সম্ভাবনা। প্রাচীনপন্থীদের মতে ইহাই মোটামুটি মনোবিজ্ঞানের মূল সূত্র।

কিন্তু সেকালের দার্শনিকরা ছিলেন অল্পতঃ শ্রেণীর জীব, এবং তাঁহাদের মতও ছিল অতি বিচিত্র। নানা মূর্খের নানা মত কথাটি চিরন্তন সত্য। সেইরূপ, নানা শ্রেণীর দার্শনিক মন এবং মনস্তত্ত্ব সম্বন্ধে নানা রকম মতের প্রচার করিতেন। Egoists (এগোয়িস্টস) নামক এক শ্রেণীর দার্শনিক নিজের নিজের মন ব্যতীত অপরের মনের অস্তিত্বই স্বীকার করিতেন না। কারণ, নিজের দেহের ভিতর নিজের মনকে তাঁহার বুঝিতেন, সে জন্ত কোন প্রশংসার দরকার হইত না। কিন্তু অপরের দেহেও যে একটা করিয়া মন থাকিতে পারে এবং থাকে, তাহার প্রশংসা কৈ (!!!) ?

সুখের বিষয়, এইরূপ এগোয়িস্টদের সংখ্যা সেই সেকালেও অধিক ছিল না। সেকালেও এমন অনেক দার্শনিক পণ্ডিত ছিলেন, যাহারা কেবল নিজেদের নহে, অপরের মনের অস্তিত্বই বিশ্বাস করিতেন; এমন কি, পশুদের দেহেও মনের অস্তিত্ব একেবারে স্বীকার করিতেন না।

এইখানে বলিয়া রাখা আবশ্যিক যে, ঈশ্বর-তত্ত্বানুসন্ধানই এই শ্রেণীর দার্শনিক-পণ্ডিতদিগের চরম উদ্দেশ্য। এবং এই দিকে লক্ষ্য রাখিয়াই তাঁহার সকল দিক দিয়া মানব-মনকে বিশ্লেষণ করিয়া দেখিবার চেষ্টা করিয়াছেন।

প্রথমে তাঁহার জড়-বস্তুর সহিত মানুষের মনের সম্বন্ধ নির্ণয় করিয়াছেন। তাহার পর তাঁহার মনের কার্যপদ্ধতির এইরূপ বিশ্লেষণমূলক শ্রেণী-বিভাগ করিয়াছেন; যথা,—

- ১। অনুভূতি ও ধারণা (Sensation and Perception)।
- ২। সন্ধিৎ ও অনুধ্যান (Consciousness and Reflection)।
- ৩। প্রমাণ (Testimony)।

অনুভূতি বলিতে এই বুঝায় যে, আমাদের দেহে অনুভূতির যে সকল ইন্দ্রিয় আছে, তাহাদের দ্বারা যে সকল ধারণা জন্মায়, সেই ধারণা মনের ভিতর সঞ্চারিত হইয়া বাহ্য বস্তুর গুণ ও ধর্ম সম্বন্ধে জ্ঞান জন্মে। অনুভূতি ও ধারণা পরস্পরের সহিত সংশ্লিষ্ট—অনুভূতির উৎপত্তি হইলেই সঙ্গে সঙ্গে একটা ধারণাও জন্মিয়া যাইবে। তবে একটা কথা—সংসদ সম্বন্ধে ধারণা যে সব সময়ে প্রকৃত হয়, তাহা নহে—কখনও কখনও ভ্রান্ত ধারণাও জন্মিয়া থাকে। কোন কোন অবস্থায় প্রকৃত ধারণা জন্মে, এবং অপ্রকৃত ধারণাই বা কোন কোন অবস্থায় জন্মিতে পারে, দার্শনিকরা তাহার বিশদ আলোচনা করিয়াছেন। এ ক্ষেত্রে অপ্রাসঙ্গিক বলিয়া যে সকল আলোচনা পরিত্যাগ করা গেল।

মনের ভিতর যখন কোন চিন্তা বর্তমান থাকে, তখন সে স্মরণে অবহিত হওয়ার নাম সন্ধিৎ বা Consciousness। আর এই অবস্থানের ব্যাপারটা বিস্তৃতি লাভ করিলে তর্থাৎ অবধানতার সহিত চিন্তা করিতে থাকিলে, তাহাকে অনুধ্যান বা reflection বলা যায়। সন্ধিৎয়ের অপর এক নাম চৈতন্য। চৈতন্য দুই প্রকার—জাগ্রত চৈতন্য বা Consciousness; আর সূপ্ত চৈতন্য বা Subconsciousness। চৈতন্যের কার্য আমাদের জ্ঞাতনারে সম্পন্ন হয়—তাহাকে আমরা বুঝি। আর সূপ্ত চৈতন্যের কাজ আমাদের অজ্ঞাতনারে সম্পন্ন হয়; তাহা আমরা ভাব রূপে বুঝি না। তাহা অতি বিশুদ্ধ ভাবেই হয়। (অথবা তাহার মধ্যে শুদ্ধতা থাকিলেও, তাহা আমরা বুঝি না বলিয়া বিশুদ্ধ বলিয়াই প্রতীয়মান হয়।) অনুধ্যানের সহিত অতীত চিন্তাধারার সংযোগ থাকে; আমরা বর্তমান চিন্তাধারার সহিত অতীত চিন্তাধারার ও অভিজ্ঞতার তুলনা করি, বিচার-বিতর্ক করি। এই ভাবে আমরা উভয়ের মধ্যে সম্বন্ধ নির্ণয় করি; এবং কোন পদ্ধতিতে মানসিক কার্য সম্পাদিত হয় তাহার একটা সাধারণ শুদ্ধালাবদ্ধ প্রণালী আবিষ্কার চেষ্টা করি।

বহিজগতের সম্বন্ধে আমরা যে জ্ঞান লাভ করি, তাহার সম্বন্ধেই

আমাদের নিজ অভিজ্ঞতা-লাভ জ্ঞান নহে। আমাদের অর্জিত জ্ঞানের অতি সামান্য অংশই আমাদের নিজস্ব অভিজ্ঞতা-লাভ; অধিকাংশ জ্ঞানই অপরের নিকট হইতে প্রাপ্ত। পরের নিকট হইতে আমরা যে জ্ঞান সঞ্চয় করি, তাহা প্রমাণ-সাপেক্ষ। অপরের অভিজ্ঞতার দ্বারা আমাদের জ্ঞান বর্ধন করিতে হইলে, প্রথমে, সেই অপরের সত্যপ্রিয়তা সম্বন্ধে আমাদের মনে বিশ্বাস থাকা আবশ্যিক। তৎপরে, যেরূপ অবস্থায় ও যে সকল সুযোগের ফলে তিনি জ্ঞানলাভ করিয়াছেন, ঐ অবস্থা ও সুযোগের যে জ্ঞানবিধায়িনী শক্তি আছে, তাহা আমাদের জ্ঞাত থাকা আবশ্যিক। তাহার পর, তিনি পূর্বে তাঁহার যে সকল অভিজ্ঞতার কথা আমাদের কাছে জানাইয়াছেন, সেইগুলি যে সত্য তাহা পূর্বেই প্রতিপন্ন হইয়া থাকা আবশ্যিক। এই এত কাণ্ডের পর তবে আমরা তাঁহার কথা মত বলিয়া বিশ্বাস করিতে পারি। অতএব এইগুলি তাঁহার কথার মততার বিশ্বাসযোগ্য প্রমাণ বা testimony। কোন অপূর্ণ-পরিশিষ্ট ব্যক্তির কথায় আমরা সহসা বিশ্বাস করিতে পারি না। সতর্ক ভাবে তাঁহার কথা বিচার করিয়া দেখিতে হয়—অধিকতর বিশ্বাসযোগ্য প্রমাণ বা testimonyর দাবী করিতে হয়। যদি কাহারও পূর্ববর্তী কোন কথা মিথ্যা বদিয়া প্রতিপন্ন হইয়া থাকে, তবে তাঁহার কথায় আমরা সহসা বিশ্বাস করি না; কারণ তাঁহার কথার সত্যতার বিশ্বাস ও নির্ভর-যোগ্য প্রমাণ বা testimony নাই। প্রত্যক্ষ প্রমাণ বর্তমান না থাকিলেও, আমাদের পূর্বলব্ধ অভিজ্ঞতা ও জ্ঞান অনুযায়ী, বস্তুর কথোগুলি সত্য হওয়া সম্ভব এরূপ একটা অনুভূতি বা ধারণা থাকিলেও আমরা অনেক সময়ে লোকের কথায় বিশ্বাস করিতে পারি। তথাপি, এ ক্ষেত্রে আমাদের সতর্ক হইতে হয়, এবং তাহার উক্তির সমর্থনসূচক প্রমাণের প্রতীক্ষা থাকিতে হয়।

মনের কার্য-পদ্ধতি এবং বাহ্যবস্তুর সহিত তাহার সম্বন্ধ বিষয়ে আমরা কিঞ্চিৎ জ্ঞানলাভ করিলাম। এইবার মনের কার্য কি কি তাহার আলোচনা করিয়া দেখিব। মনের কার্য প্রথমতঃ স্মরণ রাখা, স্মরণ করা। প্রথমটি হইতেছে স্মৃতিশক্তি (memory) এবং দ্বিতীয়টি হইতেছে মনে মনে অতীত বিষয়ের আলোচনা (recollection)। এই দ্বিতীয় কার্যটি কিছু ব্যাপক; কারণ, আমরা কেবল মানস-গোচর অতীত ঘটনাবলীরই আলোচনা করি না, ঐ সকল ঘটনার যে চিত্র আমাদের মানস-পটে অঙ্কিত হইয়া আছে, মনে মনে তাহা স্মরণ করিতে পারি, পূর্বদৃষ্ট ব্যক্তিগণের চেহারার ও আচার ব্যবহার, কাজ-কর্ম স্মরণ করি; কোন স্থানে গিয়া থাকিলে তাহার দৃশ্য ও আমাদের মনে থাকে, এবং তাহাও আমরা স্মরণ করিতে পারি। ইহাকে অনেক সময় মনের স্বতন্ত্র শক্তি ও স্বতন্ত্র কার্য বলা হয়; কিন্তু স্মৃতিশক্তির সাহায্য না পাইলে এই কার্যটির স্মরণ হইতে পারে না; সেইজন্ত স্মৃতিশক্তি ও স্মরণ করাকে এক পর্যায়ভুক্ত করা হইত।

মনের দ্বিতীয় কার্য এই—যেরূপ অবস্থায় কোন বস্তু সম্বন্ধে আমরা জ্ঞানলাভ করি, সেই অবস্থা হইতে বিচ্ছিন্ন করিয়া স্বতন্ত্র ভাবে আমরা বস্তুর সম্বন্ধে বিচার-বিতর্ক করিতে পারি। এমন কি, বস্তুর বিভিন্ন

গুণের বিশ্লেষণ করিয়া স্বতন্ত্রভাবে তাহাদের সম্বন্ধে আলোচনা করিতে পারি; বিভিন্ন বস্তুর তুলনা করিয়া কোন কোন গুণ তাহাদের মধ্যে সাধারণ তাহাও নির্ণয় করিতে পারি। এইরূপে আমরা বস্তু ও ঘটনা-সমূহের শ্রেণীর পর শ্রেণী-বিভাগ করিতে পারি। মনের এই কার্যটির নাম তন্ময়তা বা একাগ্রতা (Abstraction)।

তৃতীয়তঃ, মনের কার্য ঘটনাসমূহের দৃশ্য বা শ্রেণীর মূল সূত্র আবিষ্কার করা ও বিশ্লেষণ করা। এবং সেই মূল সূত্রের অনুসরণ করিয়া মনে মনে নব নব—কিন্তু ভিত্তিহীন—ঘটনাবলীর সৃষ্টি করা। ইহার নাম কল্পনা (Imagination)।

চতুর্থতঃ, আমরা ঘটনাবলীর তুলনা করিয়া তাহাদের মধ্যে সম্বন্ধ ও সংশ্রব নির্ণয় করিতে পারি। অর্থাৎ, এইরূপে আমরা বস্তুসমূহের সাধারণ প্রকৃতি অবধারণ করিতে পারি। মনের এই কার্যটির নাম যুক্তি বা বিচার (Reason or Judgment)।

স্মৃতিশক্তি নির্ভর করে প্রধানতঃ দুইটি বিষয়ের উপর—(১) অবধান (Attention), ও সাহচর্য (Association)। অবধানতার সহিত কোন কথা শুনিলে বা কোন কিছু দর্শন করিলে তাহা যে স্মরণ করিয়া রাখা যায় ইহা সকলেই উপলব্ধি করিতে পারেন। আর সাহচর্যের ফলে এই দাঁড়ায় যে, দুই বা ততোধিক ঘটনা একসঙ্গে বা ঠিক পরে পরে ঘটিলে তাহা মনে এমনভাবে মুদ্রিত হইয়া যায় যে, একটা ঘটনার কথা স্মরণ করিতে গেলে অপরটি বা অপরগুলি মনে না আসিয়া পারে না। কিম্বা সাহচর্যের ফলে চিন্তাধারার শ্রেণীবদ্ধ ভাবে মনে ঠিক সেইভাবে উদ্ভিত হয় যেমন ভাবে যে শৃঙ্খলাক্রমে ঘটনাগুলি ঘটয়াছিল। এমন কি, একটা ঘটনার কথা মনে হইতে তাহার সদৃশ অল্প ঘটনার কথাও মনে হয়। ইহাও সাহচর্যের ফল। আমরা ইচ্ছা না করিলেও বা মনোযোগ না দিলেও এরূপ চিন্তাধারার আবির্ভাবে বাধা ঘটে না। যখন লোকে চিন্তামগ্ন হয়, তখন প্রাসঙ্গিক ও অপ্রাসঙ্গিক কত কথাই যে মনে আসে তাহার মাথায়ু কিছুই স্থিরতা থাকে না।

সাহচর্য তিন প্রকার—

- ১। স্বাভাবিক বা দার্শনিক সাহচর্য (Natural or Philosophical Association)।
- ২। স্থানীয় বা প্রাসঙ্গিক সাহচর্য (Local or Incidental Association)।
- ৩। যথেষ্ট বা কাল্পনিক সাহচর্য (Arbitrary or fictitious Association)।

এই তিনটি বিষয়ের আলোচনা করিতে গেলে মনের অনেক অভিনব অবস্থার পরিচয় পাওয়া যাইবে। এই সকল অবস্থা দুই বা ততোধিক ঘটনা, চিন্তা বা বস্তুর উপর নির্ভর করে, যাহাদের পরস্পরের মধ্যে কোনরূপ সম্বন্ধ থাকা অনিবার্য ও নয়, থাকেও না; তাহারা সম্পূর্ণ বিভিন্ন বিষয় হইলেও ক্ষতি নাই, এবং প্রায় তাহাই হইয়া থাকে। কেবল মনের

ভিতর তাহার একসঙ্গে উপস্থিত হইয়া পরস্পরের সঙ্গে সংশ্রব স্থাপন করিয়া গোলমাল বাধায়।

সকলের স্মৃতিশক্তি সমান নহে। বিশেষতঃ প্রাচীন ও শিশুদিগের স্মৃতিশক্তি কিছু দুর্বল। কারণে স্মরণশক্তি বর্ধন করা যায়, মনো-বৈজ্ঞানিকরা তাহার উপায় নির্ধারণ করিয়াছেন। যে উপায়ে প্রাচীন ব্যক্তিগণের স্মরণশক্তি বর্ধিত হইতে পারে,—শিশুগণের স্মরণশক্তি বর্ধনের উপায় তাহা হইতে বিভিন্ন। মনোবৈজ্ঞানিকরা বিস্তৃতভাবে এই দুই বিষয়ের আলোচনা করিয়াছেন। এ ক্ষেত্রে অপ্রাসঙ্গিক বলিয়া তদালোচনায় বিরত রহিলাম।

শিশু ও প্রাচীনগণের স্মরণশক্তি স্বাভাবিক কারণে দুর্বল হইয়া থাকে। তদ্ব্যতীত, আর এক প্রকারে, শিশু, বৃদ্ধ এবং পূর্ণ-বয়স্ক সকল শ্রেণীর লোকের স্মরণশক্তির দৌর্বল্য ঘটিতে পারে। সেটি শারীরিক অক্ষমতা। মস্তকে আঘাত লাগিলে, মস্তিষ্ক গীড়িত হইলে, জরে, কিম্বা শারীরিক অতিরিক্ত দুর্বলতার দরুণ স্মৃতিক্ষীণতা ঘটে। অতিমাত্রায় মাদক বা ইন্দ্রিয়-সেবা স্মরণশক্তিক্ষীণতার অপর এক কারণ। ইহাদেরও বিস্তৃত আলোচনা অপ্রাসঙ্গিক।

অবধানের ঠিক বিপরীত অবস্থা অগমনশক্তি বা অনাবিষ্টতা (abstraction)। আবার Abstraction অর্থে, বস্তু সকলের গুণাবলীর বিশিষ্টভাবে আলোচনাও বুঝাইতে পারে। পূর্বে ইহাকে তন্ময়তা বা একাগ্রতা বলা হইয়াছে। ইহাতে অবশ্য পূর্বের সংজ্ঞার সহিত বর্তমান সংজ্ঞার কোন বিরোধ ঘটিতেছে না। কারণ কেহ যখন নিবিষ্টচিত্তে কোন বিষয় চিন্তা করে বা কোন কার্য করে, তখন স্বভাবতই সে অপর সকল চিন্তা বা কার্যে অনাবিষ্ট হইয়া পড়ে। Abstraction মনের একটা স্বতন্ত্র কার্য কি না, সে বিষয়ে মনোবৈজ্ঞানিকগণের মধ্যে বিস্তর মতভেদ আছে।

মনের আর একটি কার্য—কল্পনা-কুশলতা বা কল্পনা-প্রবণতা (Imagination)। ইহার সাহচর্যে মন অনেক অবাস্তব, কিন্তু পূর্ণাঙ্গ ও আদর্শ বস্তু বা বিষয়ের সৃষ্টি করিতে পারে। কল্পনা-প্রবণতা চিত্রশিল্পী, কথা-সাহিত্যিক ও কথাশিল্পী বা কবির প্রাণ।

মনের শেষ ক্রিয়া—যুক্তি বা বিচার (Reason or Judgment)। মনের যে ক্রিয়ার দ্বারা আমরা বস্তু বা বিষয় সকলের পরস্পরের সহিত তুলনা করিতে পারি এবং বাস্তবসমূহের সম্বন্ধে মনের মধ্যে একটা সুসঙ্গত ধারণা জন্মাইতে পারি—তাহাই যুক্তি বা বিচার। যুক্তির প্রয়োগ এইভাবে করিতে হয়—

আমরা যুক্তি প্রয়োগ করিয়া বিষয়সমূহের পরস্পরের সহিত তুলনা করি ও তদ্বারা তাহাদের পরস্পরের মধ্যে সম্বন্ধ, সংযোগ এবং প্রবণতার অনুসন্ধান করি। তৎপরে যে সকল সম্বন্ধ স্থায়ী ও সমান ভাবের, সেইগুলি হইতে আপেক্ষিক (incidental) সম্বন্ধ গুলি পৃথক করিয়া ফেলি।

বস্তু সকলের পরস্পরের মধ্যে কিরূপ সম্বন্ধ থাকিতে পারে? প্রথমতঃ তাহাদের লক্ষণ বা প্রকৃতিগত সম্বন্ধ। যে সকল লক্ষণ দ্বারা বস্তুর

প্রকৃত স্বরূপ নির্ণয় করা যায়, তাহাই তাহার প্রকৃতি। একাধিক বস্তু মধ্যে এই প্রকৃতিগত সাম্য বা বৈষম্য ঘটতে পারে। এবং ইহারই মনের বিচার্য বিষয়। প্রকৃতি, লক্ষণ ব্যতীত, চিহ্ন, গুণ প্রভৃতি বিচারের বিষয়ীভূত হইতে পারে। দৃষ্টান্ত স্বরূপে, কোন বস্তুর উদ্ভিদ-বিজ্ঞান-ঘটিত গুণনিচয়, কোন খনিজ পদার্থের রাসায়নিক ধর্ম, রোগ বিশেষের লক্ষণ, কোন বস্তুর অনুভূতিযোগ্য বর্ণ, স্বাদ, গন্ধ প্রভৃতি; ব্যক্তিবিশেষের মানসিক সম্পদ, নৈতিক চরিত্র ইত্যাদি।

তাহার পর আকৃতিগত সম্বন্ধ, বস্তু সকলের মধ্যে সাধারণ গুণ বা ধর্ম, উহাদের গঠনমূলক সম্বন্ধ; কারণগত সম্বন্ধ, পরিমাণ ও অনুপাতমূলক সম্বন্ধ প্রভৃতি যুক্তি-সঙ্গত তুলনার দ্বারা নির্ণয় করা মনের কার্য। এইরূপ আরও নানা ক্ষেত্রে যুক্তির প্রয়োগ করা যায়। ধর্মশাস্ত্র-প্রণেতার মনের এই বিচার-শক্তিকে আরও দুই ভাবে প্রয়োগ করেন; যথা, (১) সত্যানুসন্ধান, এবং (২) নিজ আচরণকে নিয়মিত ও নিয়ন্ত্রিত করা। এখানে সত্যানুসন্ধান বলিতে ঈশ্বরতত্ত্ব এবং সংঘম বলিতে ঈশ্বরতত্ত্বানুসন্ধানের স্তুবিধা হইবে এমন ভাবে নিজেকে নিয়ন্ত্রিত করা বুঝিতে হইবে। ঈশ্বর-তত্ত্বানুসন্ধান কালে যে সকল বিষয় লইয়া যুক্তি-তর্কের সহায়তা গ্রহণ করিতে হয় তাহাতে ভ্রমপ্রমাদ ঘটিতে পারে (Fallacies in facts); এবং সিদ্ধান্তগুলিও নির্ভুল না হইতে পারে (Fallacies in Induction)। এমন কি যুক্তি-তর্কের প্রণালীও ভ্রমপূর্ণ হইতে পারে (False Reasoning)। কিরূপে এই সকল ভ্রান্তির নিরাসন করা সত্য-সিদ্ধান্তে উপনীত হইতে পারা যায়, সেইজন্য লজিক বা তর্কশাস্ত্র বা ত্রায়শাস্ত্র নামে একটি স্বতন্ত্র শাস্ত্রই রচিত হইয়াছে।

বাহুবস্তু সম্বন্ধে মনে অনেক সময় ভ্রান্ত ধারণার সৃষ্টি হয়। যুক্তিদ্বারা বিচার করিয়া দেখিলে অনেক সময়ে এই ভ্রান্তি ধরা পড়ে, এবং ভ্রান্ত ধারণা সংশোধিত হয়। মনের এমন শক্তি আছে যে, সুদূর অতীত কালে সংঘটিত কোন ঘটনার বিবরণ কিম্বা দৃশ্যের চিত্র মন স্মরণ করিতে পারে; এবং চিন্তাশক্তির পরিচালনা করিয়া মনে মনে ঐ বিবরণের পুনরাবৃত্তি করিতে পারে, মানস-পটে ঐ দৃশ্যের চিত্র প্রতিফলিত করিতে পারে। মনের এই শক্তির নাম দেওয়া হইয়াছে—ধারণাশক্তি (conception)। আবার মনের এমন ক্ষমতাও আছে যে, এই সকল ঘটনার মিশ্রণ ও অদল-বদলের দ্বারা মনে মনে নূতন ঘটনা বা দৃশ্যের সৃষ্টি করাও যায়; অথচ, এই ঘটনা বা দৃশ্য বাস্তব নহে—সম্পূর্ণরূপে কল্পিত। পূর্বে আরও দেখা গিয়াছে যে, সাহচর্যের দ্বারা বহুকাল পূর্বে বিশ্বস্ত ব্যক্তি, ঘটনা বা দৃশ্য স্মরণ-পথে আসিয়া পুনরুদ্ভূত হয়। সে সময়ে নানা চিন্তাধারা মনকে আচ্ছন্ন করিয়া ফেলে। এই সকল চিন্তা কেন্দন করিয়া যে মনে আসিয়া উদ্ভিত হয় তাহা স্পষ্ট বুঝিতে পারা যায় না। এইরূপে চিন্তা করিতে করিতে এমন অনেক কথা মনে পড়ে, যে সকল বিষয়ে বহু কাল ধরিয়া কোনরূপ মনোযোগ দেওয়া হয় নাই। মনে যখন এইরূপ চিন্তাস্রোত প্রবাহিত হইতে থাকে, তখনকার মনের অবস্থাকে ঠিক সক্রিয় অবস্থা বলা চলে না; বরং তাহাকে নিষ্ক্রিয় অবস্থাই বলিতে হইবে। মনের অলস অবস্থাতেই এইরূপ উদ্ভুত

চিত্তার উদয় হয়। মন যখন কোন বিশেষ বিষয়ে নিবিষ্ট থাকে তখন এইরূপ চিত্তার উদয় খুব কমই হয়।

কোনরূপ পূর্ববর্তী ধারণা অথবা সাহচর্য কিম্বা কল্পনার দ্বারা সৃষ্ট হইয়া এইরূপ চিন্তাধারা যখন মনের ভিতর সঞ্চালন করে তখন মনে হয়, চিত্তার বিষয়ীভূত বস্তু বা ঘটনাগুলি যেন সত্য সত্যই মনস্কক্ষের সমক্ষে ঘটিয়া যাইতেছে অথবা বর্তমান রহিয়াছে। কিন্তু জীবনের বাস্তব নিত্য-স্রোতে মন আকৃষ্ট হইলেই ঐ কাল্পনিক দৃশ্যাবলী তৎক্ষণাৎ অদৃশ্য হয়। এই কার্যটি হয় মনের যুক্তি-শক্তির দ্বারা—বহির্জগতের বাস্তব অবস্থার সহিত কাল্পনিক দৃশ্যাবলীর তুলনার দ্বারা। কবি যখন কাব্য রচনা করেন, ঔপন্যাসিক যখন তাহার উপস্থাসের নায়ক-নায়িকার চরিত্র-সৃষ্টি করিতে নিযুক্ত থাকেন, অভিনেতা যখন একাগ্রচিত্তে কোন নাটকীয় চরিত্রের ভূমিকার অভিনয় করিতে থাকেন, তখন যিনি যে বিষয়ের চিন্তায় নিযুক্ত থাকেন, সম্ভবতঃ সে সময়ে তিনি তাহার সৃষ্ট বস্তু, ব্যক্তি বা বিষয়ের সহিত এমন ভাবে মিশিয়া যান, যেন সেই সকল বিষয়, ব্যক্তি বা বস্তু মুর্ত্তি পরিগ্রহ করিয়া অস্তিত্বে সেই সময়ের জন্ত বাস্তবে পরিণত হইয়াছে। আর সেই অবস্থায় তিনি তাহার রচিত চিত্রের অনুযায়ী বিচার করেন, কথা কহেন বা কার্য করেন। ইহাকেই আমরা বলি—কল্পনা। কিন্তু বাস্তব জীবনে প্রত্যাহার করিবার পরও যদি ঐ কাল্পনিক দৃশ্য অন্তর্হিত না হয়, তিনি যদি তাহার কাল্পনিক মুর্ত্তির অনুযায়ী কাজ করেন, তাহা হইলে তাহাকে উদ্মাদ রোগগ্রস্ত বলিতে হয়।

এখানে মনের ঘেরাপ অবস্থার বর্ণনা করা যাইতেছে, সেসকল অবস্থা বাস্তবিকই ঘটে—কাল্পনিক দৃশ্য বা ধারণা বাস্তব বলিয়াই প্রতীয়মান হয়; বাহু বস্তুর সংস্পর্শে আসিয়াও মন তাহার কাল্পনিক দৃশ্য দূর করিতে সমর্থ হয় না—যুক্তি তখন মনের এই অবস্থার সংশোধন করিতে অপারগ হয়। মনের দুইটি অবস্থায় এই ব্যাপারটি স্পষ্টভাবে ঘটে—(১) উদ্মাদ অবস্থায় ও (২) স্বপ্নে। মানসিক ক্রিয়া হিসাবে উভয়ের মধ্যে ঘনিষ্ঠতা অত্যন্ত অধিক। পার্থক্যের মধ্যে কেবল এইটুকু যে, উদ্মাদ অবস্থায় মনে যে ভ্রান্ত ধারণা জন্মিয়া থাকে তাহা স্থায়ী এবং তাহা রোগীর আচরণের উপর বিলক্ষণ প্রভাব বিস্তার করে। আর স্বপ্ন-দৃষ্ট ব্যাপার কিয়ৎক্ষণের জন্ত সত্য বলিয়া প্রতীয়মান হইলেও চরিত্রের উপর কোন প্রভাব পড়ে না; কারণ, জাগ্রত হইবার পর স্বপ্ন মিলাইয়া যায়—তাহার কোন বাস্তব চিহ্ন থাকে না। পক্ষান্তরে, মন যখন কল্পনাকে আশ্রয় করিয়া থাকে, তখনকার মানসিক অবস্থা এবং উদ্মাদ রোগগ্রস্ত অবস্থা বা স্বপ্নাবস্থার মধ্যেও রীতিমত পার্থক্য ঘটে। কল্পনা-প্রবণ অবস্থায় মনে যে সকল চিত্র উপস্থিত হয়, তাহা আমাদের ইচ্ছাকৃত, চেষ্টাকৃত; ইচ্ছা করিলেই তাহার পরিবর্তন করা যায় কিম্বা একেবারে মন হইতে দূরীভূত করা যায়। কিন্তু যেমত দুই অবস্থায় (উদ্মাদ ও স্বপ্ন) মানসিক চিত্র পরিবর্তিত করিবার বা দূরীভূত করিবার শক্তি নিষ্ক্রিয় থাকে। সে সময়ে যে চিন্তাস্রোত মনের মধ্য দিয়া প্রবাহিত হয়, মন তাহার অধীন হইয়া পড়ে। ইচ্ছা করিলেই তাহাদের পরিবর্তন বা দূরীকরণ সম্ভবপর নহে। এমন কি, এরূপ ইচ্ছা করাও সম্ভব হয় না। এই চিন্তাধারা পূর্ববর্তী সাহচর্য হইতে উদ্ভূত।

সাহচর্যজাত বিবিধ বিষয় নানা ভাবে পরস্পরের সঙ্গে জড়িত থাকিয়া বহু নূতন ও অদৃষ্টপূর্ব, অপ্রত্যাশিত চিত্রের সৃষ্টি করে। চিত্রগুলি এমন ভাবে আসিয়া উপস্থিত হয় যে আমরা তাহার মূল অনুসন্ধান করিয়া পাই না, কিম্বা তাহার কোন সঙ্গত ও সম্ভবপর কারণও নির্দেশ করিতে পারি না।

স্বপ্ন যখন দেখা যায় তখন অনুভূতিমূলক ইন্দ্রিয়গুলি এমন নিষ্ক্রিয় ভাবে থাকে যে, বহির্জগতের কোন ভাবের ছাপ তাহাতে পড়ে না। মনের প্রভাবে আমাদের অঙ্গ-প্রত্যঙ্গের সঞ্চালন-ক্রিয়া সম্পন্ন হয়। স্বপ্নাবস্থায় অঙ্গ-প্রত্যঙ্গের উপর মনের প্রভাব স্বর্গিত থাকে,—কোন কার্য করে না। তবে অবশ্য স্বপ্নবিশেষে ইহার একটু আধটু ব্যতিক্রমও যে ঘটে না তাহাও নহে। কারণ, স্বপ্নাবস্থায় লোককে ক্রন্দন করিতে, ভয়ে চীৎকার করিয়া উঠিতে, কিম্বা হাত-পা ছুঁড়িতেও দেখা যায়। কিন্তু এই সকল কার্য মনের ইচ্ছানুসারে কিম্বা জ্ঞাতসারে সম্পন্ন হয় না।

উদ্মাদ অবস্থায় কিন্তু দৈহিক অনুভূতিগুলি সজাগ থাকে, বহির্জগতের ভাবের ছাপ তাহাদের উপর পড়িতে কোন বাধা ঘটে না। তখন তাহাদের অঙ্গ-প্রত্যঙ্গের সঞ্চালনও মনের প্রভাবেই সম্পন্ন হয়। তবে সে সকলই ভ্রান্তিপূর্ণ। ভ্রান্ত ধারণা বশতঃ উদ্মাদ রোগী তখন এমন কাজ করে কিম্বা এমন ব্যবহার করে, যাহা সে স্বাভাবিক অবস্থায় কখনই করিতে পারিত না—কোন মানুষই স্বাভাবিক অবস্থায় যাহা করিতে পারে না—এবং যাহাতে সে ব্যক্তি জনসাধারণের পক্ষে বিপজ্জনক হইয়া উঠে।

উদ্মাদ ও স্বপ্নাবস্থার মাঝামাঝি অবস্থা স্বপ্ন-সঞ্চরণ (Somnambulism)। এই বিষয়টি এখানে অপ্রাসঙ্গিক এবং আমাদের আলোচ্য নহে। কেবল এইটুকু বলা যায় যে, এই অবস্থায় দেহের অনুভূতিগুলি আংশিক ভাবে জাগ্রত থাকে, এবং বহির্জগতের সঙ্গে অল্প কিছু সম্পর্ক থাকে। (ক্রমশঃ)

বৈষ্ণব কাব্যের রসধারা

শ্রীপ্রমোৎপল বন্দ্যোপাধ্যায়

এই প্রবন্ধের ভিতর আমি বৈষ্ণব কাব্যের বিশ্লেষণ করিবার চেষ্টা করি নাই। বৈষ্ণব কাব্যের মধ্যে যে রসানুভূতি আমি উপলব্ধি করিয়াছি তাহাই স্বধিজন সমক্ষে প্রকাশ করিবার চেষ্টা করিয়াছি মাত্র।

বৈষ্ণব কাব্য বাংলা ভাষার এক অমূল্য সম্পদ। যখন বাংলা সাহিত্যের তরুণ অবস্থা, তখনই বৈষ্ণব কাব্য বাংলা সাহিত্যে এমন এক স্থানে আসন গ্রহণ করিয়া বসিল, যাহার বিচার সেদিনও কেহ-করিতে পারে নাই, আজও কেহ পারিল না এবং কোন দিনও পারিবে কি না সন্দেহ;—এতই উচ্চ ইহা স্থান গ্রহণ করিয়াছে। ইহার ভাব-মাধুর্য্য তাৎকালিক স্বধিজনকে তো মোহিত করিয়াই ছিল, এখনও ইহার রস-সৃষ্টির বৈচিত্র্য দেখিলে মুগ্ধ হয় না এমন ব্যক্তি বোধ হয় নাই বলিলেও চলে।

বাংলা দেশে এক সময়ে ধর্ম ও সাহিত্যে এমন এক যুগ আসিয়াছিল, যখন বৈষ্ণব ধর্মের মত ধর্ম ও বৈষ্ণব কাব্যের মত সাহিত্যের প্রয়োজন

হইয়া পড়িয়াছিল। এই ধর্ম ও সাহিত্য লোকের মনকে এতদূর বশীভূত করিয়াছিল যে, ইহা এখনও অমর হইয়া রহিয়াছে।

সকল ধর্ম ই এবং সকল সাহিত্যই নীরস তত্ত্ব ও নীরস বস্তু বিচার লইয়া আলোচনা করিয়াছে বলিয়া এমন করিয়া লোকের মনের মধ্যে দাগ দিতে পারে নাই, যেমন করিয়া দাগ দিয়াছে বৈষ্ণব ধর্ম ও সাহিত্য।

ধর্মের জন্ত বৈষ্ণব সাহিত্য কতখানি কি করিয়াছে তাহা দেখান আমার উদ্দেশ্য নয়। আমার তো মনে হয় ধর্মের দিক ছাড়িয়া দিয়াও বৈষ্ণব কাব্যকে এত ভাল লাগে এইজন্য যে, ইহা একেবারে জীবনের চিরন্তন মূল ব্যাপার লইয়া রচিত। প্রেম, বিচ্ছেদ, মিলন,—যাহা মানুষের জীবনে নিত্য ঘটমান তাহার মধ্য দিয়াই বৈষ্ণব কবির সাহিত্য গড়িয়া তুলিয়াছেন বলিয়াই বৈষ্ণব সাহিত্য এত মধুর ও প্রাণস্পর্শী হইয়া উঠিয়াছে।

অন্ত সব ধর্মতত্ত্ব শুধু গ্রন্থর্থাৎ জিনিত ভক্তি ও জ্ঞানমার্গের উপর প্রতিষ্ঠিত; কিন্তু বৈষ্ণব ধর্ম মানুষের ব্যক্তিগত সম্বন্ধকে বড় করিয়া লইয়া ধর্মকে গ্রহণ করিয়াছে বলিয়া ধর্মও প্রাণস্পর্শী হইয়াছে এবং ধর্মগ্রন্থও সাহিত্য হিসাবে গণ্য ও চিরস্থায়ী হইয়াছে। আর সেইজন্যই বৈষ্ণব গ্রন্থ ভিন্ন অন্য কোন ধর্মগ্রন্থই সাহিত্যে স্থান পায় নাই,—তাহারা দূরে থাকিয়া ভক্তির জিনিষ হইয়াছে কিন্তু প্রাণের জিনিষ হইতে পারে নাই।

বৈষ্ণব কাব্যের বিষয়-নির্বাচনও অনির্বচনীয়। সত্যকারের যে কাব্য তাহার ভিতর আমরা বস্তুর অন্বেষণ করি না,—অন্বেষণ করি বৈশিষ্ট্য, সৌন্দর্য্য, অরূপতা এবং কল্পনার প্রসারতা। সাহিত্য-দর্পণকার কাব্যের সংজ্ঞা নির্দেশ করিতে গিয়া বলিয়াছেন, “বাক্যৎ রসাত্মকং কাব্যং” অর্থাৎ রসই কাব্যের একমাত্র উপজীব্য। বৈষ্ণব কাব্যের ভিতর এই রস-সৃষ্টি অনবচ্ছিন্নরূপে ফুটিয়া উঠিয়াছে।

সুন্দরের অঙ্গনে জীবাশ্রয় লীলাভিত্তিক তাহার আনন্দরূপকে প্রকাশিত করে। বৈষ্ণবের লীলাবলিও এই উক্তির সমর্থন করে। বৈষ্ণবের ধর্ম রসের ধর্ম—নীরস তত্ত্বের ধর্ম নয়, বৈষ্ণব কাব্য-দর্শনে লীলার স্থান তাই এত উচ্চে।

যেখানে ব্যক্তিগত সম্বন্ধ নাই সেখানে আবেগের তীব্রতা কোথায়? কাজেই আনন্দের অংশও তাহার মধ্যে অত্যন্ত কম। এই কারণেই বৈষ্ণব কবির ভগবানের সহিত নানা রূপ সম্বন্ধ পাতাইয়া মানবীয় প্রেমের ভিতর দিয়াই তাঁহাকে উপলব্ধি করিয়াছেন ও তাঁহাকে পাইতে চাহিয়াছেন।

ইহার ভিতর আবার সকল সম্বন্ধ হইতে কান্তা-প্রেমের সম্বন্ধকেই তাঁহার সব হইতে উচ্চে স্থান দিয়াছেন। তাহার কারণ এই অনুমান হয় যে, অল্প সম্বন্ধে পরস্পরের নৈকট্যকে তত বেশী যমিষ্ঠ ভাবে আকর্ষণ করে না, একটুখানি সংযমের ব্যবধান রাখিয়া দেয়; কিন্তু কান্তা-প্রেমের সম্বন্ধ বর্ধার ছুকুল-প্লাবনী জলধারার মত কোথাও কোম বাধা রাখে না,— না মনে, না ব্যবহারে,—একেবারে প্রাণের ভিতরকার জিনিষ করিয়া তোলে। সেইজন্যই বৈষ্ণব কবির কান্তা-প্রেমকে বড় করিয়া দেখিয়া তাহার মধ্যেই ভগবানের সঙ্গে সম্বন্ধ পাতাইয়া লইয়াছেন। ইহাও গভীর

রসানুভূতির প্রকৃষ্ট পরিচয়। এই ভাব হইতেই রবীন্দ্রনাথ বৈষ্ণব কবির সম্বন্ধে বলিয়াছেন—

আর পাবো কোথা ?

দেবতারে প্রিয় করি, প্রিয়েরে দেবতা।

আবার এই কান্তা-প্রেমের সম্বন্ধ নির্ণয় করিতেও বৈষ্ণব কবির কতখানি অনুভব-শক্তির প্রকাশ দেখাইয়াছেন, তাহা ভাবিলে চমৎকৃত হইতে হয়। অনুরাগ মানবের কাছে বড়ই মধুর। সামাজিক প্রেমও মধুর, কিন্তু সামাজিক প্রেম সহজ-লভ্য বলিয়া তাহার ভিতর গাঢ় রসমাধুর্য্য নাই, রস-সৃষ্টির বৈচিত্র্য নাই। স্বকীয় প্রেমের ভিতর প্রেমের মর্যাদাই আর শুধু; কিন্তু প্রেমের সদাই-হারাই-হারাই-ভাবে মাধুর্য্য নাই বলিয়া বৈষ্ণব কবির পুরকীয় প্রেমাতুরাগকেই শ্রেষ্ঠ মনে করিয়াছেন। বৈষ্ণব কবি বলিয়াছেন—

চোরি-পিরিতি হোয় লাখ গুণ রঙ্গ।

কারণ এর তুল্য ত্যাগ, আত্মদান বা আত্মনিবেদন অল্প কোন অস্ত্রাধেই হয় না। কিন্তু বৈষ্ণবের যে পরকীয় ভালবাসা তাহা পার্থিব-অন-বর্জিত। ইহার ভিতর লালসার গন্ধ নাই। নিজের সুখের জন্ত নাই কিছু কামনা তাহাই কাম, কিন্তু বৈষ্ণবের যে আত্মদান বা আত্মনিবেদন তাহার ভিতর আত্মস্বখেচ্ছা নাই; তাই ইহা কামশূন্য। এই যে আত্মদান বা আত্মনিবেদন ইহা পরম প্রেমাস্পদের জন্ত, দায়িত্বের সুখের জন্য নিজেকে সর্বতোভাবে প্রেমাস্পদের সুখের জন্ত দান করিবার এই এক আকাঙ্ক্ষা ইহা কামলেশশূন্য। রবীন্দ্রনাথ বলিয়াছেন যে, বৈষ্ণব কবির পাঠের পর মনের ভিতর কোন কলুষতার চিহ্ন থাকে না। এই ও অনুরাগের প্রেরণা, ইহা বুদ্ধিগত নয় ভাবগত—কাজেই ইহকাল পরপর কুলশীল ধর্মধর্ম কোন দিকেই লক্ষ্য থাকে না। অনুরাগের মতই পরম প্রেমাস্পদের সহিত মিলন হয়।

শ্রাম ও রাধার অনুরাগের যে ছবি তাঁহার আঁকিয়া গিয়াছেন, তার ভাবসম্পদে অমূল্য। এই শ্রাম ও রাধাকে দেবতার বা শ্রেষ্ঠ মানবের প্রতীক রূপে কল্পনা করিলে, আমার মনে হয়, বৈষ্ণব কাব্যের রস সৌন্দর্য্যের খর্ব করা হয়। এই যে শ্রাম ও রাধা ইহা তো প্রেমের প্রতীক মাত্র, কোন বস্তুর বা ধর্মের প্রতীক তো নয়। ইহার মধ্যে যদি সেই স্ত্রীর নামক বিশেষ কোন স্থানের রাধাকৃষ্ণকে খুঁজিতে যাই, তাহা হইবে ইহার রসমাধুর্য্যের হানি হইবে। ইহা মনোবন্দাবনের শাখত প্রেমের লীলা মাত্র।

এই শ্রামসুন্দরের চিরন্তন প্রেমের বাঁশী চিরদিন বাজিয়াছে। এর একজন এক এক ভাবে তাহা শুনিয়াছে এবং তাহার অর্পণ করিয়াছে। তাহাদের ভিতর শ্রীরাধাও আছেন, আবার জটীলা রুটীলাও আছেন। শ্রীরাধা সেই বাঁশীর সুরের অনুরাগী, আর জটীলা রুটীলা বিরাগী। শ্রামসুন্দরের এই যে বাঁশীর সুর ইহাই তো শাখত প্রেমের প্রেমের পরশ শ্রীরাধাই অনুভব করেন, জটীলা রুটীলা তাহার সুর মাড়ায় না। তাহাদের সে ক্ষমতা নাই। শ্রীরাধা সেই প্রেমের

আর শ্রাম তাহার বাহির। দুয়ের মিলনেই প্রেমের পরিণতি। ইহাই বৈষ্ণব কবির কাব্যের মূল রসানুভূতি।

এই জন্তই বৈষ্ণব কবির পরকীয় প্রেমকে শ্রেষ্ঠ বলিয়া মানিয়া, তাহার ভিতর দিয়াই মিলন, বিচ্ছেদ, বিরহের নানা রসের অবতারণা করিয়াছেন। বৈষ্ণব কাব্যের মূল সুত্রই হইতেছে ভালবাসা। যাহাকে আমি ভালবাসি, ইচ্ছা হয় যুগে যুগে জীবনে মরণে তাহার সঙ্গে প্রেম-ডোরে বাধা থাকি। থাকা সম্ভব কি না সে বিচার কাব্যের নয়;—মানব-হৃদয়ের চিরন্তন আবেগের অভিব্যক্তিই কাব্য। তাই বিছাপতি বলিয়াছেন—

জনম অবধি হাম রূপ নেহারু

নয়ন না তিরপিত ভেল,

লাখ লাখ যুগ হিয়ে হিয়া রাখু

তবু হিয়া জুড়ন না গেল।

এই যে ভোগ করিবার, একান্ত করিয়া গ্রহণ করিবার আকাঙ্ক্ষা, ইহাই তো নিত্য সত্য। তাঁহার যেমন অরূপের ভিতর রূপের খোঁজ করিয়া বেড়াইয়াছেন, তেমনি রূপের ভিতরও অরূপের সন্ধান পাইয়াছেন।

সকল রসের সার পিরিতি, এ কথা বৈষ্ণব কবির যেমন করিয়া বুঝিয়াছিলেন তেমন করিয়া বোধ করি আর কেহই বোধেন নাই। সেইজন্যই বোধ হয় চণ্ডীদাস বলিয়াছেন—

সই পিরিতি না জানে যারা।

এ তিন ভুবনে জনমে জনমে

কি সুখ জানয়ে তারা ॥

কিন্তু প্রেম করিতে যাইলেই যে বিরহ বিচ্ছেদ বাধা রূপে আসিবে, এ কথাও তাঁহার ভোলেন নাই। আর তা ছাড়া বিরহ বিচ্ছেদ আছে বলিয়াই তো প্রেম এত মধুর হইয়া উঠে।

বড় করি রূপিলাম অন্তরে প্রেমের-বীজ

নিরবধি সিঁচি আঁখি-জলে।

প্রেমের বীজকে অঙ্কুরিত করিতে হইলে যে আঁখি-জলের প্রয়োজন, এ কথাও কোথাও তাঁহার ভুলিয়া যান নাই। তাই আবার কবি বলিয়াছেন—

কেবা নিরমিল প্রেম-সরোবর

নিরমল তার জল।

হুখের মকর ফিরে নিরন্তর

প্রাণ করে টল মল ॥

* * * * *

কহে চণ্ডীদাস শুন বিনোদিনী

সুখ তুখ হুটি ভাই।

সুখের লাগিয়া যে করে পিরিতি

হুখ যায় তার ঠাক্রি ॥

প্রেমের ভিতর যে স্থানানুভূতি তাহা হুখের ভিতর দিয়াই লাভ করিতে হয়। হুখের আঙুনের ভিতর দিয়া যাইয়াই তো সুখের মাধুর্য্য অনুভব

করিতে হয়। তেমনি প্রেমের পরিপূর্ণতা হয় তখনই, যখনই বিরহ-বিচ্ছেদের ভিতর দিয়া প্রেমাস্পদকে লাভ করা যায়, অথবা বাহ্যিক জীবনে লাভ করা যায় না, কেবলমাত্র ভাবসম্মিলনে তাঁহাকে অন্তরে অনুভব করা যায়।

পিরিতি করিতে হইলে জাতি-কুলশীল অভিমান সব ত্যাগ করিতে হয়। স্বার্থশূন্য নিষ্কাম যে প্রেম তাহাই তো শ্রেষ্ঠ।

নয়ন-পুতলী করি লইলু মোহনরূপ

হিয়ার মাঝারে করি প্রাণ।

পিরিতি আঙুনি জালি সকলি পোড়াইয়াছি

জাতি কুল শীল অভিমান ॥

সেই মোহন রূপের উপলব্ধি করিতে, পিরিতি-রূপ আঙুনে সকল কামনা বাসনাকে পোড়াইয়া খাঁটি করিয়া তবে তাঁহাকে পাইবার জন্ত প্রস্তুত হইতে হইবে। এত বড় ত্যাগের কথা বিশ্বসাহিত্যে অল্পই আছে।

এইবার বৈষ্ণব পদাবলী হইতে কয়েকটি পদের নমুনা দেখাইয়া বৈষ্ণব কাব্যের অন্তর্দৃষ্টির প্রকাশ দেখাইতে চেষ্টা করিব।

শ্রীরাধা বিরহে যের ভিতর থাকিতে পারিতেন না। কখন প্রেমাস্পদের সহিত মিলিত হইবেন তাহারই জন্ত ছটফট করিতেন। এই দুগ্ধটি কত সহজভাবে সাধারণ কথায় কবি ফুটাইয়া তুলিয়াছেন,—

যরের বাহিরে দণ্ডে শত বার

তিলে তিলে আইসে যায়।

মন উচাটন নিধাস সঘন

কদম্ব কাননে চায় ॥

এই ঘটনাও বর্ণনা কত সহজ সরল; কিন্তু পড়িলেই সেই বিরহিণীর মিলন-চঞ্চল মূর্ত্তিখানি চোখের উপর ভাসিয়া উঠে। আবার এই বিরহ হইতে শ্রামসুন্দরও বাদ পড়েন নাই—

মাধবী-লতা-তলে বসি।

চিবুকে ঠেকনা দিয়া বাঁশী।

তোহারি করিত অনুমানে ॥

এটি পড়িলেও বিরহ-বিধুর শ্রামসুন্দরের মিলনাকুল মূর্ত্তিট সহজে চোখের উপর ভাসিয়া উঠে। কত সহজে অবস্থার বর্ণনা।

এখন তখন করি দিবস গোঁড়ায়লু

দিবস দিবস করি মাসা।

মাস মাস করি বরিখ গোঁড়ায়লু

ছোড়লু জীবনক আশা ॥

দীর্ঘ বিরহে দিন গুণিয়া গুণিয়া শ্রীরাধা সকল আশা ভরসা ছাড়িয়া দিয়া হতাশ হইয়া পড়িয়াছেন। ক্ষীণাক্ষীর বিরহ-কাতর তনুদেহখানি শ্রামবিরহে যে কত কাতর তাহা এই পদের কয়েকটি কথাতাই কবি ব্যক্ত করিয়া তুলিয়াছেন।

শ্রীরাধা চলিয়া যাইতেছেন। তাঁহার চলিষ্ণু রূপবর্ণনায় কবি কি সুন্দর উপমার সৃষ্টি করিয়াছেন,—

যাঁহা যাঁহা নিকমার তনু তনু-জ্যোতি ।
তাঁহা তাঁহা বিজুরি চমকময় হোতি ॥
যাঁহা যাঁহা অক্ষয় চরণ চলু চলুই ।
তাঁহা তাঁহা খল-কমল-দল খলুই ॥

* * * * *
যাঁহা যাঁহা ভঙ্গুর ভাঙু বিলোল ।
তাঁহা তাঁহা উছলুই কালিন্দী হিলোল ॥
যাঁহা যাঁহা তরল বিলোচন পড়ুই ।
তাঁহা তাঁহা নিল-উৎপল ভরুই ॥
যাঁহা যাঁহা হেরিয়ে মধুরিম হাস ।
তাঁহা তাঁহা কুমুদ-কুমুদ পরকাশ ॥

চলিষু সৌন্দর্যের আর একখানি অপরাধ চিত্র পাঠক চিত্তে চিরমুদ্রিত করিয়া দিয়াছেন কবি চণ্ডীদাস তাঁহার লোক-প্রসিদ্ধ কবিতার একটি অনবদ্য চরণে,—“চলে নীল শাড়ী নিঙাড়া নিঙাড়া পরাণ সহিত মোর।” নীলবসনা রূপসীর প্রত্যেক পদ-পাতে বাসনার কমল ফুটিয়া ফুটিয়া চলিয়াছে।

শ্রীরাধা ও শ্রামের রূপবর্ণনাতেও কবি মুখর হইয়া উঠিয়াছেন। শ্রীরাধা পূজার জন্ত ফুল চয়ন করিতেছেন, তাহা দেখিয়া কবি বলিতেছেন—

কাননে কুমুম তোড়সি কাহে গোবরী
কুমুমিই নিরমিত সব তনু তোরী ।

* * * * *
গোবিন্দ দাস অতয়ে অনুমান
পূজহ পশুপতি নিজ তনু দান ॥

শ্রীরাধার কুমুমপেলব হৃদয় দেখখানিই ফুলের মত। দেবপূজার জন্ত পুষ্প-চয়নের আবশ্যিকতা কি? হৃদয় জিনিষই দেবভোগ্য। অতএব গোবিন্দ-দাস বলিতেছেন, হে গোবরী, তোমার নিজের হৃদয় তনু দান করিয়াই দেবপূজা করো। পূজার উপচার তো বাহ্যিক ধর্ম চরণ, অন্তরের পূজাই তো আসল পূজা। অতএব নিজের দেহ মন দিয়া পূজা সার্থক কর, এই বোধ করি কবির বলিবার উদ্দেশ্য।

যব,—গোধূলি সময় বেলি
ধনি—মন্দির বাহির গেলি ।
নব জলধর বিজুরি—রেহা
দন্দ পসারি গেলি ॥

শ্রীরাধা প্রেমাস্পদের উদ্দেশ্যে অভিসার-যাত্রায় বাহির হইয়াছেন। তখন সন্ধ্যা। গোবরী রাধা যখন মন্দির হইতে অভিসারোদ্দেশ্যে বাহির হইলেন তখন মনে হইলে নবীন জলধরের উপর বিদ্যুতের রেখা বিবাদ বিস্তার করিয়া গেল। গোধূলির অন্ধকারাবৃত জলধর তুল্য শ্রামল অঙ্গে উজ্জল গোবরী রাধার দেহকান্তি স্নেহ বিদ্যুৎপ্রভার ছায় দীপ্তি বিস্তার করিয়া যাওয়ার এবং তদ্বারা গোধূলির অন্ধকার কিয়ৎ পরিমাণে বিদূরিত হওয়ার জলধরের বিদ্যুতের বিবাদ বলা হইয়াছে।

নাহি উঠল দুহু মোছলে অঙ্গ ।
দুহু রূপ নিরখিতে মুরছে অনঙ্গ ॥

রাধাশ্রামের স্নাত রূপ এত হৃদয় যে, যিনি হৃদয়রতম অনঙ্গ তিনিও মুচ্ছিত হইয়া পড়িলেন। তাহাদের পরস্পরের রূপ দর্শনে মনে কেবল বিফল আনন্দ রসামুভব হয়, কিন্তু তাহা কামলেশ-বিবর্জিত, ইহাই এই কবির ধ্বনি বলিয়া মনে হয়। তুলনীয় রবীন্দ্রনাথের,—“নিরন্তর মদন পান চাহিলা হৃদয়ী।”

এমনি করিয়াই বৈষ্ণব কবির তাহাদের প্রতি পদাবলীতে নব নব বিষয়, নব নব অনুভূতির ছাপ রাখিয়া গিয়াছেন। তাহাদের স্মৃষ্টি-অনুরাগ আরো পরিচয় পাই নিম্নলিখিত পদগুলিতে।

শ্রীরাধা বলিতেছেন—
সজনী কি ফল বেশ বনান ।
কানু পরশ—মনি পরশক বাধন
আন্তরণ সৌতিনি মান ॥

হে সখি, বেশ রচনায় প্রয়োজন কি? কৃষ্ণরূপ পরশমণির স্পর্শের বাধার বৈষ্ণবকে সপত্নী বলিয়া মনে করি। শ্রামের ওতপ্রোত স্পর্শে অস্বস্তি বাধা দান করিবে। ইহার চেয়ে বিনা অলঙ্কারে শ্রামালিঙ্গন চের দৈ শ্রেয়। কিন্তু শুধু অলঙ্কার ত্যাগ করিলেই তো বাধা দূর হইল না অলঙ্কার তো ত্যাগ করিলেনই, উপরন্তু,—

হিয়ায় হিয়ায় লাগিব লাগিয়া
চন্দন না মাখে অঙ্গে ।
গায়ের ছায়া বায়ের দোসর
সদাই ফিরে সঙ্গে ॥

চন্দনে কতটুকুই বা বাধা দেয়, কিন্তু সেটুকু বাধাও সহ্য করিবার দর বৈধ্য নাই। এমন কি—

সো তনু পরশে পুলক জন্ম বাধত
ইথে লাগি চমকে পরাণ ॥

পার্শ্বিক বস্তুর বাধা সহ্য তো হয়ই না, সেগুলিকে দূর করিয়াও চলে, কিন্তু শ্রামতনু স্পর্শ করিলে শরীরে যে পুলক রোমাঞ্চ হইবে তাহাও তো সহ্য মিলনে বাধা দান করিবে। একান্ত মিলনের এই যে আগ্রহ এক আগ্রহের অনুভব বোধ করি আর কোন কবিই করিতে পারেন নাই। আর একটি স্মৃষ্টি-অনুরাগের উদাহরণ দিতেছি—

শ্রীরাধা আকুল আগ্রহে শ্রামহৃদয়কে আলিঙ্গন করিলেন, কিন্তু তাহাতে তাঁহার তৃপ্তি হইল না, দেহ বাধা হইল। তখন দৃষ্টি তির দিয়া শ্রামকে অন্তরে গ্রহণ করিয়া আলিঙ্গন করিলেন, তাহাতেও তৃপ্তি হইল না, এখানে বাধা হইল অন্তর। তখন শ্রীরাধা আকুল হইয়া কাঁদি উঠিলেন, শ্রামকে সম্যকরূপে উপলব্ধি করিতে পারিলেন না বলিয়া। এই যে রূপাতীত অরূপকে, শাশ্বত সৌন্দর্যকে একান্ত করিয়া উপভোগ করিয়া অসীম আগ্রহ, ইহা এক বৈষ্ণব কবিদিগের মধ্যেই সম্ভব হইয়াছিল।

বৈষ্ণব কবির রূপাতীতের সন্ধান করিতে যাইয়া বিধ-প্রকৃতির

দিয়া যান নাই একেবারে। বিধ-প্রকৃতির ভিতরও শ্রামরূপের মোহন বি দেখিয়াছেন।—

রজনী শাওন ঘন ঘন দেয়া গরজন
রিমি রিমি শব্দে বরিষে ।

* * * * *
শিখরে শিখণ্ড-রোল মত্ত দাহুরী বোল
কোকিল কুহরে কুতূহলে ।
ঝিঁজা ঝিনিকি বাজে ডাহুকী সে গরজে
স্বপন দেখিনু হেন কালে ॥

শ্রীরাধা শ্রামচাঁদের শ্রামরূপ স্বপ্ন দেখিতেছেন, তাহাও মেঘমেতুর শ্রাবণের নব বর্ণের শ্রামল শ্রীর মধ্য দিয়াই। বাহ্য প্রকৃতির সহিত অন্তঃপ্রকৃতির সামঞ্জস্য এমন হৃদয়র ভাবে প্রস্তুত হইয়া উঠিয়াছে যে, ভাবিলে আশ্চর্য হইতে হয়।

বৈষ্ণব কবির বর্বার রূপের মধ্যেই শ্রাম-রূপ উপভোগ করিয়াছেন বিশেষ করিয়া। বর্ধাই তো প্রকৃতিকে নবীন শ্রামলীতে শোভিত করে। এই যে প্রকৃতির নবীন রূপ ধারণ ইহাও তাহাদের চক্ষু এড়াইয়া যায় নাই। বর্ধা আসিয়াছে—

ঘন ঘন মেঘ গরজে দিন যামিনি
আওল মাহ আবাচ ।
নব জলধর পর দামিনি বলকায়
দাহ দ্বিগুণ তহি বাচ ॥

বর্ধার ভিতর দিয়াই কবি চিরন্তন বিরহের জন্মনও অনুভব করিয়াছেন। বর্ধার যে শুধু শ্রামল সৌন্দর্যই আছে, তাহা নয়, ইহার ভিতর চিরন্তন বিরহ জন্মনী হইয়াও আছে। এই তথ্যটিও তাহাদের স্মৃষ্টি-অনুরাগে বোধ যায় নাই। তাই কবি বর্ধার সহিত তুলনা করিয়া শ্রীরাধার বিরহ বর্ণনা করিয়াছেন—

অন্তর গর গর পাঁজর জর জর
ঝর ঝর লোচন বারি ॥
দুশ-কুল-জলধি-মগন অছ অন্তর
তাকর দুখ কি নিবারি ॥

বর্ধার সহিত এমন সৌন্দর্য্য রাখিয়া বিরহ বর্ণনা বোধ করি এক মাত্র বৈষ্ণব কবিতেই সম্ভব হইয়াছিল।

বৈষ্ণব কবিদের কাব্যের মূল সূত্রই হইতেছে রূপের অনুভূতি, প্রেমের অনুভূতি। আর সেইজন্য তাহাদের কবিতা অনবদ্য হইয়া ফুটিয়া উঠিয়াছে। বান কবিতা ব্যক্তিগত ভাবের হইলে তাহা কাব্য পদবাচ্য হয় না। বৈষ্ণব কবিদের কবিতা কাব্য পদবাচ্য হইয়াছে এইজন্য যে, তাহা কোন ব্যক্তিগত বা ব্যক্তিগত ভাবের কবিতা নয় বলিয়া। চিরন্তন প্রেমের লীলাকে রূপে, নানা আবেষ্টনীর ভিতর দিয়া নিজেরা নানা রূপে উপলব্ধি করিয়াছেন এবং নিজদের উপলব্ধি হৃদয়ে রাখিয়া জগতের সামনে মেলিয়া দিয়াছেন। এই যে রাধাশ্রামের রূপক কল্পনা করিয়া এত বড় একটা স্মৃষ্টি-অনুরাগ হইয়া গিয়াছে, ইহা যদি শুধুমাত্র প্রতীক হইত,

তাহা হইলে এত বড় কাব্য কখনই সৃষ্টি হইতে পারিত না। আর হইলেও তাহা চিরস্থায়ী কখনই হইত না। রাধা-শ্রাম কোন ব্যক্তি মাত্র নয়, ইহার শাশ্বত প্রেমের প্রতীক মাত্র। ইহাদের ব্যক্তির প্রতীক ভাবিলে কবিকে ও কাব্যকে খর্ব করা হয়। এই বিধ-সৌন্দর্যের মধ্যে যে অরূপ রূপের নিত্য লীলা চলিতেছে তাহাই স্মৃষ্টি দৃষ্টিতে তাহারা উপলব্ধি করিয়া গিয়াছেন মাত্র। প্রকৃতির কাছে মানবের যে প্রেম-নিবেদন তাহারই বিচিত্র ধারা বৈষ্ণব কবির কাব্যে মুক্ত হইয়া উঠিয়াছে। তাহাদের কাব্যের ভিতর আছে নূতনকে নবনব রূপে, নবনব ভাবে, নবনব লীলায় উপলব্ধি করিবার আকাঙ্ক্ষা—পুরাতনের স্থান সেখানে নাই। সেইজন্য নূতনের নবনব লীলার গানই তাহারা গাহিয়াছেন। ধর্মের দিক দিয়া যাহাই হোক, কাব্য হিসাবে যে পদাবলী সাহিত্য অতুলনীয়, এ সম্বন্ধে দুই মত বোধ করি হইতে পারে না এই আমার বিশ্বাস।

নর ও নারীর মেধা কি সমান?

শ্রীনির্মলচন্দ্র দে

“নর ও নারীর বুদ্ধি ও মানসিক ক্ষমতায় প্রকৃতিগত কোন পার্থক্য নেই। তফাৎ যা কিছু দেখা যায় সেটার কারণ শুধু এই যে, পুরুষ অনেক যুগ ধরে নারীকে শিক্ষার ও মানসিক ক্ষমতা খাটাবার সুযোগ দেয় নি। এই সুযোগ পেলেই নারী সব বিষয়ে পুরুষের সমান হতে পারে। এই দেখ না খনা, লীলাবতী, গার্গী, এনি বেসান্ট, সরোজিনী নাইডু প্রভৃতি।”

এই রকম কথা সম্প্রতি এত লোকে এতবার বলেছেন যে, শুনে শুনে অনেকের কাছে কথাটা স্বতঃসিদ্ধ সত্য বলে মনে হয়েছে ও তাঁরাও এই কথা প্রচার করতে আরম্ভ করেছেন। তবে যারা সত্য নির্ণয় করতে চান তাঁদের ছুদিককারই যুক্তি প্রমাণ শোনা উচিত। তাই, এই বিষয়ে নানা পাশ্চাত্য চিকিৎসক, মনোবিদ, নৃতত্ত্ববিদ, দার্শনিক ও বৈজ্ঞানিকের মত সম্বলন করে দিলাম। নিজের যুক্তি প্রমাণ ও মতামতও সেই সঙ্গে দিয়েছি। পাছে কেউ উক্ত পণ্ডিতদের মত ‘সেকেলে’ বলেন, এইজন্য বলা দরকার যে জার্মান পণ্ডিত আডলফ হাইলবারনের (Adolf Heilborn এর) লিখিত ও J. E. Pryde-Huges অনুবাদিত ‘The Opposite Sexes’ আমি প্রধানতঃ অনুসরণ করেছি। এখানি ১৯২৭ খৃষ্টাব্দে ছাপা। যেখানেই মনে হয়েছে যে ইংরাজির অনুবাদে মূলের ভাব ঠিক প্রকাশ করতে পারিনি সেখানেই বন্ধনীর মধ্যে মূল উদ্ধৃত করেছি।

নারীর মস্তিষ্কের দৈর্ঘ্য

R. Martim এর মতে ইয়োরোপীয় পুরুষের মস্তিষ্কের পরিসর (cranial capacity) প্রায় ১৪৫০ ঘন সেন্টিমিটার (centimeter), পক্ষান্তরে ইয়োরোপীয় নারীর প্রায় ১৩০০ মাত্র। নিম্নশ্রেণীর জাতিদের মধ্যে এই পার্থক্য আরও কম। অল্প বিস্তার থাকার জন্ত নারীর মস্তিষ্ক

নরের চেয়ে ছোট। ইয়োরোপীয় নারীর মস্তিষ্কের ওজন নরের মস্তিষ্কের ওজনের চেয়ে গড়ে ১২০ গ্রাম (gram) কম। নবজাত শিশুর মধ্যেও এই পার্থক্য ৫০ গ্রাম। মস্তিষ্কের ওজনের বৈশী-কমের সঙ্গে বুদ্ধির বৈশী-কমের সম্বন্ধ জর্জ বুশেন (George Buschan) প্রভৃতি অনেক গবেষক স্বীকার করেন। Max Bartels এর মতে স্থূক্ষ গঠন (fine construction) ও ভাঁজের (convolutions এর) দিক দিয়েও নরের মস্তিষ্ক নারীর মস্তিষ্ক অপেক্ষা শ্রেষ্ঠতর। হাভেলক এলিস (Havellock Ellis) তাঁর Man and Woman গ্রন্থে ছোট মস্তিষ্কের পক্ষে ও বড় মস্তিষ্কের বিপক্ষে বা লিখেছেন, আধুনিক চিকিৎসক ও গবেষকদের সিদ্ধান্ত তার বিপরীত।) সত্য জাতদের চেয়ে অসত্য জাতদের, ও একই জাতদের মধ্যে মস্তিষ্ক পরিচালনকারী, বুদ্ধিজীবী শিক্ষিত সম্প্রদায়ের চেয়ে সাধারণ মানুষের, মাথার বিস্তৃতি (cranial capacity) ও মস্তিষ্কের ওজন কম। বুশেনের 'Brain and Culture' দেখুন।

নারীর স্বভাব

নারীর মন সম্বন্ধে জার্মান দার্শনিক ভাইনিঙ্গারের (Weinger এর) মত এই যে নারীর নিজস্ব আত্মা বা সত্তা বলে কিছু নেই। নারী বাহ্য রূপ নিয়েই থাকে (Woman has no soul and no ego. It is the external appearances that make up the ego of the woman.)। নারীরা সব বিষয় উপর উপর ভাসা ভাসা রকম দেখে ও ভাবে, পক্ষান্তরে নর কোন বিষয়ের শুধু মোটা দিকটার প্রতি মনোযোগ দেয় না, কারণ সে সমস্ত ব্যাপারের ভিতর গভীর ভাবে যায়। নারী মুখ্য বিষয় ভাল করে না বুঝে, অশল চাখে ও হাতড়ে বেড়ায়। সব বিষয়ে চেখে বেড়ানই নারীর বিশেষত্ব; এই বিষয়েই তারা পারদর্শিতা লাভ করতে পারে। ডাক্তার হাইলবোরন বলেন যে, স্ত্রীজাতি সম্বন্ধে সোপেনহাউয়ার (Schopenhauer), এডুয়ার্ট ফন হার্টমান (Eduard Von Hartmann) ও নিশিট্কারও (Nietzsche এরও) মোটামুটি এই মত। Ferrero, Lombroso, Von Krafft Ebing, Mobius প্রভৃতি বিখ্যাত চিকিৎসক ও মনস্তত্ত্ববিদদের সিদ্ধান্তও এই মত সমর্থন করে।

নারী অন্ধ-সংস্কারের অধীন

মনস্তত্ত্ববিদ মোয়েবিটস (Mebius) "On the physiological weak-mindedness of the female" প্রবন্ধে বলেন যে পুরুষের চেয়ে নারীর কার্যকলাপে অন্ধ সংস্কারের (instinct এর) প্রভাব বেশী দেখা যায়। মানসিক ক্রমপরিণতির ধারাই এই যে, অন্ধ সংস্কারের প্রভূত ক্রমশঃ কমে আসে, আর চিন্তা ও বিচার-বুদ্ধি তার স্থান অধিকার করে। অন্ধ সংস্কার বলতে বোঝায় যে, কোন কাজ করা, কিন্তু কেন যে করা হল, তা নিজেই না জানা, বা বুঝতে না পারা। বিচার-বুদ্ধির সাহায্য না নিয়ে হঠাৎ কোন মীমাংসা করা বা সিদ্ধান্তে উপনীত হওয়াকেও অন্ধ সংস্কার বলে। আসলে অন্ধ সংস্কার বিনা কোন কাজ বা অনুভূতি (perception) হয় না। কারণ চিন্তার কতকটা বরাবর মগ্নচৈতন্যে

(unconscious fieldএ) থাকে। কিন্তু কতটা মগ্নচৈতন্যে থাকে তার মাত্রার তফাৎ হয়। যে পরিমাণে কোন লোকের কাজ বা অনুভূতি মগ্নচৈতন্যে হয়, সেই পরিমাণে তাকে মানসিক উন্নতিশালী ও স্বাধীন বলা যায়। ভাবও (feeling ও) কতকটা অন্ধ সংস্কারের মত। অন্ধ সংস্কারের স্ববিধা এই যে, চিন্তা করার কষ্ট পেতে হয় না, আর তার উপর নির্ভর করা চলে। অন্ধ সংস্কারের সমধিক অধীন হওয়াতেই নারী জন্তর মত, পরাধীন, অথচ দ্বিধাহীন ও নিরুদ্বেগ (sure and serene)। এখানেই নারীর প্রকৃত শক্তি, এরই জন্ত তারা বিস্ময়জনক মনোমুগ্ধকর। নারীর অনেকগুলি বিশেষত্বই তাদের জন্তর সঙ্গে এই সাদৃশ্যমূলক। মোয়েবিটসের মতে কোন বিষয়ে প্রাজ্ঞতার অভাব ও স্থষ্টিক্ষম কল্পনার ন্যূনতা (want of judgment and lack of creative imagination) এই সব বিশেষত্বের ফল। তিনি বলেন যে স্ত্রীলোকের দুর্বলচিত্ততা শুধু যে আছে তা নয়, এটা থাকা একটা দরকার। বুদ্ধিজীবিতা (intellectualism) থেকে তাদের রক্ষা করা উচিত।

নরনারীর বুদ্ধির ও মনের পার্থক্য প্রাকৃতিক ও পাঁকা

Madame de Stael বলেন যে নরনারীর মনের গতি ও শক্তির কোন তফাৎ নেই; বুদ্ধিতে বা তফাৎ দেখা যায় সেটা শিক্ষার দ্বারা। নৃতত্ত্ববিদ (anthropologist) Allan বলেন উক্ত মাদামের এই কথা দৃশ্যতঃ অসঙ্গত (is paradoxical)। পুরুষের মত মনীষ্যদের স্ত্রীলোক তেমনই অস্বাভাবিক (is as great an abnormality) যেমন পুরুষের মত দাড়িওয়াল স্ত্রীলোক। নর ও নারীর শরীরে কোন বিশেষ তফাৎ, তাদের মন ও বুদ্ধির মধ্যে তেমনই মূলগত, স্বাভাবিক ও কায়েমী বৈসাদৃশ্য (radical, natural and permanent differences) বিদ্যমান। বিখ্যাত স্ত্রীরোগ বিশেষজ্ঞ Max Runge বলেন যে, স্ত্রীলোক কোন বিষয়েই পুরুষের সমান নয়। তাদের গুণগতির একেবারেই বিভিন্ন।

তফাৎ কোথায়?

আমাদের চোখ, কান, নাক, জিহ্বা, ত্বক প্রভৃতিকে জ্ঞানের দ্বার বলা হয়; আর মস্তিষ্কে জ্ঞানের হেড আফিস বলা চলে। স্বতরাং নর ও নারীর বুদ্ধি ও মেধার পার্থক্য নির্ণয় করতে হলে তাদের এই মস্তিষ্কগুলির ক্ষমতা ও মস্তিষ্কের গড়ন, পরিমাণ ও কার্যের পার্থক্য মনে আলে চনা করতে হবে।

হেড আফিসে তফাৎ।

পুরুষের চেয়ে স্ত্রীলোকের মস্তিষ্ক যে ওজন ও স্থূক্ষ গড়নে (fine modellingএ) হীনতর এ বিষয় আগে দেখিয়েছি। জার্মানির শহর মুনসেনের (Munich এর) শরীরতত্ত্ববিদ রুইডিঙ্গার (Rudinger) বলেন যে নবজাত বালকের মস্তিষ্কের দৈর্ঘ্য, বিস্তার ও ঘনত্ব পুরুষের বালিকার চেয়ে বেশী। বয়স্ক বালক ও যুবকও এ বিষয়ে এবং মস্তিষ্ক গভীর ভাঁজে (convolutions and deeper fissuring of the

parietal lobeএ) বালিকা ও যুবতীর চেয়ে শ্রেষ্ঠ। বার্লিনের শরীরতত্ত্ববিদ (anatomist) ভাল্ডেয়ার (Waldeyer) (যিনি যমজ সন্তানদের সম্বন্ধে বিশেষ গবেষণা করেছেন) দেখেছেন যে একই মা বাপের যমজ ছেলে মেয়ের মধ্যে ছেলের মস্তিষ্কের রন্ধুগুলি (fissures) মেয়ের চেয়ে অনেক বেশী পরিণত। ডাঃ হাইলবোরন বলেন যে সমস্ত উন্নত জীবের মধ্যে, বিশেষতঃ বনমানুষের (anthropoid apes এর) মধ্যে, পুরুষের মস্তিষ্কের আকার বড় দেখা যায়। স্বতরাং নরের মস্তিষ্কের বেশী পরিমাণ, ভাল গড়ন ও উন্নত বিকাশ (fissure modelling) শুধু শিক্ষা ও কৃষ্টির (culture) দরুণ না হতেও পারে।

নারী প্রতিভার সর্বোচ্চ বিকাশ নরের সর্বোচ্চ

প্রতিভার অনেক নীচে

দেখা যায় যে, নানা বিষয়ে পুরুষ যতদূর বিচা বুদ্ধি প্রভৃতিতে উন্নতি লাভ করতে পারে কোন স্ত্রীলোক ততদূর কখনই পারে না। অবশ্য প্রত্যেক যুগে কোথাও কোথাও এমন কতকগুলি স্ত্রীলোক দেখা যায় যারা সাধারণ পুরুষের চেয়ে (the average of man) যোগ্যতায় শ্রেষ্ঠ। যেমন গণিত জ্যোতিষে হর্শেল গ্রহের আবিষ্কারী হর্শেল সাহেবের ভগ্নী ক্যারোলিন হর্শেল (জন্ম ১৭৫০ খৃঃ—মৃত্যু ১৮৪৮ খৃঃ) ও এলিজাবেথ ব্রাউন গণিতে সোফি জার্মেণ (১৭৭৬—১৮৩১) ও Sonia Kowalewska। পদার্থ বিজ্ঞানে মাদাম কুরী। কবিতায় সাক্স (প্রায় খৃঃ পূঃ ৬১০ খালের) Annette von Droste (১৭৯৭-১৮৪৮) ও সেলমা লাগারক্লে। চিত্রকলায় রোজা বনহয়ার (১৮২২-১৮৯৯) ও কেটা কনভিট্জ (জন্ম ১৮৬৭ খৃঃ)। কিন্তু স্ত্রীলোকের বুদ্ধি ও প্রতিভার সব চেয়ে বড় নমুনাও সেই সেই বিষয়ে পুরুষের উচ্চতম প্রতিভার অনেক নীচের স্তরের জিনিস। বিশেষ আশ্চর্যের বিষয় এই যে, সঙ্গীতে স্ত্রীলোকের স্বজনী-প্রতিভা দেখা যায় না। উল্লেখ-যোগ্য নারী-সঙ্গীত-রচয়িত্রী ইয়োরোপে কেউ নেই। রুবিনষ্টাইন একবার বিস্ময়ভরে বলেছিলেন যে "সঙ্গীতে, কোন স্ত্রীলোক দ্বারা, নারীর দুই স্বাভাবিক সংস্কারের—অর্থাৎ পুরুষের প্রতি প্রণয় ও শিশুর প্রতি মেহের—প্রকাশ হয় নি। নারী-রচিত এমন কোন প্রণয়-সঙ্গীত বা ছেলে-ভুলান ছড়া আমার জানা নেই যেটা অমরত্ব লাভ করেছে (has attained to Classical importance)। মহা মনীষী বঙ্কিমচন্দ্র কমলাকান্তরূপে নারিকালের সঙ্গে স্ত্রীলোকের তুলনা করতে গিয়ে বলেছেন "তারপর মালা—এটা স্ত্রীলোকের বিচা—কখনও আধখানা বৈ পূরা দেখিতে পাইলাম না। নারিকালের মালা বড় কাজে লাগে না, স্ত্রীলোকের বিচাও বড় নয়। মেরি সমরবিল বিজ্ঞান লিখিয়াছেন, জেন অষ্টেন বা জর্জ এলিট উপায়াস লিখিয়াছেন,—মন হয় না, কিন্তু দুই-ই মালার মাপে।"

ইন্ড্রিয়ের ক্ষমতার তফাৎ

চোখ সম্বন্ধে ইংরাজ বিশেষজ্ঞ কার্টার, বৈজ্ঞানিক গ্যালটন, জার্মান চিকিৎসক ও বৈজ্ঞানিক টসোয়াডেমাকার (Zwaademaker), বিলরোট (Billroth), আইজেলবার্গ (Eiselsberg), মৌন-তত্ত্ব সম্বন্ধে বিশেষজ্ঞ ও প্রামাণিক লেখক অষ্টেলিয়ান হাভেলক এলিস (Man and

Woman গ্রন্থে) প্রভৃতির মতে প্রধান ইন্ড্রিয়গুলির (অর্থাৎ চোখ, কান নাকের) এবং মস্তিষ্কের ক্ষমতায় নারী নিঃসন্দেহ ভাবে পুরুষ অপেক্ষা হীন। নারী শুধু আশ্বাদ (নোস্তা জিনিসের ছাড়া) স্পর্শ ও বেদনাসহন ক্ষমতায় পুরুষের চেয়ে শ্রেষ্ঠ।

ভূয়ো সাম্যবাদের নিদান

(১) যাঁরা নরনারীর শরীর, মন ও বুদ্ধির তুলনা-মূলক আলোচনা ও গবেষণার খোঁজ রাখেন না, (২) ইয়োরোপের কতক লোকের অন্ধ অনুকরণে স্থিখ্যা সাম্যবাদের মোহে আচ্ছন্ন, অথবা (৩) কোন কারণে যে পুরুষেরা নারীর খোসামোদ করতে চান, তাঁরা প্রায়ই বলেন যে নারী বুদ্ধি প্রভৃতি মানসিক ক্ষমতায় পুরুষের সমান, তবে উপস্থিত যা তফাৎ দেখা যায়, তার কারণ নারী বহু যুগ ধরে পুরুষের মত শিক্ষার হুযোগে বঞ্চিত।

নারী, শিক্ষার হুযোগ, চিরকাল কম পায় নি।

এই আপাত-মনোরম যুক্তির উত্তরে ডাক্তার হাইলবোরন বলেন যে কোন কোন সমাজে ও কোন কোন যুগে (যথা শিভালুরীর ও ইটালীর নবজাগরণের যুগে) পুরুষদের চেয়ে স্ত্রীলোকদের অনেক বেশী যত্নের সহিত শিক্ষা দেওয়া হয়েছে, আর সব যুগেই তাদের কাব্য, সঙ্গীত ও চিত্রকলা বিশেষভাবে শেখান হয়েছে। স্বতরাং নর ও নারীর সাধারণ ক্ষমতা ও উচ্চতম সাক্ষ্যের পার্থক্যের কারণ শুধু শিক্ষার ও হুযোগের তফাৎ, এ কথা বলা চলে না।

স্ত্রী পুরুষের শিক্ষার সমান হুযোগ ইয়োরোপ ও আমেরিকায় অন্ততঃ তিন পুরুষ ধরে চলে আসছে। পুরুষেরা প্রায়ই চাকরি, ব্যবসা ও অগাষ্ঠ জীবিকার জন্ত অল্প বয়সেই সাধারণ শিক্ষার স্কুল কলেজ ছেড়ে দিতে বাধ্য হয়, পক্ষান্তরে স্ত্রীলোকেরা (বিবাহ না হওয়া পর্যন্ত তো বটেই, অনেকে বিবাহের পরও) অনেক বয়স পর্যন্ত শিক্ষালাভ করে। অথচ কাব্য, সাহিত্য, সঙ্গীত, শিল্প, বিজ্ঞান, দর্শন, প্রভৃতিতে নারীর দান এখনও সামান্য ও নগণ্য।

গবেষণার ফল—নারীর মেধার দৈন্য প্রাকৃতিক

আমেরিকা, ইংলণ্ড, ফ্রান্স, জার্মানি ও হল্যান্ডের অসংখ্য বিশ্ববিদ্যালয়ে পর্যবেক্ষণ, পরীক্ষা ও গবেষণার ফলে এ কথা অস্বাভাব্যে প্রমাণ হয়েছে যে, পুরুষ অপেক্ষা নারীর মেধার দৈন্যের কারণ শুধু শিক্ষারই অভাব নয় (জার্মান মনস্তত্ত্ববিদ G. Heymans এর The Psychology of Woman দেখুন)। এই সব পরীক্ষার ফলে জানা যায় যে, নারী সাধারণতঃ পুরুষের চেয়ে উৎসাহ, পরিশ্রম, ও ধৈর্য ও অধ্যবসায় শ্রেষ্ঠ, কিন্তু প্রজ্ঞা ও বিষয়-বুদ্ধিতে (sagacityতে) নিকৃষ্ট। স্থূল সত্যগুলিই (concrete realities) নারীর ভাল লাগে, বিবিক্ত ভাব (abstract), আদর্শ (ideal) ও কাল্পনিক ভাব তাদের ততটা আকর্ষণ করে না। গবেষকবৃন্দ এ বিষয়ে একমত যে, পুরুষ হতে তাদের প্রধান পার্থক্য হচ্ছে, অধিক ভাবপ্রবণতা ও সহজে বেশী উত্তেজিত হওয়া (stronger emotionalism, greater excitability, and so to say, the

inconsiderate response to every 'stimulus.')। ডাঃ হাইলবোরগ বলেন যে, ভাবপ্রবণতা আদিম ও অর্ধচেতন মনের লক্ষণ (Emotionalism is a quality associated with primitive subconscious mental activity)। বৈধ্য ও অধ্যবসায় নারীর শ্রেষ্ঠতা সম্বন্ধে আমার কিন্তু বিশেষ সন্দেহ আছে।

ভাবপ্রবণ লোকের প্রকৃতি

ইতঃপূর্বে বলা হয়েছে যে ভাবপ্রবণতা (emotion .lism) নারী জাতির অত্যন্ত বিশেষত্ব। মনস্তত্ত্ববিদদের মতে নিম্নলিখিত গুণগুলি ভাবপ্রবণতার সহিত সংযুক্ত থাকে। ক্ষণে ক্ষণে মেজাজ বদলান, ভীর্ণ-স্বভাব (timidity) মনস্থির করতে না পারা, সাহসের অভাব (lack of courage) লোকের প্রভাব বেশী দিন থাকা, শীঘ্র রাগ পড়ে যাওয়া, চলচ্চিত্ততা (variability), সহানুভূতির পাত্র প্রায়ই বদলান (frequent changes of sympathies), মুহূর্মুহু হাসা, অনুভূতির সীমাবদ্ধতা (limitation of consciousness) নিজেরই ভাবনা দ্বারা প্রভাবান্বিত হওয়া (susceptibility to auto-suggestion), কল্পনা রাজ্যে বিচরণ, সহজ জ্ঞান অথচ বুঝবার ক্ষমতার অভাব (intuitive power but lack of comprehension), যুগ্ম ও বিবিষ্ট বিষয় পরিহার করার প্রবৃত্তি (inclination to avoid the abstract) আর সর্বোপরি সহজ বোধ (intuitive thought), আবেগশীলতা বা বোকার মাথায় কাজ করা, গোড়ামীর বশবর্তিতা, হাতের কাজে দক্ষতা, দেমাক, প্রভুত্বের ও ক্ষমতার আকাঙ্ক্ষা, অত্যধিক অনুকম্পা অথচ উৎকট নিষ্ঠুরতা, অতিরঞ্জনপরায়াগতা অথচ সাধুতা ও নির্ভরযোগ্যতা, ধর্মনিষ্ঠা ও প্রায়ই মানসিক বিক্ষোভ হওয়া (frequency of psychic disturbances)। Heymans আরও বলেছেন যে, যতদিন নারী বিশেষভাবে ভাবপ্রবণ থাকবে ততদিন এইগুলি তার বিশেষত্ব থাকবে। আমার মতে এই তালিকা থেকে 'ক্রন্দনশীলতা' বাদ যাওয়া আশ্চর্যের বিষয়, কারণ অল্পে কাঁদা ভাবপ্রবণ ব্যক্তিদের বিশেষত্ব, এ কথা সকলেই জানেন।

আদিম যুগ থেকে আজ পর্যন্ত পুরুষ, রূপ ও পূর্বোক্ত তালিকার মধ্যে এমন সব গুণ যেগুলি তার কাছে দামী (যথা, হাতের কাজে নৈপুণ্য, সাধুতা ও নির্ভরযোগ্যতা) সেইগুলি দেখে নিজের সঙ্গিনী নির্বাচন করে আসছে। সুতরাং ভাবপ্রবণতা প্রকৃতিদত্ত নারীর একটি বিশেষ গুণ। ভাবপ্রবণতার কতকগুলি দোষ অনেক দিনের শিক্ষা ও চেষ্টার ফলে দূর হতে পারে।

শিল্পে দক্ষতায় তফাৎ

যদিও মনস্তত্ত্ববিদদের মতে নারী নর অপেক্ষা বেশী ভাবপ্রবণ; এবং ভাবপ্রবণ ব্যক্তিদের একটি বিশেষত্ব হচ্ছে হাতের কাজে দক্ষতা; কিন্তু আমরা দেখতে পাই যে, যে সব কাজ বা শিল্পে নারীর বিশেষ অধিকার বলে ধরা হয়, তার মধ্যে যেগুলিতে পুরুষ হাত দিয়েছে তাতেই নারীর চেয়ে বেশী উৎকর্ষ দেখিয়েছে, যেমন রান্না ও দরজীর কাজ।

আধ্যাত্মিক ক্ষেত্রে উৎকর্ষতায় তফাৎ

ছুখী, পাণী, তাপী, ও ধর্মপিপাসু নরনারী যাকে ভক্ত, যোগী বা জ্ঞানী দেখে তারই কাছে শান্তি, আনন্দ ও পরমার্থ লাভের জন্ম ছুটে যায়। এ বিষয়ে স্ত্রী পুরুষ-বাছে না। নারীর ভিতর পুরুষের চেয়ে ধর্ম-প্রবৃত্তি, ধর্মাত্মতানে নিষ্ঠা ও রক্ষণশীলতা বেশী দেখা যায়; কিন্তু জগতের ইতিহাসে বিখ্যাত ধর্ম-প্রবর্তক, ধর্ম-সংস্কারক, মহা ভক্ত, মহা জ্ঞানী, মহা যোগী—এক কথায় আধ্যাত্মিক রাজ্যের উচ্চস্তরে—ক'জন নারী দেখা যায়? ভারতের ইতিহাসে এক মীরাবাইএর নাম মনে আসে। চেষ্টা করলে হয়ত আরও ২।১টি নাম বার করা যায়; কিন্তু পুণ্ড্র ভক্ত, জ্ঞানী ও যোগীদের তুলনায় তাঁদের সংখ্যা যেমন নগণ্য তাঁদের উৎকর্ষের মাত্রাও তেমনি সামান্য।

নারীর অধীনতা শারীরিক দুর্বলতার জন্ম নয়

দেখা যায় যে, যে সকল জন্তু বহু যুগ ধরে গৃহপালিত হয়ে আসছে, তারা নিজের জাতের বনের জন্তুর চেয়ে মস্তিষ্কের ওজন ও মানসিক ক্ষমতায় নিকৃষ্ট। সুতরাং মনে হতে পারে যে, নারীর বিনীত, নম্র ও আজ্ঞাবহ ভাব, ভীত স্বভাব, কপটতা (insincerity) ছল (dissimulation) প্রভৃতি কতকটা পুরুষের অধীনে দাস করার ফল। কিন্তু অপেক্ষাকৃত বিনীত, নম্র আজ্ঞাবহ ও সন্তোষ ভাব (submissiveness) শুধু যে মানব সমাজের স্ত্রীজাতির মধ্যে বেশী দেখা যায় তা নয়, অপর উচ্চ শ্রেণীর জীবদের মধ্যে, বিশেষতঃ বন-মানুষের মধ্যে, সেই পরিমাণে দেখা যায়। এই ব্যাপার সম্বন্ধে ষ্টাইন-মেটস্ (Steinmetz) ঠিকই বলেছেন যে, স্ত্রীজাতির গায়ের জোর কম বলে যে এ রকম হয়েছে তা নয়। বড় বড় বুনো জন্তুর গায়ের জোর কম, কিন্তু মানুষ কখনও তাদের পদানত হয় নি। যদি নারীর বুদ্ধি, ইচ্ছাশক্তি ও দর্প নরের সমান হত, তাহলে সে কখনও নরের অধীন হত না।

সাহিত্য বিচারে পুরুষ নারী ভেদের কারণ

আমরা কোন বালকের কোন কাজ বিশেষ ভাল হলে, সেটিকে মেহের চোখে দেখে, সাধারণতঃ বালকের কাছ থেকে অপ্রত্যাশিত বলে, বয়স্ক লোকের সেই রকমই কাজের চেয়ে তার বেশী প্রশংসা করি। সেইরকম যখন কোন সমালোচক নারীর রচিত সাহিত্য বিচারে ত্রি মাপকাটি বাবহার করেন, অর্থাৎ পুরুষের সেই রকম রচনার চেয়ে তার বেশী প্রশংসা করেন, তখন তাঁর মনে এই ভাবই থাকে যে পুরুষের শ্রেষ্ঠতম রচনা বা বুদ্ধির পরিচয় তিনি নারীর কাছে প্রত্যাশা করেন না, কারণ তাঁর ধারণা নারীর মেধা ও মনীষা পুরুষের চেয়ে কম। এ ধারণা যে ভুল নয়, এ কথা, পাশ্চাত্য বৈজ্ঞানিকদের পরীক্ষা ও গবেষণার ফল উপরে সঙ্কলন করে দিয়ে, আমি দেখিয়েছি। সুতরাং এ বিষয়ে তাঁদের উপর রাগ করা চলে না।

নর ও নারী পরস্পরের সমান হতে পারেন না

এ কথা স্বীকার করার নারীর পক্ষে ছুঃখ, লজ্জা বা ক্ষেভের বিষয়ও

কিছু নেই। কারণ সব বিষয়ে পুরুষের সমান হতে হবে, না হলে ভারি অগৌরবের কথা, এ কথা যে পাগলের পাগলামি, সেটা বর্তমান ইয়োরোপ আমেরিকার একদল চুল-ছাঁটা, সিগারেট-খাওয়া, জিমনাস্টিক করা ক্ষ্যাপা মেয়ের অন্ধ অনুকরণ না করলে বেশ বোঝা যায়। পুরুষেরা তো সব বিষয়ে নারীর সমান হতে চেষ্টা করেন না, হওয়া সম্ভব বলেও মনে করেন না। নরনারীর শরীর-গঠনে যেমন স্বাভাবিক তফাৎ আছে, তাদের বুদ্ধির ও মনের ধরণ-ধারণে তেমনই অনেক রকম স্বাভাবিক প্রভেদ আছে। সেগুলি কিছুতেই সম্পূর্ণভাবে দূর করা যায় না।

বুদ্ধিতে হীন হলেও নারী মনুষ্যত্বে শ্রেষ্ঠ

নর যেমন বুদ্ধি ও মানসিক ক্ষমতায় বড়, নারী তেমনি স্নেহ, প্রেম, দয়া, স্নেহ, সেবা, বস্তু, ধর্মপিপাসা ও ধর্মনিষ্ঠায় এবং ছুঃখ, কষ্ট, বেদনা, অনাহার, অনিদ্রা, প্রভৃতি সহ করার ক্ষমতায় বড়। কে না স্বীকার

করবেন যে, বুদ্ধি ও জ্ঞান রাজ্যে প্রতিভার চেয়ে মানুষের জীবনে ঐ সব গুণের দাম বেশী? তাই আমরা মেধা, প্রজ্ঞা ও প্রতিভার অধিকারীর চেয়ে ঐ সব স্কুমার ও মধুর গুণের অধিকারীকে স্বভাবতঃই বড় করে দেখি। তবে স্নেহ প্রেম প্রভৃতির অধিকারীর পক্ষে মেধা প্রভৃতির নুন্যতার জন্ম লজ্জিত হওয়ার বা আক্ষেপ করার কি আছে? শারীরিক শক্তির চেয়ে আমরা শারীরিক কৌশলকে, আবার তার চেয়ে মানসিক, ও আধ্যাত্মিক ক্ষমতাকে, বড় বলে মনে করি। তাই পালোয়ানের চেয়ে ভাল দরজী, বা শিল্পী, তার চেয়ে গাঁইয়ে বাজিয়ে ও তার চেয়ে ক্রমাগত বৈজ্ঞানিক, দার্শনিক, পরার্থপরায়ণ, প্রেমিক ও সাধু মহাত্মা শ্রেষ্ঠতর বলে গণ্য। অতএব মেধা, মনীষা ও প্রজ্ঞাতে হীন হলেও, নারী যখন এদের চেয়ে উঁচুদের গুণাবলীর অধিকারিণী, তখন ত তাঁরই বড়। তাই পুরুষ চিরকাল নারীর গুণে মুগ্ধ ও তার পদানত। অতএব নারীরই জিত।

প্রাচীন কলিকাতা পরিচয়

শ্রীহরিহর শেঠ

ষোড়শ পরিচ্ছেদ

খ্যাতনামা ব্যক্তিগণ

পূর্বাহ্নবৃত্তি


(২)

রাজা দেবী সিংহ—রায় দেওয়ালি সিংহের পুত্র দেবী সিংহ পলাশি যুদ্ধের অব্যবহিত পূর্বে বা ঠিক পরে ইষ্ট ইণ্ডিয়া কোম্পানীর কার্যে নিযুক্ত হন। তিনি তৎকালে ক্লাইবের যথেষ্ট সহায়তা করিয়াছিলেন। এই সময় ইংরাজ কোম্পানী সামান্য ব্যবসায়ী হইতে দেশশাসকের আসন গ্রহণ করিতে-ছিলেন। তখন তাঁহাদের খাজনা আদায়ের উপযুক্ত লোকজন ছিল না। এই সময় দেবী সিংহ সুদীর্ঘকাল ধরিয়া অতি বিখ্যাসের সহিত কোম্পানীর এই কার্য করেন। কোম্পানীর কলিকাতার অধ্যক্ষগণের বিবেচনায় এ বিষয়ে তাঁহার অপেক্ষা যোগ্যতর লোক তখন আর কেহ ছিল না। ১৭৮১ খৃষ্টাব্দে তিনি দেওয়ান নিযুক্ত হন। এই সকল কার্যে তিনি অতুল যশের সহিত বহু অর্থও উপার্জন করিয়াছিলেন। কিন্তু তাঁহার বিরুদ্ধে কোম্পানী একটা অভিযোগ আনয়ন করায় বহু দিন তাঁহাকে বিব্রত থাকিতে

হইয়াছিল। যাহা হউক পরে তিনি নির্দোষ সাব্যস্ত হন এবং রাজা হইতে মহারাজা উপাধিতে ভূষিত হন। দেওয়ালি সিংহ নশীপুরে প্রথম বাস স্থাপন করিলেও রাজা দেবী সিংহ হইতেই নশীপুর রাজবংশের প্রতিষ্ঠা বলিতে পারা যায়।

আনন্দকৃষ্ণ বসু—ইনি রাজা সুর রাধাকান্ত দেবের দৌহিত্র; ১৮২২ খৃষ্টাব্দে জন্মগ্রহণ করেন। ইহার ঞ্চায় ইংরাজী ভাষায় পণ্ডিত ব্যক্তি তাঁহার সময়ে খুব কমই ছিলেন। ইহার বহু ভাষায় ব্যুৎপত্তি ছিল। ঈশ্বরচন্দ্র বিদ্যাসাগর অক্ষয়কুমার দত্ত প্রভৃতি মনীষিগণ ইহার নিকট ইংরাজি শিক্ষা করিয়াছিলেন। অনেক খ্যাতনামা ব্যক্তি ইহার দ্বারা বক্তৃতাাদি লিখাইয়া লইতেন। অসাধারণ পাণ্ডিত্যের সহিত ইনি নিরভিমান ও অহঙ্কারশূন্য ছিলেন।

* * *
রাধানাথ শিক্দার—১৮১৩ খ্রীষ্টাব্দে ষোড়াসাঁকোর শিক্দারপাড়ায় ইহার জন্ম হয়। পিতার নাম তিতুরাম শিক্দার। ইহার ব্রাহ্মণবংশ-সম্বৃত কলিকাতার অতি প্রাচীন অধিবাসী, বংশ-পরম্পরা ক্রমে মুসলমান নবাবদিগের সময় শিক্দার বা পুলিশ কমিশনরের কাজ করার জন্ত এই উপাধি। রাধানাথ প্রথমে ফিরিঙ্গী কমল বসুর স্কুলে ও পরে হিন্দু কলেজে শিক্ষা প্রাপ্ত হন। তিনিও ডিরোজিওর শিষ্যদের মধ্যে একজন অগ্রগণ্য ব্যক্তি ছিলেন। তিনি সার্ভে অফিসে একটা সামান্য চাকুরীতে প্রতিষ্ঠিত হইয়া পরে উত্তর পশ্চিমাঞ্চলে বহু বৎসর নানা কার্যে ব্যাপৃত থাকেন। সে সময় তিনি ৬০০ টাকা বেতন পাইতেন। তাঁহার



আনন্দকৃষ্ণ বসু

তেজস্বিতা, আত্মমর্যাদা-জ্ঞান ও কার্যদক্ষতা প্রভৃতি গুণের জন্ত তিনি ইংরাজদিগের বিশেষ শ্রদ্ধাভাজন ছিলেন। তিনি বঙ্গভাষার একজন সুহৃদ ছিলেন। তিনি প্যারীচাঁদ মিত্রকে সরল সহজ বাঙ্গালা লিখিবার জন্ত প্ররোচনা দান করেন। উভয়ের সম্পাদকতায় “মাসিক পত্রিকা” নামক একখানি পত্রিকা কিছুদিন প্রকাশিত হইয়াছিল। তিনি দারপরিগ্রহ করেন নাই। জীবনের শেষ দশায় চন্দননগরের গোন্দলপাড়ায় গঙ্গার ধারে একটি বাগানবাটা ক্রয় করিয়া তথায় বাস করিয়াছিলেন। ১৮৭০ সালে সেই স্থানেই তাঁহার প্রাণবিয়োগ হয়।


তারকনাথ প্রামাণিক—ইহার পিতার নাম গুরুচরণ প্রামাণিক। গুরুচরণ দেবদ্বিজে বিশেষ ভক্তিমান এবং দীন-দরিদ্রের বন্ধু ছিলেন। তিনি নিত্য বহু লোককে অন্ন দিতেন। তারকনাথ পিতার সমস্ত গুণের অধিকারী হইয়াছিলেন। তাঁহার ধাতবজব্যের বিস্তৃত ব্যবসায় ছিল। তিনি উপার্জিত অর্থের বহুল অংশ দানধ্যানে ব্যয় করিতেন। প্রতি একাদশীর দিন তিনি বহু দরিদ্রজনকে ভিক্ষা, আহারীয় ও বস্ত্র দান করিতেন। ১৮৭৭ সালে মহারাণী ভিক্টোরিয়ার সাম্রাজ্যী উপাধি প্রাপ্তিতে কলিকাতার দরবারে সরকার কর্তৃক সম্মানিত হইয়াছিলেন।



ডাক্তার দুর্গাচরণ বন্দ্যোপাধ্যায়

শিবরাম সান্যাল—নূতনবাজারের সান্যাল বংশ পূর্বে বিশেষ প্রতিষ্ঠাসম্পন্ন ছিল। এই বংশের শিবরাম বংশের হইতে আসিয়া কলিকাতায় প্রথম বাস স্থাপন করেন। হাটখোলার দত্তদের সহিত মিলিত হইয়া ব্যবসায় কার্যে লিপ্ত হওয়ায় তিনি বহু অর্থ উপার্জন করেন। তিনি বাঙ্গালার বিভিন্ন স্থানে চতুর্বিংশতিটি নীলের কারখানা স্থাপন করিয়াছিলেন। কথিত আছে তিনি প্রায় বাইট লক্ষ টাকার সম্পত্তি উপার্জন করিয়াছিলেন। তিনি দাতা বলিয়া খ্যাত ছিলেন। মধুসূদন ও কালিদাস নামে দুই পুত্র রাখিয়া তিনি মারা যান। এই দুই সহোদর মামলা বন্দমায় সম্পত্তির অধিকাংশ নষ্ট করেন।

* * *
রসিকলাল ঘোষ—ইহার পূর্বপুরুষ কালীচরণ ঘোষ চন্দননগরের ফরাসী গভর্নমেন্টের দেওয়ান ছিলেন। তাঁহার নামক পুত্র রামচন্দ্র ইষ্ট ইণ্ডিয়া কোম্পানীর প্রথম যুগে চন্দননগর কলিকাতায় আসিয়া বসবাস আরম্ভ করেন। তিনি পোর্টুগীজ সওদাগরদের কলিকাতার এজেন্ট হইয়া উদ্যোগ লাভ করিয়াছিলেন। দ্বারকানাথ ঠাকুরের “গেছিয়া ভিলা” নামক বাগানটি তাঁহারই সম্পত্তি। রামধন ঘোষ নামক তাঁহার একমাত্র পুত্রকে রাখিয়া তিনি ১৮৮ বৎসর বয়সে গতায়ু হন। দেশীয়




রাজা দিগম্বর মিত্র

জন্মের মধ্যে তিনিই প্রথম বিহারপ্রদেশে নীল কুঠি স্থাপন করেন। রসিকলাল ইহারই জ্যেষ্ঠ পুত্র। ইনি ১৮১৪ খ্রীষ্টাব্দে জন্মগ্রহণ করেন। ইনি রাজা রামমোহন রায়ের স্কুলে শিক্ষা করেন। শিক্ষক রূপে কার্য আরম্ভ করিয়া ইন্সটিটিউট-এর প্রধান সহকারী পদে উন্নীত হন। তিনি বহু মাতৃভক্ত ও খাঁটি হিন্দু ছিলেন। বাটীতে ধুমধামের সহিত সকল প্রকার পূজা করিতেন। তিনি দরিদ্রের

ঈশানচন্দ্র বন্দ্যোপাধ্যায়—ইনি ও ইহার ভ্রাতা মহেশচন্দ্র তাঁহাদের সময়ে শিক্ষিত সমাজে খ্যাতনামা অধ্যাপক বলিয়া পরিচিত ছিলেন। ঈশানচন্দ্র ১৮১৪ খ্রীষ্টাব্দে জন্মগ্রহণ করেন। তিনি হিন্দু কলেজে শিক্ষা প্রাপ্ত হন। তিনি জেনারেল এসেম্বলিস্ ইনষ্টিটিউশন্, হুগলী কলেজ, কৃষ্ণনগর, বহরমপুর প্রভৃতি স্থানে অধ্যাপকের কার্য করিয়াছিলেন।

* * *
নিধুরাম বসু—ইনি দেওয়ান নিধুরাম বলিয়া পরিচিত



অক্ষয়কুমার দত্ত


ছিলেন। বাগবাজারের দেওয়ান নিধুরামের বংশ অতি প্রাচীন ও সম্ভ্রান্ত ছিল। ইংরাজ আগমনের বহু পূর্বে ইনি মাইনগর হইতে বাগবাজারে আসিয়া বসতি করেন। ইহার ছয় পুত্র রাধাচরণ, রামচরণ, শ্যামচরণ, ভবানীচরণ কালীচরণ ও দেবীচরণ দাতব্য কার্যের জন্ত প্রসিদ্ধ হইয়া ছিলেন। তাঁহারা সকলে গোঁড়া হিন্দু ছিলেন।

* * *
রাধাকৃষ্ণ মিত্র—পিতার নাম কালীপ্রসাদ মিত্র। ইনি দার্জিলিংপাড়ায় বাস করিতেন। সুপ্রসিদ্ধ রামচন্দ্র দেব

জ্যেষ্ঠা কন্ঠার সহিত ইহার বিবাহ হয়। ইনি ধার্মিক এবং একজন খাঁটি হিন্দু ছিলেন। কাশীতে ইহার প্রতিষ্ঠিত একটি শিব-মন্দির আছে। ইহার পুত্রদের মধ্যে রাধাকৃষ্ণ আমেরিকান সপ্তদাগরদের সহিত মিলিত হইয়া বহু অর্থ উপার্জন করিয়াছিলেন।

* * *


দুর্গাচরণ বন্দ্যোপাধ্যায়—ব্যারাকপুরের সন্নিকটবর্তী মণিরামপুরে ১৮১৯ সালে জন্মগ্রহণ করেন। তিনি গোলকচন্দ্র বন্দ্যোপাধ্যায়ের তৃতীয় পুত্র ছিলেন। বাল্যকালেই তিনি কলিকাতায় আনীত হন এবং হিন্দু কলেজে



রাজেন্দ্র দত্ত

তঁাহাকে ভর্তি করিয়া দেওয়া হয়। তিনি একজন মেধাবী ছাত্র ছিলেন এবং ১৫ কি ১৬ বৎসর বয়সে বিদ্যালয় হইতে বৃত্তি প্রাপ্ত হন। পিতার অবস্থার অসচ্ছলতা বশতঃ তিনি পাঠ শেষ করিবার পূর্বেই বিদ্যালয় ত্যাগ করিতে বাধ্য হন। তঁাহার বয়ঃক্রম যখন একবিংশতি বৎসর, তখন ডেভিড হেয়ারের বিদ্যালয়ে দ্বিতীয় শিক্ষকের কার্য প্রাপ্ত হন এবং ছাত্রবন্ধু ডেভিডের রূপায় তিনি প্রত্যহ দুই ঘণ্টা করিয়া মেডিক্যাল কলেজে পড়িবার অল্পমতি প্রাপ্ত হন। জানা যায় তঁাহার জ্বর হঠাৎ কঠিন পীড়া হওয়ায় চিকিৎসক আসিতে, বিলম্ব হয় এবং সেই সময় তঁাহার মৃত্যু ঘটায়

তাহার চিকিৎসা-বিদ্যায় অল্পরূপ জ্ঞান। মিঃ (Mr. Jones) যখন হেয়ার স্কুলের অধ্যক্ষ হন তখন দুর্গাচরণের মেডিক্যাল কলেজে পাঠের সুযোগ করিয়া দেন। ইহাতে তিনি বিদ্যালয়ের শিক্ষক পদ ত্যাগ করেন এবং পরে পাঁচ বৎসর মেডিক্যাল কলেজ অধ্যয়ন করেন, কিন্তু এখানেও পাঠ শেষ করার পূর্বে ছাড়িয়া দিতে হয়। পণ্ডিত ঈশ্বরচন্দ্র বিদ্যাসাগর সময় ফোর্ট উইলিয়মে ৮০ টাকা বেতনের একটি বোর্ডিং স্কুল স্থাপন করিয়া দেন। এই সময় তিনি প্রাতে ও বিকালে চিকিৎসা করিতে থাকেন। কিছুদিন পরে এই কাজ ছাড়িয়া দেন এবং স্বাধীন ভাবে চিকিৎসা ব্যবসায়




রায় পশুপতিনাথ বসু

করেন। অতি শীঘ্র সুচিকিৎসক বলিয়া তঁাহার নাম প্রচারিত হইয়াছিল। এবং তিনি দশ বৎসরের মধ্যে এক লক্ষ টাকা অধিক উপার্জন করেন। তঁাহার সময়ে তঁাহার স্থায়ী নিৰ্ণয় করিবার ক্ষমতা কোন চিকিৎসকের ছিল। ১৮৭০ সালে তঁাহার প্রাণবিরোগ ঘটে। মার মৃত্যু বন্দ্যোপাধ্যায় ইহারই পুত্র।

রূপচাঁদ রায়—তিনি বেনিয়ানের কাজ করিয়া অর্থ উপার্জন করিয়াছিলেন। বড়বাজারে তঁাহার দোকান ছিল। তঁাহার নামে একটি রাস্তা আছে।

* * *

রাজা দিগম্বর মিত্র—রাজা দিগম্বর মিত্র হইতেই নিয়ার মিত্র-বংশের খ্যাতি-প্রতিপত্তি। ১৮১৭ খৃষ্টাব্দে রণে তিনি জন্মগ্রহণ করেন। হিন্দু কলেজে শিক্ষিত তিনি ইংরাজি ভাষায় বিশেষ ব্যুৎপত্তি লাভ করিয়াছেন। প্রথম আমিনরূপে ইনি মুর্শিদাবাদে কার্য করেন এবং তথায় ক্রমে রাজা কৃষ্ণনাথের গৃহশিক্ষক ও তঁাহার বিস্তৃত সম্পত্তির তত্ত্বাবধায়ক নিযুক্ত হন। তঁাহার কার্যে সন্তুষ্ট হইয়া রাজা তঁাহাকে এক লক্ষ টাকা স্বরূপ দান করেন। ইহা অবলম্বন করিয়াই প্রথমে তঁাহার ও পরে দেশের কাজ এবং তৎপরে জমিদারী দ্বারা তঁাহার সৌভাগ্যের অধিকারী হন। যৌবনকাল হইতেই তিনি ঠাকুর পরিবারের সহিত ঘনিষ্ঠভাবে মিশিবার সুযোগ পাইয়াছিলেন এবং খ্যাতনামা দ্বারকানাথ ঠাকুর



রায় পশুপতিনাথ বসুর বাটা

শয়ের নিকট হইতেই তিনি রাজনৈতিক শিক্ষা লাভ করিয়াছিলেন। বৃটিশ ইণ্ডিয়ান এসোসিয়েসনের তিনি এক সহকারী সম্পাদক হইয়া পরে তাহার সভাপতি হইয়াছিলেন। তিনি অবৈতনিক ম্যাজিষ্ট্রেট, জিমলোটিক কাউন্সিলের সদস্য, ডিষ্ট্রিক্ট চ্যারিটেবল সোসাইটির সম্পাদক ও কলিকাতার প্রথম দেশীয় সেরিফ হইয়াছিলেন। তিনি সরকার কর্তৃক রাজা ও কুমার হইয়া উপাধি ভূষিত হন। তিনি তঁাহার জীবন-কাল বহু ছাত্রকে ভরণ-পোষণ করতেন। তঁাহার এক পুত্র গিরীশচন্দ্র বিদ্যালয়শিক্ষার্থ বিলাতে প্রেরিত হন, এবং তঁাহার মৃত্যু হয়। ১৮৭৯ খৃষ্টাব্দে রাজা তঁাহার দুই পুত্র—কুমার মনমথনাথ ও কুমার নরেন্দ্রনাথকে তঁাহার মারা যান।




প্রাণনাথ দত্ত

ও দানশীল ছিলেন। ইহারই চেষ্টায় রামচন্দ্রনাথ দে বিদ্যালয় ও ধনে এতাদৃশ সমৃদ্ধ হইয়াছিলেন। আমতা, মেদিনীপুর, ঢাকা প্রভৃতি স্থানে তঁাহার প্রতিষ্ঠিত যে সকল কীর্তি আছে, তন্মধ্যে গয়ার প্রেতশীল পাহাড়ের সোপান শ্রেণী তঁাহাকে অমর করিয়া রাখিবে। পাটনায় পাটনেশ্বরীর মন্দির এই বংশসম্বৃত ইষ্ট ইণ্ডিয়া কোম্পানীর পাটনার দেওয়ান জগৎরামের কীর্তি। পানিহাটি কোলগরের গঙ্গাপার্শ্বস্থ বাটা ও দ্বাদশ মন্দিরও এই বংশের কীর্তির পরিচায়ক।

অক্ষয়কুমার দত্ত—১৮২০ সালে নবদ্বীপের সন্নিকট চুপী নামক গ্রামে অক্ষয়কুমার জন্মগ্রহণ করেন। ইহার

পিতা পীতাম্বর দত্ত বিষ্ণু-কর্ষ উপলক্ষে খিদিরপুরে আসিয়া বাস করেন। প্রথম গুরুমহাশয়ের পাঠশালায় বিচারক করিয়া ইনি গৌরমোহন আচ্যের “ওরিএন্টাল সেমিনারী”তে ইংরাজি শিক্ষা করেন। কিন্তু তাঁহার পিতৃ-বিয়োগ ঘটায় তাঁহাকে লেখাপড়া ছাড়িতে হয়। অভাবের তাড়নায় অল্প বয়স হইতেই তাঁহাকে ধনোপার্জনের জন্ত ব্যস্ত হইতে হইলেও জ্ঞানার্জনের প্রবল স্পৃহা বশতঃ বন্ধুবান্ধবগণের নিকট হইতে পুস্তক সংগ্রহ করিয়া শিক্ষা করিতে তাঁহাকে বহু ক্রেশ স্বীকার করিতে হইয়াছিল। তিনি প্রথম তত্ত্ববোধিনী পাঠশালায় শিক্ষক রূপে মাসিক আট




ডাক্তার মহেন্দ্রলাল সরকার

টাকা বেতনে শিক্ষকতা করিতে প্রবৃত্ত হন। ১৮৪৩ খৃষ্টাব্দে তত্ত্ববোধিনী পত্রিকা প্রকাশিত হইলে তিনি তাহার সম্পাদক হন। এই সময় তিনি কিছুদিন মেডিক্যাল কলেজে অতিরিক্ত ছাত্ররূপে অধ্যয়ন করিয়া উদ্ভিদবিদ্যা, প্রাণীবিদ্যা প্রভৃতিতে বিশেষ জ্ঞানলাভ করিয়াছিলেন। তত্ত্ববোধিনীর সাহায্যে তিনি দেশীয়গণের জ্ঞানোন্নতির জন্ত তাঁহার দেহ মন নিয়োজিত করিয়াছিলেন। তিনি কয়েকখানি গবেষণাপূর্ণ গ্রন্থ রচনা করিয়াছিলেন। ১৮৫৫ সাল হইতে তিনি ভগ্নস্বাস্থ্য হন। জীবনের শেষবছর

তিনি বাগি গ্রামের গঙ্গাতীরবর্তী এক উদ্যান-বাটিতে করিতে থাকেন। ১৮৮৬ সালে তাঁহার দেহান্ত হয়।

রাজেন্দ্র দত্ত—১৮১৮ খৃষ্টাব্দে সুপ্রসিদ্ধ অক্ষয় বংশে তিনি জন্মগ্রহণ করেন। তিনি প্রথমে বাহুবাহুর সাহেবের বিদ্যালয়ে এবং পরে হিন্দু কলেজে শিক্ষা করেন। এখানকার শিক্ষা শেষ করিয়া কিছু মেডিক্যাল কলেজের অতিরিক্ত ছাত্ররূপে উপস্থিত শ্রবণ করেন। চিকিৎসার দ্বারা লোকের দুঃখের পরোপকার-ব্রতে আত্মনিয়োজিত করিবার উদ্দেশ্যেই তিনি চিকিৎসা-বিদ্যা শিক্ষার প্রয়াস। বিষয়-কার্যে হইয়া কিছুদিন সওদাগর অফিসে বিনিয়োগের




ইণ্ডিয়ান এসোসিয়েশন অফ সায়ান্স

করিলেও তিনি সুপ্রসিদ্ধ দুর্গাচরণ স্কুলের পাঠ্যক্রমের মিলিত হইয়া নিজ বাটিতে একটী এনোপ্যাথিক স্কুল স্থাপন করিয়া দরিদ্রদের চিকিৎসা ও ঔষধ বিতরণ করেন। হোমিওপ্যাথি চিকিৎসা প্রচারের জন্তও অনেক চেষ্টা করিয়াছিলেন। ইয়োরোপ হইতে ডাক্তার টম্বার (Dr. Tombar) ডাক্তার বেরিয়েগ্নি (Dr. Beriegny) কেও এ বিষয় তিনি যথেষ্ট সাহায্য করিয়াছিলেন। তাঁহার জীবনের আর একটি উল্লেখ্য কার্য—তৎকালীন প্রসিদ্ধ বারাসান্দী স্ত্রীরা বুলবুলের হিন্দু-কলেজে ভর্তি করায় সহর মধ্যে স্বাধীন মহা আন্দোলন

সৃষ্ট হয়, তখন ১৮৫৩ বা ৫৪ খৃষ্টাব্দে হিন্দু মেট্রপলিট্যান কলেজ নামে যে বিদ্যালয় প্রতিষ্ঠা হয়, রাজেন্দ্রবাবুই তাহার অগ্রণী ছিলেন। তিনি এই কলেজের অধ্যক্ষতা করিবার জন্ত ক্যাপ্টেন ডি, এল, রিচার্ডশনকে নিযুক্ত করিয়াছিলেন। ১৮৮৯ খৃষ্টাব্দে তিনি কালগ্রাসে পতিত হন।

* * *

রায় পশুপতিনাথ বসু—১৮৫৫ খৃষ্টাব্দে জন্মগ্রহণ করেন। তিনি বাগবাজারের প্রসিদ্ধ বসুবংশসম্ভূত। পাটনা, গয়া, লোহারডাঙ্গা প্রভৃতি স্থানে তাঁহার জমিদারীর তত্ত্বাবধানে তাঁহার জীবনের অনেকটা অংশ অতিবাহিত হইলেও তিনি কলিকাতার অনেক জনহিতকর কার্যের সহিত সংশ্লিষ্ট ছিলেন। তিনি দয়ালু ও পরোপকারী ছিলেন। বাগবাজারের “পল্লী সমিতি” তাঁহার দ্বারাই প্রতিষ্ঠিত হয়। ভারতীয় সঙ্গীত সমাজের তিনি একজন



যোগেন্দ্রচন্দ্র বসু

হইয়াছিলেন। তাঁহার পিতার মৃত্যুর পর তিনি ইয়ো-আজীবন সভ্য ছিলেন। তিনি বাগবাজারে একটি দাতব্য

রেশনের একজন কমিশনার ছিলেন এবং বৃটিশ ইণ্ডিয়ান এসোসিয়েশনের একজন বিশিষ্ট সদস্য ছিলেন। তিনি কংগ্রেসের একজন পৃষ্ঠপোষক ছিলেন। ১৯০৭ সালে তিনি মারা যান।

* * *

প্রাণনাথ দত্ত—হাটখোলার দত্ত-বংশের লোকনাথ দত্তের পুত্র প্রাণনাথ-১৮৫০ খৃষ্টাব্দে জন্মগ্রহণ করেন। তিনি ওরিয়েন্টাল সেমিনারি ও হিন্দু কলেজে শিক্ষালাভ করেন। তিনি ইংরাজি, বাঙ্গলা, সংস্কৃত ও পারস্য ভাষায় সুপণ্ডিত ছিলেন। “বিবিধার্থ সংগ্রহ”, “রহস্য সন্দর্ভ” ও অর্থাচ্ছ যে সব সাময়িক পত্রিকা ডাক্তার রাজেন্দ্রলাল মিত্রের সম্পাদকতায় প্রকাশিত হইত, পরে প্রাণনাথ সে সকলের সম্পাদক হইয়াছিলেন। তাঁহার পিতার মৃত্যুর পর তিনি ইয়ো-রোপে দেশীয় উৎপন্ন-বস্তুর রপ্তানির জন্ত প্রাণনাথ দত্ত



কুমার কৃষ্ণচন্দ্র সিংহ (লালা বাবু)


চিকিৎসালয় খুলিয়া বহু লোকের উপকার করিয়াছিলেন। প্রায় ২৫ বৎসর ধরিয়া তিনি বহু দরিদ্র ছাত্রকে বাটিতে রাখিয়া ভরণপোষণ করিয়াছেন। তিনি কলিকাতা কর্পো-



দেওয়ান রামকমল সেন

চৌধুরী নামে এক ব্যবসা খোলেন। তৎপরে একটা ছাপাখানা, লোহা ঢালাই প্রভৃতির কাজও করেন। কলিকাতা মিউনিসিপ্যালিটিতে নির্বাচিত সদস্যের পদের

সৃষ্টি হইলে তিনি প্রথম দলেই নিরীক্ষিত হন এবং জীবনের শেষ পর্যন্ত এই পদে অধিষ্ঠিত থাকেন। তিনি ব্রিটিশ ইণ্ডিয়ান এসোসিয়েসনের এবং ইণ্ডিয়ান ইউনিয়নেরও সভ্য ছিলেন। এই সকলের সহিত সংযুক্ত থাকিয়াও তিনি সাহিত্যের সহিত সম্পর্ক ত্যাগ করেন নাই। তিনি এই সময় “বসন্তক” নামে একখানি হাশ্বরসপূর্ণ বিজ্ঞাপনক সচিত্র মাসিক প্রকাশ করেন। বাঙ্গালা ভাষায় এই শ্রেণীর পত্রিকা ইহাই প্রথম। ইহার বহুল প্রচার হইয়াছিল এবং তৎকালীন বিদ্বজ্জন সমাজে বিশেষ সমাদৃত



মতিলাল শীল

হইয়াছিল। সংস্কৃতের সহিত ইংরাজি ভূমিকা সম্বলিত গ্রন্থ তিনিই প্রথম প্রকাশ করেন। ব্যবসায় লোকশান ও তাঁহার পুত্র রূপানাথের স্বাস্থ্য ভগ্ন হওয়া হেতু হাটখোলা হইতে কাশীপুরের দিকে যাইয়া বাস করেন। তথায় অবস্থানকালে তিনি বিশেষ চেষ্টার দ্বারা কাশীপুর ও চিৎপুর কলিকাতা মিউনিসিপ্যালিটির অন্তর্ভুক্ত হইতে না দিয়া স্বতন্ত্র মিউনিসিপ্যালিটি স্বজনে সমর্থ হন। ১৮৮৮ সালে তাঁহার পরলোক প্রাপ্তি ঘটে।

ডাক্তার মহেন্দ্রলাল সরকার—হাওড়ার অন্তর্গত পাইক-পাড়ায় ১৮৩৩ খৃষ্টাব্দে মহেন্দ্রলালের জন্ম হয়। তাঁহার পিতার নাম রাগতারক সরকার। মহেন্দ্রলাল শৈশবেই মাতৃ-হীন হওয়ায় কলিকাতায় নেবুতলায় তাঁহার মাতুলদ্বারা প্রতিপালন হন। হেয়ার স্কুল ও হিন্দু কলেজের পাঠ শেষ করিয়া তিনি মেডিক্যাল কলেজে প্রবিষ্ট হন এবং তথায় ১৮৬৩ খৃষ্টাব্দে এম-ডি পরীক্ষায় প্রথম স্থান অধিকার করেন। তিনি এনোপ্যাথিতে শিক্ষালাভ করিলেও কয়েক বৎসরের মধ্যে হোমিওপ্যাথি চিকিৎসার বিশেষ পক্ষপাতী হইয়া উঠেন এবং এ সম্বন্ধে তিনি নিজ মত প্রচারের জন্ত



রামগোপাল বোষ

১৮৬৮ খৃষ্টাব্দে Calcutta Journal of Medicine নামে একখানি পত্রিকা প্রকাশ করিতে আরম্ভ করেন এবং জীবনের শেষ পর্যন্ত উহা প্রকাশ করিয়াছিলেন। তাঁহার জীবনের প্রধান কীর্তি Indian Association for the Cultivation of Science নামক বিজ্ঞান সভার প্রতিষ্ঠা। ১৮৭৬ সালে তদানীন্তন ছোট লাট স্যার রিচার্ড টেম্পলের সহায়তায় ইহার উদ্বোধন হয়। তিনি কলিকাতা বিশ্ববিদ্যালয়ের ফেলো, অবৈতনিক ম্যাজিষ্ট্রেট, সেরিফ, মেডিকেল কলেজের কাউন্সিলের সদস্য, মিউনিসিপ্যাল কমিশনার, এসিয়ার টিকিট সোসাইটির সদস্য ও যাদুঘরের ট্রাষ্টী ছিলেন। সরকার

তাঁহাকে সি-আই-ই উপাধি ভূষিত করিয়াছিলেন। কলকাতা ও প্লেগ সম্বন্ধে তাঁহার দুইখানি উৎকৃষ্ট গ্রন্থ আছে। তিনি বহু অর্থ ব্যয় করিয়া বৈতন্যে তাঁহার জীর নামে রাজকুমারী কৃষ্ণাশ্রম নামে একটি আশ্রম প্রতিষ্ঠা করিয়া যান। ১৯০৪ সালে তাঁহার দেহান্ত ঘটে।


* * *

মোগেন্দ্রচন্দ্র বসু—১৮৩৫ খৃষ্টাব্দে বর্দ্ধমান জেলার ইন্দুবা গ্রামে মাতামহের আশ্রমে তাঁহার জন্ম হয়। তিনি হুগলী কলিজিয়েট স্কুল হইতে এন্ট্রান্স পরীক্ষায় উত্তীর্ণ হন। তৎপরে চুঁচুড়ার অক্ষয়কুমার সরকারের সাধারণী পত্রিকার সম্পাদকীয় বিভাগে শিক্ষানবিশ রূপে প্রবেশ করেন। এই স্থান হইতেই তাঁহার সংবাদপত্র পরিচালনার শিক্ষা লাভ হয়। তৎপরে কলিকাতায় গমন করেন এবং তথা হইতে সাপ্তাহিক সংবাদপত্র “বঙ্গবাসী” প্রকাশ করেন। তিনি একখানি বাঙ্গালা দৈনিকও প্রকাশ



রমেশচন্দ্র দত্ত

করিয়াছিলেন। কিন্তু দশ বৎসর কোনরূপে রাখিয়া উহা বন্ধ করিতে বাধ্য হন। তৎপরে তিনি টেলিগ্রাফ নামে



শিবচন্দ্র দেব

রাজলক্ষ্মী, মডেল ভগিনী প্রভৃতি গ্রন্থগুলিও বিশেষ আদৃত ছিল। ১৯০৫ সালে তিনি পরলোক প্রাপ্ত হন।



রসময় দত্ত

দ্বারকানাথ গুপ্ত—ইনি সাধারণতঃ ডি, গুপ্ত বলিয়া খ্যাত। ইনি মেডিক্যাল কলেজের একজন পুরাতন ছাত্র।

ইহার পেটেন্ট জরুরি ঔষধ, যাহাকে সচরাচর লোকে ডি-ওপ্ত বুলিয়া থাকে, তাহাই ইহাকে অমর করিয়া রাখিয়াছে। এই ঔষধ বিক্রয় দ্বারা তিনি প্রচুর অর্থও উপার্জন করিয়াছিলেন।

* * * * *

লালাবাবু—ইহার প্রকৃত নাম ছিল কৃষ্ণচন্দ্র সিংহ। ইনি পাইকপাড়ার সুপ্রসিদ্ধ দেওয়ান গঙ্গাগোবিন্দ সিংহের পৌত্র ছিলেন। তিনি সংস্কৃত, ফার্সি ও আরবি ভাষায় বিশেষ শিক্ষালাভ করিয়াছিলেন। তিনি যে বংশে জন্মগ্রহণ করিয়াছিলেন তাহা নানাকারণে অতি-সন্দ্বান্ত ছিল, দানে ইহা বিখ্যাত ছিল। কথিত আছে গঙ্গাগোবিন্দ তাঁহার



গোবিন্দচন্দ্র দত্ত

মাতৃশ্রাদ্ধে প্রায় বিশ লক্ষ টাকা ব্যয় করিয়াছিলেন এবং লালাবাবুর অন্ন-প্রাশনের সময় সোনার পাতে লিখিয়া পণ্ডিতদের নিমন্ত্রণ করিয়াছিলেন। তিনি রামচন্দ্রপুরে চারিটি মন্দির প্রতিষ্ঠিত করিয়াছিলেন। তাঁহার একমাত্র পুত্র প্রাণকৃষ্ণ গঙ্গাগোবিন্দের মৃত্যুর পর তাঁহার পিতৃত্ব্য অপুত্রক রাধাকান্তেরও সমস্ত সম্পত্তির অধিকারী হন। কৃষ্ণচন্দ্র এতাদৃশ ধনবানের পুত্র হইয়াও পিতার সহিত মনোমালিন্য ঘটায় স্বাধীনভাবে জীবিকা নির্বাহ করিবেন মনস্থ করিয়া পিতৃগৃহ পরিত্যাগ করিয়া বর্ধমানের গভর্ণমেন্টের সেরিস্তাদারের পদে নিযুক্ত হন। তৎপরে বৃটিশ গভর্ণমেন্ট যখন উড়িষ্যা অধিকার করেন, তখন তিনি দেওয়ানের পদ


প্রাপ্ত হন। তাঁহার পিতার মৃত্যুর পর তিনি প্রধানতঃ কলিকাতায় বাস করিয়াছিলেন এবং তাঁহার বিস্তৃত সম্পত্তি তত্ত্বাবধান করিয়াছিলেন। এই সময় হইতেই তাঁহার ধর্মজীবন প্রবল হইতে থাকে এবং পুরাণাদি শাস্ত্রগ্রন্থ অধ্যয়ন ও পণ্ডিতগণের সহিত আলাপনে রত হন। তৎপরে তাঁহার মনের ভাব পরিবর্তন হয় এবং সন্ন্যাস ব্রত গ্রহণের মানসে তাঁহার একমাত্র পুত্র শ্রীনারায়ণের শিক্ষা ও সংসারের ব্যবস্থাদি করিয়া বৃন্দাবনধামে গমন করেন। তথায় তিনি পঁচিশ লক্ষ টাকা শ্রীকৃষ্ণচন্দ্রজীউর মন্দির নিৰ্মাণ ও প্রতিষ্ঠার জন্ত লইয়া যান। তাঁহার এই অর্থের কথা প্রচারিত



ঈশ্বরচন্দ্র বিদ্যাসাগর

হওয়ায় তাঁহার বাটীতে লুণ্ঠন দ্বারা ডাকাইতেরা তিন লক্ষ টাকা লইয়া যায়। তিনি মন্দির প্রতিষ্ঠা ব্যাপারে এক মর্ষ বিপদে পতিত হইয়াছিলেন। মন্দিরের জন্ত নিজ পছন্দ-মত প্রস্তর ক্রয় করিবার জন্ত তিনি স্বয়ং রাজপুতানায় গিয়াছিলেন। একজন স্থানীয় রাজাকে গভর্ণমেন্টের বিরুদ্ধে কুমন্ত্রণা দায়ক সন্দেহ করিয়া তথাকার পলিটিক্যাল এজেন্ট কর্তৃক মেট্রিকার্ক তাঁহাকে দিল্লীতে লইয়া যান! তথায় অল্পসময় নিব্বোধ প্রমাণ হওয়ায় তিনি তাঁহার প্রতি বিশেষ সম্ভ্রম হইয়া তাঁহাকে দিল্লীর সম্রাটের সহিত পরিচয় করাইয়া দেয়। সম্রাট তাঁহাকে মহারাজা উপাধি দান করিবার ইচ্ছা প্রকাশ করিলে তিনি নিজেকে সর্বত্যাগী ভিখারী জানাইয়া তথায়

গ্রহণের অনিচ্ছা জ্ঞাপন করেন। তখন তিনি সত্যই সোসাইটিতে ঢুকিয়া পরে তথাকার দেশীয় সম্পাদক ও “মাধুকরী” ব্রত গ্রহণ করিয়া ভিক্ষা দ্বারা উদর পোষণ কমিটির সভ্য মনোনীত হন। অবশেষে টাঁকশালের



সংস্কৃত কলেজের প্রাবরণ চিত্র

করিতেন। ৪০ বৎসর বয়সে অপঘাতে তাঁহার মৃত্যু হয়। তাঁহার প্রতিষ্ঠিত মন্দির বৃন্দাবনের মধ্যে সর্বাপেক্ষা আড়ম্বর-পূর্ণ ও উচ্চ। কথিত আছে, লালাবাবু একদিন হঠাৎ একজনের মুখে কথা প্রসঙ্গে ‘বেলা গেল’ এই কথাটি শুনিবামাত্র তাঁহার মনে বৈরাগ্যের উদয় হইয়াছিল। তাঁহার স্ত্রী রাণী কাত্যায়নী ও অতিশয় ধর্মপরায়ণা ছিলেন।

* * * * *


শোভারাম বসাক—পলাশী যুদ্ধের সময়ের তিনি একজন বিখ্যাত ধনী ও ব্যবসায়ী ছিলেন। সপ্তগ্রাম হইতে আনিয়া তাঁহার স্মৃতাভূটীতে বাস স্থাপন করেন। কথিত আছে হলওয়েল সাহেব শ্বামবাজার নাম পরিবর্তন করিয়া চান্দ মবাজার নাম রাখেন, কিন্তু শোভারাম চেষ্টা করিয়া তাঁহার নিকট আত্মীয় শ্বাম বসাকের নামে পুনরায় ইহা শ্বামবাজারে পরিবর্তিত করিয়াছিলেন। শোভারামের নামে কলুটোলায় একটি ছাঁট, ও বড়বাজারে একটি লেনু আছে।

* * * * *

রামকমল সেন—ইনি সুবিখ্যাত কেশবচন্দ্র সেনের পিতামহ; ১৭৯৫ অথবা ৯৬ খৃষ্টাব্দে গৌরীভা গ্রামে জন্মগ্রহণ করেন। ১৮০১ সালে শিক্ষার জন্ত কলিকাতায় আইসেন। প্রথম কতিপয় বৎসর তিনি কয়েকটি সাহেবদের ছাপাখানায় কাৰ্য্য করেন। তৎপরে ১৮১২ খৃষ্টাব্দে ফোর্ট উইলিয়ম কলেজে একটি কর্ম পান। ১৮১৮ খৃষ্টাব্দে কেরাণীরূপে এসিয়াটিক



রাজা সত্যচরণ ষোষাল বাহাদুর দেওয়ান ও বেঙ্গল ব্যাঙ্কের কোষাধ্যক্ষ হইয়াছিলেন। তিনি হিন্দুকলেজ স্থাপিত হইলে তাহার কমিটিতে ছিলেন।




কুম্ভবিহারী মল্লিক

কিছুদিন নবপ্রতিষ্ঠিত সংস্কৃত কলেজের অধ্যক্ষ হইয়াছিলেন। মেডিক্যাল কলেজ প্রতিষ্ঠার পূর্বে যে মেডিক্যাল কমিশন্ নিযুক্ত হয় তিনি তাহার সভ্য ছিলেন। তিনি

একখানি উচ্চশ্রেণীর ইংরাজী অভিধান প্রকাশ করিয়া বশস্বী হইয়াছিলেন। ১৮৪৪ খৃষ্টাব্দে ইহার মৃত্যু হয়।


মতিলাল শীল—১৭৯১ খ্রীষ্টাব্দে জন্মগ্রহণ করেন। পিতা চৈতন্যচরণ শীল কাপড়ের ব্যবসায় করিতেন। মতিলাল কিছু বাঙ্গালা শিক্ষা করিয়াছিলেন মাত্র। ১৮১৫ সালে ফোর্ট উইলিয়ম জুর্গে সামান্য একটা কার্যে নিযুক্ত হন। এই স্থানে থাকিতেই ১৮১৯ খৃষ্টাব্দে বোতল ও কর্কের ব্যবসা আরম্ভ করেন এবং পরে তিনি জাহাজের মুচ্ছুদির



রাজনারায়ণ বসু

কার্য করেন। এই উভয় ব্যবসাতেই তিনি প্রভূত ধনোপার্জন করিয়াছিলেন। অবশেষে তিনি কলিকাতায় কোম্পানীর কাগজের বাজারের হর্তাকর্তা হইয়া উঠেন। তিনি শিষ্ট, মিত্তভাবী ও পরোপকারী ব্যক্তি ছিলেন। মহারাজা জর্জচার্লস লাহু মহাশয়ের উন্নতির আদি কালে তাঁহার সহিত যথেষ্ট সহযোগিতা ছিল। শীলস্ ফ্রী-কলেজ নামক যে অবৈতনিক বিদ্যালয়টি আছে, উহা তিনিই ১৮৪২ খৃষ্টাব্দে স্থাপিত করেন। ১৮৫৪ খ্রীষ্টাব্দে তাঁহার দেহান্ত হয়।

রামগোপাল ঘোষ—ডিরোজিওর শিষ্টিগণের মধ্যে কৃষ্ণমোহন বন্দ্যোপাধ্যায়ের পর তাঁহার অপেক্ষা কৃতি ও বশস্বী আর কেহ ছিলেন না। ১৮১৫ খ্রীষ্টাব্দে বেচু চাটুগের ষ্ট্রিটের বাটীতে রামগোপাল জন্মগ্রহণ করেন। ইনি দেওয়ান রমাপ্রসাদ সিংহের পৌত্র ও গোবিন্দচন্দ্র ঘোষের পুত্র ছিলেন। তাঁহাদের পৈত্রিক বাস ছিল হুগলী জেলার বাগাটী গ্রামে। তাঁহার পিতার অবস্থা মন্দ থাকায় পরের অর্থসাহায্যে লেখাপড়া শিক্ষা করিয়াছিলেন। একাডেমিক এসোসিয়েশন নামক একটি সভা তাঁহার সময়ে স্থাপিত হয়,



দেওয়ান শান্তিরাম সিংহ

তাঁহার সভ্যগণের মধ্যে তিনি একজন অগ্রণী ছিলেন। এই সভাতেই তাঁহার বক্তৃতাশক্তির প্রথম বিকাশ হয়। তিনি কলেজে অধ্যয়ন কালেই ইংরাজি ভাষায় সুন্দর কথা কহিতে ও লিখিতে শিখিয়াছিলেন। এবং পাঠ শেষ করিবার পূর্বেই ১৮৩২ সালে সোসেফ নামক একজন ধনবান ইহুদীর ব্যবসায় কার্যে নিযুক্ত হন এবং পরে কেলসল্ ঘোষ এণ্ড কোং এবং অবশেষে নিজ নামে (R. G. Ghose & Co.) সওদাগরী কাজ করিয়া বহু অর্থ উপার্জন করিয়াছিলেন। রাজনীতি দ্বারা সুবক্তারূপেই তাঁহার প্রধান খ্যাতি। তাঁহার অল্প বক্তৃতাশক্তি দেখিয়া তৎকালীন শিক্ষিত সমাজ

হইতেন। তিনি তাঁহার সময়ের সকল সভাসমিতি, রাজনীতিক অল্পস্থান প্রভৃতির সহিত সংশ্লিষ্ট ছিলেন। ডিরোজিওর শিষ্টিদল মিলিত হইয়া “লিপি-লিখন সভা” (Epistolary Association) ও “সাধারণ জ্ঞানোপার্জন সভা” (Society for the Acquisition of General Knowledge) নামে যে সভা স্থাপন করেন, রামগোপাল তাঁহার প্রধান উৎসাহী সভ্য ছিলেন। এই শৈশবিক সভার সভ্যগণ কর্তৃক “জ্ঞানোৎসব” নামক একখানি মাসিক প্রকাশিত হইত। রামগোপাল তাঁহার লেখকগণের মধ্যে অগ্রগণ্য ছিলেন। দ্বারকানাথ ঠাকুর মহাশয় কর্তৃক ইংলণ্ড হইতে আনীত জর্জ টমসন্ (George Thomson) মাহেবের উৎসাহে স্থাপিত ব্রিটিশ ইণ্ডিয়ান সোসাইটি, কাৰ্য্য করেন। তিনি তাঁহার বাসগ্রামের উন্নতি




প্রমথনাথ দেব (লাটু বাবু)

বাহা পরে ব্রিটিশ ইণ্ডিয়ান এসোসিয়েশনে পরিণত হয়, কল্পে বহু কার্য্য করিয়াছিলেন। কোমরগর হিতৈষিনী ইনি তাঁহার একজন বিশিষ্ট সভ্য ছিলেন। হেয়ার সভা, ইংরাজি স্কুল, বাঙ্গালা স্কুল, পোষ্ট অফিস, রেল-



নন্দলাল সিংহ

মাহেবের প্রতিমূর্ত্তি স্থাপন বিষয়ে তিনি বিশেষ উৎসাহী ষ্টেশন, ডিস্পেনসারি, ব্রাহ্মসমাজ, পুস্তকাগার প্রভৃতি ছিলেন। তিনি অতিশয় বন্ধুবৎসল ছিলেন। ১৮৬৮ তাঁহারই চেষ্টায় স্থাপিত হয়। ধর্ম ও সমাজ সংস্কার




আশুতোষ দেব (সাতু বাবু)

শিবচন্দ্র দেব—ইহার পিতার নাম ব্রজকিশোর দেব। শিবচন্দ্র ১৮১১ সালে কোমরগরে জন্মগ্রহণ করেন। ডিরোজিওর শিষ্টিগণের মধ্যে তাঁহার ত্রায় সাধু পুরুষ খুব কমই ছিলেন। গ্রাম্য পাঠশালায় তাঁহার শিক্ষাকার্য্য আরম্ভ হইয়া হিন্দুকালেজে তাঁহার শেষ হয়। তথায় তিনি ১৬ টাকা বৃত্তি পাইয়াছিলেন। তিনি প্রথম সার্ভে অফিসে ৩০ বেতনে কার্য্য আরম্ভ করিয়া পরে দীর্ঘকাল ডেপুটি কলেক্টরের

বিষয়েও তিনি উদ্যোগী ছিলেন। বহু চেষ্টায় তিনি তাঁহার নিজ বাসভবনে একটি বালিকা বিদ্যালয় স্থাপন করিয়াছিলেন। কেশবচন্দ্র সেনের পিতৃত্ব হরিমোহন সেনের সহিত মিলিত হইয়া তিনি আরব্য উপন্যাস বাঙ্গালায় অনুবাদ করিয়া প্রকাশ করেন এবং শিশুপালন ও অধ্যাত্মবিজ্ঞান নামে দুইখানি গ্রন্থ প্রণয়ন করেন। ১৮৯০ খ্রীষ্টাব্দে তাঁহার দেহান্ত ঘটে।


রমেশচন্দ্র দত্ত—রামবাগানের প্রসিদ্ধ দত্ত বংশে ১৮৪৮ খৃঃাব্দে রমেশচন্দ্রের জন্ম হয়। ইনি এই পরিবারের উজ্জ্বলতম রত্ন। ইনি সুপ্রসিদ্ধ রসময় দত্তের ভ্রাতা পীতাম্বর



কালীপ্রসন্ন সিংহ

দত্তের পৌত্র ও ঈশানচন্দ্র দত্তের পুত্র। উক্ত রসময় বাবু সেকালের কোর্ট অব রিকোর্য়েষ্ট নামক বিচারালয়ের একজন বিচারক ছিলেন। এই দত্ত বংশেই সুপ্রসিদ্ধা তরুদত্ত ও অরুদত্ত জন্মগ্রহণ করিয়াছিলেন। ইঁহারা উভয়েই তাঁহাদের পিতা গোবিন্দদত্তের সহিত বিদ্যাশিক্ষার্থ ইংলণ্ডে গমন করেন। ইনি রসময় দত্তের পুত্র ছিলেন। ইঁহারা ইংরাজি ও ফরাসী ভাষায় উত্তমরূপে শিক্ষা পাইয়াছিলেন। ইঁহারা ইংরাজীতে বহু কবিতা লিখিয়াছিলেন। তরু ফরাসী ভাষায় একখানি উপন্যাসও লিখিয়াছিলেন। রমেশচন্দ্র ১৮৬৭ খ্রীষ্টাব্দে সিবিল সার্কিস্ পরীক্ষা দিবার জন্ম

বিলাত যান এবং ৬৯ খ্রীষ্টাব্দে সিভিলিয়ান হইয়া এ দেশে আইসেন। তিনি একে একে বহু স্থানে ম্যাজিস্ট্রেট ও কলেজের কাজ করিয়া, শেষে ১৮৯৪ অব্দে ডিভিসনাল কমিশনার পদে নিযুক্ত হন। ইঁহার পূর্বে আর কোন বাঙ্গালী এই পদ প্রাপ্ত হন নাই। ১৮৮৭ খ্রীষ্টাব্দে ইনি সরকারী কাজ হইতে অবসর গ্রহণ করেন। গভর্নমেন্ট তাঁহাকে C. I. E. উপাধি দ্বারা ভূষিত করেন। সরকারী কার্যে অবসর গ্রহণ করিলেও তিনি পুনরায় লণ্ডন ইউনিভার্সিটির ভারতীয় ইতিহাসের অধ্যাপক পদে নিযুক্ত হন। তথা হইতে ফিরিয়া বরোদা রাজ্যে প্রধান মন্ত্রীপদে নিযুক্ত হন।



রামদুলাল দেব (সরকার)

এ কার্যে তিনি যথেষ্ট যশোলাভ করিয়াছিলেন। বঙ্গীয় সাহিত্য-পরিষদের তিনি প্রথম সভাপতি হইয়াছিলেন। এ সমস্ত বিষয় ছাড়িয়া দিলেও তাঁহার পাণ্ডিত্য ও গবেষণা-পূর্ণ ঐতিহাসিক গ্রন্থ ও বঙ্গবিজেতা, মাধবীকঙ্কণ, সমাজ প্রভৃতি উপন্যাসগুলি তাঁহাকে অমর করিয়া রাখিবে। রাঙ্গলা ১৩১৬ সালে তাঁহার দেহান্ত হয়।

নীলমণি মিত্র—ইনি পলাশী আমলের লোক, কোম্পানীর অধীনে চাকুরী করিয়া অনেক অর্থ উপার্জন করিয়াছিলেন।

নবাব কর্তৃক কলিকাতা লুণ্ঠনের পর সহরবাসীদের ক্ষতিপূরণের জন্ম যে কমিশন বসে নীলমণিবাবু তাহার একজন সদস্য ছিলেন। দরজীপাড়ায় তাঁহার বাটী এখনও বর্তমান আছে। যে রাস্তায় তাঁহার বাটী, তাহার নাম নীলমণি মিত্রের গলি।

* * *

রাজা গুরুদাস—ইনি মহারাজ নন্দকুমারের পুত্র, নবাব মীরজাফরের আমলে দেওয়ানের পদে নিযুক্ত ছিলেন। পিতার ফাসির পর তিনি কলিকাতা ত্যাগ করিয়া মুর্শিদাবাদ চলিয়া যান। কথিত আছে বর্তমান বিডন গার্ডেনে যে স্থানে আছে, তথায় তাঁহার আবাস-ভবন ছিল।

* * *

ঈশ্বরচন্দ্র বিদ্যাসাগর—১২২৭ সালে বীরসিংহ গ্রামে জন্মগ্রহণ করেন। পিতা ঠাকুরদাস বন্দ্যোপাধ্যায়ের অবস্থা ভাল ছিল না। ঈশ্বরচন্দ্র নয় বৎসর বয়সে বীরসিংহ হইতে পিতার সহিত পদব্রজে কলিকাতায় আগমন করেন। ১৮২৯ খ্রীষ্টাব্দে সংস্কৃত কলেজে ভর্তি হইয়া ব্যাকরণ, স্মৃতি, সাহিত্য, অলঙ্কার, শায় প্রভৃতিতে দক্ষতা লাভ করিয়া কলেজ হইতে বিদ্যাসাগর উপাধি লাভ করেন। ১৮৪১ অব্দে ৫০ টাকা বেতনে ফোর্ট-উইলিয়ম কলেজের প্রধান পণ্ডিত নিযুক্ত হন। ইংরাজী জানা না থাকায় এখানে সাহেবদের পড়াইবার অসুবিধা হওয়ায়, তিনি এই সময় ইংরাজী ও হিন্দী ভাষা শিক্ষা করিতে আরম্ভ করেন এবং অল্পকাল মধ্যেই উভয় ভাষায় সুদক্ষ হন। ৪৬ সালে তিনি সংস্কৃত কলেজে নিযুক্ত হন এবং ৪৯ সালে পুনরায় ফোর্ট-উইলিয়ম কলেজের অধ্যাপক হন। ১৮৫০ সালে তিনি আবার সংস্কৃত কলেজে সাহিত্যের অধ্যাপক পদে নিযুক্ত হন এবং পর বৎসর অধ্যক্ষের পদ স্বষ্ট হইলে ১৫০ টাকা বেতনে ঐ পদে বরিত হন। পরে তাঁহার বেতন বৃদ্ধি হইয়া ৩০০ হয়। এই সময় Special Inspector of Schoolsএর কাজও তাঁহাকে করিতে হইত, এ জন্ম মোট ৫০০ টাকা পাইতেন। এই কার্যে নিযুক্ত থাকার কালে ছোট নাট হ্যালিডের সহিত পরামর্শ করিয়া তিনি নানা স্থানে বালিকা বিদ্যালয় প্রতিষ্ঠা করেন। এই সময়েই

হিন্দু বালবিধবাদের দুঃখে দুঃখিত হইয়া তিনি নির্ভীক হৃদয়ে গভর্নমেন্টের সাহায্যে ১৮৫৬ খ্রীষ্টাব্দে বিধবা বিবাহ আইন বিধিবদ্ধ করাইয়া লন। তিনি অত্যন্ত তেজস্বী ছিলেন। তদানীন্তন শিক্ষাবিভাগের ডিরেক্টর সাহেবের সহিত মনোবাদ ঘটায় তিনি এক কথায় পাঁচ শত টাকার চাকরীতে ইস্তফা দেন।

বিদ্যাসাগরের সকল পরিচয় দিবার স্থান এখানে নাই। তাঁহার মত পরদুঃখকাতর দাতা অধুনা খুব কমই জন্মগ্রহণ করিয়াছেন। তাঁহার মত বঙ্গভাষার সুহৃদও দেখা যায় না। তিনি বর্ণ-পরিচয় হইতে আরম্ভ করিয়া বহু বিদ্যালয়-পাঠ্য পুস্তক প্রণয়ন করিয়াছিলেন। বঙ্গভাষা তাঁহার দ্বারা নূতন শ্রী লাভ করিয়াছে এ কথা সর্ববাদিসম্মত। নিজ রচিত পুস্তক বিক্রয় দ্বারা তিনি বহু অর্থও উপার্জন করিয়াছিলেন। কিন্তু তাঁহার উপার্জিত সমস্ত অর্থই তিনি দানকার্যে ব্যয় করিয়াছিলেন। উড়িষ্যার দুর্ভিক্ষের সময় তিনি ছয় মাস কাল অন্ন বস্ত্র দিয়া শত সহস্র লোককে রক্ষা করিয়াছিলেন। মেট্রপলিটান কলেজ তাঁহার অবিনশ্বর কীর্তি। তিনি বীরসিংহ গ্রামেও একটা উচ্চশ্রেণীর বিদ্যালয় স্থাপন করেন। এই সকল কার্যের জন্ম গভর্নমেন্ট তাঁহাকে সি-আই-ই উপাধি দান করিয়াছিলেন। ১৮৯১ খ্রীষ্টাব্দে তাঁহার পরলোক-প্রাপ্তি ঘটে।

* * *

অনুকূলচন্দ্র মুখোপাধ্যায়—ইনি হুগলী জেলার ভান্ডা-মোড়া গোপীনাথপুরের দেওয়ান বৈদ্যনাথ মুখোপাধ্যায়ের পৌত্র। ইনিই কলিকাতায় আসিয়া বাস স্থাপন করেন। ১৮২৯ সালে অনুকূলচন্দ্র জন্মগ্রহণ করেন। তিনি হিন্দু স্কুলে শিক্ষালাভ করিয়া সিনিয়র স্কলারশিপ প্রাপ্ত হন। তিনি প্রথম হাবডার ম্যাজিস্ট্রেট আদালতে নাজির রূপে কার্য আরম্ভ করিয়া ১৮৭০ সালে সিনিয়র গভর্নমেন্ট প্লিডার হন এবং অতি অল্পকাল পরেই অনারেবল দ্বারকানাথ মিত্রের পরলোক প্রাপ্তি হইলে তিনি হাইকোর্টের বিচারাসনে স্থান প্রাপ্ত হন। তিনি কিছুদিনের জন্ম বেঙ্গল লেজিস্লেটিভ কাউন্সিলের সভ্য, কলিকাতা বিশ্ব-বিদ্যালয়ের ফেলো এবং ফ্যাকাল্টি অব ল-এর সভ্য নির্বাচিত হইয়াছিলেন। তিনি ১৮৭১ খ্রীষ্টাব্দে মাত্র

বিয়াল্লিশ বৎসর বয়ঃক্রমে দুই পুত্র রাখিয়া পরলোক প্রাপ্ত হন।

* * *

মহারাজা জয়নারায়ণ ঘোষাল—সুপ্রসিদ্ধ ভূকৈলাসের রাজবংশের প্রতিষ্ঠাতা মহারাজা জয়নারায়ণ কন্দর্প ঘোষালের পৌত্র। ইহাদের পূর্ব বাস ছিল গোবিন্দপুরে, যেখানে বর্তমান ফোর্ট উইলিয়াম দুর্গ অবস্থিত। কোম্পানী গোবিন্দপুর অধিকার করিলে তাঁহার খিদিরপুরে উঠিয়া যান। কন্দর্প প্রচুর ধনশালী ছিলেন। তাঁহার দুই পুত্র কৃষ্ণচন্দ্র ও গোকুলচন্দ্রের মধ্যে গোকুলচন্দ্র বাঙ্গলার গভর্নর ভেয়ারলেণ্ডের দেওয়ান হইয়া প্রচুর অর্থ উপার্জন করেন। ১৭৭৯ খৃষ্টাব্দে ইহার মৃত্যুর পর সমস্ত সম্পত্তি কৃষ্ণচন্দ্রের একমাত্র পুত্র জয়নারায়ণের দখলে আইসে। জয়নারায়ণ ইষ্ট-ইণ্ডিয়া-কোম্পানীর অধীনে কিছুকাল সন্দ্বীপের কালু-গো ছিলেন। তিনিই ভূকৈলাসের রাজবাটী নিৰ্মাণ করিয়া পরিখা দ্বারা বেষ্টিত করেন। তিনিই স্বর্ণময়ী পতিতপাবনী দেবীর জন্ত সুন্দর মন্দির-খচিত দেবায়তন নিৰ্মাণ, এবং শিবগঙ্গা ও সত্যগঙ্গা নামক দুইটা দীর্ঘিকা খনন করান। তিনি ভূকৈলাসে দুইটা অতি বৃহদায়তনের শিবলিঙ্গ প্রতিষ্ঠিত করেন। জয়নারায়ণ ইংরাজী, বাঙ্গলা, সংস্কৃত, আরবী ও পারসী ভাষায় বিশেষ জ্ঞান-সম্পন্ন ছিলেন। তিনি বিনা ব্যয়ে শিক্ষা দিবার জন্ত বারাণসীতে একটি উচ্চাঙ্গের বিদ্যালয় স্থাপন করেন, তাহা জয়নারায়ণ কলেজ নামে খ্যাত। তথায় গুরুধাম নামে একটি ঠাকুরবাটী নিৰ্মাণ করাইয়া কৰুণানিধান মহাদেবের নামে উৎসর্গ করেন। তিনি বহু সংকাফ্য করার জন্ত দিল্লীর সম্রাটের নিকট হইতে মহারাজা বাহাদুর উপাধি এবং ৩৫০০ ঘোড়সওয়ার রাখিবার সনন্দ প্রাপ্ত হন।

জয়নারায়ণের পুত্র কালীশঙ্কর কাবুল যুদ্ধের সময় সরকারের সাহায্য করায় ও অন্যান্য দানশীলতার জন্ত রাজা বাহাদুর উপাধি প্রাপ্ত হন। তিনি কাশীতে একটি অক্ষাশ্রম প্রতিষ্ঠা করিয়াছিলেন। কালীশঙ্করের পুত্রগণের মধ্যে রাজকুমার সত্যচরণ ও সত্যশরণ রাজা বাহাদুর উপাধি এবং সত্যশরণ C. S. I. উপাধি দ্বারা সম্মানিত হন। তৎপরে সত্যশরণের পুত্র সত্যানন্দ ঘোষাল ১৮৬৯ খৃষ্টাব্দে

“রাজা বাহাদুর” উপাধি প্রাপ্ত হন। ইনি ব্রিটিশ-ইণ্ডিয়ান অ্যাসোসিয়েসনের এবং কিছুকাল বঙ্গীয় ব্যবস্থাপক সভার সদস্য ছিলেন। ইনিও লোকহিতকর বহু সংকাফ্য করিয়াছিলেন।

* * *

মাইকেল মধুসূদন দত্ত—বাঙ্গলা ভাষায় অমিত্রাক্ষর ছন্দের স্রষ্টা মধুসূদন ১৮২৪ অব্দে যশোরের সাগরদাঁড়ি গ্রামে জন্মগ্রহণ করেন। তাঁহার পিতার নাম রাজনারায়ণ দত্ত। তিনি কলিকাতায় প্রথম গ্রামার স্কুলে এবং পরে হিন্দু স্কুলে শিক্ষালাভ করেন। তিনি গ্রীক ও লাতিন ভাষাও শিক্ষা করিয়াছিলেন। ১৮৪৩ খৃষ্টাব্দে তিনি খ্রীষ্টিয়ান ধর্ম গ্রহণ করেন এবং তদবধি তাঁহার নামের সহিত মাইকেল যুক্ত হয়। ১৮৪৮ খৃষ্টাব্দে তিনি মাদ্রাজে যান এবং তথায় তাঁহার প্রথম গ্রন্থ Captive Lady প্রণয়ন করেন। এই সময় তিনি মাদ্রাজ কলেজের অধ্যক্ষের কন্যাকে বিবাহ করেন এবং পরে তাঁহার সহিত বিবাহ বন্ধন বিচ্ছিন্ন হইলে হেনরিয়েটা নামী অল্প এক ইংরাজ মহিলার পাণিগ্রহণ করেন। ১৮৫৮ খৃষ্টাব্দে তিনি কলিকাতার পুলিশকোর্টে চাকরী গ্রহণ করেন। তৎপরে কয়েক বৎসরের মধ্যে তিনি কৃষ্ণকুমারী, শশিষ্ঠা, মেঘনাদ-বধ, বীরদত্ত প্রভৃতি কাব্য সকল রচনা করেন। ১৮৬২ অব্দে তিনি ব্যারিষ্টার হইবার জন্ত বিলাত যাত্রা করেন। বিলাতে যাইয়া অর্থকষ্টে তাই তিনি বড়ই কষ্ট পান। এই সময় ঈশ্বরচন্দ্র বিদ্যাসাগর মহাশয় তাঁহাকে যথেষ্ট সাহায্য করেন। প্রবাসে অবস্থানকালে তিনি চতুর্দশপদী কবিতাবলী রচনা করেন। ১৮৬৭ খৃষ্টাব্দে কলিকাতায় ফিরিয়া আইসেন এবং এখানে ব্যারিষ্টারি করিতে আরম্ভ করেন। কিন্তু এ কার্যে কোন উন্নতি করিতে পারেন নাই। তৎপরে তাঁহার দ্বিতীয়া পত্নীর বিয়োগ ঘটে এবং ক্রমে তাঁহার স্বাস্থ্য একেবারে ভাঙ্গিয়া যায়। অর্থাভাবে তিনি হাঁসপাতালের আশ্রয় গ্রহণ করেন এবং অবশেষে ১৮৮৩ খৃষ্টাব্দে সেই স্থানেই তাঁহার জীবনান্ত হয়।

* * *

গোবিন্দরাম মিত্র—কুমারটুলির মিত্র বংশের প্রতিষ্ঠাতা গোবিন্দরাম রত্নেশ্বর মিত্রের পুত্র ও হংসেশ্বর মিত্রের পৌত্র ছিলেন। ১৮৬৮-৬৯ খৃষ্টাব্দে তিনি ব্যারাকপুরের নিকট

একটা পল্লী হইতে গোবিন্দপুরে আইসেন এবং তথা হইতে কুমারটুলিতে উঠিয়া আইসেন। পলাশী যুদ্ধের পর ইষ্ট ইণ্ডিয়া কোম্পানী তাঁহাকে ডেপুটি ফৌজদার নিযুক্ত করেন। হলওয়েল সাহেব তাঁহাকে “ব্র্যাক ডেপুটি” বলিয়া তাঁহার গ্রন্থে উল্লেখ করিয়া গিয়াছেন। তিনি অত্যন্ত ক্ষমতামূলী ও দুর্দান্ত বলিয়া খ্যাত ছিলেন। তিনি গৌড়া হিন্দু ছিলেন এবং সুরহং ও উচ্চ নবরত্নের মন্দির নিৰ্মাণ করাইয়া মহাদেব স্থাপনা করিয়াছিলেন। তিনি ১৭৬৬ সালে একমাত্র পুত্র রঘুনাথ মিত্রকে রাখিয়া মৃত্যুমুখে পতিত হন।

* * *

দেওয়ান রামসুন্দর মিত্র—ইনি ওয়ারেণ হেষ্টিংসের সময় ইষ্ট ইণ্ডিয়া কোম্পানীর অধীনে ব্যারাকপুরে কমি-সারিয়েট বিভাগে কার্য করিতেন। তিনি গভর্নমেন্টের নিকট সম্মানিত ছিলেন। বাঙ্গলার নবাব নাজিমের নিকট হইতে তিনি বংশপরম্পরায় রায় উপাধি পাইয়াছিলেন।

* * *

কুঞ্জবিহারী মল্লিক—ইনি সুপ্রসিদ্ধ বীর নরসিং ওরফে বীর মল্লিকের বংশসম্ভূত। তিনি ওরিয়েণ্টাল সেমিনারীতে শিক্ষালাভ করিয়াছিলেন। তিনি একজন খুব সম্মানিত জমিদার ছিলেন এবং দরিদ্রের বন্ধু ছিলেন। তাঁহার দানশীলতার জন্ত তিনি প্রসিদ্ধ ছিলেন, কিন্তু তিনি কখন নামের জন্ত ব্যস্ত ছিলেন না। দর্শাহাট্টা ষ্ট্রীটের উপর তাঁহার প্রাসাদসম অট্টালিকা গরীব দুস্থদের আশ্রয়স্থল ছিল। ১৮৯৯ সালে তিনি গতায় হন।

* * *

রাজনারায়ণ বসু—১৮২৬ খৃষ্টাব্দে বোড়াল গ্রামে ইহার জন্ম হয়। ইহার পিতার নাম ছিল নন্দকিশোর বসু। তিনি রাজা রামমোহন রায়ের অন্ততম বন্ধু ছিলেন। হিন্দু কলেজে শিক্ষা শেষ করিয়া ইনি মেদিনীপুরের গভর্নমেন্ট স্কুলে শিক্ষকের কার্যে নিযুক্ত হন। তিনি ব্রাহ্ম-ধর্ম গ্রহণ করিয়াছিলেন এবং ক্রমে ব্রাহ্ম-সমাজের অন্ততম নেতা বলিয়া গণ্য হইয়াছিলেন। ইনি একজন সমাজ

ও ধর্ম-সংস্কারক ছিলেন। ইনি বঙ্গভাষার একজন সেবক ছিলেন। তাঁহার “সেকাল আর একাল”, “আত্মচরিত” প্রভৃতি গ্রন্থগুলি বাঙ্গলা ভাষার মূল্যবান সম্পদ। ইহার বক্তৃতা দিবার শক্তিও বেশ ছিল। ইনি শেষ জীবন দেওবরে অতিবাহিত করিয়া ১৯০০ খৃষ্টাব্দে পরলোক প্রাপ্ত হন।

* * *

দেওয়ান শান্তিরাম সিংহ—ইনি কোম্পানীর আমলে কলেজের মিঃ মিডলটন ও সার টমাস রমবোর্টের অধীনে দেওয়ান ছিলেন। তিনি একজন বিশেষ স্বধর্ম্মানুরাগী হিন্দু ছিলেন। নানাবিধ পুণ্য কার্যের দ্বারা তিনি যশস্বী হইয়াছিলেন। বারাণসীতে তিনি একটা শিবস্থাপনা করিয়াছিলেন। তাঁহার দুই পুত্র ছিল—প্রাণকৃষ্ণ ও জয়কৃষ্ণ। এই জয়কৃষ্ণের পুত্র নন্দলালই মহাত্মা কালীপ্রসন্ন সিংহের পিতা। তিনি সাত্ত্ব সিংহ নামে পরিচিত ছিলেন।

* * *

কালীপ্রসন্ন সিংহ—সুবিখ্যাত মহাভারত-অম্ববাদক কালীপ্রসন্ন সিংহ ১৮৪১ সালে জন্মগ্রহণ করেন। তিনি সংস্কৃত, বাঙ্গলা ও ইংরাজি ভাষায় সুপণ্ডিত ছিলেন। বাঙ্গলা-ভাষার উন্নতি-কল্পে তিনি যথেষ্ট সহায়তা করিয়াছিলেন। মহাভারতের বঙ্গানুবাদ তাঁহার অতুল কীর্তি হইলেও, তাঁহার রচিত “হতোম পৈঁচার নক্সা”ও সেকালের প্রসিদ্ধ গ্রন্থ ছিল। মহাভারতের অম্ববাদ ও প্রকাশে তিনি এত অধিক ব্যয় করিয়াছিলেন যে, তাঁহাকে ঋণজালে জড়িত হইতে হইয়াছিল এবং সেজন্ত পরিশেষে তাঁহার উড়িয়ার মূল্যবান জমিদারী ও কলিকাতার বেঙ্গল ক্লাব প্রভৃতি বাটী তাঁহাকে বিক্রয় করিতে হইয়াছিল। তিনি বাঙ্গলা নাট্য-সাহিত্যের একজন বিশেষ উৎসাহদাতা ছিলেন। সংস্কৃত নাটক বেণীসংহার ও বিক্রমোর্কশীর প্রথম অভিনয় তাঁহার চেষ্টাতেই তাঁহার নিজ বাটীতে হইয়াছিল। কবি মধুসূদনের সম্মানের জন্ত কালীপ্রসন্ন বাবু নিজ বাটীতে এক সভা আহ্বান করিয়া তাঁহাকে অভিনন্দন পত্র ও এক রৌপ্য পাত্র দান করিয়াছিলেন। লং সাহেব নীল-দর্পণের ভাষান্তর করিয়া অর্থদণ্ডে দণ্ডিত হইলে তিনি

টাকা দিয়া তাঁহাকে কারাদণ্ড হইতে মুক্ত করেন। প্রায় এক লক্ষ টাকায় উহা বিক্রয় করেন। তিনি এই হিন্দু পেট্রিয়ট পত্রিকার তিনি একজন প্রথম ট্রাষ্টী ছিলেন। তিনি নানা গুণের আধার ছিলেন।

* * *

রামজলাল দেব—রামজলাল দেব ওরফে রামজলাল সরকার অতি সামান্ত অবস্থা হইতে কোটিপতি হইয়াছিলেন। তাঁহার পিতা দমদমার নিকটবর্তী রেকজানি নামক গ্রামে বাস করিতেন। রামগোপালের জন্মের অল্পকাল পরে তিনি পিতৃমাতৃহীন হন। তিনি মাতামহের আশ্রয়ে প্রতিপালিত হইয়াছিলেন। তিনি হাটখোলার মদনমোহন দত্তের বাটীতে প্রথম ৫ টাকা বেতনে বিল সরকাররূপে নিযুক্ত হন ও পরে ১০ টাকা বেতনে জাহাজ সরকারের কার্য প্রাপ্ত হন। এই সময় তিনি একদিন নিলামওয়াল টুল্লো কোম্পানীর অফিসে তাঁহার প্রভুর পক্ষ হইতে ১৪০০০ টাকায় একখানি জলমগ্ন জাহাজ ক্রয় করেন এবং উহার মূল্য জমা দিবার পূর্বেই এক সাহেবকে

প্রায় এক লক্ষ টাকায় উহা বিক্রয় করেন। তিনি এই লাভের টাকা মদনমোহন বাবুকে দিতে চাহিলে, তিনি রামজলালের সততা দর্শনে অতীব সন্তুষ্ট হইয়া সমস্ত টাকা তাঁহাকে দান করেন। ইহাই তাঁহার সৌভাগ্যের ভিত্তি। তৎপরে তিনি আমেরিকার সওদাগরদিগের এজেন্ট হইয়া এবং অনেক আফিসের বেনিয়ান হইয়া বিপুল ধন উপার্জন করেন। তিনি অশেষ গুণসম্পন্ন, ধার্মিক এবং অসাধারণ দানশীল ছিলেন। মাদ্রাজের ছুর্ভিক্ষে এক লক্ষ টাকা, হিন্দু কলেজ নিৰ্ম্মাণে ৩০০০০ এবং কাশীতে ত্রয়োদশ শিবমন্দির প্রতিষ্ঠায় ২২২০০০ টাকা ব্যয় করেন। তিনি ৭৩ বৎসর বয়সে, আশুতোষ ও প্রমথনাথ—ঐহার সাতুবাবু ও লাটুবাবু নামে খ্যাত—তাঁহাদের রাখিয়া পরলোক প্রাপ্ত হন। এই পুত্রদ্বয় পিতৃশ্রদ্ধে পাঁচ লক্ষ টাকা ব্যয় করিয়া শ্রাদ্ধকার্য সম্পন্ন করিয়াছিলেন। কথিত আছে রামজলাল মৃত্যুকালে ১ কোটি ২২ লক্ষ টাকা রাখিয়া যান। সুপ্রসিদ্ধ অনাথনাথ দেব তাঁহারই পৌত্র।

বন্ধুর দেশ

জসীমউদ্দীন

বন্ধুর দেশ—বড় ভাল দেশ, লতাপাতা আর ফুল কেউ ফুটিয়াছে, কেউ আধ-ফোটা, কোথা এর সমতুল। প্রকাণ্ড মাঠ, কচি ধান শিশু লইয়া মাটির মাতা সারাটি বুকের স্নেহ নিঙাড়িয়া মেলিছে নবীন পাতা। সবুজে সবুজ, ধানের সবুজে ঘাসের সবুজ মিশে বনের সবুজে ধরিতে যাইয়া পথের হারাল দিশে।

গাছে গাছে পাখী খালি গান গায়—নানান রঙের পাখী বন্ধুর দেশ উড়ায়ে লইল আড়াআড়ি করি ডাকি। বনের বুকের, মাঠের বুকের গোপন ছিল যে কথা চঞ্চুতে ধরি আজি তা উহারা ছড়াইছে যথা-তথা।

বন্ধুর দেশ—বড় ভাল দেশ, চিকন চিকন ধান, চিকণ চিকণ ঘাসের আঁচলে ছলিতেছে দিনমান।

চিকণ চিকণ বাঁশের গায়েতে চিকণ চিকণ পাতা বাতাসের সাথে যত দোলে, তত দোলে না চোখের পাতা। তারি ধার দিয়ে পথখানি গেছে, চাষী-বউদের পার খাড়ুর গানেতে আলতার দাগে ধূলি পবিত্র তার। পথের দুপাশে ছোট ছোট ঝোপ আছে শাখা বাড়াইয়া চাষী-বউদের বাড়ায় বিপদ অঞ্চল জড়াইয়া।

বন্ধুর দেশ—বড় ভাল দেশ, গগনে গগনে ঘুরি পরদেশী মেঘ যেখানে সেখানে রচিছে রঙের পুরী। অঙ্গণে তার হেলিয়া ছলিয়া নাচিছে বিজলী মেয়ে; চরণের তালে গুরু গুরু গুরু চলে উদাসীয়া গেয়ে। বন্ধুর দেশে কদম কেয়ায় বাতাসের করে ভারি; যে পথে বন্ধু চলে সেই পথে সুবাস আঁচল নাড়ি।

কাব্যের ভূমিকা

শ্রীপ্রবোধকুমার সান্যাল

বন্ধুর পরেই লগ্ন। বর আসিয়াছে বিবাহ করিতে; প্রচলিত নিয়মে বিবাহ যেমন করিয়া হয়। আসর বসিয়াছে। দামী গালিচা পাতা, আশপাশে লাল মখমলের পাটা চারেক তাকিয়া, ছুঁদিকে বড় বড় রূপার ফুলদানিতে দুইট ফুলের তোড়া; মাথার উপরে ও দেয়ালের চারিদিকে বাড়ের আলো জলিতেছে। বরযাত্রীতে বড় ঘরখানা গাঠাসি। ভিতরে বাহিরে সর্বত্র গোলমাল, লুচিভাজার গন্ধ, চুরুটের ধোঁয়া, ফুলের খোসবায়, গানের আওয়াজ, বলভ রসিকতার ইঙ্গিত, অতিথি-অভ্যাগতের আদর-সাপ্যায়ন। ঠিক সাধারণ বিবাহ যেমন করিয়া হয়, অতি সাধারণ প্রথা।

বরের মাণায় টেরি, কপালে চন্দন, চোখে উৎসাহ, মুখে সংযত হাসি, সর্বদা পরিপাটি প্রসাধন। সভায় প্রকাশ, ছেলোট শিক্ষিত, বিনয়ী, রূপবান এবং ধনী—কিন্তু সত্য সাধারণ, অস্ত্রের চোখের পছন্দে সে বিবাহ করিতে আসিয়াছে। তাহাতে তাহার বিরক্তিও নাই; এই প্রচলিত প্রথা। মনের খুসিতে ও চাপা হাসিতে বর এদিক ওদিক তাকাইতেছিল। তাহার পাশেই ছুঁতিনটি সাধুনিক যুবক গান গাহিতেছে।

দরজার কপাটে হেলানু দিয়া তাহার যে বন্ধুটি চূপ করিয়া এতক্ষণ দাঁড়াইয়াছিল, বর তাহাকে ইঙ্গিতে হাত বাড়াইয়া ডাকিল। বন্ধুটি কাছে আসিয়া বসিতেই বর হাসিহাসি মুখে কহিল, বেশ লাগ্ছে, না রে অমিয়?

অমিয় তাহার কথাটাকে তাচ্ছিল্য করিয়া কহিল, অত্যন্ত বিরক্তিকর কিনা, তাই তোর ভালো লাগ্ছে।

তাই বটে, ঠিক বলেচিস্ তুই, বিরক্তিকর! সেই মুখে একটানা ঘ্যান্ ঘ্যান্ করে' চলেছে।

একটু হাসিয়া অমিয় কহিল, তাহলে' নিশ্চয় বাজে কথা বলেচি। আমি যখন বাজে কথা বলি তখন সবাই আমার প্রশংসা করে।

বর তাহার কথা বুঝিতে পারিল না। কহিল, ওখানে এতক্ষণ চূপ করে' দাঁড়িয়েছিলি কেন?

দাঁড়িয়েছিলাম, হ্যাঁ—এমনি।

চূপ করে' দাঁড়িয়েছিলি? দেখছিলি বুঝি কারো দিকে? চূপ করে' দাঁড়িয়েছিলাম।

বর কহিল, গান শুন্ছিলি নাকি?

না, গান শুন্ব কেন? হ্যাঁ, গানই শুন্ছিলাম। বেশ গান।

কি করছিলি তোর মনে নেই!

অমিয় কহিল, হ্যাঁ মনে নেই, গান শুন্ছিলাম।

বর বলিল, চুরুট ধরাস্ ত নে, ঐটাতে রয়েছে। যাক, তোর ঘটকালির বাহাদুরি আছে কিন্তু, যাই বলিস্।

হ্যাঁ, চেনা মেয়ে, নিজেদের জানাশোনার মধ্যে। স্বশুরবাড়ী কাছাকাছিই হল'। রোজ একবার করে' যাতায়াত চলবে। বিদেশ বিভূঁয়ে না হয়ে এ বরং—

তোরই জানা মেয়ে, নিতান্ত একেবারে অচেনা নয়। আচ্ছা ঠিক বয়েসটা কত বল্ ত?

অমিয় কহিল, মেয়েদের বয়েস দেখতে নেই, দেখতে হয় বাঁধুনি,—যৌবন। তবে এর বয়েস বছর আঠারো!

আঠারো? ওরা যে বলেছে ষোল?

ওরা যে মেয়ের পক্ষ!—হ্যাঁ, এই বছর আঠারো, কিনা, এই ধরো ছ'মাস কম। আঠারোর মতই তাকে দেখতে, ষোলও নয়, কুড়িও নয়—সম্পূর্ণ পরিপূর্ণ আঠারো! আঠারোটি বছরকে সর্বদা সে থাকে-থাকে সাজিয়ে রেখেছে।

বর মনে মনে কৌতুক অনুভব করিয়া চূপ করিয়া রহিল। প্রশ্নের পর প্রশ্ন ফুটিয়া তাহার মাথার ভিতর ভিড় করিতে লাগিল। এক সময় কহিল, আচ্ছা, মেয়ে ত সুন্দরী তুই বলেচিস্!

নানা গোলমাল, নানা কণ্ঠের কোলাহল, সকলেই

এদিকে ওদিকে ছুটাছুটি করিতেছে। পান তামাক সরবৎ সিগারেট ও অসংলগ্ন হাসি-মস্করা চারিদিকে ছড়াছড়ি হইতেছিল। কতাপক্ষীয়রা অতি সন্তুর্ণনে অতি-ভদ্রতার মুখোশ পরিয়া অতি ক্ষিপ্ততার সহিত তদ্বির করিয়া বেড়াইতেছিলেন।

অমিয় চুরুটটা ধরাইয়া লইল। মুখের মধ্যে ধোঁয়া টানিয়া আবার ছাড়িয়া দিয়া বলিল, সুন্দরী!

বর বলিল, বলতে গিয়ে চুপ করেছিলি কেন? খুব সুন্দরী নয় বুঝি?

আবার চুরুটে টান দিল এবং আবার ধোঁয়া ছাড়িয়া অমিয় কহিল, হ্যাঁ, খুবই সুন্দরী।

খুব নয় বোধ হয়, শুধু সুন্দরী।

হ্যাঁ শুধু সুন্দরী; সুন্দরীই শুধু। খুব বললে বোঝানো যায় না, কত।

তবু কি রকম সুন্দরী? কা'র মতন?

কারো মত নয়। তার মত হবার যোগ্যতা কারো নেই। যে শুধু সুন্দরী, তার সঙ্গে কারো তুলনা হয় না।

তুলনাই হয় না? এত রূপ?

এত রূপ নয়, এত সৌন্দর্য! বিয়ে করা উচিত রূপ দেখে নয়, সৌন্দর্য দেখে। সত্যিকারের সৌন্দর্যের কোনো সত্য বর্ণনা নেই।

চোখ উজ্জ্বল করিয়া বর বলিল, মাথায় চুল আছে খুব?

দেয়ালে টাঙানো ছবিগুলির দিকে অমিয় তাকাইয়া তাকাইয়া দেখিতে লাগিল। তারপর দেখিল ঝাড়ের সব আলোগুলি ঠিকমত জ্বলিতেছে কিনা। ওপাশে বন্ধুরা তাস খেলিবার আড্ডা বসাইয়াছে। মনে হইতেছে বিবাহের লগ্নের আরও একটু দেরি আছে।

সাজা পানের কপাল হইতে একটি লবঙ্গ খুলিয়া লইয়া মুখে পুরিয়া অমিয় কহিল, হ্যাঁ, অনেক চুল। চুলের অন্ধকার। সন্মুখের দিকে কৌকড়ানো, একরাশ আংটির মত, আর পেছন দিকে অসংখ্য সাপের মত, আঁকাবাঁকা—হিল্‌হিলে। অরণ্যের মত গভীর; চুল নয়, চালচিত্র। ঘরে এসে দাঁড়ালে চুলের গন্ধে ঘুম ভেঙে যায়। সে যদি পথ হারায় তুমি তার চুলের গন্ধ অনুসরণ করে' তাকে খুঁজে পাবে। সে যদি উলঙ্গ হয়ে বসে' চুলের রাশি খুলে সর্বাঙ্গ ঢাকে, তবে তার কাপড় না পরলেও চলে।

গভীর মনোযোগের সহিত বর তাহার কথা শুনিতে ছিল। শেষের কথায় বিস্ময় অনুভব করিয়া কহিল, মুখখানি ভাল, কি বলিস? তুই ত কতবারই দেখেচিস।

হ্যাঁ, অনেকবার দেখেছি, বহুবার। সে কেমন দেখতে এ কথা বহুবার তাকে দেখে ভেবেছি।

কেমন দেখতে রে?

বলা কঠিন। দেখতে সে ভাল। দেখতে সে ভাল এইজন্তে যে, পৃথিবীর আর কোনো মেয়ের দিকে তাকানো ইচ্ছে করে না। পৃথিবীর একটিমাত্র মেয়ে সে। চমকে চারিদিকে যেমন কোটি কোটি তারা, তেমনি তার পানে পৃথিবীর আর সব মেয়ে। সে মেয়ে নয়, মেয়েদের রাণী।

বর কহিল, আমি বলছি তার মুখখানি কেমন দেখতে?

অমিয় কহিল, শ্রাওলা-পড়া দিঘীতে অনেক পদ্ম ফুল রয়েছে। তুলতে তুলতে হঠাৎ দেখা গেল, একটি তরুণীর মধ্যে পদ্ম নয়, সেটি একটি মেয়ের মুখ, মুখখানির ওপর শরতের শিশির-বিন্দু। সেই মুখখানি এই মেয়ের, তুমি যাকে বিয়ে করবে।

আচ্ছা, তা ত' হল! মেয়ে লেখাপড়া জানে?

যথেষ্টই জানে! বিদ্বান নয়, সুশিক্ষিত!

বর কি ভাবিয়া কহিল, কিন্তু লেখাপড়া জানা মেয়ে শুনেছি তেমন—

হ্যাঁ, লেখাপড়া জানা মেয়েরা ভালবাসতে পারে না আর নিরক্ষর মেয়েরা ভালবাসতে জানে না,—এই ওদের মধ্যে তফাৎ।

তাহলে এ মেয়ের সঙ্গে—

এ মেয়ে বিধাতার সর্বপ্রথম সৃষ্টি! এর মধ্যে নিরক্ষর মেয়ের সারল্য এবং শিক্ষিতা নারীর সৌজন্ম, দুই আছে। এ মেয়ের মধ্যে ভালবাসা ছাড়াও আর একটি বস্তু আছে যা আর কোনো মেয়ের মধ্যে নেই। সে হচ্ছে প্রেম!

আচ্ছা, ভালবাসা আর প্রেমের মধ্যে কি তফাৎ?

অমিয় কহিল, ভালবাসা হচ্ছে বোঁটা, প্রেম হচ্ছে ফুল সব বোঁটায় ভাল ফুল ফোটে না।

বর খানিকক্ষণ চুপ করিয়া রহিল। তারপর বলিল, মেয়েটির আচার-ব্যবহার কি রকম অমিয়?

অমিয় কহিল, হয় অত্যন্ত সরল, নয় অত্যন্ত রহস্যজনক।

রহস্যজনক?

না, সরল। মেয়েদের সবই পুরুষের চোখে রহস্যজনক লাগে। অত রহস্য আছে বলেই অত সরল।

গাশাপাশি বসিয়া দুইজনে ফিস্ ফিস্ করিয়া কথা বহিতেছিল, কথার আর তাহাদের বিরাম নাই। বর পানদে বসিয়া বসিয়া পান চিবাইতেছিল। পান যে তাহার খাইতে নাই এ কথা সে তখন ভুলিয়া গেছে।

একটি কতাপক্ষীয়ের লোক গামছা কাঁধে ফেলিয়া কি একটা কাজে তাড়াতাড়ি চলিয়া যাইতেছিল, একজন রম্যত্রী বলিয়া উঠিল, আচ্ছা মশাই, বিয়ের লগ্নটা ঠিক কটার সময় বলুন ত?

লোকটি বলিয়া গেল, এই, সময় প্রায় হয়ে এল আর কি, নটাখানেক দেরি, নটার পর।

নটার পর, অথচ বর এল সাতটার সময়। এতক্ষণ তাহলে' বসে' বসে'—অমিয়বাবু, চুপি চুপি কি গল্প করছেন বরের সঙ্গে? পাত হয়েছে কিনা দেখুন না বরকার! আপনি ত কতাপক্ষের—

অমিয় কহিল, হ্যাঁ এদিকে আমি মাসি, ওদিকে পিসি। সবাই হাসিয়া উঠিল। যে লোকটি বসিয়া গান গাহিতেছিল, সে আরও উচুতে গলা চড়াইয়া দিল। ওপাশে বাঁরা-ভবলায় চাঁটি পড়িতে লাগিল।

বালিশে হাত চাপিয়া বর কাৎ হইয়া বসিল। তারপর চুপি চুপি জিজ্ঞাসা করিল, আচ্ছা, মেয়ের চোখ কীট কেমন অমিয়?

অমিয় হাসিল, হাসিয়া বলিল, মেয়ে দেখে যে বিয়ে করে না তার এই দুর্দশাই হয়! চোখছুটি তার অত্যন্ত সাধারণ, এত সাধারণ যে মনে হয় সে চোখ বহুবারই দেখেছি। বহু মেয়ের মধ্যে বহুবার সে চোখ দেখেছি, মুখে চিনে রেখেছি। সে চোখ এত সাধারণ এবং এত সাবিক।

বর চুপ করিয়া রহিল। মনে হইল সে যেন ভগবৎ গীতা শুনিতেছে। অমিয় বলিতে লাগিল, কোথায় তুমি চোখ দেখেছ তোমার মনে নেই! মনে হবে বহু জন্ম আগে থেকে তুমি ওই চোখছুটি খুঁজে এসেছ। সে চোখের কাছে দাঁড়ালে তোমার মুখের ছায়া পড়বে তার মধ্যে। সে চোখ যেন দুই বিন্দু আকাশ।

বর মুখ তুলিয়া তাহার দিকে তাকাইল। অমিয় নিজের মনে বলিয়া চলিল, অতিরঞ্জিত নয়,—সে চোখে ইসারা-ইঙ্গিত নেই, সুন্দরী মেয়ের স্বভাব-সুলভ ছলাকলা নেই, তা'তে আছে প্রাণের গভীরতা। সে চোখে পিপাসা নেই, আছে নিবিড় তপস্যা।

বর কহিল, তপস্যা? তাহলে' ঘর করবে কেমন করে'?

অমিয় মুছ হাসিল,—ঘর করবারই তপস্যা! তুমি যখন তাকে ভাল করে' চিনবে, তোমার মনে হবে সে সত্যাসিনী নয়, নিতান্তই গৃহবাসিনী।

খুব শান্ত বুঝি?

খুব। শান্ত এবং ধীর। বাড়ি যখন ছোটো না, তখন সে বসে' ধ্যান করে। এত শান্ত যে মানুষের বিস্ময় আনে। তাকে দেখলে মনেই হয় না যে এই দক্ষিণ হাওয়ার পিছনে রয়েছে প্রলয়ের বাড়ি। হ্যাঁ, তুমি যখন তা'র কাছে বসবে, মনে হবে, তোমার পাশেই বিশাল বিশ্বপ্রকৃতি। এ মেয়ের সর্বাঙ্গে তরলতা, ফুল-ফল, বন-প্রান্তর, গিরি-গহ্বর, অরণ্যের শ্রামশোভা, অপরিমাণ আকাশ,—স্বর্ঘ্য-চন্দ্র, গ্রহ-নক্ষত্র। তোমার শরীর হবে রোমাঞ্চ, আবেগে আন্দোলিত হবে তোমার সর্বদেহ, তোমার স্তব করতে ইচ্ছে হবে।

স্তব করতে? ভালবাসতে নয়?

ভালবাসতে এবং স্তব করতে। ভালবেসেই তুমি তৃপ্ত হবে, ভালবাসা পেয়ে নয়।

বর কহিল, সে কি রে? সে ভালবাসবে না? ভালই যদি না বাসবে তাহলে এত কাণ্ড করে'—?

অমিয় বলিল, এক একটি মেয়ে থাকে, তারা ভালবাসতে আসে না, ভালবাসা পেতে আসে। তুমি তাকে স্ত্রী বলে' পরিচয় দেবে এই তোমার পরম ঐশ্বর্য! মেয়েরা ত ভালবাসে না, তোমাদের ভালবাসায় তারা মুগ্ধ হয়, এই মাত্র। মেয়েদের আসক্তিকে প্রেম না বললে সব পুরুষই সন্তোষী হয়ে যেত'। মেয়েরা পূজায় তৃপ্ত হয়, তাই তাদের নাম—দেবী। তুমি দেবে পূজা, সে দেবে প্রসাদ।

এ মেয়েটি কেমন?

কেমন—এই কথাটাই ত তোমাকে আবিষ্কার করতে

হবে! এ মেয়েটি তোমার মুখের দিকে যখন মুখ তুলে তাকাবে, তোমার মনে হবে তুমি জীবনে অনেক অত্যাচার ও অনেক পাপ করেছ। মনে হবে তুমি অত্যন্ত দুর্বল, ভীক, অসহায়। এমন একটা চোখের দৃষ্টি, যাতে তোমার মনে হবে তুমি অতিশয় ক্ষুদ্র, তুচ্ছ, তুমি তার পায়ের কাছে বসবারও যোগ্য নও। এর কাছে এলেই তুমি বারে বারে নিজের দৈন্ত অল্পভব করবে।

চুপি চুপি বর কহিল, এ কথা তোমার বুঝতে পারলাম না অমিয়।

বুঝতে পারিবে, প্রথম যখন তোমার সঙ্গে দেখা হবে। বুঝবে তুমি কী। তোমার প্রতি রোমকূপ থেকে তোমার সব লজ্জা ফুটে বেরোবে, তোমার যত পঙ্কতা, যত গ্লানি,— তা'র চোখের দৃষ্টিতে হবে তোমার শুদ্ধি, তোমার নবজন্ম। তুমি যদি সারাজীবন ধরে' ছুঃখ পেয়ে থাকো, এর কাছে বসে' তুমি সকল দুঃখের কৈফিয়ৎ পাবে, সকল বেদনার। এ মেয়ে তোমার কাছে হবে বিশ্বয়!

বিশ্বয়?

হ্যাঁ, বিশ্বয়! বিশ্বয় আর বিচিত্র! নারীজাতি বছদিন ধরে' তপস্যা করেছে একটি নারীর জন্ত; সে এই মেয়েটি। শ্রাবণের আকাশ আপন অন্তর্বেদনায় কালো হয়ে উঠেছিল, সেই প্রসব-বেদনায় ফুটল একটি কেয়াফুল!

বর যেন তাহার কথাগুলির মধ্যে একটি স্নানাদ গ্রহণ করিতেছিল। বলিল, যাক তোকে বহু ধন্যবাদ, তোর জন্তেই এ মেয়ের সঙ্গে বিয়ে হওয়া সম্ভব হ'ল। তোর সঙ্গে পরিচয় ছিল বলেই ত—আচ্ছা, আমাকেও ত চিনিম্, বেশ বনিবনা হবে ত আমার সঙ্গে?

অমিয় প্রথমে কথার উত্তর দিল না। সমস্ত কোলাহলের মাঝখানে বসিয়া একা তাহার মন কোথায় যেন উধাও হইয়া ছুটিয়াছিল। যদিকে তাকাইয়া ছিল সেদিকে তাহার দৃষ্টি ছিল না। মৃদুস্বরে বলিল, বনিবনা তোমার সঙ্গে নাও হতে পারে!

বিস্মিত হইয়া বর কহিল, সে কি রে?

হ্যাঁ, এর অহঙ্কার একটু বেশী।

অহঙ্কার? সর্বনাশ—

অহঙ্কার 'সুন্দরী বলে' নয়, 'সুন্দর বলে'। অহঙ্কার এর কলঙ্ক নয়, অলঙ্কার। কোথাও মাথা হেঁট করে না, তার

কারণ এর আছে গভীর আত্মবিশ্বাস। আত্মবিশ্বাসই এর অহঙ্কার। তোমার স্ত্রী হবে, কিন্তু তোমার কাছে ছোট হবে না। তুমি যদি তা'র সমান না হতে পারে, অনায়াসে সে তোমাকে ছাড়িয়ে যাবে। জীবনে সে কিছুর জন্তেই অপেক্ষা করেনি। প্রেমের জন্ত নয়, ঐশ্বর্যের জন্ত নয়, সংসারের জন্তও নয়।

স্বাধীন মেয়ে নাকি?

স্বাধীন নয়, সহজ। সহজ হতে পারাই তার মন্ত্র।— চুরুটে আর একটা টান দিয়া ধোঁয়া ছাড়িয়া অমিয় কহিল, তোমার সঙ্গে যখন প্রথম আলাপ হবে, বুঝবে, সে নিতান্ত নারী নয়।

নারী নয়, মানে?

মানে তার মেয়েলিপনা কম। নারীর স্বার্থপরতা তার মধ্যে নেই; ছোট লোভ, তুচ্ছ ঈর্ষা, ক্ষুদ্র হিংসা, হলনা ও লালসার ছোট ছোট ইঙ্গিত—এগুলো তার কাছে ষড়। এগুলো সে জয় করেছে তা নয়, এগুলোকে সে আনতে ভুলে গেছে। আনতে ভুলে গেছে বলেই তার এ অহঙ্কার।

বর বলিল, এই যদি সত্যি হয় তবে সে ত কারো পুতুল। প্রাণহীন মাটির মূর্তি। তার গায়ে মানুষের রক্ত কোথায়?


অমিয় হাসিল। হাসিয়া কহিল, সাধারণ নরনারীর দেহে আছে দুই রক্ত, মানুষের আর জানোয়ারের। এ শিরায় আছে শুধুই মানুষের রক্ত। এ মেয়ে হচ্ছে দেবতার আসন।

খুব তেজ আছে নাকি?

তেজ নয়, জ্যোতিঃ। দিনের আলোতেও তুমি দেখবে তা'র চারিদিক ঘিরে জ্যোতির্মণ্ডল। সেই জ্যোতির্মণ্ডলের কাছে বসলে মাথার মধ্যে তোমার প্রলাপ জমে' উঠবে। আনন্দে তুমি হবে অস্থির, তোমার হাসি পাবে, কিং কান্নায় গলা বুজে আসবে; আরামের অসহ ব্যথা তোমার সর্বশরীর খর খর করে' কাঁপবে। তোমার মাতাল করবে না, কিন্তু বিভ্রান্ত করবে। ভূপ্তিতে অচেতন হবে, ঘুম পাবে।

বর কহিল, সে ত মোহ!

মোহ নয়, মোহমুক্তি।



বেণী-বিনোদিনী

একটু অস্বস্তি বোধ করিয়া বর বলিল, এ অত্যন্ত বাড়াবাড়ি হচ্ছে অমিয়। তা'র আসল পরিচয়টা চেপে রেখে তুমি অনর্থক ধোঁয়ার সৃষ্টি করছ! আচ্ছা, সে কি ভালবাসে বল দেখি?

অমিয় বলিল, সে ভালবাসে অশোক আর শিমুল ফুল, রক্ত, সিঁদূর, আলতা, সূর্যাস্তের আকাশ, আঙুনের আভা, রেলপথের বিপদসূচক আলো।

দুইজনে কিয়ৎক্ষণ নির্ঝাঁক হইয়া রহিল। বর এক সময় তাহার হাতঘড়িটা ফিরাইয়া সময় দেখিয়া লইল। অমিয় আপন মনে মূহুস্বরে বলিতে লাগিল, সব চেয়ে কঠিন...সব চেয়ে কঠিন তুমি যখন তাকে ভালবাসার কথা বলতে যাবে। মনে হবে তাকে ভালবাসা জানাবার ভাষা তোমার হাতে নেই, তুমি একেবারে দেউলে হয়ে গেছ। তুমি অনেক কথা ভেবে তার কাছে বসবে, কিন্তু কিছুই বলা হবে না। তুমি যত বড় ঐশ্বর্যশালীই হও, তার কাছে মনে হবে তুমি ভিখারী। সব চেয়ে কঠিন তাকে ভালবাসা জানানো, সন্তি, সব চেয়ে কঠিন।

অমিয় চাপিয়া চাপিয়া অলক্ষ্যে একটা নিশ্বাস ফেলিল। তারপর বলিল, যত দিন যাবে ততই তুমি তার কাছে ছোট হতে থাকবে। একদিন তুমি তার নাগাল পাবে না... তুমি তার পায়ের তলায় আঁঠেপুঠে বাঁধা, তুমি চীৎকার করতে পাবে না, কাঁদতে পাবে না, তোমার পালাবার শক্তি নেই, তোমার টুঁটি টিপে ধরেছে, তুমি ক্লিষ্ট, ক্লান্ত... নিজের কাঙালপনায় তোমার চোখে জল আসবে। মনে হবে জন্ম জন্ম ধরে' ছায়ার মত ওর পেছনে পেছনে তুমি ঘুরছ, অনাগত বহু জীবন ধরেও তোমাকে ওর অনুসরণ করতে হবে।

তাকে ভালবাসতে গিয়ে এই হবে আমার শাস্তি?

একটা অতি উগ্র আনন্দ অনুভব করিয়া অমিয় বলিল, হ্যাঁ, এই শাস্তি। এই শাস্তিই পুরুষের প্রেম!

বর কথা কহিল না। অমিয় একটুখানি চুপ করিয়া থাকিয়া বলিতে লাগিল, প্রতিদিন তুমি আয়োজন করবে একটি কথা বলবার জন্ত, 'তোমায় ভালবাসি'—প্রতিদিন চুপ হবে তোমার সে স্বপ্ন। ভালবাসার কথা শোনবার আগ্রহ যার আছে কিনা তুমি বুঝতে পারবে না, তাকে ভালবাসা জানাবার মত সাহস তোমার হবে কেমন করে?

সে যে-ঘরে থাকবে, আপন অস্থিরতায় তুমি সে-ঘরে ঢেঁকতে পারবে না, তোমার দম্ আটকে আসবে। তোমার কেবলই মনে হবে এ মেয়ে সঙ্গীহীন, নিরন্তর কি একটা অনির্দিষ্ট বস্তুর জন্ত ধ্যান করছে! তোমার কাছে কেবলই সে জটিল হতে জটিলতর হতে থাকবে।

বর কহিল, এমন মেয়েকে তা হলে বিয়ে করা উচিত নয়, তাই না?

অমিয় হাসিল। তারপর গভীর কণ্ঠে ধীরে ধীরে বলিতে লাগিল, তোমার মনে হবে বিয়ে করে' তার কোনো পরিবর্তন হয়নি। পরিবর্তন হয় তার ভেতর থেকে, বাইরের অবস্থা থেকে নয়। হৃদয়টা তার পুরুষের, মাথার ভেতরটা তার তীক্ষ্ণবুদ্ধিশালী, পুরুষের মত তার প্রতিভা, বীরের মত তার সাহস ও শক্তি, কিন্তু তবু সে মেয়ে! সেই গোপিন মেয়েটি তার ভেতরে যে কোন্ গহনে বাস করছে, তাই আবিষ্কার করাই হবে তোমার সাধনা, তোমার প্রেম! নৈলে তাকে ভালবাসি—এ কথা বলতে গেলেই সে হেসে উঠবে, তার কারণ সে নারী নয়। সে নারী নয়, এই কাঁটাই বার বার ফুটে ফুটে তোমায় ক্ষতবিক্ষত করবে, যাতনায় তোমাকে জর্জরিত করবে, বেদনায় তোমার জীবন হবে দুর্বিষসহ, দেহে আর মনে এমন জ্বালা ধরবে যে মনে হবে, তোমার শরীরের সমস্ত রক্ত নিঃশেষে বা'র করে' দিলে তুমি শান্তি পাব। তোমার মনে হবে—

বর বলিল, যথেষ্ট হয়েছে, আর আমি শুনতে চাইনে। —বলিয়া পরম আগ্রহভরে সে বস্তুর মুখের কাছে মুখ সরাইয়া আনিল।

ভিতরের অনুপ্রেরণায় ও আবেগে অমিয়র চোখ দুইটা জ্বালা করিতেছিল। তাহার চোখের ভিতর তাকাইলে মনে হইত, চোখের ধারগুলি তাহার সজল হইয়া আসিয়াছে। সে বলিল, কেবলই তোমার মনে হবে সে নিষ্ঠুর, তার হৃদয় নেই, ভেতরটা তার মরুভূমি, তোমার প্রতি সে উদাসীন; তোমার মধ্যে যখন বাড় বইছে, তা'র তখন সময় হল' ছবি দেখবার। এবং সব চেয়ে কঠিন পরীক্ষা তোমার, সে যখন তোমাকে ভুলে থাকবে।

ভুলে থাকবে? স্বামীকে?

হ্যাঁ, ভুলে থাকবে এবং ভুলেও তোমার খোঁজ নেবে না। চোখের আড়ালে তুমি গেলেই মনের মধ্যে সে

যবনিকা ফেলে দিল। তোমার প্রতি তা'র অবজ্ঞা নয়, বিতৃষ্ণা নয়—এই তার রূপ।

স্বামীর প্রতি এই ব্যবহার করবে ?

স্বামীর প্রতি নয়, তোমার প্রতি। স্বামী তার কেউ নয়। হ্যাঁ, রাগে তোমার হবে কণ্টকশয্যা। যুমের ঘোরে তুমি শিউরে উঠবে, ছঃস্বপ্নের ভয়ে তুমি অস্থির হয়ে পায়চারি করে' বেড়াবে। শত শত কঠিন বাছ দিয়ে কে যেন তোমাকে বাঁধবে, তুমি চীৎকার করতে যাবে, পারবে না, তুমি শক্তিহীন, নিখাস নেবার হাওয়া তোমার ফুরিয়ে যাবে, সমস্ত শরীর তোমার পক্ষাঘাতগ্রস্ত !

বর উদ্যস্ত হইয়া কহিল, আর আমি শুনতে চাইনে ভাই, তুই চুপ করু অমিয়।—বলিয়া সে একবার ঘড়িটা দেখিয়া লইল।

অমিয় চুপ করিল না, মুখখানা আরও সরাইয়া আনিয়া বলিতে লাগিল, ভাঙা খেলনার মত যদি কেউ তা'র কাছে গড়াগড়ি যায়, সে ফিরেও তাকাই না। নিজের মাথা তোমার চূর্ণ বিচূর্ণ করে' ফেলতে ইচ্ছে হবে, মনে হবে, এ প্রবঞ্চনা, এ অত্যাচার,—বিধাতার বিরুদ্ধে তোমার যুদ্ধ ঘোষণা করতে ইচ্ছে হবে, আকাশ তোমার চোখে হবে বিযাক্ত, জীবন তোমার কাছে হবে ভয়াবহ বিজয়ের মত...একটিমাত্র নারীর জন্ম তোমার চোখে পৃথিবীর সমস্ত সৃষ্টি ওলোট-পালোট হয়ে যাবে। অথচ এই ছঃখের মধ্যেও তোমার ভেতরে জলবে আনন্দের অগ্নিশিখা। ছঃখের পাত্র থেকে আনন্দ পান

করবে অঞ্জলী ভরে'। তা'র জন্ম ছঃখ পেতেও তোমার ভাল লাগবে। একদিন সেই তোমাকে—বলিতে বলিতে গলা ধরিয়া আসিতেই সে হঠাৎ সচেতন হইয়া মুখ সরাইয়া লইল। বর তাহাকে এতক্ষণ ধরিয়া সন্দেহ করিতেছে নাকি ?

ভয়ে তাহার সর্বশরীর অবশ হইয়া আসিতেই সে মার বসিল না, তাড়াতাড়ি উঠিয়া বাহিরে চলিয়া গেল।

এমন সময় আসরে একটা সোরগোল উঠিল। অমিয় পক্ষের একটি লোক আসিয়া করঘোড়ে নিবেদন করিল, দয়া করে' উঠুন আপনারা, লগ্ন হয়ে এসেছে।

একসঙ্গে সবাই উঠিয়া ছড়োছড়ি করিয়া ভিতরে বাহিরে চেষ্টা করিতে লাগিল। বরকে লইয়া গেল সর্বাগ্রে।

বাহিরের নির্জনে চুপ করিয়া দাঁড়াইয়া অমিয় একবার রাত্রির আকাশের দিকে তাকাইল। দুই দিকে বড় বড় বাড়ীর মাঝখান দিয়া সে-আকাশ সামান্যই দেখা গেল। তারপর মুখ ফিরাইয়া কাছে একটা বাড়ীর রোয়াকে উঠিয়া সে পা বুলাইয়া বসিল। পকেট হইতে চুরট ও দেশলাই বাহির করিয়া সে অন্ধকারে ধরাইতে গেল, কিন্তু পারিল না, দুইটা হাত তখনও তাহার ঠক ঠক করিয়া কাঁপিতেছিল। বর কি তাহাকে সত্যই সন্দেহ করিয়াছে ? এমন কী সে বলিয়া ফেলিয়াছে বাহাতে তাহার প্রতি সন্দেহ আসিতে পারে ?

বার বার অমিয় শুধু এই কথাই ভাবিতে লাগিল।

জীর্ণ মন্দিরের কথা

শ্রীকালিদাস রায় কবিশেখর, বি-এ

বারেক তরীটি ভিড়াও ওখানে,
শুনে যাও দুটি প্রাণের কথা,
কণ্ঠের স্বর যায় না অতটা
ক্ষমা কর তার অক্ষমতা।
কাছে ডাকি বাছা,—দিনেরি বেলা-ত
ভাঙা ঘাট পাবে একটু আগে,
ফাটা সিঁড়ি, দেখে—সাবধানে উঠ'
ফাটলে ও-পায় ব্যথা না লাগে।

ভয় পেলে না কি ? ও কিছুই নয়,—
পাখা ঝটপটে বনের পাখী,
অতিথি বরণে বিল্লীরা বুঝি
একতানে ঐ উঠেছে ডাকি'।
ভূত মান' না কি ? ভূত কি আছে রে ?
ভূত থাকিলে ত ভালোই হ'তো,
তাদের নিয়েই নব সংসার
গড়ে' তুলিতাম মনের মত।

ডাকাতের ভয় ? ডাকাতো মানুষ,
থাকিলে তাদের সাথেই বেশ
হইতে পারিত মরমের কথা,
দিতাম না বাছা তোমারে ক্লেশ।

অনেক কথাই জানাতে পরাণ
আকুলি বিকুলি করিছে কত,
মাথায় আমার জটাজুট দেখে
ভেবোনা মৌন আমার ব্রত।
ধ্যানী মুনি নই, শীর্ষে আমার
নয়ক' কঠোর তপের ঘটা,
তৈলবিহনে ধূলায় বলিতে
রুখু চুলে মোর বেঁধেছে জটা।
বাক, বাজে কথা ! কেন ডাকিলাম ?
দাঁড়িয়ে রয়েছ কোতুলনী !
ওখানে একদা হাজার ভক্ত
দাঁড়াত নিত্য কুতাজলি।
একটি মানুষে কাছে আনিবারে
কত সাধাসাধি করছি আজি,
ভেবে দেখ দেখি নোকা বাঁধিতে
কত গররাজী তোমার মাঝি।

শত শত বাঁকী অর্থ্য বয়েছে
উঠেছে নিত্য জয়ধ্বনি,
গঙ্গার ঘাটে যাত্রী বহিয়া
নাচিত ছলিত কত তরণী।
বাগ-ঘটায় উদ্বেল বায়ু
ছিল তার গতি ধূমোদিত,
হিরণ মূল্যে বিক্রীত হতো
মোর দেবতার চরণামৃত।

চারিপাশ ঘিরি ছিল জনপদ
ধনসম্পদে আঢ্য স্মৃথী,
তাহার চিহ্ন—ভয় নেই বাছা
একটা শিয়াল দিতেছে উকি—

ঐ জনপদে আছিল যাহারা
তারা ছিল মোর সেবকদল,
ভাবিত তাহারা তাদের ভাগ্য
মোর মহিমা বা কৃপার ফল।
ভাবিত তাহারা,—আহা ব্যথা পেলে ?
বেলকাটা বুঝি বিধিল পায় ?
আহা মিছামিছি এখানে ডাকিয়া
কত বেদনাই দিছ তোমায়।—

হায় মুঢ় নর,—কোথা তোরা আজ
আমি তঁ. তেমনি রয়েছি খাড়া,
আমার বুকের শিবলিঙ্গটি
আজিকে সেবক পূজারীহারা।
হায় মুঢ় নর,—দেবতা, দেউল
তোদেরি সৃষ্টি সৃথের দিনে,
তোদেরি ভাগ্যে আমার ভোগ্য,
মহিমা যা কিছু তোদেরি ঋণে।
মিছা কথা,—মোরা তোদেরে বাঁচাই,
তোদেরি কৃপায় আমরা বাঁচি,
মাগুরেরি কৃপালাভের আশায়
মরণ দশায়ও বাঁচিয়া আছি।

জরা অনশনে এ কণ্ঠ ক্ষীণ
একটুতে অবসন্ন হই,
ভাবিয়াছিলাম অনেক কথাই
বলিব, বলার শক্তি কই ?
আর না, তোমায় রাখিব না ধ'রে,
অনেক কথা ত বলাই হ'লো,
যাচ্ছ নগরে ? আমার কাহিনী
পুরা-পরিষদে বারেক ব'লো।
দরদী পাইলে বলিও তাহারে
ভিক্ষা আমার এই কেবল,—
শিবরাত্রিতে একটি সলিতা,
বোশেখে ছুকোশা বারার জল।

ম্যাডাগাস্কার

শ্রীভারতকুমার বসু

আফ্রিকা মহাদেশের দক্ষিণ-পূর্ব সাগর-তীর থেকে ২১৫ মাইল দূরে ম্যাডাগাস্কার অবস্থিত। স্বদূর অতীতে এই দেশটিকে গ্রীক এবং আরবেরা সর্বপ্রথম আবিষ্কার করেন। কিন্তু দেশটির 'ম্যাডাগাস্কার' এই নামকরণ করেন মিঃ মার্কো পোলো ১৩শ শতাব্দীতে। মার্কো পোলো ঐ দেশটিকে জীবনে কিন্তু কোনো দিনই দেখেন নি।

১৬শ শতাব্দীতে পোর্টুগীজরা ম্যাডাগাস্কারে এসে সেখানে তাদের উপনিবেশ স্থাপন করে। কিন্তু কিছুদিনের মধ্যে ফরাসীরা সেখানে হাজির হয়ে, পোর্টুগীজদের



হাসিমুখ

উপনিবেশ নষ্ট ক'রে দিলে। এইভাবে সেখানে ইয়োরোপীয়রা এসে বাসা বাঁধতে লাগলো। ম্যাডাগাস্কারের নেটিভ রাজা প্রথম রাদামাও কোনো আপত্তি করেন নি। বরং তিনি ইয়োরোপীয়দের পছন্দ ক'রতেন এবং খৃষ্টধর্মের প্রতি উৎসাহ দেখাতেন। কিন্তু ১৮২৮ সালে তাঁর মৃত্যু হ'তেই, তাঁর রাণী রাণাভালোনা সিংহাসনে উঠে প্রথমেই খৃষ্টান

ধর্মযাজকদের দেশ থেকে তাড়ালেন। এইতেই হ'লো যত অনিষ্টের সূত্রপাত। ফ্রান্স ক্ষেপে গেল। এবং তার পরই যুদ্ধ বাধলো ফরাসী ও ম্যাডাগাস্কারবাসীদের মধ্যে। ঐ যুদ্ধ অনেক বছর ধ'রে চ'লেছিল। শেষে, ১৮৯৫ সালে জেনারেল্ গ্যালিনির দ্বারা ম্যাডাগাস্কার পরাজিত হয়।


ম্যাডাগাস্কার দ্বীপটি আজকাল একজন ফরাসী ক'লাটের দ্বারা শাসিত হচ্ছে। বিভিন্ন জেলায় রাজকীয় নিয়ন্ত্রণ কাজে নেটিভদের নিযুক্ত করা হ'য়েছে। তবে সেখানকার উচ্চপদস্থ রাজ-কর্মচারী মাত্রই ইয়োরোপীয়।

ঐ দ্বীপটির মধ্য-প্রদেশগুলিতে আছে—অনেক পর্বত-শ্রেণী। কোনো কোনো পর্বতের উচ্চতা ৮০০ ফিটেরও বেশী। সাগর-তট থেকে উক্ত প্রদেশের ভূমি উচ্চতা প্রায় তিন হাজার থেকে পাঁচ হাজার ফিটের মধ্যে। সেখানকার সাধারণ দৃশ্য কিন্তু নিতান্তই একঘেরা। তার একমাত্র কারণ, প্রকৃতি সেখানে সৌন্দর্যের অধিক

বর্ষণ করেন না। সেখানে বছরে মাত্র ছুটি ঋতুর আত্ম-সেখানকার জল-হাওয়া সমস্ত পূর্ব ও পশ্চিম প্রদেশের প্রকাশ হয়—গ্রীষ্ম ও শীত। নভেম্বর থেকে এপ্রিল পর্যন্ত তুলনায় অনেক বেশী স্বাস্থ্যকর থাকে। পশ্চিম-প্রদেশগুলি গ্রীষ্ম এবং সে থেকে অক্টোবর পর্যন্ত শীত। গ্রীষ্মের সময়ে ত দারুণ গ্রীষ্ম-প্রধান এবং জরের ডিপো। পূর্ব-প্রদেশ-



ধানের ক্ষেতে মাটি কাটছে



নৃত্য—(১)

বর্ষাও কিছু পরিমাণে দেখা দেয়। শীতের সময়টা সেখানে ধান ও ফল-আবাদের উপযোগী। শীতকালটিকেই সেখানকার ইয়োরোপীয়রা পছন্দ করে বেশী। এই সময়েই



ছড়ির তারে ছড়'টেনে সুর বাজাচ্ছে

গুলিও যার-পর-নাই 'ড্যাম্প'; সারা বছর ধ'রে, প্রচুর বৃষ্টিপাত-ই এর কারণ।

পশ্চিম-প্রদেশগুলির জমি মাঝারি-রকমের উর্বর। কিন্তু

সেখানে বৃষ্টিপাত হয় বছরের মধ্যে অল্পদিনই। এইজন্য, মস্তোষজনক চাষ-আবাদ যা-কিছু সেখানে হয়, তা হয় সাগর-তীরস্থ স্থানে।

দক্ষিণ-পশ্চিম সীমান্তেও বৃষ্টির চিহ্ন দেখা যায় কদাচ। কাজেই, সেখানে পড়ে আছে কেবল ধূ-ধূ বালুর মরুভূমি। সূর্যের প্রখর তাপে এবং গরম হাওয়ায় দিনের বেলা সে স্থান যেন ঝলসে যায়। আবার, রাত্রে ঠিক উল্টো ভাবে হঠাৎ একেবারে ঠাণ্ডা হয়।

ম্যাডাগাস্কারের প্রধান দ্রষ্টব্য হচ্ছে—তার বন বক্ষনী (forest-belt)। বাস্তবিকই সমুদ্রতীরের কাছ পর্যন্ত



টুপী তৈরী ক'রছে

অজস্র বনরাজি যেন ম্যাডাগাস্কার-দেশটিকে বেঁধে রেখেছে। উত্তর-পূর্ব দিকের বনগুলিতে প্রচুর বৃষ্টিপাত হওয়ায় সেখানকার গাছ-পালা বাড়তে থাকে দ্রুতগতিতে। কিন্তু আশ্চর্যের কথা এই যে, ওই সব বনে মাটির গভীরতা খুব বেশী নয়। তা হ'লেও, ওই মাটিতেই জন্মায় নানারকমের বর্ণ-বিচিত্র ফুল ও ফলের তরু-লতা। আবলুস-কাঠও পাওয়া যায় প্রচুর পরিমাণে। ব্যবসায়ীরা এই কাঠের প্রতি লোভ রাখেন যার-পর-নাই বেশী, কারণ, হিন্দু ক্রেতার অশ্রুত কাঠের চেয়ে এই কাঠ বেশী মূল্যেও কিনতে অত্যন্ত উৎসুক হ'য়ে থাকেন।

ম্যাডাগাস্কারে বড়-বড় জন্তু একেবারে নেই। সিংহ, জেবরা, জিরাফ, হাঁতী ইত্যাদির সেখানে একান্ত অভাব। সেখানে বড় জন্তুর আসন কায়েমী ক'রে আছে—একমাত্র বহু-শুকর। কিন্তু সেখানকার বুনো জন্তুদের মধ্যে সকলের চেয়ে বিশেষ জন্তু হচ্ছে—“লেমার” (lemur)। এরা যখন মুখে এক রকম অদ্ভুত শব্দ ক'রে এক গাছ থেকে আর-এক গাছে লাফিয়ে যায়, তখন তা দেখলে যে-কোনো সাধারণ ব্যক্তি নিশ্চয়ই ধারণা ক'রবেন যে, তারা বানর এবং কাঠ-বিড়ালের জগা-খিচুড়ী-পাকানো নতুন এক জীব বিশেষ।

সেখানকার আরও একটা অদ্ভুত জন্তুর



নৃত্য—(২)

নাম “আই-আই” (aye-aye)। পৃথিবীর আর-কোথাও এ-রকম জন্তু দেখা যায় না। এরা নিশাচর। কিন্তু এদের শিকার করা হয় কদাচ; কারণ, সেখানকার লোকদের এই রকম একটা সংস্কার আছে যে, যে-ব্যক্তি ঐ জন্তুকে হত্যা ক'রবে, এক বছরের মধ্যে সেও ম'রবে।

সেখানকার নদীগুলিতে কুমীরের দল রাজত্ব করে। কুমীরগুলো দস্তুরমত দীর্ঘ। নদীতে নামতে হ'লে, নেটিভরা ত ভয়েই সারা হয়।

ম্যাডাগাস্কার-বাসীরা মালায়ো-পলিনেশিয়ানদের বংশধর। এই বংশধরদের মধ্যে সম্প্রদায়-বিভাগ আছে

অনেকগুলি। প্রত্যেক সম্প্রদায়ই আকারে এবং প্রকারে ভিন্ন। কিন্তু সবুও আশ্চর্যের কথা এই যে, এদের কাহারও ভাষার কোনো প্রভেদ নেই।

প্রধান সম্প্রদায়গুলির মধ্যে হোভা, শাকালাভা, বেটসিলিয়ো এবং মাহাফালি—এই কয়টির নাম উল্লেখযোগ্য। হোভা-সম্প্রদায় বাকীগুলির তুলনায় স্ত্রী-তনু।



ধীবর-রমণী

তারা শিক্ষিত এবং বুদ্ধিমানও বেশী! চাষের কাজে তারাই অধিকতর সিদ্ধহস্ত।

শাকালাভা সম্প্রদায়ের লোকেরা কৃষক। তারা অহঙ্কারী এবং স্বাধীনচেতা লোক। যুদ্ধ তাদের প্রিয় বস্ত। শিল্পোন্নতির পথে বাধা আনাই তাদের কাজ। তাদের

মধ্যে একদল লোক আছে, যারা ধীবর এবং নাবিকের কাজ ক'রে দিন কাটায়। সঁতারে তারা ওস্তাদ। জমি-কিন্মা জল—যে-কোনো স্থান-ই তাদের কাছে বাড়ীর সমান।

মাহাফালি-সম্প্রদায়ের লোকেরা দক্ষিণ-প্রদেশে বাস করে। তারা অত্যন্ত দুর্দমনীয় জাতি। যুদ্ধই তাদের জীবনের আকাঙ্ক্ষা। প্রতিবেশীদের ঘরে লুণ্ঠ-তরাজ ক'রে তারা আমোদ পায়।

বেটসিলিয়ো-সম্প্রদায়ের লোকেরা হচ্ছে

ম্যাডাগাস্কারের কস্মকার। লোহার কাজে,



জননী

এবং ছুরী-কাটারী ইত্যাদি তৈরীর ব্যাপারে তাদের যথেষ্ট দক্ষতা আছে। এই দক্ষতার বিনিময়েই তারা তাদের জীবিকা অর্জন করে।

ম্যাডাগাস্কারের লোকদের যথেষ্ট বুদ্ধিচাতুর্যের জন্ম তারা অনেকেরই অনেক প্রশংসা পায়। তারা নকল

ক'রতে পারে হুবহু। তবে তাদের মস্তিষ্কের মধ্যে মৌলিক স্বজনী-শক্তি নেই একটুও। তারা সহজেই লিখতে এবং প'ড়তে শেখে। তাদের একটা প্রথা আছে এই যে, যে-কোনো কথারই তর্ক-আলোচনা খোলাখুলিভাবে করা দরকার, এবং প্রত্যেকেরই নিজস্ব অভিমত ব্যক্ত করার অধিকার থাকা উচিত। এই কারণেই, নেটিভদের অনেকে বেশ ভাল বক্তৃতা দিতে পারে।



শাকানাভা-জাতীয় মেয়ে

সেখানকার মেয়েদের অস্বাভাবিক প্রধান সম্পদ হচ্ছে— তাদের আত্ম-সম্মান-জ্ঞান। স্ত্রী-স্বাধীনতা আজ যে সেখানে সচল হ'য়ে উঠেছে, এর একমাত্র কারণ, উক্ত সম্পদ তাকে বর্মের মতো আগুনে রেখেছে।

আরব-অধিবাসীর সংখ্যাও সেখানে অল্প নয়। সুদূর

অতীতে আরব-দেশ-থেকে-আসা ব্যক্তির। এদেরই পিতৃ-পুরুষ। এরা হজরৎ মহম্মদকে জানে না, জানে কেবল সেই পিতৃপুরুষদেরই কীর্তি-কথা।

বিগত দিনে সেখানকার দেশগুলিতে সুরক্ষিত ক'রে রাখা হ'তো বেশ মৌলিক নিপুণতায়। উদাহরণ স্বরূপ বলা যেতে পারে যে, ইমারিণা-দেশটিকে, শত্রুর আক্রমণ থেকে রক্ষা করবার জন্ত, পাহাড়ের উচ্চ চূড়ায় সেটাকে তৈরী করা হয়। দেশটির চারিদিকে চারটা গভীর খাদ কাটানো হয়—আত্মরক্ষার জন্ত। দেশে প্রবেশের জন্ত এক কিম্বা একাধিক তোরণ তৈরী করা হয়। প্রত্যেক তোরণের মুখ বন্ধ ক'রে দেওয়া হ'তো—একটা গোলাকার বৃহৎ পাথরের দ্বারা। এই পাথরের ব্যাস—আট কিম্বা দশ ফিট।




ছুই সখী

মধ্য-প্রদেশের ক্ষেত্র-রক্ষার পদ্ধতিও চমৎকার। ঐ ক্ষেত্রে প্রচুর পরিমাণে ছাসপাতি ও অগ্নি স্রষ্টা ফলের আবাদ করা হয়। কিন্তু পাছে তা গৃহপালিত জন্তুরা এসে নষ্ট ক'রে দেয়, এইজন্ত ক্ষেত্রের চারিদিকে কাঁটার বেড়া দেওয়া হয়। দক্ষিণ-প্রদেশস্থ লোকেরাও চাষক্ষেত্রে চারিদিক এইভাবে 'ক্যাক্টাস'-নামক কাঁটার সুদৃঢ় পুষ্ক বেড়া দিয়ে ঘিরে রাখে। এই বেড়া এত শক্ত যে, তা ফরাসীদের সঙ্গে যুদ্ধের সময় ফরাসী-কামানের গোলাকেও প্রতিরোধ ক'রেছিল।

আজকাল সেখানকার লোকদের মধ্যে যাদের অধিকাংশ


ভাল, তারা প্রাচীন পদ্ধতিতে তৈরী বাড়ীগুলিকে ধ্বংস ক'রে, সেই জায়গায় ইউরোপীয় ধাঁচে বাসভবন তৈরী করিয়েছে। কিন্তু সাধারণ লোকেরা আবহাওয়া অনুযায়ী বাড়ী তৈরী করে। উদাহরণ স্বরূপ বলা যেতে পারে, মধ্য-প্রদেশ উচ্চভূমি হওয়ায়, সেখানকার উত্তাপ প্রায়ই অল্প থাকে। সেখানে লোকেরা দেওয়ালযুক্ত মাটির বাড়ী তৈরী করে। বাড়ীর ছাদ দৈর্ঘ্যের দিক দিয়ে উত্তর-দক্ষিণ-মুখে। কাঠের বাড়ীও



মাতুর বুনছে

জমি হচ্ছে. বালির জমি। সেখানে শাকানাভা-সম্প্রদায়স্থ লোকেরা কাঠ ও পাতা দিয়ে বাড়ী তৈরী করে। অনেক ইংরাজ বলেন, এই ধরনের বাড়ী, ওই রকম কুঁড়ে লোকদের পক্ষে যথেষ্ট।


ম্যাডাগাস্কারের লোকেরা যাদে বংশধর, তারা সেখানে এসেছিল সুদূর দেশ থেকে, ভারত-মহাসাগর পার হ'য়ে। তারা ছিল সুদক্ষ নাবিক। কিন্তু তাদের-ই বংশধরদের বেশীর ভাগ লোকই নৌচালনের দক্ষতা রাখে অল্পই, এদের নৌকা-তৈরীর বহর দেখলেই তার বেশ-ই মালুম হয়। এদের



শিকার-করা মৃত-কুমীরের চামড়া খুলছে

প্রদেশে দেখতে পাওয়া যায়। তবে রকম বাড়ী সকলেই তৈরী ক'রতে পারে না; এর একমাত্র কারণ, ব্যয়-অস্বাভাবিক। কাজেই, যে-ব্যক্তি সরকারী পদস্থ বা সরকারী পদস্থ কর্মচারীর কাজ করেন, অর্থাৎ ঋণ অধীনে অনেক কাজ করে, কেবল তিনি-ই ওই কুমীর সাহায্যে দূরস্থ জঙ্গল থেকে মাজনীর কাঠ সংগ্রহ ক'রে আনতে পারেন।

পশ্চিম-প্রদেশগুলিতে উত্তাপ হচ্ছে অধিক। সেখানে লোকেরা কাঠের বাড়ী রকমের, এবং সেখানকার



পাথরের প্রাচীর-ঘেরা সমাধি-ক্ষেত্র। মৃতব্যক্তির স্মৃতিরক্ষার জন্ত সমাধি-ক্ষেত্রে প্রচুর বলদের শিং পোতা হ'য়েছে

নৌকা ব'লতে তিরিশটি কিসা চল্লিশটি বাঁশকে বোঝায়। উপর উঠলেই, তিনি আধা-ডুবন্ত হ'য়ে পড়েন। ঐ নৌকায় এই বাঁশগুলিকে লতার সাহায্যে তারা কোনো প্রকারে একটা বিভক্ত বাঁশ, দাঁড়ের কাজ করে। মাত্র একশ



কেশ-বিছাস



ডুলি-বাহক

বাঁধে। এইটাই তাদের নৌকা। এ-হেন নৌকা এমনি অর্জিত পুণ্য আছে, নিঃসন্দেহ! মজবুত যে, মালপত্র সমেত দুটি কিসা তিনটি লোক তাঁর সেখানকার বিভিন্ন জাতির মধ্যে বিবাহের বিভিন্ন প্র

গজ দীর্ঘ একটা নদীতে এক ঘণ্টায় চারবারে বেশী ঐ নৌকায় 'ফেরী' করা চলে না। দক্ষিণপূর্ব অঞ্চলের লোকেরা কিন্তু বেশ বুদ্ধিমান। তারা গাছের গুঁড়ি বেঁধে নৌকা তৈরী ক'রতে জানে। এই নৌকা দৈর্ঘ্যে হয় ৩০ ফিট, এবং প্রস্থে হয় ৫ ফিট। এই রকম নৌকা এক সময়ে ৫০ জন যাত্রীকে নিয়ে যেতে পারে।

সেখানে ডোঙ্গা তৈরী হয়—গাছের গুঁড়ি ফাঁপা ক'রে। এগুলি সাধারণতঃ লম্বায় হয় প্রায় তিরিশ কিসা চল্লিশ ফিট। এদের গতি বেশ দ্রুতই।

উত্তর-পশ্চিম উপকূলে মৎস্য শিকারের সুবিধা আছে। শাকালান্ডা-জাতীয় লোকেরা নৌকায় পাল তুলে ঐ স্থানে মাছের সন্ধানে যায়।

ম্যাডাগাস্কারের লোকেরা খুবই সংস্কার-প্রবৃত্ত জাতি। কথায়-কথায় তারা গণৎকারের শরণাপন্ন হয়। কোনো প্রয়োজনীয় কাজ আরম্ভ হবার আগেই গণৎকারকে ডেকে আনা চাই-ই। গণৎকারের ভাগ্য-গণনার ব্যাপারটা বেশ-একটু নরম ধরণের। প্রথমেই তিনি একটা মাছের পাখি ব'লবেন। তার পর সেই মাছের উপর কতকগুলি ঘর কাটবেন। সেই সব ঘরে বিভিন্ন সংখ্যক মটর রাখবেন। তার পর তিনি সাধারণের পক্ষ থেকে দুর্ভোগ ভাষায় বিড়-বিড় ক'রে কি-সব ঘর পড়বেন। এই কাজ শেষ হ'লেই তিনি প্রকাশ ক'রে বলবেন যে, জিজ্ঞাস্ত ব্যক্তির জাতব্য গুণ কি, অশুভ।


সেখানকার ডাক্তারদের কাছে লোকেরা ভীড়ও একটা দ্রষ্টব্য ব্যাপার। কিন্তু আশ্চর্য্য কথা এই যে, ডাক্তাররা রোগ সারাতে পারে না অল্পই। কিন্তু তবুও লোকেরা পঙ্গপালের মত ছোট্ট তাঁদের কাছে প্রত্যহই। ডাক্তার

বর্তমান আছে। কোনো-কোনো জাতি অতি দূর-আত্মীয়কেও বিবাহ করে না। যদি করে, তা হ'লে একটা সামাজিক গণ্ডগোল হবেই। আবার কখনো-কখনো এমনও হয় যে, যথারীতি দেখা-শুনোর পর বিবাহ হ'য়ে গেছে। কিন্তু বিবাহের পরই যদি আগে থেকেই কোনো আত্মীয়তার সম্বন্ধ বেরিয়ে পড়ে, তা হ'লে ওই বিবাহ তৎক্ষণাৎ ভেঙে যাবে। এই বিবাহ-বিধির একবার কিন্তু পরিবর্তন হ'য়েছিল। সেবার এ্যাণ্টিমেরিনা-জাতীয় এক রাজা তাঁর এক বোনকে বিবাহ ক'রেছিলেন। এর কারণ শোনা যায় যে, রাজ-পরিবারের মধ্যে গুচিটা রক্ষা করাই ছিল রাজার উদ্দেশ্য।

হোভা-জাতীয় লোকেরা তাদের ছেলের জন্ম নিজেরাই পাত্রী পছন্দ করে। কিন্তু শাকালান্ডা-জাতীয় যুবকেরা ঐ ব্যাপারে পিতার রুচির ধার ধারে না। তারা নিজেরাই নিজেদের ক'নে পছন্দ করে। কাজেই, তাদের বিবাহ-প্রথাটা অনেকটা যেন ইয়োৰোপীয় ভাবাপন্ন, এ কথা ব'ললে ভুল বলা হবে না। অধিকাংশ লোকের মধ্যেই বিবাহ-বিচ্ছেদ চলতি আছে। সেখানকার বিবাহ-বিচ্ছেদ



মৃত-শিল্প ও শিল্পী



ম্যাডাগাসি-মেয়ে

সুতরাং দুজনেই দুজনকে সেলাম ঠুকে তফাৎ হয়।

বিবাহের মতো সেখানে মৃতদেহ কবরস্থ করার প্রথাও বিভিন্ন। কেউ-কেউ মৃতদেহকে নির্জন স্থানে কবরস্থ করে, আবার, কেউ-কেউ তা করে—নিজেদের গ্রামের ভিতরেই। কেউ-কেউ মৃত্যুর ঠিক পরেই মৃত ব্যক্তিকে সমাধিস্থ করে; আবার, কেউ-কেউ অপেক্ষা করে ঠিক তত দিন পর্যন্ত, যতদিন পর্যন্ত না মৃতদেহ রীতিমত পুচে যায়। সাধারণতঃ সেখানকার অধিকাংশ লোকই মৃতদেহকে কবরস্থ করে—

নিজেদের বাড়ী থেকে বেশ কিছু দূরেই। মৃতদেহকে লম্বা-লম্বা কতকগুলি বাঁশে বাঁধা হয়। তার পর সেটিকে নিয়ে সমাধিক্ষেত্রের দিকে যাওয়া হয়। শব-যাত্রীদের যাবার পথে যদি রাত্তির হ'য়ে পড়ে, তা হ'লে কোনো রাত্রি-নিবাসের দেয়ালে বাঁশে-বাঁধা শবদেহকে হেলিয়ে রেখে, সকলে ঐ নিবাসে রাত কাটায়।



যুদ্ধ-প্রিয় পাহাড়ী লোক

কবর-ক্ষেত্রগুলিকে সেখানকার লোকেরা দস্তর মত ভয় করে, যেহেতু, তাদের এই রকম ধারণা যে, ঐ সব স্থানে মৃত ব্যক্তিদের প্রেতা আত্মা ঘুরে বেড়ায়। কাজেই, তারা সেখান দিয়ে-যাওয়া পথিকদের ঘাড় না ম'টকে আর যায় কোথা! মৃতব্যক্তির অন্ত্যেষ্টিক্রিয়া খুব ধূম-ধাম ক'রেই সম্পন্ন

হয়। দীর্ঘতাং-ভূজ্যতাং-এর ব্যবস্থা হয় প্রচুর। যথা:—অনেকগুলি বলদ বলিদান করা হয় এবং পেয়েও সুবন্দোবস্ত হয়।

প্রায়ই, পাথর কিম্বা কাঠ দিয়ে মৃত ব্যক্তির মূর্তি তৈরী করা হয়। শাকালভাদের কবর-ক্ষেত্রে এই উদ্দেশ্যেই প্রচুর বলদের শিং পুঁতে রাখা হয় এবং চারিদিক পাথর ঘিরে রাখা হয়। মৃত দেহের সঙ্গে মৃত ব্যক্তির অর্থরাশিও কবরস্থ করা হয়।

হোভা-জাতীয় লোকেরা কিন্তু খোলা জায়গায় মৃতদেহ কবরস্থ করে না; তারা তা করে—গুহার মধ্যে। বেটসিমিসারাকা-জাতীয় লোকেরা ফাঁপা করা কফিনের মধ্যে মৃতদেহ রাখে। সে কফিনকে কিছুই বলা উচিত নয়, এগ্নি তা বিশ্রী। তাকে ঢেকে রাখা একটা সীসের চাদর। এ-হেন কফিনের ধারণা ক'রতে পারবেন—একমাত্র তাঁরাই, যারা স্বদেশে ডোঙ্গা দেখেছেন। ডোঙ্গার চেয়ে তা কোনো অংশেই শ্রেষ্ঠ নয়। যাই হোক, শবদেহ কিন্তু কবরস্থ করা হয় না। রীতি অল্পধারী, গরীবলোকেরা অন্যত্র মাটির ওপর, এবং ধনীলোকেরা মঞ্চের উপর মৃতদেহ রেখে দেয়।

বেটসিলিয়ো-জাতীয় লোকেরা এক প্রকার সাপের বাড়ীর লোকের মতোই ব্যবহার করে। তারা মনে করে যে, ওই সব সাপ হচ্ছে—মৃত ব্যক্তির আত্মার-ই রূপান্তর। এইজন্য সাপদের প্রতি তারা শ্রদ্ধাও দেখায় কম নয়! কিন্তু এই সব সাপের সন্ন্যাসপত্র কোথা থেকে আসে? এর একটু ইতিহাস আছে:—

কোনো লোক মারা গেলে, তার মৃতদেহকে বাড়ীতে রাখা হয়, যতক্ষণ না তা প'কে প'গতে আরম্ভ করে। ওই গলিত তরল পদার্থে খানিকটা অংশ একটা পাত্রে নেওয়া হয়

কিছুদিনের মধ্যেই ঐ পাত্রে বড় বড় পোকা জন্মায় তখন ঐ পাত্রের মুখ বন্ধ ক'রে দেওয়া হয়; কেবল একটা ছিদ্র-পথে একটা লম্বা কাঠি এমন ভাবে ঢুকিয়ে দেওয়া হয়, যাতে পোকাকুলো ওই কাঠি বেয়ে বেরিয়ে আসতে পারে। পরে, ঐ পাত্রটিকে পারিবারিক সমাধিক্ষে-

রেখে আসা হয়। কিছুদিনের মধ্যে কতকগুলি সন্ন্যাসপত্র ঐ পাত্র থেকে বেরিয়ে পড়ে। গ্রামের মধ্যে এই রকম সন্ন্যাসপত্র দেখলেই, তাকে রেশমের কাপড় ও খাবারের অঞ্জলি দেওয়া হয়। এই দেওয়াতেই প্রকাশ পায় যে, অঞ্জলি দাতা হচ্ছে সন্ন্যাসপত্রের আত্মীয়।

প্রধানতঃ সেখানকার ধর্ম হচ্ছে পিতৃ-পুরুষের পূজা। অবশ্য সেখানকার দেবাদি-দেবও আছেন। তিনি হচ্ছেন জানাহারি। কিন্তু তিনি কারুর অনিষ্ট ক'রতে পারেন না এবং মানুষের ব্যাপারে তাঁর কোনো হাতও নেই। কাজেই, তিনি আমল-ও পান না। যে দেবতার দ্বারা কাজ হয় না, সে-দেবতার পূজা ক'রে লাভ কি?—এই রকমই সেখানকার মনোবৃত্তি।


সেখানকার এক প্রকার কু সংস্কারের কথা বলা বিশেষ দরকার। সংস্কারটিকে কতকগুলি “বাঁধা”র সমষ্টি ব'লে ভুল বলা হবে না। উদাহরণ স্বরূপ বলা যেতে পারে যে, জল ভুলতে যাবার সময় কোনো লোককে তার নাম ধ'রে ডাকায় বাঁধা আছে, কারণ, লোকটা তাতে নিশ্চয়ই ম'রবে। কাজেই, তাকে বাঁচাতে হ'লে, তার উদ্দেশ্যে অভিসম্পাত উচ্চারণ ক'রে, তার দুঃস্থকে খণ্ডন ক'রতে হবে।

দাঁড়িয়ে, শুয়ে, কিম্বা মাথায় টুপী প'রে যাওয়া, একাধিক বড় চাম্চে পরস্পরের উপর আড়াআড়ি রাখা, চাম্চে দিয়ে মারা, এক জায়গা থেকে অপর জায়গায় ফল ছুঁড়ে দেওয়া, খাবার সময়ে হাত ঢেকে হাড়ের ভিতর থেকে মজ্জা চুষে বের করা,—ইত্যাদি ব্যাপারেও “বাঁধা” আছে। এমন কি, জোরে হাসা, টুপী পরা, আঁর্শিতে মুখ দেখা, দাঁত মাজা, ছাতা-ব্যবহার এবং মাত্কেতিক বাঁশী-বাজানোর মধ্যে “বাঁধা” আছে অগুস্তি।

চাল সেখানকার প্রধান খাদ্য। শাকআলুও লোকেরা খুব ভালবাসে। ছুধের চেয়ে মাছের কোলের আদর সেখানে বেশী।




কেশ-বিহীনদের ফ্যানান



তাঁত

সেখানে মোট ২৫০,০০০ বর্গমাইল জায়গা আছে। ম্যাডাগাস্কারের দৈর্ঘ্য প্রায় এক হাজার মাইল, এবং প্রস্থ তিনশ' মাইল।



ব্রতচারী

শ্রীনগেন্দ্রকুমার গুহরায়

(এক)

সহরের সামান্তে একটি পল্লী। পল্লা-প্রান্তে একটি নদী। নদী-তীরে খোলা মাঠ। এক শত বিঘা জমির বেড়ের মাঝখানটায় খানকয়েক ঘর। ঘরগুলির স্মৃতি স্মৃতিপ্রাপ্ত প্রাঙ্গণ। প্রাঙ্গণ-খানি দুর্বাদলের আচ্ছাদনে শ্রামল-শ্রী। প্রাঙ্গণের দুধারে পুষ্পোদ্যান—সুসজ্জিত, সুসজ্জিত। উদ্যান ছাড়িয়ে খানিকটা দূরে গোয়াল-ঘর। গোয়ালে পাঁচ সাতটা গাভী—বেশ হুঁপুট, দুগ্ধবতী। গোয়ালের আশে-পাশে শাক-সজ্জী, তরিতরকারীর বাগান। বাড়ীর বেড়ের ধারে-ধারে নানান রকমের ফলের গাছ।

গোয়াল-ঘর ও রান্না ঘর ভিন্ন আর সব কয়খানি ঘরই খড়ের ছাঁউনী। কিন্তু নিষ্কাণ-নৈপুণ্যে বেশ সূদৃশ। একখানি ঘরে বাড়ীর মালিক থাকেন। সে ঘরের ভিটি পাকা। পাক ভিটির মেঝের উপর ফরাসের বিছানা পাতা। ভিতরে কোথাও বিলাস-বিভবের চিহ্নই নাই। কিন্তু সব এমনিভাবে সাজানো-গোছানো, দেখেই মনে হয়—ঘরে যিনি থাকেন তিনি স্ক্রুটি-সম্পন্ন। আর একখানি ঘর—এখানা আয়তনে বড়। ছুটি কামরা—বেশ প্রশস্ত। একটি অতিথি-অভ্যাগতের জন্ত, আর একটি বাড়ীর লোকজনের থাকবার। লোকজনের মধ্যে মালিকের তিনটি চাকর, আর জন দশেক অনাথ ছেলে। চাকর তিনটি সেই সম্প্রদায়েরই লোক যাদের বুকের উপর অস্পৃশতার জগদল পাষণ চাপিয়ে দিয়ে সমাজ-প্রধানেরা অচল করে রেখেছে। অনাথ ছেলেদের মধ্যে একটি মুচি, একটি মেথর, আর কয়টি কোন্ জাতের কেউ জানে না। আর দুখানি ঘরও বড়। একখানি রোগীদের বসবার, আর একখানি নৈশ-বিদ্যালয়ের ছেলেদের পড়বার।

(দুই)

বাড়ীর মালিক ডাক্তার সুবিমল বসু। যুবাধিকার, রোগীর স্থান সঙ্কলন হতে পারে, এমন একটা পাকা বাড়ী বেশ বলিষ্ঠ গঠন, সুস্থ, সুশ্রী! চোখে-মুখে সংযম-নিষ্ঠার

জ্যোতিঃ স্পষ্ট। পাশ্চাত্য চিকিৎসা-বিজ্ঞানে সুপণ্ডিত। বছর কয়েকের মধ্যেই সহরের একজন বড় চিকিৎসক বলে সুনাম হয়েছে।

বৈশাখের বেল-শেষে। গোধূলির লালিমায় আকাশ রাঙা। রঞ্জিত গগনের সে রঞ্জিত ছবিটি নদী-জলে প্রতিফলিত। তীরে বসে' ছই বন্ধু। সুবিমল কোনো দিনই সন্ধ্যার আগে বাড়ী ফিরবার অবসর পায় না। বন্ধু আজ তার গৃহে অতিথি। তাই বেল-শেষেই বাড়ী ফিরে' এসেছে।

“তোমার সুখ্যাতি সহরের বাইরে গাঁয়ে পর্যন্ত ছড়িয়ে পড়েছে। সহরে তোমার ব্যবসায় একচেটে। প্রতিদ্বন্দ্বী কেউ আছে বলে' ত শুনলুম না।” বন্ধুর এই প্রশংসায় সুবিমল নিরুত্তর। বন্ধু জিজ্ঞাসা করল—“টাকা-পয়সা সব কি কর?”

“কি আর করব, খরচ করি।”—হাসিমুখে সুবিমল এই উত্তর দিলে। বন্ধু সবিস্ময়ে জিজ্ঞাসা করল—“সবটাকা?”

“প্রায় সবই।”

“হাজার টাকার উপরে ত তোমার আয়।”

“ঐ রকমেরই একটা কিছু হবে। হিসেব-টিসেব বড় একটা কিছু রাখি না। সময়ও হয়ে ওঠে না।”

বন্ধু আবার বললেন—“এত টাকা কিসে তাহলে খরচ কর? বাড়ীতে ত তোমার টাকা-পয়সার অভাব নেই। কিছু দিতেও হয় না।”

“গরীব রোগীদের ঔষধ বিতরণে অনেক টাকা যায়। অনেকের পথ্য-খরচও চালা'তে হয়। তার পর চাষী-মজুর আর অস্পৃশ জাতের ছেলেদের জন্তে নৈশ-বিদ্যালয় খুলেছি। তাতেও খরচা কম হয় না। মাসে শ'তিনেক টাকা করে জমাছি। একটা সেবা-সদন প্রতিষ্ঠা করব। পঞ্চাশজন

রোগীর স্থান সঙ্কলন হতে পারে, এমন একটা পাকা বাড়ী তৈরী হবে। সকল জাতের গরীব রোগীদের বিনি-খরচায়

চিকিৎসা আর সেবা-শুশ্রূষার বন্দোবস্ত থাকবে। জমানো টাকাটা ঐ কাজেই লাগাব।”

“শুধু তোমার ঐ জমানো টাকায় কি আর ঐ রকমের একটা বড় প্রতিষ্ঠান গড়তে পারবে?”—বন্ধুর প্রশ্নটির জবাবে সুবিমল বললে—“তা'ত হবেই না। সহরের কয়েকজন সহায় ধনী এ কাজে সাহায্য করবেন বলে' কথা দিয়েছেন। ধ্যান হয়ে গেছে। পাশেই আরো জমি নিয়েছি। তোমায় সব দেখাব। আসছে শীতেই কাজ আরম্ভ হবে।”

“বিয়ে-থা করবে না?”

“সে কাজের আর অবসর কই?”

“ওতে আবার অবসরের দরকার হয় না কি?”

“হয় না! বল কি?” এর-উত্তরে বন্ধু বললে—“না ভাই, তা'ম্ভা নয়। তোমার বাবা-মা আমাকে পাঠিয়েছেন। তাঁদের অহরোধে তিন মাসের ছুটি নিয়ে এসেছি শুধু এরই জন্তে।”

“কেন, বাংলাদেশে কি ঘটকের অভাব হয়েছে, যে, পশ্চিমাঞ্চল থেকে তোমায় ডেকে' আনতে হবে। আচ্ছা, তুমি এখন কত মাইনে পাচ্ছ?”

“সাড়ে চার শ'।”

“প্রফেসরের কাজে বেশ আরাম। আমাদের ডাক্তারী ব্যবসার মতন এত দায়িত্ব আর এত ভাবনা-চিন্তাও নেই।” বন্ধু বলে' উঠলেন—“ওসব কথা রেখে' দাও। কাজের কথায় এস। সত্যি বল, কি স্থির করেছ। আমি ত চিঠিতেও তোমায় সব কথা লিখেছি।”

“হ্যাঁ, তা' ত লিখেছি। আমি ত অনেক দিন থেকেই স্থির করেছি, বিয়ে করব না।”

“কেন?”

“একটা বন্ধনের মাঝে জড়িয়ে পড়লে জীবনের আদর্শটিকে সার্থক করে' তুলতে পারব না।”

“নারীকে তাহলে তুমি শ্রদ্ধা কর না! নারীর শক্তিতেও তোমার বিশ্বাস নেই!” বন্ধু কঠোর স্বরেই ঐ কথা কয়টি বলল।

তখন সন্ধ্যার স্নান ছায়া ধরার বুক নেমে আসছিল। কথার কোনো জবাব না দিয়েই সুবিমল ‘চল, যাই' বলে' উঠে' দাঁড়াল। বললে—“ছেলেরা সব এতক্ষণ পাঠশালে এসে গেছে। পড়াতে হবে তাদের।” এই বলে' বাড়ী

চলল; বন্ধুও সাথে। পথ চলতে চলতে সুবিমল বলতে লাগল—“নারীর প্রতি আমার শ্রদ্ধা—নারী-শক্তিতে আমার বিশ্বাস গভীর। সে শ্রদ্ধা-বিশ্বাস তোমাদের মত বিবাহিত লোকের—যাদের বেশীর ভাগই নারীকে বিলাসের বস্ত্র বলে' মনে করে—তাদের শ্রদ্ধা-বিশ্বাসের চেয়ে সত্যিকার। তাদের শ্রদ্ধা মুখের, আমার শ্রদ্ধা অন্তরের।” সুবিমলকে ভাবোদ্বেল দেখে' বন্ধু এবার কোমল কণ্ঠে বললে—“আমার কাছে, ভাই, নারী কিন্তু রহস্যময়ী। বিশ্ব কবির-ই কথা—‘রমণীরে কেবা জানে, মন তার কোন্‌স্থানে।’”

“হতে পারে তোমার কাছে নারী একটা হেঁয়ালী। তা আর আশ্চর্য্য কি।”

বন্ধু হাসতে হাসতে বললে—“আচ্ছা, আমি যদি নারীকে কবির ভাষায় বলি—‘অর্দ্ধেক মানবী তুমি, অর্দ্ধেক কল্পনা।’ “বলতে পার।”—সুবিমল শান্ত কণ্ঠে জবাব দিলে।

(তিন)

বাড়ী পৌঁছে' সুবিমল দেখতে পেল নৈশ-বিদ্যালয়ের ছেলেরা সব পাঠ-গৃহের আঙিনায় ছুটোছুটি করছে। তাকে দেখে' ছোট ছোট ছেলেগুলি লাফিয়ে তার পাশে জড় হল। কেউ তার হাত ধরে' নাচতে নাচতে বলল—“গুরুজি! চল, আমাদের পড়াবে চল।”

বৈশাখী-পূর্ণিমার সন্ধ্যা। আকাশ মেঘাচ্ছন্ন। তাঁদের আলো ম্লান, নিশ্চল। মাঝে মাঝে দম্কা হাওয়ার বাপ্টা জমাট-বাঁধা মেঘগুলোকে যখন উড়িয়ে নিয়ে যায়, তখন তাঁদের স্নানিমা দূর হয়ে আলোক-রশ্মি ছড়িয়ে পড়ে ধরার গায়। আবার বাতাসের নাচন যখনই বন্ধ হয়, আকাশের চাঁদিমা, মেঘান্তরালে তার সলাজ মুখটি লুকায়। চন্দ্র ও মেঘের এই কোলাকুলি, আলো-বাতাসের গলাগলি—প্রকৃতির লীলায়িত গতি-ভঙ্গী সুবিমল মুগ্ধ-নেত্রে নিরীক্ষণ করছিল। আর প্রাণের মাঝে তার জাগুছিল বন্ধুর কণ্ঠাচ্ছাচিত কবি-বাণী—“অর্দ্ধেক মানবী তুমি, অর্দ্ধেক কল্পনা।” আকাশের পানে চেয়ে এমনি তন্ময় সে, কি যে বলছিল পড়ুয়া ছেলেরা তা তার কানে পৌঁছয় নি। ছোট ছোট ছেলেরা অভিমান মুখে ভারি করে' বললে—“আমরা চলে' যাই। গুরুজী রাগ করেছে।”—এই বলে' ছেলেগুলো সুবিমলের হাত ছেড়ে দিয়ে যখন তার কাছ

থেকে সরে' গেল, তখন তার দৃষ্টি সেদিকে পড়ল। সুবিমল ছেলেদের কাছে এগিয়ে গিয়ে হাত বুলিয়ে কত আদর করে' বললে—“কি রে, হলো কি তোদের?” “তুমি কথা কও না যে। রাগ করেছ। আমরা বাড়ী চলে' চাই।”—ছেলেগুলো আরও কত কি বলতে লাগল। সুবিমল তাদের সেধে-সুধে বললে—“নারে' রাগ ত করিনি। চল, পড়'বি চল।” এই বলে' ছেলেদের নিয়ে পাঠ-গৃহে চাটাই পেতে' বসে' গেল। কিছুক্ষণ পড়া হল। কিন্তু সেদিন পড়া জমেনি ভালো। সুবিমল ছিল উন্মনা। আর এদিকে বাইরে দুর্ঘোণের লক্ষণ প্রকট। আকাশের গায় বিজলী-চমক, ঘন ঘন দেয়া গরজন, ঝড়ো হাওয়ার বেতাল ছন্দের নাচন—যেন কাল-বৈশাখীর তাণ্ডব লীলার পূর্ব-আয়োজন। সুবিমল ছেলেদের বললে—“বাড় আসছে, চল, তোদের এগিয়ে দি।” বলে' ছেলেদের নিয়ে বেরিয়ে পড়ল।

(চার)

ফিরে' এসে সুবিমল বন্ধুকে বলল—“চল, খেতে যাই। তোমায় বলতে ভুলে' গেছি, আমার এখানে জাত-বিচার নেই। সবারই সাথে এক পংক্তিতে বসে' খেতে হবে কিন্তু। আমার এখানে তুমি বামুন-পণ্ডিতের বংশধরও যা, আর মুচি-মেথরের ছেলেও তা'। বুঝলে ত ভাই?” বন্ধু হাসিমুখে জবাব দিল—“তোমার এখানে কি হয়-না-হয় সব খবর রাখি আমি। জাত-বিচার আমি যে কতটা মেনে চলি, তা' ত তোমার অজানা নেই।” বলে' দুই বন্ধু আহা'রে গেল।

পরদিন সকালবেলা বন্ধু বিদায় নিয়ে চলেছে। বিদায়-কালে বন্ধু হাসিমুখে বলল—“প্রার্থনা করি, নারীর প্রতি গভীর শ্রদ্ধা একদিন যেন লীলা-কমল হয়ে তোমার অন্তর-মাঝে ফুটে' ওঠে।”

“ওঠেই যদি, তবে আমি নিঃস্বপ্নের মতন তার পাপড়ি-গুলো ছিঁড়ে ফেলে' চরণ-তলে দলতে পারব না।” স্মিতমুখে এই কথাটি বলে' সুবিমল বন্ধুকে বিদায় দিল।

(পাঁচ)

চার বছর পরের কথা। সুবিমলের সংকল্পিত সেবা-সদনের দ্বারোদ্ঘাটন-উৎসব সম্পন্ন হয়ে গেছে। নানা-বিভাগের কৰ্ম-প্রচেষ্টার মধ্য দিয়ে সুবিমলের পরিপূর্ণ

সাধনাকে আশ্রয় করে' যে-একটি প্রতিষ্ঠান গড়ে' উঠছে, তার সুখ্যাতি দেশময় ছড়িয়ে পড়েছে।

লোকনাথবাবু সহরের একজন বড় উকীল। তিনি এই প্রতিষ্ঠানে স্বতঃ-প্রবৃত্ত হয়ে দশ হাজার টাকা দান করেছেন। তাঁর পারিবারিক চিকিৎসক হিসাবে সে বাড়ীতে সুবিমলের যাতায়াত আছে। এই দানের মধ্য দিয়ে সুবিমলের সঙ্গে লোকনাথবাবুর একটা অন্তরের যোগ স্থাপিত হল।

কুমারী মালতী লোকনাথবাবুর একমাত্র কন্যা। কলেজের ছাত্রী। বয়স আঠারো। মালতী তার পিতার সাথে মাঝে মাঝে সুবিমলের প্রতিষ্ঠানটি দেখতে যেত। প্রতিষ্ঠানটিতে একজন ব্রতচারী তরুণের বিপুল সাধনা ও মহানু হৃদয়ের পরিচয় পেয়ে মালতী কতদিন তাঁর উদ্দেশে মৌন শ্রদ্ধা নিবেদন করেছে।

মালতীর জ্বর। দিনের পর দিন যায়, জ্বরের বিরাম নাই। সুবিমলের আশ্রয় চেষ্টায় ও স্বেচ্ছিক-সার ফলেও কোনো পরিবর্তন দেখা গেল না। মালতীর পরিপূর্ণ দেহখানি ক্ষীণ হতে ক্ষীণতর হতে লাগল। তার সুন্দর মুখখানি ভোর-গগনের তারার মতন ম্লান, নিস্তব্ধ। সুবিমল যখনই মালতীর শয্যায় এসে বসে, তখন তার রোগ-মলিন মুখখানি ক্ষণেকের তরে উজ্জ্বল হয়ে ওঠে, সুবিমলের স্পর্শে তার জীবন বুকের মাঝে এক অজানা পুলকের অল্পভূতি জাগে। সকালে যাওয়ার বেলা রোগিনী নিজেই বলে' দেয়—“দুপুর বেলা আর একবার দেখে যাবেন; আর দুপুরে সে বলে—বিকলে আসতে ভুলবেন না। এভাবে সুবিমলকে রোজ তিনবার করে' আসতে হয়। মালতী ভাবত, তার রোগ যেন আর না সারে। রোগ সরে' গেলে ত সুবিমলের বাঞ্ছিত সান্নিধ্য থেকে সে কত দূরে পড়ে' থাকবে—তার সুখ-স্পর্শ থেকে সে বঞ্চিত হবে। তার মনের মধ্যে ঐ এক চিন্তা—তিনি যে ব্রতচারী। আমার দেহ নিরাময় হলে তিনি আর স্পর্শ করবেন কেন!

জ্বর টাইফয়েডে পরিণত হল। মালতী প্রলাপ বকতে লাগল। অবস্থা খারাপের দিকেই। সুবিমলকে এখন এ-বাড়ীতেই রাখি-যাপন করতে হয়। সারা দিন-রাতের মধ্যে কতবার যে রোগিনীর কাছে আসতে হয়, তার আর সীমা নেই। চিকিৎসা করে'ই সুবিমলের এখন আর

তৃপ্তি হয় না, নিজহাতে রোগিনীর সেবা-শুশ্রূষাও সে করে। সুবিমলের মনের মধ্যে একটা বিপ্লব যে আসন্ন, মাঝে মাঝে সে তা' অনুভব করত।

সময় সময় জ্বরের বিরাম হতে লাগল। জ্বরের বিরামের অবস্থায় প্রলাপ বন্ধ হত,—কোনো কোনো সময় রোগিনীর পূর্ণ চেতনা ফিরে' আসত। বাড়ীর লোক কিছু আশ্বস্ত হল; কিন্তু ডাক্তার রোগিনীর ভবিষ্যৎ সম্বন্ধে নিশ্চিত হতে পারে নাই।

(ছয়)

রোগের এমনি অবস্থায় একদিন আসন্ন সন্ধ্যায় সুবিমল রোগিনীর শয্যা-পার্শ্বে উপবিষ্ট। তখনও সন্ধ্যা-প্রদীপ জ্বলেনি। মালতীর চোখ তন্দ্রা-নির্মীলিত। মালতীর রোগ-শীর্ণ বিশুদ্ধ মুখখানি—মুদিত দুটি আঁখি। সুবিমলের মুগ্ধ দৃষ্টি তারই পানে নিবদ্ধ। মনে হল—এ যেন কোন্ দেবতার সোনার দেউলের হিরণ্ময় প্রদীপটি নিভে গেছে। ভাবতে সুবিমলের সমবেদনা-ভরা প্রাণটি ভাবী অমঙ্গলের আশঙ্কায় ব্যাকুল হয়ে উঠল। সে নাড়ী পরীক্ষা করতেই রোগিনীর তন্দ্রা টুটল। সুবিমল তা' বুঝতে পারে নি। রোগিনীর চোখ দুটি তেমনি নির্মীলিত। নাড়ীর গতি মন্দ নয়। সুবিমলের হাতের মধ্যে মালতীর হাতখানি। মালতী চোখ মেলে' দুর্বল কণ্ঠে বলল—“কখন আসলেন?” সে ক্ষীণ কণ্ঠ-স্বর সুবিমলের কানে পৌঁছয় নি। কিন্তু সে বুঝেছিল, মালতী যেন কি বলছিল। মালতীর মুখের মিকে ঝুঁকে পড়ে' সুবিমল জিজ্ঞেস করলে—“কি বলছিলে?” “বলছিলুম, কখন আসলেন।”—বলতেই মালতীর চোখ দুটি দৈহিক দুর্বলতায় আপনি বুজে আসল। “হল কতক্ষণ”—সুবিমলের কণ্ঠস্বর বেদনা-করণ।

মালতী পাশ ফিরবার চেষ্টা করতেই সুবিমল তাকে ধরে' আস্তে আস্তে পাশ ফিরিয়ে দিল। সুবিমলের হাতখানি মালতী তার বুকের দিকে টেনে' নিয়ে বলল—“দেখুন ত আমার জ্বর আসছে না কি!” “না, তেমন কিছু ত মনে হচ্ছে না।” সুবিমলের হাতখানি মালতী গভীর আবেশে বুকের পুরে চেপে' রেখে বলল—“আমাকে বাঁচাবার জন্তে আপনার এই আশ্রয় চেষ্টা, আর আপনার ঐ প্রাণ-ভরা সেবা-যত্ন—বলুন ত, এর ঋণ কি করে' শুধবে?”

“এ কাজটিকে এত বড় করে' দেখবার কি আছে? কর্তব্য করে' যাচ্ছি মাত্র।”

“তার বেশী কিছু করেন নি বুঝি?” মালতীর এই প্রশ্নে সুবিমল নীরব। দুর্বল কণ্ঠে মালতী আবার বলল—“যাই করুন না কেন, আমাকে বাঁচাতে পারবেন না। আপনি যতই গোপন করুন, আমি বেশ অনুভব করতে পারছি দিনের পর দিন আমার শরীর ক্ষয়ে' যাচ্ছে। আপনার দুঃখ থাকবে, এত করে'ও আমাকে রাখতে পারলেন না। কিন্তু আপনার ঐ কত-আপন-করা সেবা-যত্নটির মিলিত স্মৃতি বৃক্কে নিয়ে আমি সত্যি স্মৃতে মগ্ন। বিশ্বাস করেন না বুঝি?”—এই বলে' মালতী চোখ মেলে' সুবিমলের পানে চাইল। দেখতে পেল—সুবিমলের অশ্রুভরা কান্ত সুন্দর চোখ দুটির স্থির, নিশ্চল দৃষ্টি তারই মুখ-পানে। দু'জনায় কিছুকাল এমনি নীরব। ভূত্য কখন যে সন্ধ্যা-প্রদীপ জ্বলে' দিয়ে গেল, কেউ টের পায় নি। দেওয়ালের কোণে টেবিলের নীচে মিটি মিটি আলোটি জ্বলছে।

(সাত)

সে-দিন ছিল আশ্বিনের মিলিত সন্ধ্যা। সামনের আঙিনার পুষ্পোত্থান থেকে মুহূ-মন্দ বাতাসে ফুলের গন্ধ ভেসে আসছিল। মুক্ত বাতায়নের মধ্য দিয়ে শুক্রপক্ষের শারদ-চন্দ্রমার নির্মল জ্যোৎস্নারশি গৃহ-মধ্যে বিকীর্ণ। মালতী বলল—“আমার মরণ যে নিশ্চিত, সে কাল রাত্রিরে আমি ভালো করে'ই বুঝেছি।” “কি করে'?”—বিস্ময়-জড়িত কণ্ঠে সুবিমল জিজ্ঞেস করল। “রাত তখন অনেক—স্বপ্নে দেখতে পেলাম—মা আমার শিয়রে বসে' মাথায় হাত বুলিয়ে দিচ্ছেন। মা বলে' ডাকতেই ঘুম ভাঙল। বাবাকে বলি নি। তিনি অস্থির হয়ে পড়লেন। মনটা তাঁর কত নরম—মেয়েমানুষের মতন। দাদা আর আমার দিকে চেয়ে' মায়ের স্মৃতিটুকু বৃক্কে করে' দিনগুলো কেমন করে' কাটিয়ে দিলেন। পুরুষের মধ্যে বাবার মতন চরিত্রের লোক খুব কম মিলে। না, কি বলেন?” “তিনি ত দেব-চরিত্র। তাঁর—” সুবিমলের কথা শেষ না হতেই মালতী আবার বলতে লাগল—“আপনি ত আমাকে দেখেন নি। তিনি ছিলেন দেবী। মা বেঁচে থাকলে আপনাকে আজ কত স্নেহ—” বলতেই ভাবাবেগে

মালতীর কণ্ঠস্বর জড়িয়ে গেল। সুবিমল তা অল্পভব কস্তে-পেয়ে বলল—“মায়ের কথা আমি শুনেছি। তিনি সত্যি দেবী ছিলেন।” মালতী আবার বলতে লাগল—“সাত বছর আগে আশ্বিনের এমনি এক সন্ধ্যায় মা আমার—” উদ্বেলিত শোকাবেগে মালতীর কণ্ঠস্বর রুদ্ধ। মাতৃ-শোকাতুরা মালতীর শীর্ণ কপোল দিয়ে অশ্রুধারা প্রবাহিত। উচ্ছ্বসিত কণ্ঠে মালতী ডাকতে লাগল—মা! মা! মা! সুবিমল ব্যথিত, ব্যাকুল। মালতীর মাথা কখন যে বালিশের ওপর থেকে সরে পড়েছে তা সে দেখতে পায় নি। সেদিকে চোখ পড়তেই সুবিমল দুই হাতে খুব আস্তে মালতীর মাথাটি বালিশের ওপর তুলে দিল; আর, নিজের গায়ের চাদরের কোণে অশ্রু-প্লাবিত চোখ-মুখ মুছিয়ে দিতে দিতে বলল—“এ দুর্বল শরীরে শোকের কথা ভাবতে নেই।”

এতক্ষণে সুবিমল ধস্তে পারল যে, মালতীর শরীরের উত্তাপ বাড়ছে। পরীক্ষা করে দেখল জ্বর এক শ' তিন ডিগ্রিতে। সুবিমলের মুখ বিষন্ন। নিরাশার কালো ছায়াটি তার চোখে-মুখে সুস্পষ্ট দেখে মালতী মৃদু-স্বরে বলল—“আমি ত বলে দিয়েছি, আমায় বাঁচাতে পারবেন না।” মালতীর হতাশ কণ্ঠের ঐ কাতর উজ্জ্বলিত সুবিমলের হৃদয় ব্যথিত। উচ্ছ্বসিত দীর্ঘ-নিশ্বাসটি অতি কষ্টে চেপে রেখে সুবিমল শান্ত কণ্ঠে বলল—“এখন চূপ করে না থাকলে অসুখ বাড়বে।”

“এতদিন রোগে ভুগে আমি বেশ বুঝতে পারি, এবার চেতনা হারালে আর তা ফিরে আসবে না। আরো কয়টি কথা—” মালতীর মুখের কথা শেষ না হতেই সুবিমল ব্যস্ত হয়ে পায়ের তলা থেকে লেপ টেনে নিয়ে মালতীর গা ঢেকে দিল। শিয়রের ধারে এগিয়ে বসে মালতীর মাথায় পাখা দিয়ে বাতাস করতে লাগল। মালতী আবার বলতে শুরু করল—“আমার কথা কয়টি শুনতে হবে আপনাকে। পাখা রেখে দিন তা। মাথায় বাতাস লাগবে না। কষ্ট ত অনেক করলেন। আর কেন?” একটু থেমে শান্ত কণ্ঠে বলল—“উঠুন ত। টেবিলের ডান-দিকের দেয়ালে একছড়া চাবি রয়েছে। নিয়ে আসুন দেখি।” সুবিমল উঠে গিয়ে চাবি নিয়ে এলে মালতী দেওয়ালের পাশে একটা সেগুন কাঠের আলমারী দেখিয়ে

বলল—“ওটা খুলে উপরের থাকে একটা চন্দন কাঠের ছোট বাক্স পাবেন। নিয়ে আসুন তা।” এই বলতে বলতে মালতীর চোখ দুটি জ্বরের দুঃসহ উত্তাপে ও শারীরিক অবসাদে আপনা-আপনি বুজে এল। সুবিমল বাক্সটি এনে বিছানার ধারে রেখে দিয়ে শিয়রের পাশে বসে আবার মাথায় বাতাস করতে লাগল। একটু পরে মালতী চোখ মেলে জিজ্ঞেস করল—“কই, বাক্স কোথা?” সুবিমলের কাছ থেকে জবাব না পেতেই বাক্সটি মালতীর চোখে পড়ল। “খুলুন দেখি বাক্সটি। ওর মধ্যে দুটা খেত-পাথরের বড় কোঁটা আছে।” কোঁটা দুটি বের করার আগেই মালতী প্রশ্ন করল—“পানি এখনো?” মালতীর কণ্ঠস্বরে প্রবল উৎকর্ষ। “পেয়েছি, এই যে”— বলে সুবিমল কোঁটা দুটি মালতীর কাছে নিয়ে মালতী তার গায়ের লেপটা সরিয়ে ফেলতে বলল। লেপখানা সরিয়ে দিলে মালতী কোঁটা দুটি নিয়ে দু'হাতে বকে চেপে ধরে চক্ষু দুটি মুদ্রিত করল। নিঃশব্দে কিছুক্ষণ এমনি কেটে গেল। সুবিমল তার বিস্ময়-বিমুক্ত চোখ দুটি মালতীর মুখপানে নিবদ্ধ করে আছে। মনে হল তার—এ যেন কোন্ তপস্বিনীর তপোদীপ্ত মূর্তি! চোখ মেলে মালতী বলল—“আমার গেল বছরের জন্মদিনের উৎসবের কথা মনে আছে ত আপনার?”

“না থাকবে কেন? আমি যে উপস্থিত ছিলাম তা বোধ হয় মনে নেই?” কথা শুনে মালতী স্মিতমুখে বলল—“আপনি হয়ত মনে করেছেন রোগে আমার স্মৃতি-বিভ্রম হয়েছে। তা হয় নি এখনো। আপনি আমায় একটা উপহার-ও দিয়েছিলেন। কেমন, ঠিক বলছি না?” বলে মালতী খেতপাথরের কোঁটা দুটি সুবিমলের হাতে দিয়ে বললে—“আমার গত জন্মদিনের উৎসব-রাত্রে যে দুটি প্রিয় বস্তু আপনার উদ্দেশ্যে সঞ্চিত করে রেখেছিলাম এতে তা রয়েছে। উৎসবান্তে নিশীথ-রাত্রে এই ঘরেই আমার এই বিছানাটাতে শুয়ে চোখের জলে বুক ভাসিয়েছি। অশ্রুজলের উৎসে সেদিনকার উৎসব-রাত ভোর করেছি। সেদিন মনে করি নি আপনাকে ঠিক এখানটাতেই এমন ভাবে পাব।” এই বলতে বলতে মালতীর ভাবোদ্বেলিত কণ্ঠস্বর স্তব্ধ হল। একটু পরে শান্ত কণ্ঠে বলল—“একটা অল্পরোগ আমার মরণের আগে কোঁটা খুলবেন না। আমায় কথা

দিন—অল্পরোগ রাখবেন।” বলে মালতী উত্তরের প্রতীক্ষায় সুবিমলের পানে চাইলে সুবিমল বলল—“কথা দিলুম— অল্পরোগ রাখব।” সুবিমলের অশ্রু-রুদ্ধ কণ্ঠ-স্বরে কি এক অব্যক্ত বেদনার ক্ষীণ প্রতিধ্বনি।

(আট)

এরই দিন সাতেক পরে আশ্বিনের এক সন্ধ্যায় মালতীর জীবন-প্রদীপটি নিভে গেল। লোকনাথ বাবু শোকে অধীর। মালতীর পুষ্পাচ্ছাদিত শবদেহ শ্মশানে। লোকনাথ বাবু সকলের শ্রদ্ধাভাজন। তাঁর এই শোকে সমবেদনা জ্ঞাপন করার জন্তে সহরের অনেক গণ্যমান্য ব্যক্তি, বন্ধু-বান্ধব, আত্মীয়-স্বজন, গুণগ্রাহী, উপকৃত—ছোট বড় বহুলোক শ্মশানে সম্মিলিত হয়েছে।

মালতীর মৃত্যুকালে সুবিমল তার পাশেই বসে ছিল। দেহ-মন তার অবসন্ন, মুখ মলিন। বাঁজী ফিরে এসে নিজের হাতের সাজানো বাগান থেকে ফুল তুলে অতি যত্নে একছড়া মালা গাঁথল। নিজহাতে-গাঁথা সে মালাটি তার শোকসঞ্জলে অভিষিক্ত। সে যত্ন-রচিত, অশ্রু-পূত, মালাটি নিয়ে সুবিমল পাগলের মতন শ্মশানে ছুটে গেল। চিত্ত সজ্জিত। মালতীর পুষ্পাচ্ছাদিত শবদেহের পার্শ্বে মালা হাতে সুবিমল শোক-ম্লান মুখে দাঁড়িয়ে। সে নিঃশব্দে যুক্তকরে কিছুক্ষণ উর্দ্ধে তাকিয়ে রইল। তার পর প্রাণহীনা মালতীর নিশ্চল মুখের পানে সুবিমল তার শেষ দৃষ্টি নিবদ্ধ

করে গলায় মালাখানি পরিয়ে দিয়ে বিপুল জনতার মধ্য দিয়ে চলে গেল।

(নয়)

সুবিমল শোকে অভিভূত। সে-রাত্রে বাঁজী ফিরে তার আর নিদ্রা হল না। শোকে তার সাক্ষনা—মালতীর শেষ দান। নিশীথ-রাত্রে সুবিমল তার নির্জন কুটারে বসে কোঁটা খুলে দেখতে পেল—একটিতে তারই দেওয়া জন্মদিনের সামান্য উপহারটি ফুল দিয়ে সাজানো। ফুল-গুলি শুকনো, পাপড়ি-ঝরা। আর একটিতে ছোট্ট একছড়া শুষ্ক পুষ্পমালা দিয়ে সাজানো একখানা চিঠি। মুক্ত-বিস্ময়ে সুবিমল দেখতে পেল—মালতীর সে লিপিকথানি রক্তে লেখা। রক্তাক্ত লিখিত ছিল এই কয়টি কথা—

দেবতা আমার! জন্মদিনের উৎসবে এই দেহ-মন তোমার উদ্দেশ্যে নিবেদিত হল।

দেবতার পূজার ফুল—

মালতী

অশ্রু সজল চোখে সুবিমল লিপিকথানি পাঠ করল। একবার, দুইবার, তিনবার। আর পড়া হল না। স্বতঃ-উৎসারিত অশ্রুধারার অবিরাম প্রবাহে লিপিকা সিক্ত। সে নৈশ নিস্তরতার মাঝে, লোক-চক্ষুর অন্তরালে মিশে গেল—মালতীর নিষ্কলঙ্ক বৃকের অনবচ্ছিন্ন রক্তবিন্দু সুবিমলের অনাবিল অশ্রুধারায়।

জীবন-সঙ্গিনী

শ্রীযতীন্দ্রমোহন বাগচী বি-এ

জীবনের সাথী দিবা আর রাতি
কতই ছলনা জানে!
একই পথে যায় তবু ছজনায়
হুই হাত ধরে টানে;—
আলোয় আধারে রৌদ্রছায়ায়
রূপে ও অরূপে কায়ায় মায়ায়

ঘরে ও বাহিরে জানা-অজানায়
হৃদিকের সন্ধানে।
একজন এসে বাঁধে যে বাঁধন
আরজন দেয় খুলি,
দিবস আসিয়া যে বুলি শিখায়
রজনীতে তাই তুলি!

নিত্য উষায় নির্মল বায়
নির্জন মন্দিরে
আলোক-পরশে যত বাতায়ন
খুলে' যায় ধীরে ধীরে ;
জেগে উঠে ধরা কর্ণের ষাণ্ডে,
কলকোলাহল কানে এসে লাগে ;
বন্দী এ হিয়া সেই সন্ধিতে
বন্ধন তার ছিঁড়ে ।
নূতন নেশায় মেতে উঠে মন
দিগ্বিজয়ের টানে,
বাহিরের বানে ঘরের ঠিকানা
ভেসে যায় কোন্‌খানে !

হাটে-মাঠে-ঘাটে ছুটে' ছুটে' যবে
ক্রান্তিতে ভরে কায়,
বাসনার সোণা গলে' ঝরে' পড়ে
সন্ধ্যার সোহাগায়,
গৃহমন্দিরে বেজে ওঠে শাঁক—
শ্রান্তি-ভুলানো শান্তির ডাক,
মর্শ্বপুরীর গোপন কক্ষে
কর্ণের কিনারায় ।

অনেকের সাথে হট্টগোলের
পুঞ্জিত অবসাদ
একের মাঝারে বিরাম মাগিয়া
লভে চিত্তের স্বাদ ।

একবার করে' চোখ বোঁজা আর
একবার চোখ মেলা—
আখিপাতা সাথে আখির চুক্তি
আলো আধারের খেলা !
একজন বলে—বাহিরিয়া আয়,
জলে-ভরা চোখে আরজন চায়—

এমনি করিয়া দোমনার মাঝে
কাটে জীবনের বেলা !
দিনের আলোকে বাহিরের চোখে
একবার ফুটে গতি,
রাতের আঁধারে অন্তর-পারে
আরবার তারি যতি !

দিনে আর রাতে, রাতে আর দিনে
এমনি দোটানা টানে
জীবনের গতি শেষ হয় যবে
পথেরি মধ্যখানে—
চমকিয়া থামে সেথায় যাত্রী,
ঘনাইয়া আসে গহন রাত্রি—
কাজল-তিমিরে হারায় যে দিশা
প্রভাতের পথপানে !
ফিরে ছুই সখী উদাসচক্ষে
বিধাতার বাঁধা পথে,
নূতন পথিকে টানিয়া আবার
নবজীবনের রথে !

ইহজীবনের কোতুকময়ী
হে যুগল সঙ্গিনী,
যেমন সঙ্গ তেমনি রঙ্গ—
চিনি তোমাদের চিনি !
জানা-অজানার মোহন মেলায়
হিয়াহীন এই লীলার খেলায়
তোমরা কেবলই দাঁও করতালি
বাজাইয়া কিঙ্কিনী !
মহাকাল-নাটে যে নাচ চলিছে,
তারি সাথে তাল রাখি'
মানবেরে লয়ে চালাও মর্তে
জীবন-লীলার ফাঁকি !

রুদ্ধ শ্রোত

শ্রীপ্রভাতকিরণ বহু বি-এ

বড়দিনের ছুটি। শীতের ছুপুরবেলায় যে যাহার ঘরে
লেপ-মুড়ি দিয়া শুইয়া দিবানিদ্ৰা উপভোগ করিতেছিল,
বিপিনবাবুর কণ্ঠ শোনা গেল,—চল, আজ সব সার্কাস
যেতে হবে !

বিদ্যুৎবেগে কথাটা বাড়ীময় প্রচার হইয়া গেল—
জ্যেঠামশাই বলেছেন সার্কাস যেতে হবে। একপাল ছেলে
উঠিয়া মোজা পরিতে আরম্ভ করিল, মেয়েরা চুল খুলিয়া
দিয়া চিরুণী খুঁজিতে বসিল—আজ সার্কাস !

মাঝে মাঝে জ্যেঠামশায়ের গভীর কণ্ঠ শোনা যাইতে
লাগিল, শীগুগির নাও, শীগুগির নাও ।

টার নিষ্কর মোটর ও আর একখানা ট্যাঙ্কী আসিয়া
বাজির হইল,—ছুইখানা গাড়ী বোঝাই করিয়া ভাইপো
ভাইবিকদের লইয়া বিপিনবাবু চলিলেন সার্কাসে ।

এমনি নিত্য । বড় অপিসে তিনি বড় চাকরী করিতেন ।
আপন ও খুড়ভুতো ভাইবোনদের মধ্যে তিনিই সকলের
বড় ; তাই মা-বড়ীর রূপাদৃষ্টিপূর্ণ বাড়ীর সর্বময় কর্তা হইয়া
ভাইপো-ভাইবির ছোটখাট একটি দল লইয়া বিপিনবাবুকে
প্রায়ই ব্যস্ত দেখা যাইত ।

আজ মেমোরিয়াল, কাল চিড়িয়াখানা, পরশু
বোটানিক্স, তরশু বায়স্কোপ—এ লাগিয়াই আছে ।

তা ছাড়া তাহাদের চোর-ধরায়, তাহাদের কলহে,
তাহাদের ঘুড়ী ওড়ানোয়, তাহাদের পুতুল খেলায় তিনি
নিত্য উপস্থিত থাকিতেন ।

উমার মেয়ের সঙ্গে ডাক্তারবাবুর মেয়ে রাণীর ছেলের
বিবাহ বখন স্থির, তখন মুস্কিল হইল—জ্যেঠামশাই কলি-
কাতায় থাকিবেন না, অপিসের কাজে আসানসোল যাইবেন ।
উমার মাথায় হাত দিয়া বসিল,—স্ববিধা প্রেসের পকেট-
পঞ্জিকা হইতে পুতলিকা-পরিণয়ের বিশেষ শুভদিন স্থির
হইয়াছে,—এমন দিনে জ্যেঠামশাই না থাকিলে ত
সব মাটি ।

জ্যেঠামশাই বলিলেন, ভয় কি রে বেটি, আমি ১০০

টাকা দিয়ে যাচ্ছি—এইতেই কোনোরকম করে সেয়ে নিস ।
আমি এসে আরো কিছু দোব, কাজ আটকাবে কেন ?

টাকার দিক দিয়া যে কাজ আটকাবে না, এ বিশ্বাস
উমারও ছিল। কিন্তু জ্যেঠামশাই না উপস্থিত থাকিলে
দেখাশোনা করে কে,—পুতুলের বিয়ে হইলেও ঝক্কি ত
কম নয় ?

জ্যেঠামশাই বলিয়া গেলেন, তিনি বিবাহের তিথিতে
সকালবেলা কলিকাতা পৌঁছিবেন,—করিলেনও তাহাই ।
অপিসে দরখাস্ত দিয়াছিলেন—তঁাহার ভাইবির কটার
বিবাহ । কণ্ঠটি সজীব কি নিজ্জীব অবশ্য তার কোনো
উল্লেখ ছিল না !

রীতিমত প্রোসেশন করিয়া বিবাহ ত হইয়া গেল ।
সারা বছরের তত্ত্বাবাস—সেই কি কম হাজাম । ফরমাস
দিয়া ছোট ছোট দই ও ক্ষীরের হাঁড়ী ও তার অল্পরূপ
বাঁক ; ছোট ছোট খালায় ঠিক সত্যকারের মত সন্দেশ
ক্ষীরমোহন লেডিগেনী চন্দ্রপুলি তৈয়ারী প্রভৃতি ; ছোট
পুঁটি মাছকে ইলিস মাছ বলিয়া চালানো ও কপির সময়
ছোট কপির ফুল ও আমের সময় কচি আমের বোল ছোট
ঝুড়ি করিয়া ভরিয়া দেওয়া শুধু পয়সা ফেলিলেই হয় না,
রীতিমত পরিশ্রম করিয়া যোগাড় করিতে হয়, ইহা কাহার
না জানা আছে ? জ্যেঠামশাই সব করিতেন ।

পূজার সময় সব ভাইপো-ভাইবিকে ডাকিয়া গায়ের
মাপ নেওয়াইয়া এক দামের এক ধরণের কাপড় জামা
সকলের জন্ত আনিতেন ; কিন্তু পূজার উপহারে নিজের
ছুটি ছেলেমেয়ের সঙ্গে বাড়ীর অন্ত ছেলেদের একটু তফাৎ
করিতেন । ভাতু হয় ত বলিল, আমার ক্যামেরা চাই
জ্যেঠামশাই । তাকে বলিলেন, আচ্ছা, তোমাকে এক ১০
টাকা দামের ক্যামেরা কিনে দোব, তাতে হবে ত ?
মাণিক হয় ত বলিল, আমার টেরাই সাইকেল চাই । তাকে
বলিলেন, যদি পুরোন একটি কিনে নতুনের মতন করে দিই
তাতে আপত্তি আছে ? মীনা হয় ত বলিল, আমার হাঙ্গানি

চাই। বলিলেন—বেশ, ছোট একটা হার্মোনি তোমার আসবে! কিন্তু নিজের ছেলে সতু অত্যন্ত ভয়ে ভয়ে যখন বলিয়া বসিল, আমার একটা দোয়াতদানী দরকার বাবা, তখন তাহাতেও ব্যয়সঙ্কোচ করিলেন, বলিলেন, দোয়াতদানীতে ছোটো দোয়াত থাকে—তোমার ছোটো কি দরকার? তুমি ত লাল কালীতে লেখে না, তোমায় একটা দোয়াত দোব, কি বল? আর নিজের মেয়ে হাসি যখন বলিল, আমার একটা রংএর বাসু চাই, তখন বলিলেন তুমি ত আঁকতে শেখে নি এখনো,—তোমার রংএর বাসু কি হবে? তোমায় একটা লাল-নীল পেন্সিল কিনে দোব।

মোট কথা স্কুলের বেতন, মাষ্টারের মাহিনা, জুতা জামা কাপড় হইতে খাই-খরচের প্রায় সমস্ত ভার বিপিনবাবু নিজের স্কন্ধে লইয়াছিলেন। ভাইয়ের অল্প-স্বল্প যা মাহিনা পাইত, দাদার হাতে ফেলিয়া দিত, তাহা হইতে তিনি ইলেকট্রিকের খরচ, বাড়ীর ট্যাক্স টেলিফোন ইত্যাদি মিটাইতেন।

রাজার হালে তিনি সকলকে রাখিয়াছিলেন; কিন্তু কাহাকেও বুঝিতে দিতেন না—বাড়ীর বড় হইয়া তিনি কতটা করিতেছেন। নিজে ছেঁড়া জামা গায়ে দিয়া, নিজে অভুক্ত থাকিয়া তিনি কোলাহলমুখর বাড়ীখানিকে নিত্য আনন্দময় করিয়া রাখিবার চেষ্টা করিতেন।

কিন্তু এ চেষ্টায় বাধা পাইল। তাঁর স্ত্রী শরৎশশী মাতে-পাঁচে থাকিতেন না, কিন্তু তিনি আশা করিতেন অল্প জায়েরা তাঁকে মাগু করিয়া চলুক; যেহেতু তাঁহার স্বামী সকলকে এতটা করিতেছেন। প্রথম প্রথম মাগু পাইয়াও ছিলেন; কিন্তু এ কথা যখন সকলের কাছে পরিষ্কার হইয়া আসিল—শরৎশশীকে খুসি রাখার উপর বিপিনবাবুর দেওয়া নির্ভর করে না, তা ছাড়া যতই কম হোক অল্প বাবুরাও সর্বস্ব চাליয়া দিতেছেন এই পরিবারের সংসার-যাত্রায়, কেহ অমনি খাইতেছেন না,—তখন ততস্থ ভাবটা ক্রমশঃই শিথিল হইয়া আসিতে লাগিল এবং অবশেষে প্রায় রহিলই না।

বয়সের সঙ্গে সঙ্গে শরৎশশীর মনেও ক্রমে এ ধারণা ঢুকিতে লাগিল যে, ন দেবায় ন ধর্ম্মায় তাঁর স্বামী যে খরচ করিতেছেন, তা সঞ্চিত হইলে তাঁহারই ছেলেমেয়ের থাকিবে। রাত্রের কলগুজন সুর হইল ও দিনে দিনে দীর্ঘরাত্রিবাণী হইতে লাগিল।

বিপিনবাবু থামাইবার অনেক চেষ্টা করিয়া অবশেষে হাল ছাড়িয়া দিলেন। রাত ভোর হইয়া আসে গুন্ গুন্ গুন্ গুন্ শব্দে রহিয়া রহিয়া চলে—ন-বো কি বলিয়াছে, মেজবো কি করিয়াছে, বিনে কি মনে করে, ক্যাবলার আঁক কতদূর অসহ হইয়াছে!

দিনের পর দিন বিনা প্রতিবাদে গুন্ গুন্ গুন্ গুন্ বিপিনবাবুর আর বুঝিতে কিছুমাত্র কষ্ট রহিল না যে, ভাইগুলা তাঁর স্বার্থপর—তাঁর মাথায় কাঁচাল ভাঙ্গি নিজেদের কাজ গুছাইয়া লইতেছে; আত্মবধূরা অকৃতজ্ঞ, ভাইপো-ভাইবিরি গোঁয়ারগোবিন্দ;—সব কটাই তাঁর ছেলে এবং মেয়ের হিংসা করে।

পত্নীর কৃপায় দিব্যদৃষ্টি লাভ হইল, তাঁর সঙ্গে নি পরামর্শে তিনি অতঃপর কোন কাজ করিতেন না এবং হঠাৎ একদিন তাঁরই প্ররোচনায় বাড়ী ভাগের কথা ভুলিয়া বসিলেন।

জমি তৈয়ারীই ছিল, অল্প ভায়েরাও তাহাদের গৃহিণীর মুখে শুনিয়াছিল তাহাদের বড়-ঠাকুর বড়-দি আমলে কত বড় শয়তান। সকলেরই মুখে অস্ফুট আর্তনাদ শুন যাইতেছিল—আর ত পারা যায় না; কিন্তু কেন যে পারা যায় না, সে সম্বন্ধে খোঁজ করিলে হয় ত কয়েকজনের চক্রান্তই শুধু বাহির হইয়া পড়িত!

যাই হোক পার্টিশন হইতে এতটুকু দেবী হইল না। স্ত্রীর চেয়ে সোয়াস্তি ভালো, এই নীতি মানিয়া লইয়া ভায়েরা নিজেদের দুঃখের দুঃখটার জন্ত প্রস্তুত হইয়া দাদার অর্থ বুঝাইয়া দিল। দাদা আলাদা হইয়া গেলেন এবং উঠানের মাঝামাঝি একটা পাঁচাল ভুলিয়া স্ত-উচ্চ অট্টালিকা বানাইয়া ফেলিলেন।

ওধারে প্রাসাদ গড়িয়া উঠিল, এধারের বিহ্বৎ আলে নিভিয়া গিয়া প্রদীপ জলিয়া উঠিল, বালির চাপড়া খসি পড়িল, টেলিফোন সরিয়া গেল,—পাড়ার মধ্যে যে বাড়ীখানি সবচেয়ে সমৃদ্ধ ছিল, তারই ভিতরের কক্ষাল বাহির হইয়া গিয়া খোলার বাড়ীর অধম হইয়া পড়িল।

কিন্তু সবচেয়ে অস্বস্তি হইতে লাগিল বিপিনবাবু—ভাইপোগুলা কেউ একবার উঁকি মারে না। হতভাগারা কেন আলাদা কেউ সংসারে কি হয় না? বরঞ্চ একবার পরিবার কমই আছে—সকলেই ত পৃথক!

এমন কি ঘটয়াছে, যার জন্ত ভাইপো ব্যাটারী এ বাড়ী মাড়াইবে না?

একদিন থাকিতে না পারিয়া তিনি সকলকে ডাকিয়া বলিয়া দিলেন—তোরা আসবি! তখন সকলেই একে একে আসিয়া জ্যেষ্ঠার ঘরের অদৃষ্টপূর্ব্ব শোভা ও গৃহসজ্জার এক্ষর দেখিয়া মুগ্ধ হইতে লাগিল। আসিল না শুধু ক্যাবলাকে বিপিনবাবু সকলের চেয়ে ভালবাসিতেন। সে না কি বলিয়াছে, জ্যেষ্ঠামশায়ের বাড়ী যা, গভর্নরের বাড়ীও তা, আমার ত কোনো অধিকার নেই!

হাসির বিবাহ আসিয়া পড়িল। তিনি সকলকে সাধারণ ভাবে নিমন্ত্রণ করিয়া আসিলেন—জনে জনে বিশেষ করিয়া বলেন নাই। ক্যাবলা আসিল না,—বলিয়া পাঠাইল, জ্যেষ্ঠা কি আমাকে বলেছে? বিপিনবাবু ভাবিলেন, থাক, নাই আসিল! ক্যাবলা আসিল না বলিয়া তার মাও আসিল না, বাপও আসিল না। শরৎশশী বলিলেন, ওদের হিংসেটা সকলের চেয়ে বেশী। কিন্তু বিপিনবাবুর মনে হইল—হিংসা নয়, অভিমানটাই হয় ত সকলের চেয়ে বেশী। গৃহিণীর ভয়ে তাহাদের ডাকিতে যাইতে পারিলেন না।

নীল আকাশে সাদা মেঘের রাশ দেখিয়া বিপিনবাবুর মনে পড়িল পূজা আসিতেছে। এমন দিনে তিনি কি ভাইপো-ভাইবিরদের কিছুই করিতে পারিবেন না! করিবার মাধ্যম কি?

সপ্তমীর দিন দেখিলেন পুরানো বাড়ীর সামনে একখানা উর্ডক্লাস গাড়ী অনেকক্ষণ হইতে দাঁড়াইয়া আছে। চাকরকে জিজ্ঞাসা করিয়া জানিলেন বো-মারা নাকি সার্ক-বনীন দুর্গোৎসব দেখিতে যাইবেন। অনেকক্ষণ অপেক্ষা করিবার পর গাড়োয়ান টেঁচামেচি সুর করিল। ভান্ন বাহির হইয়া আসিয়া বলিল, না যাস্ চলে যা—আমাদের মোটর গাড়ী এ দেখ দাঁড়িয়ে রয়েছে। গাড়োয়ান সংসারানভিজ্ঞ নয়। সে বলিল, ও-বাড়ীতে মোটর গাড়ী আছে তা তোমাদের কি? মোটর থাকলে কি আর আমাকে বোলাতে?

উপরের বারান্দা হইতে এ কথা শুনিয়া বিপিনবাবুর আর কথা রহিল না। তিনি থাকিতে খার্ডক্লাস গাড়ী কখনো বাড়ীর সামনে দাঁড়াইতে দেন নাই,—আজ তাঁহারই সামনে হারই ভাইপো একটা ছোটলোকের কথা সহিয়া চুপ করিয়া থাকিতে বাধ্য হইবে, আর তিনি দাঁড়াইয়া দেখিবেন?

তখনই হুক্কার দিয়া উঠিলেন, রামসিং, গাড়ীটা ভাগায় দেও। হামারা মোটর হুয়া পর রাক্ষো, মায়ী-লোক বাহা যায় লে যাও!

‘বড়াবাবু’র টেঁচামেচির চোটে গাড়ী পলাইল এবং ভান্ন বীরদর্পে গাড়ীতে উঠিয়া বসিল।

কালীপূজার দিন নিজের বাড়ী তিনি সাজাইতে দিলেন না; কারণ পাশের বাড়ীতে আলো নাই! প্রদীপ আসিয়াও পড়িয়া রহিল। ছাতে উঠিয়া দেখিলেন শীতের কনকনে সন্ধ্যায় ছোট ছোট ভাইপো-ভাইবিরি আকাশের দিকে লোলুপনেত্র চাহিয়া বাজীর খেলা দেখিতেছে। একটিমাত্র ফুলঝুরি জালিয়া তিনজনে পালা করিয়া হাতে লইয়া ঘুরাইয়া বাজী পোড়ানোর সখ মিটাইতেছে।

তখনি দোকান হইতে প্রকাণ্ড একঝুড়ি ভর্তি বাজী কিনিয়া একটা মুটের হাতে দিয়া বলিয়া দিলেন—এ বাড়ীতে দিয়ে আয়; বলবি বাহুড়বাগানের হরিশবাবু দিয়েছে। মুটে দিয়া আসিয়া পয়সা লইয়া চলিয়া গেল। বিপিনবাবু প্রতীক্ষা করিতে লাগিলেন—এখনি পট্কার চটপটি, আর রংমশাল, লাল নীল দেশলাইয়ের আলো পাশের বাড়ীতে ফুটিয়া উঠিবে; তার পরে তাঁর ছেলেমেয়েরা বাজী পুড়াইবে; কিন্তু কই, কোনই সাড়াশব্দ নাই। তিনি ত জানিতেন না যে, অদৃশ্য হরিশবাবুর হঠাৎ এই বদাশুভ দেখিয়া বধূরা বাবুরা না আসা পর্যন্ত নিঃসন্দেহ হইতে পারিতেছে না এবং বাবুরা যখন ফিরিল তখনও কাহার ভুল হইয়া থাকিবে মনে করা ছাড়া কিছু স্থির হইল না। স্ততরাং লোভকাতর ছেলে-মেয়েদের দুর্ভব বস্তুগুলিতে হাত দেওয়া আর ঘটিয়া উঠিল না।

ফুলকপি ত গলা দিয়া নামিতে চাহে না। ছ-একটা পাশের বাড়ী পাঠাইয়া দিলে হয়; কিন্তু ছ’একটায় অতবড় বাড়ীর কি হইবে? বেশী দিলে লইবে কি? যে তেজ! গৃহিণীরও খরদৃষ্টি সবদিকে! অবশেষে একদিন যা থাকে কপালে বলিয়া বাজার হইতে প্রকাণ্ড একঝোড়া কপি কিনিয়া বন্ধু জগদীশের বাড়ী হাজির হইলেন। তার চাকরকে বলিয়া দিলেন—এটা আমার ভাইয়েদের বাড়ী দিয়ে আয়; বলবি, নিবারণ বাবু শ্যামবাবুকে হোমিওপ্যাথি দিয়ে আরাম করেছিলেন, তাই তিনি দিলেন। সে বড়বাবুর এই অকারণ মিথ্যা কথার তাৎপর্য না বুঝিয়া যেমন বলা হইল তেমনি করিল।

নিবারণ কথাটা কিন্তু বুঝিল না। শ্রামবাবু বলিয়া কেহ ত তার ঔষধ লন নাই; বরঞ্চ যত্নবাবু একজন আছেন। যাই হোক সাত পাঁচ ভাবিয়া তারা গ্রহণ করিল। বিদায় দিবসের সময় দেখা গেল লোক পলাইয়াছে।

দিনকতক বাদে আবার যখন একটি লোক কমলালেবুর বাঁকা লইয়া হাজির হইল এবং বলিল শ্রামবাবু দিয়াছেন, তখন নিবারণেরও বিশ্বাস করা শক্ত হইল। সে বলিল বোধ হয় দাদার কাজ! তার স্ত্রী বলিল, দাদার ওপর যা বিশ্বাস তোমার,—বয়ে গেছে তাঁর দিতে। একবার ডেকে খোঁজ করেন? লোকটিকে যাইতে বলিয়া নিবারণ তার পিছু লইল। দেখিল বড় রাস্তায় গিয়া একটা গ্যাসের নীচে তার বড়দাকে লোকটা কি বলিল এবং তিনি একটি টাকা তার হাতে দিলেন।

নিবারণ কক্ষকণ্ঠে গিয়া বলিল—এ তোমার কি কাণ্ড বড়দা, আমরা কি খেতে পাইনে?

বড়দা হঠাৎ চমকাইয়া উঠিয়া পরে নিজেকে সামলাইয়া লইয়া বলিলেন—তোদের ত দিই নি, আমার ভাইপোদের দিয়েছি। চোখের জল বরিয়া পড়িবার আগে তিনি সরিয়া পড়িলেন।

খবর পাওয়া গেল—ক্যাবলা ফেল করিয়াছে। বুকটা তাঁর ছ্যাৎ করিয়া উঠিল। মাষ্টার রাখবে না তার কি হবে! মান্দুর অমন ভাল সম্বন্ধ টাকার জন্ত ভাঙিয়া গেল—তার জন্তও আপশোষ হয়! কিন্তু কিই বা করিবেন তিনি, কেউ কি তাঁর পরামর্শ লয়?

গভীর রাত্রে ছাতে উঠিয়া পুরোনো ভাঙা বাড়ীটার দিকে চাহিয়া তিনি ভাবিতে থাকেন—তাঁরই বংশধরেরা দুঃখে, দারিদ্র্যে, কুশিক্ষায়, অস্বাস্থ্যে ধ্বংসের পথে চলিয়াছে! একি তাঁর গৌরবের? তাঁর পরিচয়েই না সমাজে তারা চলাফেরা করে?

উঠানের সামনে ঐ দালানটায় বসিয়া কত দীর্ঘকাল ধরিয়া দিনের অন্ন তিনি মুখে তুলিয়াছেন; একই জানালার সামনে শয্যায় শুইয়া কত দীর্ঘরাত্রি তাঁর কাটিয়াছে; সেই বহু পরিচিত গৃহতল ছাড়িয়া পিতৃপিতামহের স্মৃতি-পুত সংসার পরিত্যাগ করিয়া সম্পূর্ণ নূতন প্রাসাদে সম্পূর্ণ নূতন জীবন যে তিনি যাপন করিতে আসিয়াছেন, সকল মায়া সকল মমতা বিসর্জন দিয়া—এ কি খুব পরিতৃপ্তির?

মোটাই নয়। তিনি ঐ সংসারে ফিরিয়া যাইতে চাহেন, ঐ পরিবারে হাসি ফুটাইতে চাহেন।

সকালে উঠিয়া ভায়েদের ডাকিয়া তিনি প্রস্তাব করেন—যা হইবার হইয়া গেছে,—এসো, আবার এক হওয়া যাক। ভায়েরা প্রতিবাদ করে, বলে—সে হয় না। একবার ভাঙলে আর কি ষোড়া লাগে?

সকলের চেয়ে তেজ বেশী যার, সেই ক্যাবলার কয়দি হইল অসুখ করিয়াছে।

বিপিনবাবু একবার ভাবিলেন দেখিয়া আসি। গৃহিণী বলিলেন, কি অসুখ জানা নেই—টাইফয়েড হতে পারে। তোমার ছেলেপুলের ঘর—তুমি বাইরে থেকে খোঁজ নাও না।

চোখ দুটা একবার রাগে জলিয়া উঠিয়া আবার মান হইয়া আসিল। গৃহিণীই তাঁহাকে নষ্ট করিয়াছেন।

সকলের চেয়ে কুৎসিত এবং সকলের চেয়ে নিরোধে বলিয়া ক্যাবলার প্রতি তাঁর বিশেষ মমতা ছেলেবো হইতেই। অথচ সেই তাঁকে সকলের চেয়ে বেশী আঘাত দিয়াছে।

চিরকল্প ঐ ছেলেটা অভিমান করিয়াই সারা জন্ম কাটাইল। করিবেই বা না কেন, এই যে এ বাড়ীতে সে একেবারে আসেনা,—তিনি কয়বার ডাকিয়া পাঠাইয়াছেন? অথচ একদিন ক্যাবলাকে সঙ্গে না লইলে তাঁর কোথাও নিমন্ত্রণ অবধি যাওয়া চলিত না,—কে জানে সামাজিক উৎসব, কে জানে অপিসের টি-পার্টি!

তবু এমনি তাঁর পরিবর্তন হইয়াছে—কাজে-কর্মে অসুখের কথাটা ভুলিতে পারিলেন। অনেক দিন কোন খবর না লইয়া এবং না পাইয়া তিনি মনে করিলেন ক্যাবলার অসুখ ভালো হইয়া গেছে।

হঠাৎ একদিন শুনিলেন খুব বাড়াবাড়ি। সেদিন তাড়াতাড়ি কিছু আঙুর নাসপাতি আপেল কিনিয়া একেবারে ওপরে গিয়া উঠিলেন, ক্যাবলা দরজার দিকে চাহিয়া চুপ করিয়া শুইয়াছিল, জ্যেষ্ঠাকে দেখিয়া দেওয়ানের দিকে ফিরিয়া শুইল।

বিপিনবাবু সন্নেহে ডাকিলেন, ক্যাবলাবাবুর রাগ হয়েছে! ফেরো, দেখো কি এনেছি।

ক্যাবলা কাৎ হইয়া ফিরিয়া তাঁর হাত হইতে আঙুর

খোকাটা লইয়া মাথার দিকের জানালা গলাইয়া ছুঁড়িয়া ফেলিয়া দিয়া বলিল, এক মাস পরে দেখতে এলেন!

পিসি-মা ধমকাইলেন—ও কি, জ্যেষ্ঠার সঙ্গে ও-রকম করে? কক্ষকণ্ঠে ক্যাবলা জবাব দিল—জ্যেষ্ঠা! জ্যেষ্ঠা এতদিন খোঁজ নিয়েছিলেন কেমন আছি? নিজের ছেলেহলে পারতেন? কথাগুলি তীরের মতন গিয়া বুক বিঁধিল। অপরাধীর মতন বিপিনবাবু উঠিলেন,—শুধু হাসি হাসিয়া বলিয়া গেলেন, পাগলা রেগে গেছে! কিন্তু তাঁর মন বার বার বগিতে লাগিল সে অত্যাঁয় কিছু বলে নাই।

তার পরদিনই অবস্থা খুব বাড়াবাড়ি হইল, লোকজনে বাড়ী ছাইয়া গেল। বিপিনবাবুর জিজ্ঞাসা করিতে সাহস হইল না অবস্থা কি রকম।

সমস্ত দিন ধরিয়া কোথায় যেন একটা অক্ষুট ক্রন্দন, যেন একটা চাপা আর্তনাদ, যেন একটা আচম্কা হাহাকার তাঁর কাণে আসিতে লাগিল।

বিষয় মগ্ন মুখে পাশের বাড়ীর লোকেরা বাহিরে যাওয়া-আসা করিতেছে—তাহাদের ছুপ্ ছুপ্ চরণ-ধ্বনি বিপিনবাবুর অসুখ বোধ হইতেছে।

সন্ধ্যার সময় তিনতলার সিঁড়ির জানলার কাছে গিয়া তিনি চোখের মত দাঁড়াইয়া রহিলেন—সেখান হইতে পুরানো বাড়ীটার অন্তরের অনেকটা দেখা যায় এবং নামনেই ছাঁদ পড়ে। দেখিলেন স্তিমিত অন্ধকারে পাঁচিলের কাছে বসিয়া ছিন্ন মলিন কাপড় মুখে গুঁজিয়া রেগি কাঁদিতেছে ফুলিয়া ফুলিয়া;—তাকে ডাকিয়া জিজ্ঞাসা করিলেন, এখন কেমন রে!

প্রভাতে

শ্রীপ্যারীমোহন সেনগুপ্ত

শীতের প্রভাত-বেলা, কলিকাতা হতেছে মুখর,
একে একে ফেরীওলা স্তম্ভ পথে করিছে জাগর।
আমি বসে আছি আজ স্তব্ধ ধীর,—কি চিন্তা কে জানে?
গভীর অতল চিন্তা চিন্তে যেন মোহাবেশ আনে।
এ মোহ নেশার মতো,—সকল চেতনা যেন ঢুলে!
যেন রুদ্ধ কর্মগতি, বাঁকা মরা যাই যেন ভুলে!
ভুলে যাই—গৃহ আছে, আছে মোর আত্মীয়-স্বজন;
ভুলে যাই—ভুৎ আছে, দৈত্য আছে, ধর্মণ পেষণ।
মনে হয়—চিন্তে যেন শান্ত ধীর সমুদ্রে বিরাজে,—
নাহি ভল, নাহি সীমা, ডুবে গেছি আমি তারি মাঝে!

রেগি চীৎকার করিয়া বলিল, ও জ্যেষ্ঠামশাই গো, দাদা আর বাঁচবে না। যন্ত্রণায় ছটফট করছে আর বলছে, জ্যেষ্ঠামশাই আমাকে দেখলে মরতুম না!

জ্যেষ্ঠামশাই হো হো করিয়া কাঁদিয়া উঠিলেন—আমি জ্যেষ্ঠা, আমি জ্যেষ্ঠা, আমি জ্যেষ্ঠা,—আমার ভাইপো, আমার ভাইপো যায়, আর আমি জ্যেষ্ঠা এখানে বসে—

কাঁপিতে কাঁপিতে তিনি নীচে নামিয়া টেলিফোনের হাতল তুলিয়া ধরিলেন; তাঁর ডাক্তার বন্ধু রজতবাবুকে ডাকিয়া বলিয়া দিলেন—৬৪-র ৩২-র যে কয়জন চিকিৎসক কলিকাতায় আছেন তাঁর বাড়ী হাজির করিতে।

চিকিৎসার গুণেই হোক, পরমাণু ছিল বলিয়াই হোক সে 'টাল'টা কাটিয়া গেল।

প্রভাতের স্নিগ্ধ রৌদ্র বারান্দার কোলে আসিয়া পড়িয়াছে; প্রাতঃসূর্যকে প্রণাম করিয়া ভায়েদের উদ্দেশে বিপিনবাবু বলিলেন—ওরে আজ মিস্ত্রীকে ডেকে পাঠিয়েছি—সে মজুর নিয়ে এসে এখনি উঠুনের মাঝখানের এই পাঁচিলটা ভেঙে ফেলবে—এ আমার বুক পাষণের মতন চেপে বসে আছে—

নিবারণ আপত্তি করিল, কিন্তু দাদা, আমরা না হয় এক হলুম, আমাদের ছেলেরা কি পারবে?

কক্ষভাবে মিষ্ট হাসি হাসিয়া দাদা জবাব দিলেন—তাদের ভাবনা তারা ভাববে রে,—এখন আমি যে কদিন আছি একটু শান্তিতে থাকতে দে! ভাইপোদের সঙ্গে নিয়ে না থাকলে কি জ্যেষ্ঠা হয়েছি অমনি?

সৌম্য শান্ত হিমালয় ধ্যানমগ্ন বিরাট গভীর
সহসা হৃদয়ে যেন দাঁড়ায়েছে অটল স্তম্ভির।
তারি তলে তারি পাশে ম'রে গেছে উচ্ছ্বাস ও ভাষা,
আশা-বাসনার লীলা, তৃপ্তিহীন দুর্দম পিপাসা
আজিকে প্রশান্ত স্থির অবনত যেন বেগহীন।
ধরাভীত শান্তি মাঝে আজি যেন হয়েছি বিলীন।

ডাকে কাক, ছোট্টে গাড়া, চলে লোক, বলে কত কথা,
শুনি তবু চিন্তে মোর চাঞ্চল্যবিজয়ী নীরবতা।

ছায়ার মায়ী

শ্রীনরেন্দ্র দেব

(চলচ্চিত্রের আলোক রহস্য)

চিত্র সম্বন্ধে বীদের সামান্য কিছু জ্ঞান আছে, তাঁরাই এ কথাটা জানেন যে ছবির প্রধান সম্পদ হচ্ছে 'আলো-ছায়ার' লীলা-চাতুর্য্য! এই 'আলো-ছায়ার' বিশেষ তারতম্যের গুণেই ছবির অন্তর্নিহিত রূপ ও প্রকাশভঙ্গীর সৌন্দর্য্য পরিষ্কৃত হয়ে ওঠে! চলচ্চিত্রও ছবি; তাই এরও প্রকাশমাধুর্য্য সম্পূর্ণ নির্ভর করে আলো-ছায়ার স্বেচ্ছাসমের উপর। আলোক-সম্পাতের কৌশলে মানুষের দৃষ্টিকে



আলো-ছায়ার তারতম্য

(আলোক সম্পাতের গুণে এই ছবিখানি দেখলেই মনে হয় যেন খিলানের নীচে দিয়ে অনেকদূর পর্য্যন্ত ভিতরে দৃষ্টি যাচ্ছে! খিলান ও আস্বেবগুলির উপর জোর আলোর কৌশলে depth & roundness চমৎকার ফুটে উঠেছে। অর্থাৎ শুধু আকার নয়, ওদের সম্পূর্ণ অবয়বও দেখা যাচ্ছে।)

এমনিই বিভ্রান্ত করে তোলা যায় যে, পাতলা একখানি পর্দার উপর ঘর-বাড়ী, গাছপালা, নরনারী, জীবজন্তু, এবং আস্বেব ও তৈজসপত্রের যে ছায়া পড়ে; তার কোনোটিকেই ছায়া বলে মনে হয় না। সবই যেন চোখের সামনে সত্য ও প্রত্যক্ষ দেখুটি বোধ হয়! ছবিতে গোটা-জিনিসটার শুধু আকার নয়—সম্পূর্ণ অবয়বটিও অর্থাৎ তার depth

এবং roundness টুকুও দেখানোর একমাত্র উপায়ই হচ্ছে এই আলো-ছায়ার সু-সন্নিবেশ। কাজেই, চলচ্চিত্রের প্রধান একটা অঙ্গ হচ্ছে আলোক-সম্পাত।


দিনের আলোর উপর নির্ভর করে ছবি তোলার একটা মস্ত অসুবিধা হচ্ছে, সে আলো নিয়ত পরিবর্তনশীল; তা'ছাড়া সূর্যালোক তেমন সহজে আমরা যদৃচ্ছা নিয়ন্ত্রিত করতে পারিনি। প্রয়োজন মত অতিসূক্ষ্ম ওজনে কমানো বা বাড়ানোরও কোনো সহজ উপায় থাকেনা আমাদের হাতে। সুতরাং সূর্যালোকের চেয়ে 'ষ্টুডিও' বা চলচ্চিত্রাগারের মধ্যে কৃত্রিম আলোর সাহায্যে ছবি তোলাই সবচেয়ে সুবিধাজনক। কারণ, আলোক এখানে সম্পূর্ণরূপে পরিচালকের আয়ত্তাধীন। চিত্রগড়ে বৈজ্ঞানিক আলোক ছাড়াও 'ইনক্যান্ডিসেন্ট লাইট' এবং 'আর্ক ল্যাম্প' প্রভৃতি নানা রকম আলোক ব্যবহারের সুব্যবস্থা করা থাকে। এই সব আলো পরিচালক তাঁর ইচ্ছামত ও প্রয়োজন অনুসারে যেখানে খুশী ফেলতে পারেন এবং যেরকম দরকার সেইরকম ভাবেই অনায়াসে কমাতে বা বাড়াতে পারেন।

চিত্রগড়ের 'আলোক-রহস্য' যদিও কতকগুলি মাপ-জোক, হিসাব ও যন্ত্রপাতির অধান, তবু চিত্রের প্রয়োজন মতো তাকে অদলবদল করে নিয়ে ব্যবহার করা চলে। প্রথমেই ত' ১/২ সেকেন্ডের মধ্যে ছবি তোলা যেতে পারে এমনভাবে চিত্রগড়টি ক্যামেরার সামনে দিক থেকে আলোকিত করে রাখতে হবেই। এর উপর আবার diffused light (অনারৃত-আলো) সমস্ত দৃশ্যটির উপর

ওজোন বুঝে ছড়িয়ে ফেললে ছবির যে সব জায়গা একেবারে গাঢ় আঁধার অর্থাৎ গভীর ছায়ায়ুক্ত; সে সব অংশও বেশ সুস্পষ্ট হয়ে ওঠে। এর ফলে, ছবিখানির মধ্যে আলো-ছায়ার লীলা এমন সুন্দরভাবে দেখতে পাওয়া যায় যে, সে ছবির তারিফ না করে পারা যায় না। ক্যামেরার দিক থেকে দৃশ্যপটের উপর আনৃত-আলোও (spot-light) ফেলতেই হয়, তাছাড়া উপরদিক থেকে আবার এই diffused light বা অনারৃত আলো ছড়িয়ে দিয়ে সমস্ত দৃশ্যটি সমানভাবে আলোকিত করে রাখতে পারলে ছবির আলো-ছায়ার পরিমাণ নিয়ন্ত্রিত করা নিজেদের আয়ত্তের ভিতর থাকে। কোন্ ছবিতে কোন্‌দিকে এবং কোন্‌খানটায় কতখানি আলো বা কতটা ছায়া (shade) রাখা দরকার, কোথায় আলো খুব জোর হ'লে ভাল হয়, কোথায় কমজোর হওয়াই বাঞ্ছনীয়; এই সব দিক দিয়ে ছায়ার মায়াকে মূর্ত করে তোলার পক্ষে এই diffused light বিশেষ কাজে আসে। তা'ছাড়া, আজকাল সবাক ছবি তোলবার জন্ত প্রত্যেক দৃশ্যে এতবেশী সংখ্যক ক্যামেরা ব্যবহার করা হয় যে, অনারৃত আলোক-সম্পাত এখন ছবি তোলাবার একটা প্রধান আবশ্যকীয় অঙ্গ হয়ে উঠেছে!

নির্ভর্য্য ছবিতে কোনো চিত্রগড়েই আগে একসঙ্গে তিনটির বেশী ক্যামেরা ব্যবহার করা হ'ত না। কিন্তু এখন 'কথাকওয়া ছ'বি তুলতে গিয়ে অনেক চিত্রগড়ে একসঙ্গে পনেরোটি পর্য্যন্ত ক্যামেরাও চালানো হ'চ্ছে। বীদের অবস্থা খুব বেশী সচ্ছল নয়, তারা সবচেয়ে কম করেও একসঙ্গে অন্ততঃ চারটি ক্যামেরা না হ'লে কাজ করতে পারেনা! একই ছবির একই দৃশ্য পনেরোটি ক্যামেরায় কেন তুলে নেওয়া হয়—এ প্রশ্ন যদি কারুর মনে জাগে, তার অবগতির কৃষ্ণ বলছি যে—ছবি এক হ'লেও নানা বিভিন্ন কোণ (angle) থেকে দেখলে সেই একই ছবি বিভিন্ন রকম দেখতে হয়। তাছাড়া নিকট ও দূর থেকে দেখার ও পোনার দুইয়েরই পার্থক্য ত' আছেই এবং আরও আছে—

বিভিন্ন ক্যামেরার চক্ষের দৃষ্টি-শক্তি (power of Lens) ভিন্ন ভিন্ন রকম। অর্থাৎ, কোনো ক্যামেরার লেন্সের power খুব বেশী, কোনোটার কম। কাজেই পনেরোটি বিভিন্ন শক্তির ক্যামেরায় ভিন্ন ভিন্ন দিক থেকে ও ভিন্ন ভিন্ন দূরত্ব থেকে এবং বিভিন্ন আলোক-সম্পাতের সাহায্যে যে দৃশ্যটির ১৫খানি ছবি তোলা হয়, তার কোনো-না-কোনো একখানি ছবি শব্দ ও চিত্রের দিক দিয়ে নিখুঁত হয়ে ওঠবার



যথাস্থানে আলো

(এই ছবিখানিতে বামদিকের খোলা জানালা দিয়ে ঘরের মধ্যে আলো আসছে। জানালা আলোক আসবারই পথ। সুতরাং, এই জানালার ভিতর দিয়ে এই দৃশ্যে যে কৃত্রিম আলোক-সম্পাত করা হ'য়েছে—একে বলে 'Source lighting' বা যথাস্থানে আলো।)

সম্ভাবনা থাকেই, আর তা' যদি না'ও হয়, তাহ'লেও, যে ক্যামেরায় ছবির যে অংশটুকু ভালো উঠেছে তা' থেকে সেই অংশটুকু কেটে নিয়ে জোড়া লাগিয়ে একখানি যথাসম্ভব সর্বাঙ্গসুন্দর ও নির্দোষ ছবি তৈরী হবার সম্ভাবনা থাকে। এই জন্তই আরও বিশেষ করে অনারৃত-আলোর সাহায্যে সমস্ত দৃশ্যগুলি সমানভাবে আলোকিত করে রাখা প্রয়োজন।

উপরদিক থেকে আলো ছড়িয়ে ফেলার একটা মস্ত সুবিধা হচ্ছে প্রত্যেক জিনিষটার এবং প্রত্যেক নরনারীর উপরাংশ ক্যামেরার সামনে বেশ স্পষ্ট হয়ে ওঠে! ছবির লোকগুলোর চোখ মুখ যদি আমরা ভালো করে দেখতে পাই, তাহলে সে ছবির উপর সহজে আমাদের বিরাগ উৎপন্ন হয়না। উপর থেকে আলো ফেলার ব্যবস্থা করলে আর একটা সুবিধা হয় এই যে, ছবি তোলাবার সময় ক্যামেরা-কুটরী (camera-booths) আলোকাধার (light-stands) প্রভৃতির পরিবেষ্টনে সঙ্গীর্ণ হয়ে ওঠায়



নিরপেক্ষ আলো

(লভ প্যারেডের এই দৃশ্যটিতে এমনভাবে আলো ফেলা হয়েছে যে প্রধান নট-নটীর সঙ্গে দ্বারপালেরাও ক্যামেরার চোখে সমান আদর পেয়েছে। একে বলে 'Impersonal lighting'।)

অভিনয়ের স্থানটুকু আর অধিকতর সঙ্গীর্ণ হয়ে পড়েনা।

এই উপর থেকে ছড়িয়ে ফেলা আলোর ব্যবস্থাটা বেশ সন্তোষজনক ভাবে করে উঠতে পারলেই তার পরের কাজ হচ্ছে কী-ভাবে প্রত্যেক দৃশ্বে আলোক নিষ্ক্ষেপ করা হবে সেইটে স্থির করা। অর্থাৎ সেই দৃশ্বে ছবির আখ্যান ভাগ অনুযায়ী কোন্ সময়ে যট্টে সেইটে জেনে তদনুসারে আলোক নিষ্ক্ষেপের ব্যবস্থা করা। যদি সেই দৃশ্বে খোলা-জানালা দেখবার সুযোগ থাকে তাহলে সেই খোলা-জানালা ভিতর দিয়ে দিনের তখন কতদণ্ড হিসাব করে এবং সে সময়

কোনদিক থেকে ঘরের মধ্যে আলো আসা সম্ভব নো বিবেচনা করে ঘরের সেইদিকের জানালা দিয়ে আলোক নিষ্ক্ষেপের আয়োজন করা উচিত। কিম্বা, যদি কোন্ রাত্রিকালের কোনো দৃশ্য হয়, তাহলে ছবির গল্পের বর্ণনা অনুযায়ী সে ঘরে তখন কী আলো বা দীপ জ্বলছিল, বাড়লঠন, দেয়ালগিরি, না টেবিলল্যাম্প, সেইটে জেনে তারই সাহায্যে দৃশ্যটি আলোচিত করে তোলাবার ব্যবস্থা করাই হচ্ছে শিল্প-রুচি-সম্মত উপায়।

আলোর ব্যবস্থা করায় যদি কোনো ভুল বা ত্রুটি হয়ে পড়ে তাহলে কিন্তু ছবিগুলি মাটি হয়ে যায়। কারণ ভুল দিক থেকে আলো ফেলার দোষে এবং সেখানে যতটুকু আলোর দরকার তার কমবেশী হয়ে গেলে সে দৃশ্বে অভিনয় ত' ক্ষতিগ্রস্ত হয়ই, তা' ছাড়া সে ছবিও ভালো খেলেনা! অর্থাৎ ক্যামেরা খুব ভদ্র হ'লেও আলোর দোষে টিক আশঙ্করূপ সাফল্যলাভ হয় না। সুতরাং চলচ্চিত্র-শিল্পীদের প্রথম কর্তব্য হচ্ছে গল্পটি বেশ ভালো করে পড়ে নিয়ে—আলোক-ব্যবস্থাকার (Light-expert) দৃশ্য-সম্ভাবক (Art-Director) এবং ছায়াধারক (camera-man) তিনজনে মিলে পরামর্শ করে প্রত্যেক দৃশ্বে ছবি তোলাবার আগেই সে দৃশ্যটিতে কী ভাবে কোনদিক দিয়ে কতটা আলো ব্যবহার করা হবে, তার একটা ব্যবস্থাপত্র প্রস্তুত করা। এইভাবে

কাজ শুরু করতে পারলে অনেক ভুলচুক কম হবে। ছবি তুলতে অযথা অর্থের অপব্যয় এবং অকারণ বিলম্ব ঘটবে না।


কোন দৃশ্বে কোনদিক থেকে কি ভাবে আলো ফেলা হবে, এটা স্থির হবার পরই চলচ্চিত্র-শিল্পীর দ্বিতীয় কাজ হচ্ছে আলোর সাহায্যে দর্শকদের দৃষ্টি-বিভ্রম উৎপাদন করা অর্থাৎ চিত্রে বস্তু বা ব্যক্তির শুধু রেখায় জাঁকা আঁকি দেখানো নয় তার সম্পূর্ণ অবয়বের রূপ (depth & roundness) ফুটিয়ে তোলা! এটা সম্ভব হতে পারে একমাত্র আলো-ছায়ার কৌশলে দর্শকদের দৃষ্টি-বিভ্রম

ক'রতে পারলে। চিত্রে বস্তু বা ব্যক্তির আকৃতির depth দেখাতে হ'লে আলোর তারতম্য বিধানই একমাত্র সহজ উপায়।

কোনো ছবির পুরো-ভূমিকা (Fore-ground) যদি ছায়া-কায়া (Silhouett) মাত্র ক'রে রেখে, মধ্যভূমিকা (middle-ground) খুব দীপ্ত আলোকোজ্জ্বল করে তোলা হয় এবং পট-ভূমিকা (Back-ground) একেবারে অন্ধকার রাখা হয়, তাহলে যে কোনো দৃশ্বে depth ছবিতে বেশ স্পষ্ট হয়ে ওঠে। লক্ষ্য রাখতে হবে যে আলো ছায়ার এই তারতম্য (Contrast of light & shade) তা' ব'লে কোনো ছবিতেই যেন স্পষ্ট হ'য়ে না ওঠে। কারণ, আলো-ছায়ার তারতম্যটুকু যদি দর্শকদের চোখে ঘা প'ড়ে, যায় তাহলে তাদের দৃষ্টি-বিভ্রম সৃষ্টি করা কঠিন। সুতরাং ছবির যে অংশটুকু সিলহোঁট করা হবে তার মধ্যেও প্রত্যেক ফুটি-নাটিটি (details) পর্যন্ত স্পষ্ট দেখতে পাওয়া চাই; আবার, যে অংশটুকু আলোকোজ্জ্বল করা হবে সেটুকু যেন বড় বেশী জোর আলোয় একেবারে সাদা না হ'য়ে পড়ে। এবং একেবারে অন্ধকার অংশেরও অন্ততঃ আকৃতি-রেখাগুলো (Outlines) যেন অদৃশ্য না হয়ে যায়।]


Depth দেখাবার আর একটা উপায়: হচ্ছে দৃশ্বে দেওয়াল বা প্রাচীরগাত্র খুব আলোকোজ্জ্বল ক'রে তুলে ঘরের ভিতরের ও দেওয়ালের সম্মুখের আসবাবপত্রগুলি একটু 'সিলহোঁট' ক'রে রাখা! Depth দেখাবার এ উপায় যেখানে অবলম্বন করা হবে, সেখানে দৃশ্যপটের দেওয়ালগুলি যাতে চ্যাপ্টা ও প্লেন না হ'য়ে উঁচু উঁচু 'বীট' বা 'পল' তোলা, থাম: বসানো এবং যটুকোণ বা অষ্ট-কোণ হয়, আগে থেকে সে ব্যবস্থা করতে হবে। দেওয়ালের অভ্যন্তরে বারোকা, বাতায়ন বা ঘুলঘুলি থাকলে আরও ভালো হয়। আসবাবপত্র-

গুলো একটু আকারে বড়ো হ'লে এ রকম ছবির পক্ষে খুব সুবিধা। তা'ছাড়া ঘরের ভিতরকার প্রত্যেক বস্তু বা ব্যক্তির যদি সেই ঘরের মেঝেয় আলোর বিপরীত দিক থেকে ছায়া প'ড়ে দেখানো হয়, তাহলে অতি সহজেই দর্শকদের দৃষ্টি-বিভ্রম উৎপাদন ক'রতে পারা যায়।



'লাভ প্যারেডের' একটি দৃশ্য

(এই দৃশ্বে পটভূমিকায় যে আলো ফেলা হ'য়েছে অত্যাঁত অভিনেতৃবর্গের উপর তার চেয়ে হালকা আলো দেওয়া হ'য়েছে, আবার প্রধান অভিনেত্রীর উপর অপেক্ষাকৃত জোর-আলো ব্যবহার করা হ'য়েছে। এর ফলে এই লঘু ছবিখানির মধুর ভাবটুকু বেশ খুলেছে।)



'ডা: ফু মাফুর' একটি দৃশ্য

(এই দৃশ্বে আলো-ছায়ার যে বৈচিত্র্য দেখানো হ'য়েছে তার ফলে এই গুরু ছবিখানির একটা গভীর সংযত ভাব চমৎকার ফুটেছে।)

Roundness অর্থাৎ চিত্রের বস্তু বা ব্যক্তির আকৃতি ও অবয়বের সম্পূর্ণ গঠন যদি দেখাতে হয় তাহলে বিশেষ যত্ন করে জোর-আলো ব্যবহারের কৌশল শিক্ষা করা চাই। দৃশ্যের মধ্যে যেখানে সামান্য একটুও বৃত্তরেখার (Carve) সম্পর্ক আছে, সেই সেই স্থানগুলি বিশেষ ভাবে লক্ষ্য করে ছোট ছোট আবৃত-আলোক (Spot-light) ব্যবহার করে সেগুলি স্পষ্ট করে তোলা চাই। বৃত্তরেখা বেশী করে দেখাতে পারলেই ছবির roundness ফুটিয়ে তোলা সহজ হয়ে উঠবে। কারণ এই বৃত্তরেখার (Curve) সাহায্যেই আমাদের দৃষ্টির 'গোলাকার বোধ' জন্মায়। কাজেই ছবিতে কোনোও কিছু 'ঘের' বোঝাতে হলে বৃত্তরেখার সাহায্য নেওয়া ভিন্ন অন্য উপায় নেই। যেমন ধরুন কোনো ছবিতে যদি গোটা কতক গোল খিলান সারি সারি গোল থামের উপর থাকে, তাহলে যে কোনো একদিক থেকে সেই থামের উপর জোর আলো ফেললে থামের বৃত্তরেখা আমাদের দৃষ্টিতে স্পষ্ট হয়ে উঠবে। সঙ্গে সঙ্গে এক পাশ থেকে খিলানেরও ভিতর দিকটায় জোর আলো দিতে পারলে শুধু যে তার roundness টুকুই আমরা বুঝতে পারবো তাই নয়, তার ভিতরের depthও আমাদের দৃষ্টিপথে প্রতিভাত হবে। এমনি ভাবে আঁস্‌বাব-পত্রের উপরও আলো ফেলতে পারলে সমান ফল পাওয়া যায়। ঘরের ভিতরের টেবিল চেয়ারগুলির পায়া যদি এমনভাবে আলো ফেলে স্পষ্ট করে তোলা যায় যে, মেঝের আলো এবং দেওয়ালের গায়ের আলোর সঙ্গে বেশ একটা তার পার্থক্য থাকবে অর্থাৎ সেটা খুব বেশী তফাৎ না হয়ে পড়ে, তাহলে সে আঁস্‌বাব-গুলো আমাদের চোখে একবারে প্রত্যক্ষ সত্য হয়ে উঠবে।



পক্ষপাতি আলো

('ভ্যাগাবণ্ড কিংয়ের এই দৃশ্যে প্রধানা অভিনেত্রীকেই আলোকিত করে দেখানো হয়েছে—তার সখী বা পরিচারিকাদের সম্পূর্ণ অবহেলা করে! একে বলে Personal lighting)



'এ্যানা ক্রিস্টী'র একটি দৃশ্য

(আলোক-সম্পাতের গুণে এই দৃশ্যে রজনী হয়ে উঠেছে যেন হেমন্তের ঘন কুজাটিকায় ঢাকা। ঘর বাড়ী আলো'ও মানুষের ভিতর দিয়েও স্পষ্ট তার রূপ দেখা যাচ্ছে।)

অবশ্য দৃশ্যপট ও আঁস্‌বাব-পত্রের চেয়ে নট-নটীদের উপরই লক্ষ্য রাখতে হবে বেশী, কারণ ছবির প্রধান আকর্ষণ তারাই, দৃশ্যপট বা আঁস্‌বাব-পত্র নয়। ওগুলো তাদেরই সুবিধার জন্ত রাখবার প্রয়োজন। অভিনেত্রীদের মধ্যে আবার ছবির রকম হিসাবে দু'টো শ্রেণী আছে। একরকম হচ্ছে 'ষ্টার' ছবি! অর্থাৎ প্রধান অভিনেতা বা অভিনেত্রীই এ ছবির প্রধান আকর্ষণ! স্মরণ্যঃ এ ছবির মধ্যে যা কিছু থাকবে সমস্তই সেই 'ষ্টার' বা প্রধানের আকর্ষণের অন্তর্ভুক্ত। আর একরকম ছবি হচ্ছে "All-Star" চিত্র অর্থাৎ সে ছবিতে প্রধান বলে বিশেষ কোনও একজনের আকর্ষণ নেই, সে ছবির গল্পের সাফল্য নির্ভর করে সবারই উপর সমান ভাবে! কেউ তাতে কম বেশী নয়।

এই দুই বিভিন্ন শ্রেণীর ছবিতে আলোর ব্যবহারও একেবারে ছ রকমের। প্রথম শ্রেণীর ছবিতে সেই প্রধান ব্যক্তির প্রয়োজন হিসাবেই আলোর ব্যবস্থা ক'রতে হয়। 'ষ্টার' যিনি তাঁকে যাতে সকল দৃশ্যেই সুন্দর ও মনোহর করে তোলা যায় সেই দিকেই বিশেষ ভাবে লক্ষ্য রেখে চলতে হয়। কারণ, তিনিই হচ্ছেন সেই ছবির প্রধান আকর্ষণ! দ্বিতীয় শ্রেণীর ছবিতে ব্যক্তির প্রয়োজন গোণ হয়ে পড়ে। সেখানে গল্পের আকর্ষণটাই মুখ্য; কাজেই সেইদিকে লক্ষ্য রেখে ছবি-পানিকে শিল্প-চিত্রের দিক দিয়ে দ্রষ্টব্য ক'রে তুলতে হয়।

'ষ্টার' ছবি তোলা আজকাল অনেক ক'মে এসেছে, কারণ যে ছবিতে 'ষ্টার' অর্থাৎ প্রধান একজন নায়ক বা নায়িকাকেই বড়ো করে তোলা হয়, সে ছবির অনেক দোষ থেকে যায়! যেহেতু—তার গল্প, তার চিত্রনাট্য, তার ভূমিকা-নির্বাচন—তার অভিনয় পরিচালন—তার ছায়াচিত্র, তার আলোক-সম্পাত, তার বিবৃতি-লিপি (Titles)


সব কিছুই এমন ধরা-বাঁধার মধ্যে থেকে ক'রতে হয় যাতে সেই 'ষ্টার'ের নাগালের বাইরে না গিয়ে পড়ে কিছু!

একাধিক নিয়ন্ত্রণের 'ষ্টার' ছবিতে বাজার ছেয়ে যাওয়ায় 'ষ্টার' ছবির উপর সাধারণেরও একটা অভক্তি



রাত্রে তোলা বহির্দৃশ্য


('জার্গিজ এণ্ড' ছবিখানির এই দৃশ্যে মহাযুদ্ধের রণক্ষেত্রে ট্রেনের আলোয় ভয়াবহ রাত্রির নিবিড় রূপ ও রণক্ষেত্রের ভীষণতা বেশ ফুটে উঠেছে।)



'সিটি লাইট'র একটি দৃশ্য


(চার্লি চ্যাপলিনের বিখ্যাত ছবিখানিতে রাত্রের এই বহির্দৃশ্যকে সুন্দরভাবে আলোকিত ক'রেছে—'Source lighting'! রাজপথের ঐ আলোটি অবলম্বন ক'রেই চলচ্চিত্র-শিল্পী এ দৃশ্যটিতে আলোক-সম্পাতের কৃতিত্ব দেখিয়েছেন।)

জন্মেছে। গল্পের মধ্যে যে দৃশ্যে 'ষ্টার' আছেন—তার ঘটনা যেমনই হোক না কেন, 'ষ্টার'কে তার ভিতর প্রধান আকর্ষণ করে ছবি তুলতেই হবে। প্রযোজকদের এই



‘সান্‌রাইজের’ একটি দৃশ্য

(পটভূমিকায় রাত্রিকালের অন্ধকার আকাশ। মধ্যে আলোকোজ্জ্বল ‘কাফে’ বা হোটেল এবং পুরোভূমিকায় রাজপথ। রাজপথের পথিকগুলিকে ‘সিল্‌হোটে’ দেখানো হয়েছে।)



‘কিং অফ্‌ জাজের’ একটি দৃশ্য (তোলবার আগে)

(দৃশ্যপটের স্বাভাবিক রংটি পর্যন্ত ছায়াচিত্রে দেখাতে হলে কত বেশী আলো একটি দৃশ্যে ব্যবহার করতে হয় তার পরিচয় পাওয়া যাচ্ছে এই ছবিখানিতে।)

খোয়াল অনেক সময় পরিচালক ও চিত্র-শিল্পীর কাজের পক্ষে পীড়াদায়ক হয়ে ওঠে! কারণ, 'ষ্টারের' খাতিরে তাঁদের প্রায়ই 'আর্ট'কে গলাটিপে হত্যা করতে হয়।

ছবি তুলতে তুলতে এমন অনেক দৃশ্যে দেখা যায় যে সেই তথাকথিত ষ্টারের সুন্দর মুখের চেয়ে একটা কোনো ছোট্ট অপ্রধান ভূমিকার চোখ মুখের ভাব ক্যামেরার সামনে

অভিনয়ে এত চমৎকার ফুটে উঠেছে যে নাটকীয় ঘটনার দিক দিয়ে তার সার্থকতা যতখানি শিল্প-কলার দিক দিয়ে ও তার সৌন্দর্য তেমনই লোভনীয়! কিন্তু, পাছে 'ষ্টার' কোথাও এতটুকু মলিন হয়ে পড়ে এই আশঙ্কায় সে অপ্রধান ভূমিকার অভিনেতাকে অলক্ষ্যেই রেখে যেতে হয়। তাছাড়া, 'ষ্টার' কোনো উৎসব-মণ্ডপে, আনন্দ-সভায়, প্রমোদ-গৃহে বা কারাগারের অন্ধকূপে, পরিত-গহ্বরে কিম্বা পাতালের স্ফুটপথেই থাকে—সব সময়েই—সর্বত্র—তাকে সুন্দর করে ছবিতে তোলা চাই, অর্থাৎ, স্থান-কাল যেমনই হোক না কেন, সেদিকে চোখ বুজে 'ষ্টারের' চাঁদমুখের চারপাশে ছবিখানির গোড়া থেকে শেষ পর্যন্ত আলোর একটা চালচিল্লির ধার বেড়াতেই হবে। এটা যে কোনো রকম স্বিকৃতি দিয়েই সমর্থন করা যায়না, এবং এতে যে আর্টের চরম অপমান করা হয়—ছবির কারবারী মহাজন তা' কিছুতে বোঝে না; সে ভাবে—যাকে এত টাকা দিয়ে কণ্ট্রোল করে—অর্থাৎ চুক্তি-পত্র সহি করে প্রমোদ, তাকে ছবির মধ্যে আগাগোড়া বৃত বেশী করে দেখাতে পারি, সেইটেই আমার পক্ষে লাভ! কিন্তু, এই অতি-লোভের ফলে যে ছবির মর্যাদা অনেক খেলো হয়ে যায় সে হিসাব তারা রাখে না। কাপড়ের পাড়ের জরিদার কাজ দেখিয়েই তারা লোক ভোলাতে চায়, —মিহি বা খাপি খোলার জন্তে মাথা ঘামায় না!

দ্বিতীয় শ্রেণীর অর্থাৎ 'all-star' ছবি যেগুলি, সৌভাগ্যক্রমে আজকাল সেই ছবিই ক্রমে ক্রমে জনপ্রিয় হয়ে উঠছে। এতে চলচ্চিত্র-শিল্পীর স্বাধীন ভাবে কাজ করবার যথেষ্ট সুযোগ থাকে। একজনের প্রতি সমস্ত

মনোযোগ না দিয়ে সকলের প্রতি সমান মনোযোগ দেবার অবকাশ পায় সে। এর ফলে শিল্পের দিক দিয়ে চলচ্চিত্রের চরম সৌন্দর্য বিকশিত হয়ে ওঠবার সম্ভাবনা ঘটে।

ছবির আলোক-সম্পাত, সর্বত্র ঠিক গল্পের ভাবানুকূল করে তোলা উচিত। উৎকৃষ্ট ছবির প্রধান গুণই হচ্ছে তাই। ছবির ঘটনা ও কাহিনীর মর্মনিহিত যে সুর, আলোর ভিতর দিয়ে সেই সঙ্গীতকে সৃষ্টি করে তুলতে পারলেই সেই ছবি হয়ে উঠবে সকল ছবির শ্রেষ্ঠতম।

ছবির গল্প যদি 'The way of All Flesh'; বা 'Lummox' কিম্বা 'The case of S. Grischa'র মতো গুরুগম্ভীর ভাবের হয়—তাহলে আলোক-সম্পাত সে ছবিতে খুব সঙ্গতভাবে করা উচিত। কিন্তু ছবিখানি যদি 'মেলো-ড্রামা' বা মধুর নাটক হয় যেমন 'Dr. Fu Manchu' বা 'Alibi' ছবি তাহলে আলোক-সম্পাত হওয়া উচিত একটু নরম রকমের, অথচ তারই মধ্যে আগাগোড়া আলো-ছায়ার বৈচিত্র্যও রাখা উচিত। আবার 'Love Parade' কিম্বা 'Vagabond King'এর মতো মধুর মিস-মাস্তক হাল্কা ছবি যদি হয়, তাহলে আগাগোড়া খুব জোর-আলো ব্যবহার করাই সমীচীন। এর দু'টি কারণ দেওয়া যেতে পারে। প্রথম, ঘটনার সঙ্গে তাতে আলোর সামঞ্জস্য থাকে, দ্বিতীয় কারণ, ছবির কোনো মধুর অংশই এতে দর্শকের অলক্ষ্য থেকে যাবে না! নিপুণ চলচ্চিত্র-শিল্পীর তত্ত্বাবধানে ছবির আলোক-সম্পাত শুধু যে গল্প ও অভিনয়ের স্থানকালোপযোগী একটা নাটকীয় আবহাওয়া সৃষ্টি করে তাই নয়, দর্শকের মনকেও চিত্রের অতি সুন্দর সৌন্দর্য ও রস গ্রহণের জন্ত প্রস্তুত করে তোলে।


কেবলমাত্র যে 'চিত্রগড়ের' অভ্যন্তরে সজ্জা আলোর সাহায্যেই এইভাবে ছবি

তোলা সম্ভব, এমন যেন কেউ মনে করবেন না। বাইরে মুক্ত প্রকৃতির কোলে দিনের আলোতে তোলা ছবিও এমনই সুন্দর ও সু-আলোকিত করে তোলা যায় যদি সে চলচ্চিত্র-শিল্পীর জানা থাকে—স্বভাবের আলোকেও কি উপায়ে নিজের আয়ত্তাধীন করে



‘লামাক্সের’ একটি দৃশ্য

(‘Lummox’ একখানি গুরু গম্ভীর নাটক। তার আলোক-সজ্জাও অল্পরূপ ভারি ও সংযত করা হয়েছে।)



‘এ্যালিবি’র একটি দৃশ্য

(পটভূমিকায় হত্যার উপযোগী অন্ধকার! দূরের জানালা-পথে আলো এসে পড়ে হত্যাকাণ্ডের দৃশ্য দেখা যাচ্ছে! আলো-ছায়ার চমৎকার সন্নিবেশ হয়েছে এখানে।)


নেওয়া যেতে পারে! এ কিন্তু অত্যন্ত কঠিন কাজ; এবং দীর্ঘকালের সাধনা-সাপেক্ষ!

সূর্যের আলোক নিয়ন্ত্রিত করবার প্রধান উপায় হচ্ছে ক্যামেরার মুখটি খোলা ও বন্ধ করার কৌশল আয়ত্ত



অনেকের মাঝখানে ছ'জন

(‘লামাক্সের’ এই দৃশ্যে বহু লোকের মধ্যেও দুটি নারী দর্শকদের দৃষ্টি আকর্ষণ করছে। সবাইকেই বেশ স্পষ্ট দেখা যাচ্ছে, কিন্তু তার মধ্যেও ওরা দুজন স্পষ্টতর হয়েছে।)



‘সানি সাইড আপের’ একটি দৃশ্য

(রাত্রিকালের ছবিতেও জোর আলো ব্যবহার করা চলে যদি সে দৃশ্যের ঘটনা এই ছবিখানির মতো অধিক আলোর অনুকূল হয়।)

করা। অর্থাৎ, কোন দৃশ্যটি কতক্ষণ কী পরিমাণ আলোর ভিতর তোলা দরকার, সেইটি জানা এবং লেন্সের সামনে স্থতোর জাল ব্যবহার করতে শেখা। অর্থাৎ কী রকম

আলোর কী পরিমাণ তারতম্য ঘটাবার জ্ঞান কোন ধরণের জালিপর্দা লাগানো দরকার, সেটা ভাল করে শেখা। এই উপায়ে সমস্ত ছবিখানি আগাগোড়া, কিম্বা তার অংশ-বিশেষের উপর দিনের আলোয় তোলবার সময়ও

প্রয়োজন মত আলোর হ্রাস-বৃদ্ধি ঘটানো চলে। প্রত্যেক দৃশ্যের অনেক কিছু খুঁটিনাটি ব্যাপার ওই Gauze Matte এর সাহায্যে ইচ্ছামত স্পষ্ট করে তোলা বা অস্পষ্ট করে ফেলা যায়। তবে এ করবার উপায়টুকু একান্ত সীমাবদ্ধ। বহির্দৃশ্যের ছবি তোলবার সময় চলচ্চিত্র শিল্পীর প্রয়োজন হলে এই ভাবেই তিনি দিনের আলো কতকটা কমিয়ে-বাড়িয়ে নিতে পারেন। এখানে একটা কথা বলা দেওয়া উচিত মনে করি; ক্যামেরার ভিতরের Matte বাস্তব এক আধ ইঞ্চি Gauze ব্যবহার করার চেয়ে অভিনয় দৃশ্যপটের সামনে ও মাথার উপর খুব বড় জালিপর্দা (Matte Screen) বুলিয়ে দেওয়াই অধিকতর সুবিধাজনক। সেই পর্দার বাইরে যদি অভিনয় করা থাকে, তাহলে তাদের উপর বেশ জোর আলোই পড়বে এবং পর্দাবৃত থাকার কারণে পটভূমিকা ও দৃশ্যস্থল অপেক্ষাকৃত স্বল্প আলো পাবে। আবার কোনো দৃশ্যে যদি পটভূমিকা ও দৃশ্যস্থল উজ্জ্বল রেখে অভিনয়ীদের হ্রাস লোকের মধ্যে অভিনয় করানো প্রয়োজন মনে হয়, তাহলে এমন কোনো একটি স্থান নির্বাচন করতে হবে যেখানে পারিপার্শ্বিক দৃশ্যাবলী বেশ রৌদ্রকরোজ্জ্বল কিন্তু অভিনয় স্থলে গাছপালা, ঘরবাড়ী বা পাহাড়ের মত হোক—খানিকটা ছায়া এসে পড়েছে; যদি সে রকম ছায়াযুক্ত স্থান খুঁজে না পাওয়া যায় তাহলে কোনো রকম কৃত্রিম উপায়ে প্রাচীর খাড়া করে সেখানে আলোকটুকু আড়াল করে নিতে হবে। অন্য

ক্যামেরার ভিতর দিয়ে ছায়ার মধ্যে অভিনয় করার ফল পাওয়া যায়। তারপর reflector অর্থাৎ যার উপর সূর্যালোক পড়ে আবার প্রতিবিম্বিত হয়, যেমন দর্পণ বা লেনা ও রূপোর মতো চক্চকে কোনো জিনিস ইত্যাদি—


এগুলো বহির্দৃশ্যের ছবি তোলবার সময় ব্যবহার করা একেবারে অত্যাবশ্যকীয় হয়ে ওঠে। কারণ, চিত্রেয় দৃশ্যের প্রত্যেক অঙ্গকার কোন্টি এবং অভিনেতৃদের অবয়বের যে অংশ আলোর বিপরীত দিকে থাকে সে সব সমান ভাবে আলোকিত করে তোলবার একমাত্র উপায় হচ্ছে প্রয়োজনমত পটুর পরিমাণে এই ‘reflector’ ব্যবহার করা। চিত্রগড়ের অভ্যন্তরে যেমন বৈদ্যুতিক আলোকের সাহায্যে বিভিন্নপ্রকার আলোর বৈচিত্র্য সৃষ্টি করা চলে, তেমনি উজ্জ্বল্যবর্ধক reflector এর সাহায্যে বহির্দৃশ্যেও ঠিক সেইরকমই আলোর বৈচিত্র্য সৃষ্টি করা যায়। তবে, ঠিক তত সহজে এবং তেমন সূক্ষ্মভাবে করা যায় না!—কড়া আলো, নরম আলো, সামনের আলো, পিছনের আলো, মাঝের আলো, কোণাকোণি আলো, পাশের বা বাঁয়ের আলো, সব রকম আলোই এই reflector থেকে স্থূল ভাবে পাওয়া যেতে পারে বটে, যদি তার কৌশল জানা থাকে।

আমাদের এখানে প্রচুর সূর্যালোক! কিন্তু মুশ্কিল এই যে সূর্যকে ঠিক এক জায়গায় অচল ভাবে অনেকক্ষণ পাওয়া যায় না। উদয়-অস্তের মধ্যে প্রতিমূহুর্তে তার গতির পরিবর্তনের সঙ্গে সঙ্গে আকাশের নীচেয় পৃথিবীর উপরও আলো-ছায়ার অবস্থান বদলে যায়। তা ছাড়া এখানে মেঘেরও অভাব নেই, হস্ করে উড়ে এসে পড়লেই আলো! কুয়াসা, ধোঁয়া ও ধুলোর উৎপাত ত’ আছেই। এ স্থলে সবচেয়ে নিরাপদ উপায় হচ্ছে দিনের আলোতেও বহির্দৃশ্যের ছবি কৃত্রিম আলোর সাহায্যে

তোলার ব্যবস্থা করা। তাহলে আর আলোর অভাবে ছবি খারাপ হয়ে গেলো বলে দৈবের দোষ দেবার দরকার হবে না! কিম্বা, কাজ করতে করতে আলো চলে গেলো দেখে ছবি তোলা বন্ধ করতে হবে ভেবে আক্ষেপ



কৃত্রিম আলোর দিনে ছবি-তোলা



রাত্রে আকাশে আলো ফেলবার যন্ত্র

(উড়ে জাহাজের আক্রমণ-প্রতীতি দেখাবার জ্ঞান রাত্রে আকাশে আলো ফেলবার প্রয়োজন হয়। এই যন্ত্রে সে কাজ সুসম্পন্ন করা চলে।)

করতে হবে না! কৃত্রিম আলোর ব্যবস্থা থাকলে সমস্ত দিনই বাইরে কাজ করা চলবে।

রাতের দৃশ্যও আগে দিনের বেলাতেই তোলা হতো। তখন শুধু ক্যামেরার রাতের ছবি নেওয়া হতো একটু কম

সময়ের মধ্যে Under expose করে, এবং সে ছবি ছাপা হ'ত নীল রংয়ের ফিল্মের উপর। তা'তেই কাজ চলে যেত!—কিন্তু আজকাল অনেক রকম আলোর স্রবিধা হওয়াতে রাতের দৃশ্য রাতেই তোলা হয়। তাতে কাজেরও অনেক স্রবিধা হয়। অল্প সময়ের মধ্যে ছবিখানি শেষ হ'য়ে যায়, রাত্রির অংশ আর পৃথক ক'রে ছাপতে হয় না। এবং রৌদ্রের তাত ও দিনের আলোয় কাজ করার শ্রান্তি ক্লাস্তি থেকে অভিনেতা অভিনেত্রীগণ, তথা চিত্রকর ও পরিচালকও অনেকখানি অব্যাহতি পান।

বর্তমানে চলচ্চিত্রে আলোক-সম্পাতের ব্যবস্থা করা বিশেষ রকম জটিল হ'য়ে উঠেছে। কারণ আজকাল প্রত্যেক ছবি তোলাবার সময় একাধিক ক্যামেরা ব্যবহার করার রীতি প্রচলন হয়েছে, ক্যামেরাও হালে সব বদলে

গেছে। এখন Teitng বা 'যুগ্ম-ক্যামেরাগুলো ছবি তোলাবার সময় যেন 'ভালুমতীর খেল' দেখাবার মতো নড়ে' চড়ে' উল্টে-পাল্টে ডিগ্বাজী খেয়ে ছবি নেয়! কাজেই, তাদের সঙ্গে সমান ভাবে তাল রেখে আলোর চালটি দিতে পারলে তবেই ছবির 'কিস্তি' মাত করে দেবার আশা থাকে, নইলে সব মাটি! আলো নিয়ে এমনিতর ছিনিমিনি খেলতে পারা কেবল তাদেরই পক্ষে সম্ভব যারা আলোক-বিজ্ঞানে ধুরন্ধর! সঙ্গীতজ্ঞের কাছে যেমন কোনো গানের পদ প'ড়তে প'ড়তেই তার সুরের আভাসটিও মনের মধ্যে জেগে ওঠে, চলচ্চিত্রে সুদক্ষ আলোক-শিল্পীরা কাছেও তেমনি গল্পটি প'ড়তে প'ড়তেই তার কোথায় কী আলো ব্যবহার ক'রতে হবে—সে রহস্য আপনাই উদ্ঘাটিত হ'য়ে পড়ে—অবশ্য, যদি তাঁর সে সাধনা থাকে।

শোক-সংবাদ

পরলোকে ডাক্তার প্রসন্নকুমার রায়

বিগত ২২শে জানুয়ারী ১৯৩২, তারিখে ডাঃ প্রসন্নকুমার রায় হাজারীবাগে পরলোকগত হইয়াছেন। দীর্ঘ দিন শিক্ষা বিভাগে কাজ করিয়া তিনি অবসর গ্রহণ করিয়াছিলেন। মৃত্যুকালে তাঁহার বয়স ৮২ বৎসর হইয়াছিল। অবসর গ্রহণের পর হইতে পরলোক গমনের সময় পর্যন্ত তিনি হাজারীবাগেই ছিলেন। বিগত ঊনবিংশ শতাব্দীর শেষভাগে যে সমস্ত যুবক বিদেশে গিয়া জ্ঞানসঞ্চয় করিয়া স্বদেশে ফিরিয়া দেশের উন্নতিকর কার্যে আত্মনিয়োগ করিয়াছিলেন, ডাঃ পি, কে, রায় তাঁহাদের অন্ততম। ইনি প্রধানতঃ শিক্ষাদান এবং জ্ঞানচর্চায়ই আত্মনিয়োগ করিয়াছিলেন। বিখ্যাত ইংরাজ মনীষী লর্ড হলডেন ডাঃ পি, কে, রায়ের সহপাঠী ছিলেন। লণ্ডন বিশ্ববিদ্যালয় হইতে উপাধি গ্রহণ করিয়া ইঁহারা উভয়েই সমান নম্বর পাইয়া “ব্রাকেটেড” হইয়াছিলেন। লর্ড হলডেনের সহিত তাঁহার আজীবন বন্ধুত্ব ছিল। ভারতবর্ষে ফিরিয়া ডাঃ পি, কে, রায় পাটনা কলেজ, ঢাকা কলেজ এবং

প্রেসিডেন্সী কলেজে অধ্যাপকের কাজ করেন। ভারত বাসীদের মধ্যে তিনিই সর্বপ্রথম ভারতীয় এডুকেশনাল সার্ভিসে প্রবেশ করিয়াছিলেন। কিছু দিনের জন্ম তাঁহাকে কলিকাতার প্রেসিডেন্সী কলেজের প্রিন্সিপাল নিযুক্ত করা হইয়াছিল। স্মার আশুতোষ ঠাকুর কলিকাতা বিশ্ববিদ্যালয়ের ভাইসচ্যান্সেলার ছিলেন, তখন ডাঃ পি, কে, রায় কিছু দিনের জন্ম রেজিস্ট্রার এবং কলেজ ইন্সপেক্টর হইয়াছিলেন। তাঁহার পত্নী শ্রীযুক্তা সরলা রায়ও শিক্ষা বিস্তারের জন্ম বিশেষ চেষ্টা করিতেছেন। তাঁহার চেষ্টায় বিখ্যাত গোথলে মেমোরিয়াল গার্ল স্কুল প্রতিষ্ঠিত হইয়াছে।


পরলোকে যোগেন্দ্রনারায়ণ মিত্র

ভাগ্যের সহিত যুদ্ধ করিয়া যে সব বাঙ্গালী আত্মপ্রতিষ্ঠা লাভ করিয়াছেন, যোগেন্দ্রনারায়ণ তাঁহাদের মধ্যে একজন। নদীয়া জেলায় রাণাঘাট সাব-ডিভিভনে গৌড়পাড়া গ্রামে

সম্ভ্রান্ত মিত্র বংশে ইনি জন্মগ্রহণ করেন। ইঁহার পিতা রামপ্রসন্ন মিত্র মুর্শিদাবাদ জেলায় আখেরিগঞ্জে নীলকুঠীর দেওয়ান ছিলেন। এই আখেরিগঞ্জেই প্রায় সত্তর বৎসর পূর্বে যোগেন্দ্রনারায়ণের জন্ম হয়। সাত বৎসর বয়সে ইনি বহরমপুর কলেজিয়েট স্কুলে ভর্তি হন, এবং সেখান হইতেই প্রবেশিকা পরীক্ষায় উত্তীর্ণ হইয়া প্রথমে হুগলী কলেজে পরে কলিকাতার প্রেসিডেন্সি কলেজে এফ-এ পড়িতে আসেন। এই সময়ে তাঁহার পিতার মৃত্যু হওয়ায় নানা দৈব দুর্ভিক্ষপাকে সাংসারিক অভাব-অনটনের মধ্যে পড়ায় তিনি কলেজ ছাড়িতে বাধ্য হন; এবং এই অল্প বয়সেই কলিকাতার কোন একটা স্কুলে শিক্ষকতার কার্য গ্রহণ করেন। কিন্তু শিক্ষকতার কার্য তাঁহাকে বড় বেশী দিন করিতে হয় নাই। ঘটনাক্রমে একদিন বর্তমান ষ্টেশনে জাপানীন্তন সিভিলিয়ান লায়ান্স সাহেবের সঙ্গে তিনি পরিচিত হন। লায়ান্স সাহেব এই সময়ে কটকের সেটলমেন্ট অফিসার ছিলেন। প্রিয়দর্শন যোগেন্দ্রনারায়ণের কথাবার্তা এবং আলাপ-কুশলতায় প্রীত হইয়া তিনি যোগেন্দ্রনারায়ণকে স্কুল মাষ্টারি ছাড়িয়া দিতে বলেন এবং পরে তাঁহারই অধীনে কটকের সেটলমেন্ট অফিসে হেড ক্লার্কের পদে নিযুক্ত করেন। এই কেরাণীগিরিও তাঁহাকে বেশী দিন করিতে হয় নাই। অক্লান্ত পরিশ্রমী যোগেন্দ্রনারায়ণ নিজের সুদৃষ্টিবলে ও কার্যকুশলতায় অল্প দিনের মধ্যেই এই কেরাণীগিরি হইতে অ্যাসিষ্ট্যান্ট সেটলমেন্ট অফিসার, ডিপুটি কালেক্টর, রেভিনিউ সুপারিনটেন্ডেন্ট এবং পরে বেঙ্গল গভর্নমেন্টের রাজস্ব বিভাগের আণ্ডার সেক্রেটারী হন। এই পদ ইতিপূর্বে I. C. S. ভিন্ন আর কোন ভারতবাসী পান নাই।

চাকুরী করিলেও যোগেন্দ্রনারায়ণ বরাবর স্বাধীনচেতা ছিলেন। তাঁহার ঞায় মিষ্টভাষী ও সদালাপী লোক খুব কমই দেখিতে পাওয়া যায়। একবার যে তাঁহার সংসবে আসিত, তাঁহার অমায়িক ও মিষ্ট ব্যবহারে সেই তাঁহার আপনায় হইয়া যাইত। পরের উপকার করা তাঁহার যেন সহজাত প্রবৃত্তি ছিল। কাহারও কিছু উপকার করিবার সুযোগ পাইলে তিনি নিজেকে কৃতার্থ মনে করিতেন। তিনি নিজে সাহিত্যিক ছিলেন না, কিন্তু তাঁহার সাহিত্যিক বন্ধু ছিলেন অনেক। তিনি প্রথম

যৌবনে কবীন্দ্র রবীন্দ্রনাথের কতকগুলি গান ও কবিতা “রবিচ্ছায়া” নাম দিয়া প্রকাশ করেন। এই স্মৃতি রবীন্দ্রনাথের সহিত তাঁহার ঘনিষ্ঠ পরিচয় হয়। তিনি রবীন্দ্রনাথের অল্পরক্ত ভক্ত ছিলেন। স্বর্গীয় দ্বিজেন্দ্রলাল রায়ও তাঁহার অকৃত্রিম বন্ধু ছিলেন। তখনকার দ্বিজেন্দ্রলালের মজলিসে যে সব সাহিত্য-রসিক সাহিত্যচর্চা করিতেন, যোগেন্দ্রনারায়ণ তাঁহাদের মধ্যে ছিলেন অন্ততম। দ্বিজেন্দ্রলাল যে ইভিনিং ক্লাবের প্রতিষ্ঠা করেন, সেই



যোগেন্দ্রনারায়ণ মিত্র

ক্লাবের সভ্যগণের মধ্যে দ্বিজেন্দ্রলালের সমবয়সী কেবল ইনিই এতদিন জীবিত ছিলেন।

যোগেন্দ্রনারায়ণ বিপত্নীক ছিলেন। পরিণত বয়সে স্বধর্মনিষ্ঠ, কর্তব্যে সদাজাগ্রত, কাম্বীর, সামাজিক, সদালাপী—যোগেন্দ্রনারায়ণ পাঁচটি পুত্র, দুইটা কন্যা, জামাতা, ভ্রাতা, ভ্রাতুষ্পুত্র প্রভৃতি সাজান সংসার রাখিয়া গত ২৮শে পৌষ, বুধবার, মধ্যরাতে হঠাৎ সন্ন্যাসরোগে ইহলোক ত্যাগ করেন। যোগেন্দ্রনারায়ণের ঞায় বন্ধু

হারাইয়া আমরা আত্মীয়-বিয়োগের ব্যথা অনুভব করিতেছি।

যোগেন্দ্রনারায়ণ বাবুর পরলোক গমন উপলক্ষে প্রসিদ্ধ কথা-শিল্পী শ্রীযুক্ত কেদারনাথ বন্দ্যোপাধ্যায় মহাশয় যে কবিতাটি লিখিয়াছিলেন, তাহা নিয়ে প্রদত্ত হইল—

আমার প্রক্লাম্পদ স্বর্গীয় যোগেন্দ্র-
নারায়ণ মিত্র মহাশয়ের উদ্দেশে—

তোমার শ্রদ্ধা পেয়েছি আমি—

তোমার নয়ন-মাঝে,—

যখনি ই'য়েছে দেখা—

সকালে কি সাঁঝে!

কাল মোরে খুঁজেছিলে,—
পাও নি ক' দেখা,

আজ আমি খুঁজি তোমা,—
রয়ে যাই একা!

ছু'দিনের ভালবাসা—
রেখে গেলে জমা,

খণী হ'য়ে রহিলাম,
যাচি তাই ক্ষমা!

পৌষ সংক্রান্ত
১৩৩৮

অনুতপ্ত
শ্রীকেদারনাথ বন্দ্যোপাধ্যায়

নেপালের পথে

শ্রীশ্রীপতি ঘোষ বি-এ, বি-ই

নবেম্বর ১৯২৩—নেপালের Engineer in charge of Buildings (সেখানের ভাষায় ঘরকাজ Engineer) এর পদ পাইয়া আমি প্রথম নেপালে আসি। নিয়োগপত্রে কোন্ পথে কি ভাবে আসিতে হইবে তাহার কতকটা আভাস পাই। কাশী হইতে Raxale রক্সেলি পর্যন্ত রেল। রক্সেলি ষ্টেশন হইতে অল্প দূরে নেপালের সীমানা। নেপালের সীমানায় (Birgang) বীরগঞ্জ নামক স্থানে একজন নেপাল-রাজ্যের কর্মচারী থাকেন। তাঁহাকে আসিবার পূর্বে সংবাদ দিতে হইবে। তিনি যান-বাহনের ব্যবস্থা করিয়া দিবেন। নিয়োগপত্রে এইরূপ ব্যবস্থা ছিল। প্রথম দিন বীরগঞ্জ হইতে ভিচ্ছাখোরে ১৮ মাইল। দ্বিতীয় দিন সেখান হইতে স্ফারিটায়, তৃতীয় দিন স্ফারিটায় হইতে কুসিখানি—মাঝপথে যান-পরিবর্তন। চতুর্থ দিন কুসিখানি হইতে কাঠমাণ্ডু। নিয়োগপত্রে ইহাও জ্ঞাত করা হয় যে, পথে খাইবার মত রসদ পাওয়া নাও যাইতে পারে। পথের ব্যবহার এই উপদেশ পাইয়া ৬ই ডিসেম্বর বাড়ী হইতে রওয়ানা হইলাম। Time table দেখিয়া জানিতে পারিলাম যে, বেনারস হইতে রক্সেলি প্রায় ২৫০

মাইল, যাইতে B. N. W. R.-এ ২৪ ঘণ্টা লাগিবে। ভটনি, গোরখপুর, নরকটিয়াগঞ্জ তিন জায়গার গাড়ী বদল করিতে হইবে। পথে আহাৰাদির জন্ত লুচি মিঠাই ও চাল ডাল তরকারি লইয়া রওয়ানা হইলাম। এ দেশের চাকর বামুন নেপালে যাইবে না; যাইলেও অত্যধিক বেতন দিতে হইবে ও তাহাতেও স্বেচ্ছা মত কাঁচ পাওয়া যাইবে না ভাবিয়া একাই যাত্রা করিলাম। কিন্তু বীরগঞ্জের হাকিম সাহেবকে পত্র লিখিলাম, যদি তিনি লোক খির করিয়া দেন বিশেষ উপকৃত হইব।

এই প্রাতে রক্সেলি ষ্টেশনে পহঁছিলাম। নরকটিয়াগঞ্জ গাড়ী বদল করিতে হইল না। যে গাড়ীতে আমি আসি সেটা সোজা দ্বারবন্দ হইয়া গঙ্গার ধার মোকামা ঘাটের উত্তর পর্যন্ত যায়। আসার সংবাদ দেওয়া সত্ত্বেও কোনও লোক ষ্টেশনে আসে নাই। যান—গরুর গাড়ী ও পুরাতন ধরণের পাটনাই একা—সেগুলিরও অবস্থা শোচনীয়। জিজ্ঞাসা করিয়া জানিলাম বীরগঞ্জ ষ্টেশন হইতে ২ মাইল। একটি গরুর গাড়ী ১ টাকায় ভাড়া করিয়া তাহাতে মালপত্র রাখিয়া নিজে পদব্রজে বীরগঞ্জ অভিমুখে অগ্রসর হইলাম।

অল্প দূর যাইয়া বীরগঞ্জের হাকিমের প্রেরিত একটি লোকের সহিত সাক্ষাৎ হইল। সে বলিল সে আমায় লইয়া যাইবার আদেশ প্রাপ্ত হইয়া আসিতেছে; কিন্তু বিশেষ আবশ্যকীয় কাষে থাকায় যথাসময়ে পৌঁছিতে পারে নাই। ষ্টেশনে লোক থাকিবে না সেটা কতকটা আশা করিয়াই ছিলাম। এরূপ ক্ষেত্রে বিশেষ মাতৃগণ্য লোক না হইলে কোনও রূপ সাহায্য পাওয়ার আশা ছুরাশা মাত্র।

প্রায় আধ মাইলের পর নেপালের সীমা। সেখানে পহঁছান মাত্র নাম ধাম জিজ্ঞাসা করিয়া রাহাদালি অর্থাৎ pass-port তলব হইল। আমার নিয়োগপত্র ভিন্ন অণ্ড pass-port ছিল না,—সেটা সঙ্গে পকেটেই লইয়াছিলাম। যে সিপাহী লইতে আসিয়াছিল সেও আমার পরিচয় দিয়া দিল। আরও প্রায় এক মাইল পরে গেষ্ঠ হাউস। সেখানে যাইবার পর সংবাদ পাইলাম যে, রাজগুরু আসিতেছেন; স্মতরাং সেখানে স্থান হইবে না, ধর্মশালায় থাকিতে হইবে। আরও প্রায় আধ মাইল পরে ধর্মশালা। ইহা অল্প দিন হইল একজন মাড়ওয়ারি তৈয়ার করা হইয়াছেন। নূতন ও পরিষ্কার পরিচ্ছন্ন। জিজ্ঞাসা করিয়া জানিলাম চাকর পাচকের কোনও ব্যবস্থা করা হয় নাই। ধর্মশালার একটি লোককে বলায় সে একটি কুলি ঠিক করিয়া দিল। কিন্তু বেখানে পাক করিবার ব্যবস্থা, সেখানে আমার মত অব্যবসায়ীর পাক করা চলে না। স্মতরাং সঙ্গে যে লুচি ছিল তাহাতেই আহাৰ শেষ করিয়া হাকিম সাহেবের সহিত সাক্ষাৎ করিতে গেলাম। তাঁহার আবাস ধর্মশালা হইতে প্রায় আধ মাইল। সেইখানেই অফিস—পাহারার শাস্ত্রীকে জিজ্ঞাসা করায় দেখাইয়া দিল, তিনি একটি তাঁবুতে বসিয়া আছেন। দেখিয়া বোধ হইল উচ্চপদস্থ কর্মচারী। তাঁহার military পদ colonel,—শাসন হিসাবে জেনার Magistrate এর সমান পদ—বড় হাকিম পদের নাম। তাঁহাকে নিয়োগপত্র দেখাইলাম। তিনি বলিলেন যে যান-বাহনের ব্যবস্থা করিয়া দিতেছেন। চাকর পাচকেরও ব্যবস্থা করিবেন বলিলেন বটে,—কথার ভাবেই বোধ হইল তাহা সম্ভব নহে। বাসায় ফিরিয়া আসার কিছুক্ষণ পরে একজন লোক কয়েকটি কুলি সঙ্গে করিয়া কি কি জিনিস দেখিতে আসিল ও স্থির করিল ৪ জন কুলির আবশ্যক। বৈকালে সংবাদ পাইলাম যে পাঁচজন

কুলি লাগিবে ও ২ জনের মজুরি ৬ টাকা হিসাবে আমায় দিতে হইবে। পরদিন সকালে ৫ জন কুলি ও ৪ জন কাহার ডুলি লইয়া উপস্থিত হইল। ডুলি চড়া এই প্রথম ও নিতান্ত হীন মনে হইল। বোড়া পাইব আশা করিয়া ছিলাম। কিন্তু উপায়ান্তর নাই দেখিয়া অগত্যা তাহাতেই রওয়ানা হইলাম। কুলি বাস্তবিক কিন্তু ৪ জনই লাগিল। যদিও আমার নিকট ৪ জনের ব্যবস্থা করিয়া ২ জনের পেয়াগী লইয়া গেল। কুলিকে এ দেশে ভারিয়া বলে,—জাতে ভোটদেবীয়া। কাহার বেহারী। রওয়ানা হইতে প্রায় ৮টা বৃজিল। তাহার পর বড় হাকিমের অফিসের নিকট—এ দেশে অফিসকে আড্ডা বলে,—আরও প্রায় এক ঘণ্টা বিলম্ব হইল। কাহার ঘণ্টায় ২ মাইল কষ্টে চলে। পথে ক্রমাগত বক্সিস ও জল-খাবার পয়সার প্রার্থনা। ভারিয়াদের সঙ্গে একটি সিপাহীও আসিয়াছিল, বলিল—সে সঙ্গে যাইবার আদেশ পাইয়াছে। তাহারও এক কথা—জল-খাবারের পয়সা। এই ভাবে অতি মৃদুগতিতে নানা রকম ওজর আপত্তি সত্ত্বেও ঠিক সন্ধ্যার সময় ভিচ্ছাখোরে আসিয়া পহঁছিলাম। শেষ ৮ মাইল নিবিড় বন। পহঁছিয়া দেখিলাম বাঙ্গলাটিতে দুইটা ঘর। একটি অধিকার করিয়া আছেন একজন Colonel, অপরটিতে নানা রকমের ১৫১২০ জন লোক। Colonel সাহেবের চাকরকে বলায় সে মোটে আমলই দিল না। বাঙ্গলার চৌকিদারও কোনও রূপ স্বেচ্ছা করিয়া দিতে পারিল না। উপায়ান্তর না দেখিয়া স্বয়ং জোর করিয়া Colonel সাহেবের ঘরে ঢুকিয়া তাঁহাকে সমস্ত অবস্থা জানাইলাম। লোকটি আশাতীত ভদ্রব্যবহার করিলেন। তিনি একজন উচ্চপদস্থ কর্মচারী—রাজার আত্মীয়। পদ প্রায় Chief Engineer এর—রাস্তার চার্জে,—পরিদর্শন করিতে আসিয়াছেন। তিনি পাশের কামরাতেই থাকিবার অনুমতি দিলেন ও নিজের লোক দ্বারা পাক করাইয়া ভাতও খাইতে দিলেন। আমার লোকজন রাত্রি ১০টায় আসিয়া পহঁছিলে তাহাদিগকে চটিতে থাকিতে বলিয়া দিলাম।


পরদিন স্বৰ্য্যোদয়ের পূর্বেই হাত-মুখ না ধুইয়াই রওয়ানা হইলাম। পথ ছয় মাইল—একটি নদী অবলম্বন করিয়া নদীর গর্ভে গর্ভেই চলিয়াছে। চারিদিকে নিবিড়

বন। নূতন রাস্তা প্রস্তুত হইতেছে। নদীর এক স্থানে ডুলি রাখিয়া প্রাতঃকৃত্য শেষ করিয়া ও কিঞ্চিৎ জলযোগ করিয়া আবার কাহারদের সহিত বকাবকি করিতে করিতে চলিলাম। প্রায় দুইটার সময় দ্বিতীয় বাঙ্গলা সুপারিটায় পহঁছিলাম। ভাগ্যক্রমে বাঙ্গলা খালি ছিল ও স্থানটীও বেশ মনোরম। কিন্তু বাঙ্গলার চারি দিক বড়ই অপরিষ্কার। ভারিয়ারা সন্ধ্যার সময় আসিয়া পহঁছিল। তাহার পর পাক করিয়া আহার করিলাম। একজন ভারিয়ারা জল আনিয়া দিল ও বাসন মাজিয়া দিল। ভিচ্ছাখোর হইতে এই স্থানটী ১৪ মাইল।

তৃতীয় দিন প্রত্যুষেই রওয়ানা হইলাম। এবারও পথ নদী অবলম্বন করিয়া চলিয়াছে; কিন্তু এবার নদীর গর্ভে নহে, অনেক উপরে। মধ্যে মধ্যে লোহার Girder Bridge ও suspension bridge আছে। পথের উন্নতির চেষ্টা অনেক দিন হইতেই হইতেছে। এখনও অনেক পথ বাকি। ১০ মাইল যাইয়া ভীমফেরি (Bheemphedi)। এইখানে যান পরিবর্তনের কথা। ১১টার সময় পহঁছিলাম। কিন্তু কোনও ব্যবস্থা দেখিলাম না। থাকিবারও স্থানাভাব। একটি বাঙ্গলা আছে—সেটা বাজার হইতে কিছু দূরে। নূতন যান-বাহনের আশায় সেটা ছাড়াইয়া আসিয়াছিলাম। সাধারণ লোকের থাকিবার স্থান ধর্মশালা—এ দেশে শতল বা গোসল বলে—অতিশয় অপরিষ্কার ও বাসের অল্পযোগী। সাধারণ দোকানে থাকিবার নিয়ম আছে ও তাহার জন্ম কোনও বিশেষ গোলমালও নাই। দোকানীর নিকট হইতে রসদ লইলেই বিনা ভাড়ায় থাকিতে দেয়। কিন্তু ভদ্রলোকের বাসের উপযোগী নহে। সেগুলিতে থাকা যুক্তিসঙ্গতও মনে হইল না। খুঁজিতে খুঁজিতে সংবাদ পাইলাম যে সরকারি একটি গুদাম আছে। সরকারী যাবতীয় মাল গো-গাড়ীতে এই পর্যন্ত আসে; এখন হইতে মানুষে বহিয়া লইয়া যায়। সেখানে সংবাদ লইয়া যান-বাহনের কোনও খোঁজ পাইলাম না। ঐ অফিসের একটি কর্মচারী সংবাদ দিল যে আবশ্যক হইলে টেলিফোনে কাঠগাঁড়তে সংবাদ দেওয়া যায়। কিন্তু টেলিফোনের ফী দিতে হইবে। অগত্যা তাহাই করিলাম এবং ঐ লোকটির নির্দেশ-অনুসারে গুদামের বারাণ্ডায় রাত্রি যাপনের ব্যবস্থা করিলাম। সন্ধ্যার সময় ডাঙি ও দুইজন কুলি আসিয়া পহঁছিল।

তাহাদিগকে পথে যাইতে দেখিয়া জিজ্ঞাসা করায় জানিলাম আমার লইতেই আসিয়াছে। বাজার হইতে লুচি আনাইয়া ও বাড়ী হইতে যে খাবার আনিয়াছিলাম তাহা খাইয়াই রাত্রি যাপন করিলাম। স্থির করিলাম কোনও মতে পরদিন কাঠগাঁড় পহঁছিতে হইবে। পথে রাত্রি যাপন অতি কষ্টকর। কুলিদিগকে বক্শিশ দিব বলায় তাহারাও স্বীকার করিল। পরদিন প্রত্যুষে রওনা হইলাম।

এইখান হইতে রাস্তা অত্যন্ত খাড়া ও দুর্বোহ। গো-গাড়ীর পথ এইখানেই শেষ। যাবতীয় সামগ্রী এই ভীমফেরি পর্যন্ত গো-গাড়ীতে আসে ও এখন হইতে কুলি দ্বারা কাঠগাঁড় যায়। পথ অধিকাংশ স্থলে ২ফিট বা ৩ফিট যাইলে প্রায় ১ফিট উচ্চে উঠা হয়। আন্দাজ বোধ হয় প্রায় ২০০০ ফিট উঠিতে হয়। পথে একটি সেনা-নিবাস। মধ্যে মধ্যে দুর্গের প্রাকারের মত আছে, কিন্তু তাহা নাম মাত্র। স্থানটির নাম চীসাগটী Chessa Garhi অর্থাৎ নীতল গড়—এইখানে সমস্ত যাত্রীকে রাহাওয়ালি অর্থাৎ pass-po. t বা যাইবার অনুমতিপত্র দেখাইতে হয়। এবং বার সিন্দুক বিছানা সমস্ত খুলিয়া তন্ন তন্ন করিয়া দেখাইতে হয়। নূতন জিনিষ থাকিলে তাহার মাশুলও দিতে হয়। যদিও আমরা বিশেষ কোনও কষ্ট পাইতে হয় নাই, কিন্তু জিনিষপত্র সমস্ত খুলিয়া দেখান বড়ই অস্বাভাবিক। কাগজে ও পুস্তকে এক দেশ হইতে অল্প দেশ যাইতে যে Customs Barrierএর কথা পড়িয়াছিলাম এই তাহার প্রথম সাক্ষাৎ পরিচয়। এখন হইতে প্রায় ৭০০৮০০ ফিট উঠিয়া আবার নীচে নামিতে হয়। সে নামার পথও প্রায় উঠার মত খাড়া। প্রায় ১১০ মাইল পরে অপেক্ষাকৃত সরল পথ। পথে যাইতে Wire Rope-way লাগাইবার চেষ্টার নিদর্শন দেখিলাম। ইহার দ্বারা মালপত্র লইয়া যাওয়ার ব্যবস্থা হইবে। স্থানে স্থানে তাহার লোহার ফ্রেম খাটান হইয়াছে। কিন্তু কাষ এখনও শেষ হয় নাই। দুই মাইল পরে একটি Suspension Bridge পার হইয়া পথ উচ্চ পাহাড়ের গায়ে গায়ে চলিল। পথ কোথাও সেরামত হইতেছে, কোথাও নূতন করিয়া তৈয়ার হইতেছে। স্থানে স্থানে মনে হয় বাহকের পা পিছলাইলে একেবারে ৫০০ শত ফিট নীচে পড়িতে হইবে। কিন্তু এ সমস্ত জায়গায় চাক-আবাদ হয়। জঙ্গল নাই বলিলেই হয়। স্থানে স্থানে



ইদের চাঁদ

চাষের সুবিধাও যথেষ্ট। পার্শ্বত্যা বোরা অর্থাৎ প্রস্রবণ হইতে অনায়াসে সেচনের জল পাওয়া যায়। খাল কাটা হইয়া গিয়াছে—আবার দ্বিতীয় ফসলের চেষ্টা হইতেছে। মূলা অত্যন্ত সস্তা ও খুব ব্যবহৃত হয়। কুলিদের পথের খাত মূলা ও চিড়া। পথের ধারে যাহাদের বাড়ী, তাহাদের প্রায় সকলেরই একটি করিয়া দোকান আছে। এই সকল দোকানে ভুট্টার ময়দার কাঁচি বড়, মটর ভাজা, চিড়া ও মূলা বিক্রয় হয়। কোথাও কোথাও এক প্রকার মাদক-জাড়ও বিক্রয় হয়। প্রায় ১০ মাইল পথ এইরূপ। সমস্তই আবাদী জমী—নূতনত্বের মধ্যে ভারতবর্ষের মত এক জায়গায় অনেকগুলি ঘর লইয়া গ্রাম হয় না। প্রায় সকলেই নিজের জমিতেই বাড়ী তুলিয়া বাস করে; স্ততরাং গ্রামের মত ঘন বসতি নহে। বাড়ীগুলি প্রায়ই দ্বিতল বা ত্রিতল। নীচে গরু, শূয়ার, মুরগি, ছাগল ইত্যাদি থাকে; উপরে চাবী নিজে থাকে। ঘরগুলি পরিষ্কার পরিচ্ছন্ন; কিন্তু আসপাশ অত্যন্ত নোংরা। ইহার পর প্রায় আধ মাইল আবার জঙ্গল ও পাহাড় উঠিতে হয়। এই পাহাড়ের (Chandragir) নাম চন্দ্রগিরি। যখন সর্বোচ্চ স্থানে পহঁছিলাম, তখন বেলা প্রায় ৪টা। এখান হইতে দূরে কাঠমাঁড়ু দেখা যায়। বেশ বড় সহর। এ স্থানটি প্রায় ৭৫০০ ফিট উচ্চ হইবে। অধিক হওয়াও অসম্ভব নহে। নীচে উপত্যকার নাম নেপাল—তাহার মধ্যে প্রধান সহর কাঠমাঁড়ু! উপত্যকাভূমির পরপারে আর এক শ্রেণী পাহাড়। তাহার উপর দিয়া হিমালয় দেখা যায়। সম্মুখে উত্তর দিকে যতদূর দেখা যায়—পর্বতের উপরিভাগ বরফে ঢাকা। কোথাও একেবারে সাদা, কোথাও মধ্যে মধ্যে কালো পাহাড় দেখা যাইতেছে। চন্দ্রগিরি শিখর হইতে পথ নিম্নগামী—প্রায় সিঁড়ির মত নামিতে হয়। নামাল প্রায় ২০০০ ফিট হওয়া সম্ভব। স্থানটি খুব ঠাণ্ডা ও জঙ্গলপূর্ণ। পাহাড়ের নীচে একটি পল্লী—নাম (Thankot) থানকোট। কতকগুলি দোকান আছে। যখন নীচে পহঁছিলাম, প্রায় সন্ধ্যা হইয়াছে ও কনকনে ঠাণ্ডা হাওয়া বহিতেছে। এখানে দোকানে বেশ ভাল ছুধ দধিও বিক্রয় হইতেছে। ছুধ প্রায় ভারতীয় মুদ্রায় ১০-১০ সের। এখানে নামিবার

পর কুলিরা বিশ্রাম করিয়া অল্প খাওয়া-দাওয়া করিল। যখন আবার চলিতে আরম্ভ করিলাম তখন প্রায় অন্ধকার হইয়াছে। এখান হইতে কাঠমাঁড়ু ৬ মাইল। পথ বেশ প্রশস্ত ও ভাল অবস্থায়ই আছে। এখন ভাবনা—কোথায় গিয়া এই শীতের রাতে থাকিব। সমস্ত দিন আহালাদি ত হয় নাই। কুলিদের নিকট জিজ্ঞাসা করিয়া যাহা বুঝিলাম, তাহাতে কোথায় থাকিতে হইবে সে সম্বন্ধে বেশ নিশ্চিত হইতে পারিলাম না।—শ্রোতের মুখে গা ঢালিয়া যাওয়ার মত চলিলাম। রাত্রি নয়টার পর কাঠমাঁড়ু পহঁছিলাম। সহর তখন নিস্তরু—কোথাও ২১টা দোকান খোলা আছে। পথে বিছ্যতের আলো। একটি নির্জন জায়গায় একখানি বাড়ীর ধারে ডাঙি নামাইয়া কুলিরা বলিল, এই বাড়ীতে আমাকে আনার আদেশ তাহারা পাইয়াছে। বাড়ীতে কোথাও সাড়াশব্দ নাই—আলো পর্যন্ত দেখা যায় না। একজন ভারি ডাকাডাকি করার পর সাড়া পাওয়া গেল। একটি লোক আসিয়া বলিল যে, বাড়ীর মধ্যের অংশে আমার থাকার জায়গা। সেই লোকটিকে জল আনিতে বলিলাম। আলো, জলখাবার ও বিছানা সঙ্গেই ছিল। স্ততরাং তাহাকে ও কুলিদের বিদায় দিয়া আহালাদি করিয়া শয়ন করিলাম।

মহারাজের সহিত প্রথম সাক্ষাৎ

যে বাড়ীতে নামিলাম, সেটার তিন অংশ। এক ধারে একজন ডাক্তার ও অপর ধারে একজন মাষ্টার থাকেন। মধ্য-অংশ আমার জন্ত নির্দিষ্ট হইয়াছে। বাড়ীটি পরিষ্কার পরিচ্ছন্ন, ও নিতান্ত পুরাতন নহে। প্রতিবেশীরা দুইজনই বাঙ্গালী। পূর্বরাতে যে লোকটি জল দিয়া গিয়াছিল, প্রাতে সেই আসিয়া জল দিয়া গেল ও বলিয়া গেল যে সে মাষ্টার-বাবুর চাকর। তিনি ২৪ দিন পরেই যাইবেন। তাহার পর সে আমার কাষ করিতে পারিবে। আপাততঃ ২৪ দিন দুই যারগায়ই কাষ করিবে। রান্নাবাড়ার যোগাড়ও সে করিয়া দিবে; আবশ্যক হইলে রাধিয়াও দিতে পারে। মুখ হাত ধুইয়া প্রতিবেশীদের সহিত দেখা করিতে গেলাম। মাষ্টার মহাশয় তখনও উঠেন নাই।

দেখা করিতে বিলম্ব হইবে বলিয়া পাঠাইলেন। ডাক্তার বাবুর সহিত দেখা হইলে তিনি যথেষ্ট আগ্রহ প্রকাশ করিলেন ও আহালাদির নিমন্ত্রণ করিলেন। বলিয়া গেলেন যে পর্যন্ত বামন চাকরের যোগাড় না হয় তাঁহার বাড়ীতেই আহালাদি হইবে। দুপুর বেলায় রাজবাটী হইতে সংবাদ আসিল যে, বৈকালে রাজদর্শনে যাইতে হইবে। কাশীর একটা লোক যাহাদের বাড়ী বামন চাকর প্রভৃতির জন্ম লিখিয়াছিলাম, তিনি উচ্চপদস্থ; তাঁহার প্রতিপত্তিও আছে শুনিয়াছিলাম। কিন্তু তাঁহার কোনও সাড়াই পাইলাম না। সুতরাং বৈকালে একাই রাজবাটী উপস্থিত হইলাম ও নিয়োগপত্র লইয়া অফিসের সন্ধান করিয়া সেখানে উপস্থিত হইয়া মহারাজকে জানাইলাম। কিছুক্ষণ পরে দর্শনের জন্ম ডাক আসিল।

বিদেশীয় মাল আনা হইবার জন্ম এখানে একটা স্বতন্ত্র বিভাগ আছে। তাহার নাম জিন্সী আড্ডা—বিদেশীয় লোকজন আনা হইতে হইলেও এই অফিস বা আড্ডা মাফৎ ব্যবস্থা হয়। এই অফিসের একটা কর্মচারী আমাকে সজ্ঞে করিয়া লইয়া গেলেন। প্রকাণ্ড রাজবাটী, সম্পূর্ণ আধুনিক ছাঁদে তৈয়ার হইয়াছে। তাহার একটি ঘরে সপারিসদ মহারাজ আসীন। ঘরে কেবল একখানি চেয়ার, তাহাতে মহারাজ বসিয়া আছেন, কর্মচারী বা পারিসদ কেহ বা মাটীতে কেহ বা একটি বনাতের উপর বসিয়া আছেন, অনেকে দাঁড়াইয়াও আছেন। ঘরের দ্বারের কাছে জুতা খুলিবার আদেশ হইল। গিয়া সেলাম করিলাম। মহারাজের বয়স ৬০।৬১। পরিচ্ছদের বিশেষ কোনও আড়ম্বর নাই। কথাবার্তায় বেশ Genial মনে হইল। বৈকালে নিয়মিত বাহিরে আসেন এবং সেই সময় অনেক রাজকাৰ্য্যের আলোচনা ও অনেক মোকদ্দমারও শুনারী হয়। আমায় কি কাজ করিতে হইবে তাহার আভাস দিবার ও অল্প ছুই চারিটা কথা জিজ্ঞাসা করিবার অল্পক্ষণ পরেই যাওয়ার আদেশ পাইলাম।

কাঠমাণ্ডু

এই সহরের নাম একটা কাঠের বাড়ী, যাহা ধর্মশালা রূপে ব্যবহৃত হয়, তাহা হইতেই হইয়াছে। এখন রাজা

গোরখা জাতীয়। প্রায় যে সময় ইংরাজ বাঙ্গলায় প্রবেশের সুব্যবস্থা করিয়াছিলেন, সেই সময়ে গোরখালি দেশের রাজা এই উপত্যকাভূমি জয় করেন। তাঁহার পূর্বে এ দেশ নেওয়ার জাতির রাজ্য ছিল। তাহাদের রাজধানী কাঠমাণ্ডুর অল্প দূরেই বাগমতী নদীর অপর পারে। এখনও পূর্ব নাম পাটন চলিত; কিন্তু এখন কাঠমাণ্ডুর উপনগর মাত্র।

কাঠমাণ্ডু বাগমতী নদীর তীরে অবস্থিত। আরও ছুই তিনটা নদী কাঠমাণ্ডুর নিকটেই বাগমতীর সহিত মিলিত হইয়াছে। সকল নদীগুলিই বালুকাময়; বর্ষার সময় ২০ ফিট জল হয়; অপর সময় ১ ফুট জলও থাকে না। কোন কোনটা জ্যৈষ্ঠ মাসে একেবারে জলশূন্য হয়। বাগমতী নদীর ধারেই অধিকাংশ ঘন বসতি। কিন্তু আসিবার পথে যেমন, এখানেও সেই মত চারি দিকেই চাষ আবাদ ও লোকের বসতি। সমস্ত উপত্যকা বোধ হয় ১৫১২০ মাইল লম্বা ও ৫১৬ মাইল প্রস্থে। কাঠমাণ্ডু সর্বাপেক্ষা নিম্ন স্থানে বাগমতীর ধারে;—বরাবর যতদূর দেখা যায় পাহাড়ের উপর পর্যন্ত চাষ আবাদ ও বাড়ী ছড়াইয়া রহিয়াছে। অনেক দূরে পাহাড়ের চূড়ার নিকট কতক জঙ্গল। উত্তর দিকে যতদূর দেখা যায় হিমালয়ের শুভ্র মূর্তি। স্থানটা সমুদ্র হইতে প্রায় ৪৮০০ ফীট উচ্চ। Thacker's Directoryর হিসাবে ১৩৪৪৪২ জনের বসতি। গ্রীষ্মকালে Temp. ৮৪।৮৫ ডিগ্রি পর্যন্ত হয়। শীতকালে তুষারপাতও যথেষ্ট হয়। বৈশাখ মাস হইতেই জল বড় আরম্ভ হয়; বর্ষা প্রায় আষাঢ় মাস হইতে আরম্ভ হয়। অধিকাংশ বৃষ্টি রাতেই হয়। বেলা ৭টা-৮টা হইতে ২টা-৩টা পর্যন্ত অপেক্ষাকৃত কম বৃষ্টি হয়।

এখানকার অবস্থাপন্ন লোকেরা ভাত খায়; গরীবেরা ভুট্টার আটার রুটী ছাতুর শ্রায় জলে গুলিয়া অল্প তাতাইয়া খায়। ভারতবর্ষের ভরকারি প্রায় সকল রকমেরই পাওয়া যায়; কিন্তু আলুর চাষও অনেক, ব্যবহারও বেশী গরীবদের। জলখাবারের দোকানগুলিতে আলুর তরকারি, ফুটকড়াইয়ের মত এ দেশীয় এক রকম মটর ভাজা ও তেলে ভাজা ভুট্টার (এদেশে মকই বলে) আটার লুচি বা পিঠা ও সুপারি টুকরা। সুরু সুরু কুচাইয়া সুপারি খাওয়ার প্রথা এ দেশে নাই। সিগারেট খাওয়া আছে বটে, কিন্তু খুব বেশী নহে।

তামাক ইতর ভদ্র স্ত্রীপুরুষ এমন কি সম্ভ্রান্ত মহিলারা পর্যন্ত সেবন করেন। হাঁকাগুলি প্রায়ই কদর্য, কিন্তু গরীবের কলিকাতাও কারুকার্যপূর্ণ ও হাঁকার হিসাবে অনেক বড়। এখানকার সকল শ্রেণীর লোকই অত্যন্ত মাংসপ্রিয়।

মচরাচর বেশভূষার পারিপাট্য মধ্যবিত্ত ও বড়লোকদের মধ্যে যথেষ্ট। বিলাতি সৌখীন রং-বেরংএর কাপড় এখানে খুব চলিত। মূল্যও কলিকাতায় ঠিক দ্বিগুণ বা ততোধিক। ভারবাহী কুলিদের পরিধেয় একটা কোপীন, তাহার উপর নেপালী হিসাবের Double Breast থাকী জামা—প্রায় হাঁটু পর্যন্ত থাকায় লজ্জা নিবারণ হয়।—কোমরে প্রায়ই একটা কাপড় জড়ান থাকে, তাহাকে পটুকা বলে। ইহাতেই খুকরি হইতে যাবতীয় জিনিষ গুঁজিয়া রাখা চলে। মাথায় এক রকম টুপি, যাহা ভারতবর্ষে অল্প কোথাও দেখা যায় না।

চামীর অপেক্ষাকৃত অবস্থাপন্ন। তাহারা কোপিনের বদলে পা-জামা পরে ও কোমরে আট দশ হাত লম্বা দেড় হাত চওড়া উলের একটা কাপড় জড়ায়। জামা পা-জামা অধিকাংশই মোটা সূতার—প্রায় খন্দরের শ্রায়, দোহার। শীতকালে ভুটে কুলিরা কম্বলের কোট গায়ে দেয়।

ভদ্রলোকেরা প্রায় এক একবার গেরুয়া রংএর বিলাতি কাপড়ের শ্রায় নয়নসুখ বা লংকুথের সুরু পা-জামা ও জামা—সুরুখাল ময়লাপোষ পরে। কোমরে সাদা মখমলের পটুকা, তাহার উপর জমকাল রংএর ইংরাজি ফ্যান্সানের waist-coat, তাহার উপর কোট। ছুতার কামার ইত্যাদিরও মাজসজ্জা আর্থিক অবস্থার চেয়ে উন্নত—অন্ততঃ ভারতবর্ষীয় হিসাবে। অপেক্ষাকৃত অবস্থাপন্ন লোকের কাপড়ের ত কথাই নাই। ইংরাজি waist-coat, বুট, coat মোজা খুব চলিত। কিন্তু জামা পা-জামা নেপালি হিসাবের। সৈন্যবিভাগে motor chauffeurs carএর শ্রায় এক রকম টুপি অথবা নেপালি টুপি বা গোল felt মখমল বা বেশমের কারুকার্য-করা টুপি। Hatও চলিতে আরম্ভ হইয়াছে।

স্ত্রীলোকদের পরিধেয়ে এখানকার এক বিশেষত্ব আছে—গরীবের মেয়েরাও ১৫১২০ হাতের কম কাপড় পরে না। কিন্তু সমস্তই কোঁচায় যায়। গায়ে একটা জামা ও বাহিরে

যাইতে হইলে একটা চাদর—শীতকালে বালাপোষ। অবস্থাপন্ন হইলে কাপড় এক খানেও একখানা কুলায় না। তাহার নীচে আবার আধখান বা ততোধিক মাপের কাপড়ের পা-জামা underwear। কিন্তু এ দেড়খান কাপড় সমস্তই কোমরের নীচে। যথাস্থানে ইহাকে রাখিবার জন্ম স্ত্রীলোকদেরও পটুকা ব্যবহার চলিত। কাপড় অধিকাংশই উজ্জল রংএর ছিট। গায়ে নেপালি জ্যাকেট বা আধুনিক Blous বা জ্যাকেট।—মাথায় কাপড় দেওয়ার প্রথা নাই। খোঁপা প্রায় অধিকাংশ স্থলে চূড়ার আকারে মাথার উপর; সূতা পিছনে। গহনা অধিক প্রচলিত নহে। কিন্তু পায়ের রূপার একগাছা করিয়া প্রকাণ্ড মল পরা আছে। কানে ছোট ছোট অনেকগুলি মাকড়ি—প্রায় সোনার। হাতে অধিকাংশ স্থলে কাঁচের চুড়ি,—রাজরাণীরও তাহাই। কচিং ২।১ গাছি সোণার চুড়ি। স্ত্রীলোকদের Toilet ব্যাপারের ইয়োবোরগীরদের শ্রায় Powder, cosmetic ত আছেই—কাজল দিয়া ক্র অঙ্কিত করা ও চোখ টানিয়া বাড়ান বৃদ্ধার পক্ষেও দৃশ্যীয় নহে। সোজা ও রঙ্গিন বনাতের জুতা—সূতার sole—অবস্থাপন্ন স্ত্রীলোকমাত্রেই ব্যবহার করে। পারিলে সোনা রূপার কাষ করাও থাকে।

এখানে পর্দা নাই। সুতরাং স্ত্রীলোকেরা—অবস্থাপন্ন ঘরেরও—বেড়াইতে যান। রাজ-অন্তঃপুরের কাপড়ের পরিসর কিন্তু কিছু কম ও অপেক্ষাকৃত মানানসই।

এ দেশের স্ত্রীপুরুষ সকলেই মাথায় ফুল গুঁজিতে বড় ভালবাসে। ৩০।৭০ বছরের কুলি স্ত্রী বা পুরুষ উজ্জল রংএর ফুল দেখিলেই মাথায় গুঁজিবে। মাথায় ফুল না গুঁজিলে স্ত্রীলোকদের মাজ-সজ্জা যেন অসম্পূর্ণ থাকে।

গহনার প্রচলন খুব কম। শুনা যায় পূর্বে ভারতবর্ষের শ্রায় এখানেও স্ত্রীলোকেরা গহনার চাপে ঋণ হইত। কিন্তু এখন পায়ের রূপার 'মোটা মল' পরে। কানে সোনার সুরু সুরু মাকড়ি। উপর কানে ৮।১০টা করিয়া থাকে। অধিক অবস্থাপন্ন হইলে সেকলে লোকেরা মোটা সোনার হার ও মাথায় প্রকাণ্ড ঢাকের শ্রায় এক প্রকার গহনা ব্যবহার করে। একেলেরা ইংরাজি ফ্যান্সানের গহনা পরে। কাঁচের চুড়ি ও পুঁতির মালায়

গোছা রাজ-গৃহ হইতে গরীব কাঙ্গাল সকলেরই অবশ্য আছে।

৩০।৪০ বৎসরের ভিতরে বাড়ী প্রায় সব কলিকাতা ও বোম্বাইয়ের ধাঁজের হইয়াছে। পুরাতন বাড়ী অধিকাংশ কাঠ-প্রধান। গরীবের দরজা জানালাতেও খুব উচ্চ দরের কাঠের কারুকার্য দেখা যায়। প্রায় সকল বাড়ীই খোলার চালের; কিন্তু খোলাগুলি নূতন রকমের। চালের উপর কাদা প্রায় ২' ৩" পুরু করিয়া লেপিয়া দিয়া তাহার উপর খোলা ঢাকা থাকে। বরগার উপর তক্তা; তাহার উপর কাদা, তাহার উপর খোলা। আজকাল Burn Co. ধরণের টাইল-এর প্রচলন হইয়াছে। বাড়ীগুলির প্রায় পূর্ব ও দক্ষিণ দিকে বড় জানালা বা অল্প একটু খোলা ছাদ থাকে—শীতপ্রধান দেশ হওয়ায় ইহা নিতান্ত আবশ্যিক। ঘরগুলি প্রায়ই দোতলা তিন তলা—তলা অবশ্য ৭ ফুট হইতে ৯ ফুটের মধ্যে—এবং ভারতবর্ষের হিসাবে প্রশস্ত; কিন্তু অসম্ভব ময়লা ও নোংরা—মল মূত্রের বিচার নাই বলিলেই চলে। স্নতরাং রোগের প্রাদুর্ভাব যথেষ্ট। ৮।১০টা সন্তান প্রায়ই হইয়া থাকে; ১৬।১৮টা ছেলে মেয়ের মা বাপও বিরল নহে। কিন্তু বসন্ত ওলাউঠা ও যক্ষ্মা নাই এমন ঘর নাই বলিলেও হয়।

এখানে সেপ্টেম্বরের মাঝামাঝি হইতে লেপ গায়ে দেওয়া আবশ্যিক হয়। অগ্রহায়ণের শেষ ভাগ হইতে তুষারপাত আরম্ভ হয়, কিন্তু বরফ কখনও পড়ে না। ফাল্গুন হইতে শীত কমিতে আরম্ভ করে; বৈশাখ মাসের শেষে লেপ ছাড়া চলে। বৃষ্টি প্রায় আষাঢ় হইতে আরম্ভ হয় ও আশ্বিনের শেষ পর্যন্ত থাকে।

রাজ্যশাসন

যে সময় ইংরাজ প্রথম বাঙ্গলাদেশে আধিপত্য বিস্তার করেন, প্রায় সেই সময় আজকালকার রাজবংশ কাঠামাঁড় উপত্যকা অধিকার করেন। তাহার পূর্বে এই দেশ নেওয়ার জাতীয়দের ছিল। এখনকার রাজারা নিজেকে ক্ষত্রিয় ঠাকুর বলিয়া পরিচয় দেন। মন্ত্রীবংশ চিতোরের রাণা বংশীয় বলিয়া পরিচিত হইতে চেষ্টা করেন।—তঁাহাদের উপাধি রাণা। প্রধান মন্ত্রীর উপাধি মহারাজ। রাজাদের যাবতীয় উপাধি সাহা। রাজকীয় উপাধি মহারাজাধিরাজ

ও চলিত কথায় শ্রী ৫ মহারাজ ও মন্ত্রী শ্রী ৩ মহারাজ। রাজকার্যে রাজাধিরাজের কোনও ক্ষমতা নাই। সমস্তই মন্ত্রী ও মন্ত্রীবংশের হস্তগত। কেবল চলিত মুদ্রায় তাঁহার নামাঙ্কিত; ও কোনও উৎসব ইত্যাদিতে তিনি দেখা দেন—ও রাজবেশে মন্ত্রী অপেক্ষা উচ্চ স্থান অধিকার করেন। কিন্তু তাঁহার ও তাঁহার পরিবারবর্গের গ্রাসাচ্ছাদন সম্পূর্ণ মন্ত্রীর ইচ্ছাধীন। কাঠামাঁড়ু পরিত্যাগ করিবারও অধিকার তাঁহার নাই। মন্ত্রীপদ মন্ত্রীবংশে থাকে বটে, কিন্তু মন্ত্রীপুত্র মন্ত্রী হয়েন না। সচরাচর নিয়ম—মন্ত্রীর পর তাঁহার চেয়ে বয়সে ছোট যে ভাই থাকিবেন তিনিই সেনাপতি ও Civil বা নিজামতি কাজ প্রধান মন্ত্রীর আদেশানুযায়ী করেন। প্রধান মন্ত্রীর মৃত্যুর পর ইহারই মন্ত্রী হওয়ার কথা। তাঁহার চেয়ে যে ছোট ভাই থাকিবেন তিনি তখন সেনাপতি ও উপমন্ত্রী হইবেন ও তাঁহার চেয়ে ছোট যদি ভাই থাকেন তিনি সেনা-বিভাগের অধিনায়ক হইবেন। যদি ছোট ভাই না থাকেন, তাহা হইলে সব চেয়ে বয়োজ্যেষ্ঠ যে ভ্রাতৃপুত্র থাকিবেন তিনিই সেনানায়ক হইবেন।—অর্থাৎ উচ্চ পর্যায়ে কেহ জীবিত থাকিতে নিম্ন পর্যায়ে মন্ত্রীপদ আসিবে না এবং বয়স ও মন্ত্রীর নৈকট্য হিসাবে পর পর পদ পাইবেন।

১—মন্ত্রী

২—মন্ত্রীর ছোট ভাই

৩—তাঁহার ছোট ভাই—তাহা না থাকিলে ভাইপো ইত্যাদি ইত্যাদি।

রাজ্যশাসন militaristic বা সেনাপ্রধান। উপরিতম কর্মচারী সকলেই বড় বড় সৈনিক পদবীযুক্ত। মন্ত্রীর নীচে তাঁহার ভাই—ভাই না থাকিলে সর্কজ্যেষ্ঠ ভাইপো সেনাপতি। তাহার নিম্নে ভাই বা ভাইপো প্রধান সেনানায়ক। তাহার নিম্নে ৪টা সৈনিক command—উত্তর, দক্ষিণ, পূর্ব, পশ্চিম। ইহার আঁপনা-আঁপন অধিকার মধ্যে সেনানায়ক ও শাসনকর্তা। আপাততঃ এই নিয়ম বটে, কিন্তু নিয়মটা এখনও সুপ্রতিষ্ঠ বলিয়া বোধ হয় না। মন্ত্রীপদের জন্ম অধিকাংশেরই হস্ত কলঙ্কিত। জোর ধার মূলুক তার।

বড় বড় কর্মচারীরা প্রায় সকলেই প্রধান মন্ত্রীর আশ্রিত—সকলেরই সৈনিক পদ আছে। ইহাদের অধীনে স্বয়ং

প্রধান মন্ত্রীর পরিচালনে রাজকার্য চলে। কর্মচারী যত বড়ই হউন না কেন, বিশেষ ক্ষমতা কাহারও নাই। তাহার উপর গুপ্তচর সর্কজ্যেষ্ঠ আছে; রাজকার্য প্রায় গুপ্তচরের সাহায্যে প্রধান মন্ত্রীর চালনায় চলিয়া থাকে। আর সকলে প্রায় figure-heads। সৈনিক পদেই লাভ ও সম্মান; সকলেরই চেষ্টা সেই দিকে—অন্ততঃ ক্ষত্রিয় বংশের। সেরস্তার কাষ সমস্তই কিন্তু নেওয়ারদেরই হাতে। নামে তাহার উচ্চপদ নাই হইলেও কার্যতঃ তাহাদের ক্ষমতা যথেষ্ট ও লোকগুলিও বুদ্ধিজীবী; কিন্তু ক্ষত্রিয় মাঝেই তাহাদিগকে ঘৃণার চক্ষে দেখিয়া থাকেন। সৈনিক-বিভাগে কেরাণীর কাষ ছাড়া অল্প কোথাও নেওয়ার নাই। মিলিত কারিগর ব্যবসাদারও প্রায় সবই নেওয়ার। তাহাদের মধ্যে অনেকে বেশ অবস্থাপন্নও বটে।

ক্ষত্রিয়েরা সরকারে গোঁরা বলিয়া পরিচয় দেয়। তাহাদের পূর্বের দেশ গোঁরা নামেই পরিচিত। সেখান হইতে আসিয়া তাহারা নেপাল অধিকার করে। তাহার পর আরও পূর্বদিকে অগ্রসর হইয়া ভোট দেশের কতক জয় করে। এই সমস্ত মিলিয়া যে দেশ, তাহাই নেপাল রাজ্য।

পূর্বে ইহার চীনের অধীস্থতা কতক অংশে স্বীকার করিতেন। চীনে একজন কর্মচারী থাকিত ও বার্ষিক ১০,০০০ বেতন হিসাবে পাইতেন। চীন প্রজাতন্ত্র হওয়ার পর নেপাল তাহার অধিনায়কত্ব অস্বীকার করে।

বড় বড় কর্মচারীদের সকলেরই বেতন নগদ টাকার পরিবর্তে জমি। অনেক ছোট ছোট কর্মচারী, কেরাণী ও সৈনিক পর্যন্ত টাকার পরিবর্তে জমি পায়। সকলেই উহা নগদ বেতনের চেয়ে সম্মানের মনে করে।

মন্ত্রী মহাশয় যখন বেড়াইতে যান, তাঁহার গাড়ীর কোচ-বল্লী একজন colonel পদের সেনানী Rifle হাতে বসেন। পশ্চাতে সহিসের দাঁড়াইবার স্থানে একজন Captain Rifle লইয়া থাকে। সঙ্গে ২০ জন সশস্ত্র সিপাহী। গাড়ী যখন দৌড়ায় সিপাহীর দলও দৌড়িতে থাকে। রাজাবাসের নিকটেই রাজবাড়ীর প্রাচীর মধ্যে তাঁহার Body Guard সেনা, মায় machine gun থাকে। রাজবাড়ীর সমস্ত দরজার চাবি মন্ত্রীর নিজের কাষরায় নিজের কাছে থাকে। যাতায়াতের দরজায় একজন

শান্তি পাহারা, কিন্তু তাহার হাতে বন্দুক নাই—একটি লাঠি মাত্র। সেই লাঠিটি আঁড় করিয়া আগোড়ের ত্রায় ফেলিয়া রাখে। কাহাকেও ভিতরে যাইতে হইলে শান্তিকে বলিতে হয়। সে লাঠি তুলিয়া লইলে তবে ভিতরে যাওয়া চলে। সশস্ত্র শান্তির পাহারা বাহিরের ফটকে।

রাজকার্যের সমস্ত খুঁটিনাটি পর্যন্ত মন্ত্রীর হাতে। অল্প কর্মচারীর কাজ প্রায় কেবল হুকুম পালন। হুকুম বলিলেই মহারাজের 'হুকুম' বুঝিতে হয়। অল্প কাহারও আদেশের পক্ষে হুকুম কথা বলার অধিকার নাই।

অধিকাংশ ছোটখাট রাজকার্য বৈকালে বাগানে বসিয়া মহারাজ করেন। পারিষদবর্গ বেষ্টিত হইয়া মহারাজ বসেন। পেশকার একটি একটি কাগজ সন্ধান ও মহারাজ হুকুম দেন। সঙ্গে সঙ্গে অল্প কথাবার্তাও চলে। মহারাজের অর্থাৎ চন্দ্র সমশেরজঙ্গের একটি অসাধারণ ক্ষমতা—যে কয়েক বিষয়ের কথা একসঙ্গে চলে, সকলগুলির দিকেই তাঁহার মনোযোগ থাকে এবং প্রত্যেকটি সম্বন্ধেই প্রশ্ন বা আদেশ করিতে পারেন।

জটিল রাজকার্যগুলি নিজের অন্তরে বসিয়া সমাপিত হয়। যে কর্মচারীর উপস্থিত আবশ্যক হয়, তাঁহাকে সেখানে হাজির হইতে হয়।

মহারাজ চন্দ্রসমশের পরিশ্রমী অমায়িক দয়ালু ও বিচক্ষণ। সাজগোজ অহঙ্কার ইত্যাদি মোটেই নাই। খুব স্বল্পদর্শী ও বিচক্ষণ। ইহার চেষ্টায় দেশের অনেক কুপ্রথা ও কদভ্যাস অপসারিত হইতেছে। এখানে এক দিকে দাসদাসী প্রথা, অল্প দিকে চরিত্রদোষ ঘটিলে প্রাণদণ্ড। তাহা আবার ইচ্ছা করিলে যাহার স্ত্রী সে নিজেই অপরাধীর মাথা কাটিবার আদেশ পায়। কিন্তু ইহাতেও চরিত্রদোষ যথেষ্ট আছে। কিন্তু এ সম্বন্ধে মহারাজ আদর্শ-চরিত্র বলিলে অভ্যুক্তি হয় না। ফাঁসি প্রথা এখানে চলিত নাই। অপরাধীর মাথা কাটা হয়।

এখানে সেন্সস (census) ও বজেট Confidential স্নতরাং আয়-ব্যয়ের হিসাব পাওয়া কঠিন। কিন্তু মোটের উপর প্রজার অবস্থা মন্দ বলিয়া বোধ হয় না। কাঠ-মাঁড়ুতে একটি কলেজ আছে। ইঞ্জিনিয়ারি ডাক্তারি ইত্যাদি পড়িবার জন্ম দেশীয় ছাত্রদের ভারতবর্ষে পাঠান

হয়। ইংরাজি হিসাবে দুইটি বড় হাঁসপাতাল—একটি সিভিল ও একটি মিলিটারি—আছে। আয়ুর্বেদীয় ঔষধালয়ও আছে। সহরে Electric Light ও Electric কল-কজা আছে। কাঠমাড়ু হইতে ৭৮ মাইল দূরে একটি পাহাড়ের ঝরণার সাহায্যে Electricity তৈয়ার হয়। এই Electri-

cityর সাহায্যে একটি Wire-ropeway চালাইবার চেষ্টা হইতেছে। ইহার দ্বারায় কাঠমাড়ুতে মালপত্র আনিবার সুবিধা হইবে। সহরে কলের জলও আছে। পথঘাট যাহা কাঠমাড়ুতে আছে তাহা ভাল অবস্থাতেই। কিন্তু মফস্বলে যাতায়াত দুর্গম।

পণ্ডিত বীরেশ্বর পাণ্ডে

শ্রীবীরেন্দ্রনাথ ঘোষ

বাণীর সহিত কমলার, পাণ্ডিত্যের সহিত বদাচ্যুতার সম্মিলন হইলে যে কি মধুর ফলোৎপত্তি হয়, পণ্ডিত বীরেশ্বর পাণ্ডে মহাশয়ের জীবন তাহার উৎকৃষ্ট নিদর্শন।

যে বনগ্রাম মহকুমা এখন যশোর জেলার অন্তর্ভুক্ত, পূর্বে তাহা নদীয়া জেলার অংশ ছিল। সেই বনগ্রাম মহকুমার অন্তর্গত কায়বা গ্রামে সন ১২৫১ সালের ৭ই বৈশাখ (১৮৪৪ খৃষ্টাব্দের ১৮ই এপ্রেল) বীরেশ্বর পাণ্ডে মহাশয় জন্মগ্রহণ করেন। ইনি স্বর্গীয় মৃত্যুঞ্জয় পাণ্ডে মহাশয়ের দ্বিতীয় পুত্র। বীরেশ্বরের জ্যেষ্ঠ ভ্রাতার নাম কেদারেশ্বর ও কনিষ্ঠ ভ্রাতার নাম শ্রীকৃষ্ণ।

বীরেশ্বরের পিতামহ কনকচন্দ্র সাধারণ্যে “কনক রাজা” নামে অভিহিত হইতেন। তাঁহার আমলে একবার কোন ক্রিয়া উপলক্ষে তাঁহার বাটীতে লক্ষ ব্রাহ্মণের সমাবেশ হয়। সেই লক্ষ ব্রাহ্মণের পদধূলি অছাপি তাঁহাদের বাটীতে রক্ষিত আছে। লক্ষ ব্রাহ্মণের পদধূলি লাভ বড় অল্প সৌভাগ্যের কথা নহে। প্রচুর অর্থবল এবং প্রভূত সম্ভ্রম, সম্মান, প্রতিপত্তি ও সামাজিক মর্যাদা না থাকিলে যে সে লোকের পক্ষে একরূপ সৌভাগ্য লাভ করা সম্ভবপর নহে। কনকচন্দ্রের মৃত্যু হইলে তদীয় সহধর্মিণী বিমলাসুন্দরী পতির সহমৃত্যু হন।

শৈশবকাল হইতেই বীরেশ্বরের ধীশক্তির পরিচয় পাইয়া সকলেই বালকের উজ্জ্বল ভবিষ্যতের পূর্বাভাস প্রাপ্ত হইয়াছিলেন। ভবিষ্যৎ জীবনে বীরেশ্বর আত্মীয়-স্বজনের আশা সফল করিয়াছিলেন। বাল্যকাল হইতে তাঁহার

শিক্ষানুরাগ প্রকাশ পায়। তাঁহার বয়স্কগণ যখন ক্রীড়া-কৌতুকে নিমগ্ন থাকিত, বীরেশ্বর তখন শিক্ষকের সাহায্য করিয়া নূতন কিছু শিক্ষা করিবার প্রয়াস পাইতেন। বীরেশ্বরের স্বাস্থ্য তেমন ভাল না থাকায় তিনি কলেজে বেশী শিক্ষা লাভ করিবার সুযোগ পান নাই বটে, কিন্তু স্বভাবতঃ শিক্ষানুরাগ প্রবল থাকায় তিনি গৃহে নিজ চেষ্টায় প্রভূত জ্ঞানার্জন করিয়াছিলেন। যখন তিনি কৃষ্ণনগর কলেজে পড়িতেন, তখন অতিরিক্ত মানসিক পরিশ্রমের ফলে তাঁহার শিরঃপিড়া উপস্থিত হয়। সেইজন্য তাঁহাকে কলেজ ত্যাগ করিয়া গৃহে ফিরিয়া আসিতে হয়। আরোগ্য-লাভান্তে তিনি পুনরায় কলেজে যোগ দিতে উৎসুক হইলে তাঁহার পিতা তাঁহাকে নিবারণ করিয়া গৃহেই সংস্কৃত অধ্যয়ন করিবার পরামর্শ দেন। তদনুসারে বীরেশ্বর এক দিকে কুলপুরোহিত মোহনচন্দ্র চূড়ামণির নিকট সংস্কৃত, এবং নিজ চেষ্টায় ইংরেজী অধ্যয়ন করিতে থাকেন।

সতের বৎসর বয়সে বীরেশ্বর সংস্কৃত লীলাবতী নামক গ্রন্থের বঙ্গানুবাদ প্রকাশ করেন। বাইশ বৎসর বয়সে তাঁহার “আর্য্যচরিত” নামক ছাত্রপাঠ্য পুস্তক রচিত হয়। তাহার তিন বৎসর পরে তিনি ছাত্রদিগের জন্ম “বিজ্ঞানসার” নামে একখানি গ্রন্থ রচনা করেন।

জ্ঞানার্জনের সঙ্গে সঙ্গে বীরেশ্বরের হৃদয়ের প্রসারও যেমন বাড়িতে লাগিল, জ্ঞান বিতরণেও তদ্রূপ তাঁহার মনে আগ্রহ জন্মিল। গ্রাম্য বালকগণের শিক্ষা লাভের অসুবিধা দেখিয়া বীরেশ্বর নিজ ব্যয়ে স্বগ্রামে একটি মধ্য ইংরেজী

বিদ্যালয় স্থাপন করিলেন। সেই বিদ্যালয় প্রতিষ্ঠিত হওয়ায় তাঁহার নিজ গ্রামের এবং নিকটবর্তী অপর কয়েকখানি গ্রামের বালকদিগের শিক্ষা লাভের সুযোগ উপস্থিত হইল। গ্রামবাসীদের বিশেষ সুবিধার কথা এই ছিল যে, এই বিদ্যালয়ে দরিদ্র ছাত্রগণকে বেতন দিতে হইত না।

বীরেশ্বর আজন্ম সাহিত্যসেবী ছিলেন। কেবল স্কুল-পাঠ্য পুস্তক রচনা করিয়াই তাঁহার সাহিত্যসেবার আকাঙ্ক্ষা পরিতৃপ্ত হইত না। সেইজন্য তিনি তৎকালীন সাময়িক পত্রাদিতে বহু সারগর্ভ প্রবন্ধ প্রকাশ করিতেন। সেই সময়কার সুপ্রসিদ্ধ মাসিক পত্র “আর্য্যদর্শনের” তিনি নিয়মিত লেখক ছিলেন। ১৮৮২ খৃষ্টাব্দে “মানবতত্ত্ব” নামে তাঁহার দার্শনিক প্রবন্ধ প্রকাশিত হয়। পরে যখন কলিকাতার ইউনিভারসিটিতে বাঙ্গালা শিক্ষার ব্যবস্থা হয়, তখন এই মানবতত্ত্ব বি-এ ও এম-এ ক্লাসে পাঠ্য পুস্তকের তালিকাভুক্ত ছিল। মানবতত্ত্ব বাহির হইবার পরেই তাহার যশঃসৌরভ সমস্ত বঙ্গদেশে ছড়াইয়া পরে। মানবতত্ত্ব একখানি অপূর্ব গ্রন্থ। তাঁহার অগাধ প্রবন্ধ ও প্রায় দর্শন সম্বন্ধীয়। ১৮৮৪ খৃষ্টাব্দে তাঁহার “অদ্ভুত স্বপ্ন বা জী-পুরুষের দ্বন্দ্ব” নামক পুস্তক প্রকাশিত হয়। এটি সামাজিক নক্সা। বীরেশ্বর নিষ্ঠাবান ব্রাহ্মণ, স্বধর্ম্মে তাঁহার প্রগাঢ় আস্থা, শাস্ত্রানুগত সামাজিক প্রথায় তাঁহার প্রবল অহরাগ; প্রত্যহ নিয়মিত ভাবে জ্ঞান-আত্মিক, পূজা-পাঠ না করিয়া তিনি জলগ্রহণ করিতেন না। এদিকে প্রতীচ্য শিক্ষার প্রভাবে তখন হইতেই সমাজ-বিপ্লবের সূত্রপাত হইতেছিল। প্রতীচ্য আদর্শে স্বীকৃতি প্রদানের স্বচনাও তখন হইতেই আরম্ভ হইয়াছিল। বীরেশ্বর এই সমাজ-বিপ্লব ও স্বীকৃতিপ্রদানের পরিণাম কল্পনা করিয়া ব্যথা পাইয়াছিলেন, দিব্য নেত্রে উহার ভাবী উৎকট বীভৎস দৃশ্য দর্শন করিতে পারিয়া-ছিলেন। “অদ্ভুত স্বপ্ন” গ্রন্থে তিনি এই অবশুস্তাবী ভবিষ্যৎ যুগের চিত্র অঙ্কনের প্রয়াস পাইয়াছিলেন।

বীরেশ্বর একই সময়ে “সহচরী” “জাহ্নবী” ও “বিজ্ঞান-দর্শন” এই তিনখানি মাসিকপত্র সম্পাদন করিয়াছিলেন। এই তিনখানি সাময়িক পত্রের একখানি ছিল কথাসাহিত্য-মূলক একখানি ধর্ম্মসাহিত্যমূলক এবং একখানি বিজ্ঞান-

সাহিত্যমূলক। তিন ধরণের তিনখানি মাসিকপত্র একই সময়ে সম্পাদন করা বড় অল্প ক্ষমতার কাজ নহে।

১৮৮৭ খৃষ্টাব্দে বীরেশ্বর কলিকাতা বিশ্ববিদ্যালয়ের বঙ্গভাষার পরীক্ষক নিযুক্ত হন। এই সময় হইতে তিনি বিদ্যালয়-পাঠ্য-পুস্তক প্রণয়নে অধিকতর মনোনিবেশ করেন; এবং ভারতীয় বরণ্য লোকনায়কগণের চরিত্র অবলম্বন করিয়া ক্রমাগত “আর্য্যশিক্ষা”, “আর্য্যপাঠ”, “চারুশিক্ষা” ১ম, ২য় ও ৩য় ভাগ; এবং বালকদিগের নীতিশিক্ষার উপযোগী সংস্কৃতমূলক “নীতি কথামালা” প্রভৃতি গ্রন্থ রচনা করেন। এতদ্ব্যতীত তিনি শিশু ও বয়স্ক বালকদিগের উপযোগী দুইখানি বাঙ্গলা ব্যাকরণও প্রণয়ন করিয়াছিলেন। তৎপরে তাঁহার “কবিতাপাঠ” ১ম, ২য় ও ৩য় ভাগ রচিত হয়।

মনস্বী বঙ্কিমচন্দ্র মহাকবি নবীনচন্দ্র সেনের “রৈবতক”, “কুরুক্ষেত্র” ও “প্রভাস” এই গ্রন্থত্রয়কে উনবিংশ শতাব্দীর মহাভারত নামে অভিহিত করিয়াছিলেন। এই কাব্যত্রয়ে কবি ব্রাহ্মণ্য-ধর্ম্মের ও ঋষিগণের প্রতি কটাক্ষপাত করায় নিষ্ঠাবান ব্রাহ্মণ বীরেশ্বর “উনবিংশ শতাব্দীর মহাভারত” নামে উহাদের এক বিস্তৃত সমালোচনা পুস্তক প্রকাশ করেন।

পাঁড়ে মহাশয়ের স্কুলপাঠ্য পুস্তকগুলির মধ্যে কয়েকখানি উচ্চ প্রাথমিক, মধ্য বাঙ্গলা ও মধ্য ইংরেজী বিদ্যালয়ে অনেকবার পাঠ্য পুস্তক রূপে নির্বাচিত হইয়াছিল। মধ্য বাঙ্গলা পরীক্ষা দিবার সময় আমরাও যেন তাঁহার কোন কোন পুস্তক পড়িয়াছিলাম বলিয়া মনে হয়। পাঁড়ে মহাশয়ের শেষ বাঙ্গলা গ্রন্থ ধর্ম্ম-দর্শন-বিষয়ক—“ধর্ম্ম-বিজ্ঞান” ও “ধর্ম্মশাস্ত্রতত্ত্ব”। এই দুইখানি গ্রন্থে তিনি অখণ্ডনীয় যুক্তির দ্বারা প্রদর্শন করিয়াছেন যে, প্রত্যেক মানুষেরই নিজ নিজ পৈত্রিক ধর্ম্ম পালন করা উচিত। মৃত্যুর অল্প কাল পূর্বে তিনি তাঁহার “মানবতত্ত্ব”র ইংরেজী অনুবাদ “Man” নামে প্রকাশ করেন।

১২৮৫ সালে বীরেশ্বর পল্লীবাস ত্যাগ করিয়া কলিকাতাবাসী হইয়াছিলেন। কলিকাতার বঙ্গ-ব্যবসায়ী-দিগের মধ্যে অনাচার-দর্শন করিয়া তিনি অত্যন্ত ক্রোধ অনুভব করিতেন। তিনি দেখিতেন বস্ত্রের ব্যবসায়ীর বস্ত্রের ত্রায্য মূল্যের অপেক্ষা অনেক বেশী মূল্য ক্রেতাদিগকে ঠকাইয়া লইয়া থাকে। ইহা যেমন দুর্নীতি-

মূলক, তদ্রূপ, ক্রেতাদের পক্ষে ক্ষতিকর এবং বস্ত্র-ব্যবসায়ের পক্ষেও অনিষ্টকর বটে। এই কারণে, এবং প্রধানতঃ স্বদেশী শিল্পের প্রতি অল্পরূপ বশতঃ, বীরেশ্বর কলিকাতায় ৬১নং কলেজস্ট্রীটে “নববাস” নামে একখানি স্বদেশী বস্ত্রের দোকান খুলেন। এই দোকানে তিনি শ্রায্য মূল্যে এবং একদরে বস্ত্র বিক্রয় করিতেন। সেই হইতে কলিকাতায় “একদরে” বস্ত্রাদি ও অশ্রায্য বস্ত্র বিক্রয়ের প্রথা প্রবর্তিত হয়। এদিকে, তিনি স্বয়ং সাহিত্যিক বলিয়া দোকানখানি সাহিত্যিকগণের বিশেষ আকর্ষণের স্থল হইয়া উঠে, এবং ক্রমে কলিকাতার প্রধান প্রধান বিদ্বান্দের মিলন স্থানে পরিণত হয়। স্বর্গীয় গুরুদাস চট্টোপাধ্যায় মহাশয়ের “বেঙ্গল মেডিক্যাল লাইব্রেরী”তে যেমন পণ্ডিতগণের সমাগম হইত, বীরেশ্বর বাবুর “নববাস”ও তদ্রূপ পণ্ডিত-সমাগমে মুখর থাকিত। এখানে প্রত্যহ অপরাহ্নে বিদ্যাসাগর মহাশয়, ভূদেববাবু, রমেশচন্দ্র দত্ত মহাশয়, কেশবচন্দ্র সেন মহাশয় এবং আরও অনেকে নিত্যই আগমন করিতেন, এবং সাহিত্য, বিজ্ঞান, সমাজ, শিল্প, ধর্ম প্রভৃতি বিষয়ে আলোচনা হইত। বিদ্যাসাগর মহাশয় পাঁড়ে মহাশয়ের তর্কশক্তি দূর্শনে তাঁহাকে “নৈয়ায়িক” আখ্যা প্রদান করিয়াছিলেন।

কায়বা গ্রামের পাঁড়ে বংশ চিরদিন অতিথিবৎসল, এবং বদান্ততার জন্ত প্রসিদ্ধ ছিল। বীরেশ্বর বাবুর কলিকাতার বাটীতেও সদাব্রত ছিল—অতিথি আসিয়া কখনও বিসুখ হইয়া ফিরিয়া যাইত না। তাঁহার উপযুক্ত পুত্র শ্রীযুক্ত মনোমোহন পাঁড়ে মহাশয় পিতার সদগুণ-রাশির উত্তরাধিকারী হইয়া পিতৃ-অল্পস্থিত সদাব্রত তাঁহার গোয়াবাগানস্ট্রীটের বাটীতে পূর্ণমাত্রায় বজায় রাখিয়াছেন।

বীরেশ্বর বাবুর গ্রামের বাটীতে বার্ষিক দুর্গোৎসব প্রভৃতি পূজা পার্বণ হইত। নানা গোলযোগে তাহা বন্ধ হইয়া যায়। পৈত্রিক পূজা বন্ধ হওয়ায় বীরেশ্বরবাবু মনঃক্লম অবস্থায় থাকিতেন। অবশেষে মহামায়ার রূপায় তাঁহার সে ক্ষোভ দূর হয়—বিডন স্ট্রীটের বাটীতে পুনরায় দুর্গোৎসব আরম্ভ হয়।

৮কাশীধামে একটি মন্দির প্রতিষ্ঠা করিবার সাধ তাঁহার বহু দিন হইতেই ছিল—মন্দিরের নির্মাণ-কার্যও

শেষ হইয়াছিল, কিন্তু বীরেশ্বর মন্দির প্রতিষ্ঠা করিয়া যাইতে পারেন নাই। সন ১৩১৮ সালের ২৬শে ফাল্গুন বীরেশ্বর ৮কাশীধামে বিশ্বেশ্বরের চরণে আশ্রয় প্রাপ্ত হন।

অগাধ পাণ্ডিত্যে, দার্শনিক তত্ত্বালোচনায় এক দিকে যেমন তিনি প্রচুর খ্যাতি অর্জন করিয়াছিলেন, পক্ষান্তরে, ভূস্বামীজনোচিত উদার প্রকৃতি এবং অপরাপর সদগুণ-রাশিতে তাঁহার চিত্ত ভূষিত ছিল। জনহিতকর বহু সদগুণের অভিপ্রায় তাঁহার ছিল। কিন্তু তাঁহাদের জমিদারী বহুধা বিভক্ত হইয়া যাওয়ায় এই সকল মহৎ কল্পনা কার্যে পরিণত করিবার উপায় ছিল না। তাঁহার জ্যেষ্ঠ পুত্র শ্রীযুক্ত মনোমোহন পাঁড়ে মহাশয় থিয়েটার ও অশ্রায্য ব্যবসয়ে প্রচুর অর্থোপার্জন করিতে থাকিলে বীরেশ্বরবাবু তাঁহার মনোগত অভিপ্রায় পুত্রের নিকট প্রকাশ করেন। পিতৃগতপ্রাণ মনোমোহন অবিনশে পিতার সদভিপ্রায় পরিপূরণে বস্ত্রবান হইলেন। তিনি প্রথমে ৮কাশীধামে একটি শিবমন্দির নির্মাণ করিতে আরম্ভ করিলেন। কিন্তু ভাগ্যক্রমে পিতার জীবদ্দশায় মন্দিরের প্রতিষ্ঠা কার্য সম্পন্ন হইতে পারে নাই।

শিবমন্দির নির্মাণ ব্যতীত, মনোমোহন বাবু পিতার অভিপ্রায়ানুযায়ী নিম্নলিখিত দাতব্য প্রতিষ্ঠানগুলির বন্দোবস্ত করিয়া দিয়াছেন—

১। যশোহর জেলায় বীরেশ্বর বিদ্যালয় নামে একটি বিদ্যালয় প্রতিষ্ঠিত হইয়াছে। সেই টোলে ২০টি ছাত্রকে মাসিক ৮ হিসাবে বৃত্তি প্রদত্ত হয়। এতদ্ভিন্ন সমস্ত ছাত্রকে বিনা বেতনে শিক্ষা দেওয়া ও বাসস্থান দেওয়ার ব্যবস্থা আছে। ৮১০ বৎসর হইতে এই অল্পটানটি ভালভাবে চলিতেছে।

২। বীরেশ্বরের স্বগ্রাম (কায়বা গ্রাম যশোহর) পঞ্চাশ হাজার টাকা ব্যয়ে একটি দাতব্য চিকিৎসালয়ের গৃহ নির্মিত হইয়াছে; তাহার নাম বীরেশ্বর দাতব্য চিকিৎসালয়। চিকিৎসকের পারিশ্রমিক, দরিদ্র রোগীদিগকে বিনামূল্যে ঔষধাদি প্রদান প্রভৃতি ব্যয় নির্বাহার্থে বাৎসরিক পাঁচ হাজার টাকা আয়ের ভূসম্পত্তি ইহার জন্ত নির্ধারিত হইয়াছে।

৩। কলিকাতার বামিনীভূষণ অষ্টাদ আয়ুর্বেদ

বিদ্যালয় সংলগ্ন আয়ুর্বেদীয় হাসপাতালে বীরেশ্বর ওয়ার্ড নামে একটি ওয়ার্ড প্রতিষ্ঠা করিয়া ২০টি শয্যার ব্যবস্থা করা হইয়াছে। তাহার খরচ নির্বাহের জন্ত বাৎসরিক ৫ হাজার টাকা দেওয়ার ব্যবস্থা করা হইয়াছে। এতদ্ভিন্ন হাসপাতালের গৃহ-নির্মাণ ও আসবাবপত্রাদিতে বহু টাকা প্রদত্ত হইয়াছে।

৪। ৮কাশীধামে বীরেশ্বর-ভবনে নিত্য চণ্ডীপাঠ শিবপূজা, পাঠ, হোম, ব্রাহ্মণ-সেবা প্রভৃতির ব্যবস্থা হইয়াছে।

৫। ৮কাশীধামে বাঙ্গালী তীর্থযাত্রীদের বাসের জন্ত লক্ষাধিক টাকা ব্যয়ে “বীরেশ্বর ধর্মশালা” নামে একটি আশ্রয়-স্থান প্রতিষ্ঠার ব্যবস্থা করা হইয়াছে।

৬। জনসাধারণের জনকষ্ট নিবারণার্থ যশোহর, ধুলনা ও ২৪ পরগণা জেলায় বহু পুষ্করিণী ও টিউবওয়েল

প্রতিষ্ঠিত হইয়াছে। তদ্ব্যতীত ১২ মাসে ১৩ পার্বণ প্রভৃতিধর্মপ্রাণ হিন্দু গৃহস্থের উপযোগী সকল প্রতিষ্ঠানের ব্যবস্থা আছে।

৭। মনোমোহন বাবুর কলিকাতায় গোয়াবাগান বাটীতে ১৫১৬টি ছাত্রের আহাৰ ও বাসস্থান দিয়া তাহাদের শিক্ষার ব্যবস্থা করিয়া দিয়াছেন এবং এই সমস্ত কার্য তাহার পিতার জীবনকাল হইতেই চলিতেছে।

উত্তরকালে এই সমস্ত কার্য যাহাতে সুশৃঙ্খলে নির্বাহিত হইতে পারে, তদ্বন্দেখে ধর্মতলা স্ট্রীটের ৫৯১, ৫৯২, ৫৯৩, ৬০, ৬০১, ৬০২ ও ৬০৩ এই সাতখানি বাটা রেজিষ্ট্রিকৃত দলিলের দ্বারা উপযুক্ত ট্রাস্টীগণের হস্তে হস্ত হইয়াছে। এই সমুদয় ভূসম্পত্তির আনুমানিক মূল্য— ৪ লক্ষ টাকা।

ভারতবর্ষ

শ্রীমণীন্দ্রনাথ রায় বি-এ

তব পুণ্য-পীযুষ-সরিতে মগ্ন হর্ষ-পুলক চিত্ত

তব জ্ঞান-গরিমা শিল্পকলাদি লভেছি কতই বিত্ত।

তব গঙ্গাপুলিন স্বর্ণরেণুকা স্পর্শন পূত বক্ষে

কত রঞ্জিত নব স্নন্দর ছবি নিত্য নেহারি চক্ষে।

কহু না জানি বা কোন ধ্যানে

রহি চাহিয়া আকাশ পানে;

হয়ে জাগ্রত চিত্ত শঙ্কিত কেন হিয়া দুক-দুক রিক্ত!

কত লক্ষ তরী ছুটিছে সঘনে জাহ্নবীজল চুমিয়া

সৈকতে কত নর্দনরত শোভিছে ময়ূর ভ্রমিয়া

তব শ্রামল গোষ্ঠভূমে—

তব চরণ-প্রান্ত চুমে—

আমি ধ্যান-নিরত তাপসের মত আনন্দে রহি বসিয়া।

কত রম্য হর্ম্য-শোভিত নগর কটিতে মেথলা লগ্ন—

তাহে রত্নখচিত মন্দির শত দীপ্ত আলোক-মগ্ন।

কত অত্র প্রসারি ভীম গিরিচূড়া গৌরব ভরে উচ্চ

প্লাবিত চন্দ্র সূর্য্য কিরণে মণ্ডিত হিম পুচ্ছ।

তব সাম-নির্নাদিত স্তোত্র পঠন ঘন মুখরিত বনমাঝে

কত অজিনাঘর সৌম্য মুরতি যোগীজন রত রাজে!

সেই পুণ্য হোমানল-শিখা নিঃসৃত ধূম বিভূষিত অঙ্গ—

যুক্ত কর-যুগ কল্যাণ যাচে কল্যাণ নটরঙ্গ।



সাময়িকী

বাহালা-সরকারের ইস্তাহার—

আইন লঙ্ঘন আন্দোলনে যে কোন প্রকারেই হউক সাহায্য করিলে আইনের চক্ষে কি অবস্থা দাঁড়ায় তৎসম্বন্ধে জনসাধারণের অবগতার্থ বঙ্গীয় গবর্নমেন্ট নিম্নরূপ ইস্তাহার জারী করিয়াছেন—

সাধারণ আইন বা বিশেষ অর্ডিন্যান্স বলে যাহা অপরাধ বলিয়া গণ্য হয়, তা ছাড়া এমন কতকগুলি বিষয় আছে যাহা সর্বসাধারণের জানা দরকার।

(ক) ১৯০৮ সালের সংশোধিত ফৌজদারী আইনের ১৭ (১) ধারায় লিখিত আছে যে, যদি কেহ বে-আইনী সমিতিতে বা উহার কার্যকে কোনরূপে আর্থিক সাহায্য করে বা ঐ জন্ত আর্থিক বা অন্ত কোনরূপ সাহায্য গ্রহণ করে তবে সে আইনানুসারে দণ্ডিত হইবে। নিখিল ভারত কংগ্রেসের ওয়ার্কিং কমিটি এবং স্থানীয় বহু কংগ্রেস প্রতিষ্ঠানকে বে-আইনী বলিয়া ঘোষণা করা হইয়াছে। যদি ১৭ (১) ধারার আইনের সর্ব পড়ে, তবে আইন লঙ্ঘন আন্দোলন সম্পর্কে যে কোন প্রকার সাহায্য তাহা তাহার কার্যপদ্ধতি কার্যে পরিণত করার কল্পেই হউক বা পরোক্ষভাবে উহার প্রচারে সাহায্য করে বা আর্থিক সাহায্য বা উহার কোনরূপ অনুষ্ঠানাদির সাহায্য করে তাহা হইলে সরাসরি ভাবেই উহা অভিযোগের যোগ্য বলিয়া বিবেচিত হইবে।

(খ) জরুরী ক্ষমতাবিষয়ক আইনের ৪ ধারায় স্থানীয় গবর্নমেন্টকে কতকগুলি ক্ষমতা দেওয়া হইয়াছে। ঐ সমস্ত ক্ষমতা বাঙ্গলার সমস্ত জেলা ম্যাজিস্ট্রেট ও কলিকাতার পুলিশ কমিশনারদের হাতে দেওয়া হইয়াছে। উহার বলে তাঁহারা আন্দোলন দমন করিতে পারিবেন, বা যদি কাহারও আচরণ এরূপ বলিয়া বিবেচিত হয় যে, সে জনসাধারণের শান্তি বা নিরাপত্তার ব্যাঘাতজনক কোন আন্দোলনের সম্প্রসারণ কল্পে কোন কাজ করিয়াছে বা করিতেছে বা করিতে উত্তম হইয়াছে, তাহাকেও শাসন করিতে পারিবেন এবং ইহার বলে কাহারও নিকট বা অধীনে

যদি কোন সম্পত্তি থাকে তবে তাহার সম্বন্ধেও আদেশ দেওয়া চলিবে।

(গ) জরুরী ক্ষমতাবিষয়ক অর্ডিন্যান্সের ১৩ ধারা অনুসারে যে কোনও সরকারী কর্মচারী আইন ও শৃঙ্খলা রক্ষা কল্পে দরকার বোধ করিলে বিশেষ শ্রেণীর ব্যক্তিদের সাহায্য গ্রহণ করিতে পারিবেন। ঐ আদেশ অমাত্য করিলে উক্ত অর্ডিন্যান্সের ২২ ধারা মতে দণ্ডাই হইতে হইবে।

এরূপ জানা গিয়াছে যে, বর্তমান আইন লঙ্ঘন আন্দোলন প্রবর্তিত হওয়ার পূর্বে কোন কোন ফার্ম এরূপ এক প্রতিজ্ঞাপত্রে স্বাক্ষর করিয়াছেন যাহাতে লেখা আছে যে, ফার্মের পরিচালনা সম্পর্কিত কোন ব্যক্তি জাতীয় আন্দোলনের পরিপন্থী কোনরূপ কার্যে নিযুক্ত থাকিতে পারিবে না বা ভারত সরকারের পক্ষে বা নির্দেশানুসারে বা স্বেচ্ছাপ্রণোদিত কোনরূপ কার্য যাহা আন্দোলনের পরিপন্থী তাহা করিতে পারিবে না। এই প্রকারের প্রতিশ্রুতি বাস্তবিক পক্ষে আইন লঙ্ঘন আন্দোলনের ঠায় অবৈধ ও বে-আইনী। আন্দোলনের বিরুদ্ধে গবর্নমেন্টকে সাহায্য করাতে কাহারও সাধারণ কর্তব্যের বিষয়ক হইবে না; বা আইন ও শৃঙ্খলা বজায় রাখার জন্ত জরুরী ক্ষমতাবিষয়ক অর্ডিন্যান্সের ১৩ ধারায় উল্লিখিত শ্রেণীর কাহাকেও বিশেষ বাধ্যবাধকতার জন্ত সাহায্যার্থ আহ্বান করিলে ঐ প্রতিশ্রুতি কোনরূপে অন্তরায় হইবে না।

(ঘ) জরুরী ক্ষমতাবিষয়ক অর্ডিন্যান্সের ১৬ ধারার বলে যে কোন জেলা ম্যাজিস্ট্রেট রেলওয়ে ব্যবহার নিয়ন্ত্রিত করিতে পারিবেন। বিশেষ ভাবে কোন নির্দিষ্ট মাল কোন রেল কোম্পানীকে না লওয়ার জন্ত আদেশ দিতে পারিবেন।

(২) বাঙ্গলা গবর্নমেন্ট সর্বসাধারণের জ্ঞাতার্থে এ কথা পরিষ্কার ভাবে জানাইতেছেন যে, যাহারা আইন অমাত্য আন্দোলনে যোগদান করিবে বা সাহায্য করিবে কেবলমাত্র তাহাদের পক্ষেই পূর্বেকৃত ক্ষমতাগুলি ব্যবহৃত হইতে পারিবে, পক্ষান্তরে যাহারা আইন মানিয়া চলে তাহাদের

পক্ষে ঐ সমস্ত আইনের জন্ত কোন আশঙ্কার কারণ নাই। অরাজকতার হাত হইতে রক্ষাকল্পে এবং ব্যবসা বাণিজ্য স্বাধীন ভাবে চলার সৌকর্যার্থ জনসাধারণকে সাহায্য করার জন্ত ঐগুলি ব্যবহৃত হইবে।

সংবাদপত্রের প্রতি নির্দেশ—

বাঙ্গলা গবর্নমেন্টের অতিরিক্ত ডেপুটি সেক্রেটারী মিঃ বি, আর, সেন বাঙ্গলা দেশের যাবতীয় সংবাদপত্রের সম্পাদক, মুদ্রাকর ও প্রকাশকদিগকে নিম্নলিখিত সরকারী ইস্তাহার সম্বন্ধে অবহিত হইতে বলিয়াছেন।

ইস্তাহারে প্রকাশ, কংগ্রেস ওয়ার্কিং কমিটি ও অন্যান্য বে-আইনী বলিয়া ঘোষিত প্রতিষ্ঠান সম্পর্কিত সংবাদ প্রকাশিত করিলে অপরাধ বলিয়া গণ্য করা হইবে।

যে সকল বিষয় সম্পর্কিত সংবাদ প্রকাশ করিলে আইনানুযায়ী দণ্ডনীয় হইতে হইবে, নিম্নে তাহার দৃষ্টান্ত দেওয়া গেল।

১। কংগ্রেস আন্দোলন সম্পর্কিত যে কোন সংবাদ ও ধৃত ব্যক্তিগণের বাণী।

২। জেলে আবদ্ধ ব্যক্তিগণের নিকট হইতে প্রাপ্ত সমাচার।

৩। গবর্নমেন্ট বা সরকারী কর্মচারীদের সম্বন্ধে উগ্র সমালোচনা।

৪। কোনও রাজনীতিক ঘটনার অতিরঞ্জিত বিবৃতি। কোনও রাজনীতিক সংবাদের শীর্ষস্থিত লিখনাদির বাগাড়ম্বর। কোনও সংবাদ পাশাপাশি এরূপভাবে সাজান যাহা হইতে আইন লঙ্ঘন আন্দোলনের সহায়তা হইতে পারে বা দেশবাসীর মনে চাঞ্চল্যের সঞ্চার হয়।

৫। আইন লঙ্ঘন আন্দোলনের সহায়ক যে কোনও বিজ্ঞাপন বা সংবাদ প্রকাশ।

৬। কংগ্রেস আন্দোলনে যোগদানকারী যে কোনও ব্যক্তির ফটো বাহির করা।

১লা বৈশাখ—

প্রতি বৎসরের পয়লা বৈশাখ সরকারী ছুটির দিন বলিয়া ঘোষণা করিবার জন্ত বঙ্গীয় ব্যবস্থাপক সভায় প্রশ্ন উঠিয়াছিল। কর্তৃপক্ষ এ সম্বন্ধে বিভিন্ন জিলার মত লইয়া

যথোচিত ব্যবস্থা করিবেন বলিয়া প্রতিশ্রুতি দেওয়াতে প্রস্তাবটি প্রত্যাহার করা হয়। সম্প্রতি কর্তৃপক্ষ ঘোষণা করিয়াছেন যে পয়লা বৈশাখ অতিরিক্ত ছুটির দিন বলিয়া ঘোষিত হইল। কিন্তু ইহাতে বৎসরের সাধারণ সাত দিন অতিরিক্ত ছুটির যে ব্যবস্থা আছে, তাহার সংখ্যা বাড়ানো যাইবে না; অর্থাৎ প্রত্যেক জিলায় যে সাত দিন ছুটি দেওয়া হইত তাহারই একটি ছুটি বন্ধ করিয়া পয়লা বৈশাখের ছুটির ব্যবস্থা করিতে হইবে। জিলাগুলি তাঁহাদের স্বেচ্ছা মত কোন ছুটি বন্ধ করিবেন, তাহা নিজেরা স্থির করিবেন। বাঙ্গালার ব্যবস্থাপক সভার সদস্য শ্রীযুক্ত সনৎকুমার রায় চৌধুরী ক্রমাগত চেষ্টা করিয়া এই ব্যবস্থাটি কার্যে পরিণত করিয়াছেন বলিয়া তিনি সকলের ধন্যবাদার্থ।

রবীন্দ্রনাথ ও ছাত্রগণ—

রবীন্দ্র রবীন্দ্রনাথ ঠাকুর ছাত্রদের উদ্দেশে নিম্নলিখিত বাণী প্রচার করিয়াছেন,—

“আমাদের ইতিহাসের এই সঙ্কটপূর্ণ সময়ে ছাত্রগণ আমার নিকটে একটি বাণী দাবী করিতে আসিয়াছে। আমি ঐ বাণী পূর্বেই প্রদান করিয়াছি; এক্ষণে কেবল উহার পুনরুক্তি করিতে পারি। বর্তমান অবস্থায় সরকার যে নীতি অবলম্বন সমীচীন বলিয়া মনে করেন, উহা পরিণামে অনিষ্টকর। গঠনমূলক স্থায়ী ও মৌলিক পন্থা অনুযায়ী দেশের সেবা করিবার জন্ত আমাদিগকে দৃঢ়প্রতিজ্ঞ হইয়া কাজ করিতে হইবে। আমাদিগকে ঐ সেবা ও আত্মশুদ্ধি হইতে বঞ্চিত করিবার অধিকার কোনও শক্তির নাই। যে শান্ত শক্তি আপনার সম্পদ বালকোচিত আবেগ ও আত্ম-অবনতিকর বিষয়ে ব্যয় না করিয়া নীরবে আপন কার্য সম্পন্ন করে, আমরা নৈরাশ হইতেই ঐ শক্তি লাভ করিব।”

ভারতীয় ব্যবস্থা-পরিষদে বড়লাট—

বিগত ২৫শে জানুয়ারী ভারতীয় ব্যবস্থা-পরিষদের উদ্বোধনী বক্তৃতায় মাননীয় বড়লাট বাহাদুর যে সুদীর্ঘ বক্তৃতা করিয়াছেন, নিম্নে তাহার কয়েকটি বিষয় ভাষান্তরিত করিয়া দেওয়া হইল।

(১) কৃষির অবস্থা—

কৃষি বিষয়ক অবস্থার উল্লেখ করিয়া বড়লাট বলেন, কৃষিজাত দ্রব্যের মূল্য কিছু বাড়িয়াছে; ইহা বড়ই সুখের কথা। প্রাদেশিক গবর্নমেন্ট সমূহ কৃষকদের প্রতি বিশেষ সহানুভূতিসম্পন্ন হইয়া কাজ করিতেছেন। যুক্তপ্রদেশের গবর্নমেন্ট মোট চারি কোটি টাকারও অধিক খাজনা কমাইয়া দিয়াছেন। পঞ্জাবে গত খারিফ শস্তের মরসুমে ৪৬ লক্ষ টাকা খাজনা রেহাই করিয়াছেন। কৃষি গবেষণা কাউন্সিল ভারতের সর্বত্র কৃষি বিষয়ে মঙ্গলকর বলিয়া প্রমাণিত হইতেছে।

(২) আর্থিক অবস্থা—

গত সেপ্টেম্বর মাসে আর্থিক অবস্থা সম্বন্ধে বড়লাট যে পর্যালোচনা করিয়াছিলেন তাহার উল্লেখ করিয়া বলেন—“আমাদের অসুবিধা এখনও অনেক রহিয়াছে বটে, কিন্তু কৃতিত্বের সহিত অনেক অসুবিধা উত্তীর্ণ হইয়াছে, যে আশা আমরা তখন করিতে সাহসী হই নাই।” বাজেট সম্বন্ধে ব্যয়সঙ্কোচ কমিটির কার্যাবলীর উল্লেখ করিয়া বড়লাট বলেন,—“পৃথিবীতে কোন গবর্নমেন্ট ব্যয়সঙ্কোচ সম্পর্কে বিবেচনার ভার ব্যবস্থা পরিষদের হস্তে এতটা ছাড়িয়া দেন নাই বা জনপ্রতিনিধিগণের প্রস্তাব সমূহ এতটা অধিক কার্যে পরিণতি করেন নাই।”

(৩) রাজস্ব বিল—

অতঃপর বড়লাট বলেন, “গত সেপ্টেম্বর মাসে যে আনুমানিক আয়ব্যয় ধরা হইয়াছে, তাহার সংশোধন বা পরিবর্তন আবশ্যক হইতে পারে, কিন্তু বর্তমান অবস্থায় কোন পরিবর্তন বা নূতন কর ধার্য করা সম্বন্ধে ভোট দিবার জন্ত পরিষদকে অনুরোধ করা তাহার পক্ষে সম্ভব হইবে না। পরিষদের বর্তমান অধিবেশনে কোন নূতন রাজস্ব বিল সম্বন্ধে বিবেচনা করিবার জন্ত আপনাদিগকে তহুুরোধ করা হইবে না।”

সাধারণ অবস্থা সম্বন্ধে বড়লাট বলেন,—“আমি নিঃসংশয়ে বলিতে পারি যে,—ভারতে আমাদের আর্থিক অবস্থা পৃথিবীর অন্তর্গত যে কোন দেশের তুলনায় ভাল। ভারতীয় পণ্য বিদেশের বাজারে এখনও স্থান পাইতেছে।

ভারতীয় শিল্প এখনও প্রসারিত হইতেছে। কাপড়ের কলসমূহ বাড়িতেছে এবং সম্ভবত পরিমাণ লাভ রাখিয়া কাজ চালাইতেছে। ভারতে চিনি শিল্প সম্প্রসারণের আমি চিহ্ন দেখিতেছি। গত দুইটি রাজস্ব বিলের দ্বিধিব্যবস্থা এই সকল ফললাভে সাহায্য করিয়াছে বলিয়া আমরা দাবী করি।”

(৪) বিনিময়—

বিনিময় হার সম্বন্ধে বড়লাট বলেন,—“অতীতের প্রতি দৃষ্টিপাত করিয়া আমরা নিঃসংশয়ে বলিতে পারি যে, আমরা ষ্টার্লিংয়ের সহিত টাকার হার বাঁধিয়া দিবার বে সিদ্ধান্ত করিয়াছি তাহা ভারতের পক্ষে মঙ্গলকর হইয়াছে। প্রথমতঃ বিদেশে ভারতের ঋণভার ৮৪ কোটি টাকা হইতে কমিয়া ৬১ কোটি টাকায় দাঁড়াইয়াছে এবং ১৫০ লক্ষ ষ্টার্লিং ঋণ পরিশোধের জন্ত আমাদের নূতন করিয়া ধার করিতে হয় নাই। ব্যাঙ্কের সুদের হার কতকটা স্বাভাবিক অবস্থায় আসিয়াছে। বিনিময় ব্যাপার নিয়ন্ত্রণ জন্ত খুব সামান্য ব্যবস্থা অবলম্বন করা হইয়াছে। ভারতের অর্থনৈতিক মর্যাদা বিশেষ করিয়া লণ্ডনে বর্দ্ধিত হইয়াছে। লণ্ডনে শতকরা সাড়ে তিন ষ্টার্লিং সুদের কাগজের দর ৪৩।০ হইয়াছিল; উহা এক্ষণে ৫১।০ হইয়াছে এবং ভারতের প্রধান প্রধান পণ্য বিশেষ করিয়া তুলার দর টাকায় বাড়িয়াছে।”

(৫) স্বর্ণ রপ্তানী—

অতঃপর বড়লাট বলেন,—“এইরূপ নূতন আশার সময়ে এক শ্রেণীর লোক ও সংবাদপত্র ভারতের আর্থিক অবস্থা সম্বন্ধে এমন সব বিবরণ প্রকাশ করিতেছেন যাহাতে আশঙ্কার সৃষ্টি হয়। তাহারা বলিতেছেন যে, স্বর্ণ রপ্তানী ভারতের পক্ষে ধ্বংসকর।”

বড়লাট বলেন,—“এই সময়ে স্বর্ণ রপ্তানী ভারতের পক্ষে সুবিধাজনক হইবে, এ বিষয়ে সন্দেহ নাই। অতীত দেশ যখন বিষম দুর্দশাগ্রস্ত, তখন ভারতবর্ষ তাহার অর্থাৎ স্বর্ণ সম্পদের অংশমাত্র ত্যাগ করিয়া বিভিন্ন দেশ হইতে সন্তোষজনক টাকা পাইতেছে। ৪০ কোটি টাকার স্বর্ণ রপ্তানী হইয়াছে তাহা ভারতের সমগ্র স্বর্ণের তুলনায়

অকিঞ্চিৎকর মাত্র। গত ত্রিশ বৎসরে ভারতের সমগ্র স্বর্ণের মূল্য ৭০০ কোটি টাকা। সম্প্রতি ১৯১৫, ১৯১৮ ও ১৯২১, এই তিন সালে স্বর্ণের আমদানী অপেক্ষা রপ্তানী বেশী হইয়াছে। বস্তুতঃ নিরপেক্ষভাবে বিবেচনা করিলে দেখা যাইবে যে, অর্থনৈতিক বিবর্তনে এমন ক্ষেত্র উপস্থিত হইবার সুযোগ আসিতে পারে, যখন স্বর্ণ ব্যবসায় সম্বন্ধে ভারতের অতীত গৌরব দেশের আর্থিক সুবিধা বলিয়া প্রতিপন্ন হইবে।”

(৬) আপোষ হইতে পারে না—

অতঃপর বড়লাট রাজনৈতিক অবস্থা সম্বন্ধে আলোচনা করেন। বিভিন্ন ঘটনাবলীর উল্লেখ করিয়া তিনি বলেন,—“কংগ্রেস ইচ্ছাপূর্বক আপোষ-পথ রুদ্ধ না করা পর্যন্ত আমি বা আমার গবর্নমেন্ট ঐ পথ হইতে বিচ্যুত হই নাই বলিয়াই আমি মনে করি। কোন গবর্নমেন্ট ঐরূপ স্পষ্ট-পূর্বক আহ্বান গ্রহণ করিতে ইতস্ততঃ করিতে পারেন না। জনসাধারণ বা যাহারা আইন অমান্য করিবার পক্ষপাতী তাহাদের পক্ষে ভ্রান্ত ধারণার কোন স্থান নাই। এই বিষয়ে কোন আপোষ হইতে পারে না। বিশেষ ক্ষমতার ব্যবহার যাহাতে না হয়, তজ্জন্ত গবর্নমেন্ট যেমন আবশ্যকীয় সকল ব্যবস্থা অবলম্বন করিবেন, তেমনই আইন লঙ্ঘন দমন জন্ত এক্ষণে যে সকল ব্যবস্থা রহিয়াছে, যতদিন পর্যন্ত ঐ সকল ব্যবস্থার অনুরূপ ক্ষেত্র বিদ্যমান থাকিবে, ততদিন পর্যন্ত তাহা শিথিল করা যাইতে পারে না।”

(৭) গোলটেবিল কার্যকরী সমিতি—

অতঃপর বড়লাট রাষ্ট্রতন্ত্রের গঠন সম্বন্ধে উল্লেখ করিয়া বলেন,—“প্রধান মন্ত্রী মহাশয় গোলটেবিল বৈঠকের কার্য চালাইয়া যাওয়া সম্বন্ধে ঘোষণা করিয়াছেন। অনেক সমালোচকের বিশ্বাস, পরামর্শ পরিষদ (গোলটেবিলের গোয়ালি কন্মিটি) একটি অলঙ্কারস্বরূপ প্রতিষ্ঠান। কিন্তু বস্তুতঃ তাহা নহে। ভারতে রাষ্ট্র গঠন সম্পর্কে যে সকল আলোচনা হইবে, উক্ত পরামর্শ পরিষদের দ্বারা বৃটিশ গবর্নমেন্ট সর্বদা তাহার সহিত যোগসূত্র রাখিবেন। ভারতের নূতন রাষ্ট্রতন্ত্রের পক্ষে অতি প্রয়োজনীয় বিষয় সমূহের বিস্তৃত আলোচনা ইংলণ্ডে হইবে না, কারণ গোল-

টেবিল বৈঠকের দ্বিতীয় অধিবেশন সমাপ্ত হইয়াছে। বৃটিশ গবর্নমেন্টের পরিকল্পনাই এই যে, ভারতে বিস্তৃতভাবে আলোচনা হইবে এবং এখানকার কার্যাবলী সম্বন্ধে আমি প্রধান মন্ত্রী মহাশয়কে সর্বদা জানাইব।

“সুতরাং গোলটেবিল বৈঠকে রাষ্ট্রতন্ত্র সম্বন্ধে যতদূর পরিকল্পনা হইয়াছে, তাহার বাকী অংশটুকু পূর্ণ করিবার জন্ত বৃটিশ গবর্নমেন্টের সহিত সহযোগিতা করাই পরামর্শ-পরিষদের কার্য হইবে। এই পরিষদের কার্যক্ষেত্র এত বিস্তৃত ও প্রয়োজনীয় যে, উহার কার্য আরম্ভে সময় নষ্ট করা উচিত নহে। সেই হেতু আমি বর্তমান সপ্তাহেই উহার অধিবেশন করিবার সিদ্ধান্ত করিয়াছি। আমি বিশ্বাস করি যে, আমাদের প্রাথমিক আলোচনাতেই আমরা এমন একটি কার্যকরী কার্যতালিকা প্রবর্তন করিতে সক্ষম হইব, যাহার দ্বারা বৃটিশ গবর্নমেন্টের সহিত পরামর্শক্রমে রাষ্ট্রতন্ত্রের খুঁটিনাটি বিষয়সমূহ সম্বন্ধে সম্পূর্ণরূপে নির্ণীত হইবে। এই পরিষদের কার্যে যতদূর সম্ভব ব্যক্তিগতভাবে নিযুক্ত থাকা আমার অভিপ্রায়।”

উপসংহারে বড়লাট বলেন,—“গত কয়েক মাসের মধ্যে আমাদের পক্ষে বহু বাধা-বিঘ্ন উত্তীর্ণ হইতে হইলো এবং এখনও বহু গুরুতর সমস্যা আমাদের সম্মুখে পড়িয়া থাকিলেও, আমার সরকারী কার্য-জীবনের শেষ ভাগে ভারতকে সম্রাটের অগ্রাঙ্গ উপনিবেশের সহিত সম্পূর্ণ সমান অংশীদার রূপে তাহার প্রতিশ্রুত স্থানে লইয়া যাইবার জন্ত পরিচালিত করিতে আমি নিজেকে গৌরবান্বিত বোধ করিতেছি।”

প্রধান মন্ত্রী ও রবীন্দ্রনাথ—

কিছুদিন পূর্বে কবীন্দ্র রবীন্দ্রনাথ ঠাকুর সরকারী-নীতির প্রতিবাদে লণ্ডনে প্রধান মন্ত্রীর নিকট এক তার করিয়াছিলেন; সম্প্রতি উহা প্রকাশার্থ দেওয়া হইয়াছে। তারখানা এইরূপঃ—

প্রধান মন্ত্রী,
হোয়াইট হল; লণ্ডন।

মহাআজীর গ্রেপ্তারের পর হইতে ভারত সরকার বেক্রপ চাঞ্চল্যকর ও বেপরোয়া দমন-নীতি চালাইয়াছেন, তাহাতে আমাদের ও আপনাদের দেশবাসীর মধ্যে এক

স্থায়ী দুঃখজনক বিচ্ছেদ ঘটাইয়া তুলিতেছে এবং আপনাদের প্রতিনিধিগণের সহিত শান্তিপূর্ণভাবে রাজনৈতিক আপোষ নিষ্পত্তি বিষয়ে আমাদের সহযোগিতা অতিশয় কষ্টকর করিয়া তুলিতেছে।

স্বামীর সম্পত্তিতে হিন্দু

বিপ্রবার অংশ—

বিগত ২৬শে জানুয়ারী ভারতীয় ব্যবস্থা-পরিষদের অধিবেশনে দেওয়ান বাহাদুর শ্রীযুক্ত হরবিলাস সর্দা মহাশয়, স্বামীর সম্পত্তিতে হিন্দু বিধবার অংশলাভের সম্বন্ধে একটা বিল যে ইতঃপূর্বে পরিষদে উপস্থাপিত করিয়াছিলেন, সেই বিলটিকে সিলেক্ট কমিটিতে দিবার প্রস্তাব করেন। এই উপলক্ষে সেদিনের পরিষদে যে আলোচনা হয়, বিলটির গুরুত্ব উপলব্ধি করিয়া, আমরা এই আলোচনার বিস্তৃত বিবরণ নিয়ে দিলাম। শ্রীযুক্ত সর্দা মহাশয় এই উপলক্ষে হিন্দু বিধবাদের শোচনীয় অবস্থা সম্বন্ধে বর্ণনা করিয়া বিলের বিরুদ্ধে কয়েকটি আপত্তি খণ্ডন করেন। তিনি প্রাচীন হিন্দু শাস্ত্র হইতে দেখান যে, প্রাচীন কালে হিন্দু বিবাহিত হইবামাত্র তাহার স্বামীর সম্পত্তিতে অংশ-ভাগিনী হইতেন। এবং সেই হেতু পৃথক হইবার সময় তাহারা পুত্রদের সহিত সম্পত্তির সমান অংশ পাইতেন।

শ্রীযুক্ত অমরনাথ দত্ত সিলেক্ট কমিটিতে দিবার প্রস্তাবের প্রতিবাদ করিয়া বলেন, বর্ণাশ্রম ধর্মবিধাসী রূপে তিনি এই বিল সমর্থন করিতে পারেন না এবং প্রাচীন ঋষিদের পবিত্র অনুশাসনে হস্তক্ষেপ করিবার অধিকার কাহারও নাই। বাঙ্গালায় হিন্দু বিধবাদের অবস্থা যে শোচনীয় তিনি তাহা স্বীকার করেন না। তিনি বলেন যে, উক্ত বিল গৃহীত হইলে হিন্দুর সমাজ গঠনের মূল নীতিতে কুঠারাঘাত করা হইবে।

মিঃ ইয়ামান খান হিন্দু বিধবাদের ছরদৃষ্টির প্রতি তাঁহার ব্যক্তিগত সমবেদনা জ্ঞাপন করিয়া বলেন, অনেক হিন্দু বিধবার পক্ষে তাঁহাকে আদালতে উপস্থিত হইতে হইয়াছে। প্রত্যেক পুরুষের ঋণ নারীদেরও বাঁচিবার অধিকার আছে। পুরুষের তৈয়ারী আইনে স্ত্রীলোকদিগকে তাহার উত্তরাধিকারের বৈধ অংশ হইতে পুনঃ পুনঃ বঞ্চিত করিয়া আসা হইয়াছে।

শ্রীযুক্ত কৃষ্ণম আচারিয়ার প্রস্তাবের প্রতিবাদ করিয়া বলেন, দেশের অধিকাংশ লোক যখন সমাজ বিষয়ে কোন আইন চাহিবে, তখনই সেইরূপ আইন উপস্থাপিত হওয়া উচিত। বর্তমান ক্ষেত্রে এই বিল সম্বন্ধে সেরূপ কোন সাড়া পাওয়া যায় নাই। তিনি বলেন, এই বিল পাশ হইলে হিন্দু সমাজ ও ধর্মের মূলে কুঠারাঘাত করা হইবে।

মিঃ আজার আলি বিলে বিধবার যে সংজ্ঞা দেওয়া হইয়াছে তাহার সমালোচনা করিয়া বলেন যে, উহা খুব অস্পষ্ট হইয়াছে।

মিঃ লালচাঁদ নাভালরায় বিলের খসড়ার প্রতিবাদ করিয়া বলেন, বিলের আকার আমূল পরিবর্তিত না করিয়া সিলেক্ট কমিটিতে তাহা সংশোধিত হইতে পারে না। বিলের মধ্যে আইনসম্মত এই ক্রটি রহিয়া গিয়াছে যে, উহাতে সাংসারিক সম্পত্তি হইতে পুত্রদের অধিকার কাড়িয়া লওয়ার চেষ্টা হইয়াছে।

সার ল্যান্সলট গ্রেহাম গবর্নমেন্টের মনোভাব সম্বন্ধে বলেন যে, এই বিলের পক্ষে প্রবল জনমত না থাকিলে গবর্নমেন্ট ইহার সমর্থন করিবেন না। পরিষদে আলোচনায় দেখা যাইতেছে যে, যে তিনজন হিন্দু আলোচনায় যোগ দিয়াছেন, তাঁহারা সকলেই ইহার প্রতিবাদ করিয়াছেন।

শ্রীযুক্ত জগৎ—অনেকে উহার পক্ষেও আছেন; তাঁহারা এখনও কিছু বলেন নাই।

সার ল্যান্সলট গ্রেহাম :—আমি তাহা জানি। তবে শূন্য গ্যালারীসমূহ হইতে ইহাই বুঝা যায় যে, এই বিলে জনসাধারণ তেমন আগ্রহান্বিত নহে। পক্ষান্তরে দেওয়ান বাহাদুর হরবিলাস সর্দার পূর্ববর্তী বিলের আলোচনার সময় গ্যালারীসমূহে লোকের ভিড় যথেষ্ট হইয়াছিল।

উপসংহারে সার ল্যান্সলট গ্রেহাম বলেন যে, বিলের পক্ষে প্রবল জনমত না থাকিলে গবর্নমেন্ট উহার বিরুদ্ধাচরণ করিবেন।

শ্রীযুক্ত এ, দাস বিলের সমর্থন করিয়া বলেন, আলোচনাকালে বিলের বিরুদ্ধে যে সকল আপত্তি উপস্থাপিত হইয়াছে তাহা অস্পষ্ট এবং তাহাতে বিলের নীতি ক্ষুণ্ণ হয় না।

সার হরিসিং গৌর গবর্নমেন্টের মনোভাবের

সমালোচনা করিয়া বলেন যে, গবর্নমেন্ট শুধু দমন ব্যাপারে শোঁধ্য দেখাইতেছেন—সমাজ-সংস্কার বিষয়ে নহে। এই বিষয়টি এত প্রয়োজনীয় যে, গণনা দ্বারা এই বিষয় নির্দারিত হওয়া উচিত নহে—সত্য ও ঋায়ের দ্বারা নির্দারিত হওয়া উচিত। বাধা প্রদানকারী গৌড়া সদস্যগণকে উদ্দেশ্য করিয়া তিনি বলেন, মাহুঘের তৈয়ারী আইন সমাজের প্রয়োজন অনুসারে যখন সংস্কার করা হইতেছে, তখন পবিত্র ও দৈব আইনের কথা তাঁহারা তুলেন কেন? বিলে যদি কোন ক্রটি থাকে, সিলেক্ট কমিটি তাহার সংশোধন করিবেন।

অতঃপর অত্র একটা বিষয়ের আলোচনার সময় উপস্থিত হওয়ায় শ্রীযুক্ত সর্দা মহাশয়ের প্রস্তাব মূলতবী হয়। বিগত ৪ঠা ফেব্রুয়ারী পুনরায় এই বিলের সম্বন্ধে আলোচনা হয়। কিছুক্ষণ আলোচনার পর এই বিল সিলেক্ট কমিটিতে দেওয়া হইবে কি না, সেই সম্বন্ধে উপস্থিত সদস্যগণের ভোট গ্রহণ করা হয়। প্রস্তাবের পক্ষে ২৬ ও বিপক্ষে ৫৬ ভোট হওয়ায় প্রস্তাবটি অগ্রাহ হইয়াছে।

চীন-জাপান সংঘর্ষ—

চীন ও জাপানে রীতিমত যুদ্ধ বাধিয়া উঠিল। বিশেষজ্ঞ যুদ্ধনীতিজ্ঞ ও রাজনীতিজ্ঞ ব্যক্তির কিছু দিন ধরিয়া এইরূপই একটা কিছু প্রতীক্ষা করিয়া আসিতে ছিলেন। তাঁহারা বলিতেছিলেন—পৃথিবীর ভাবী কুরুক্ষেত্র হইবে প্রাচ্যভূমি, এবং সে যুদ্ধ আরম্ভ হইতেও যে বেশী বিলম্ব নাই, তাহাও তাঁহারা অনুমান করিয়াছিলেন। দেখা যাইতেছে, তাঁহাদের অনুমান ব্যর্থ হয় নাই।

চীন-জাপানে সংঘর্ষ অপ্রত্যাশিত, অতর্কিত ব্যাপার নহে। গত ইয়োরোপীয় মহাসমরের পূর্বে কিছুকাল ধরিয়া সকল ইয়োরোপীয় জাতি আসন্ন যুদ্ধের জন্ত প্রস্তুত হইতে ছিলেন। উভয়পক্ষে বারুদ স্তূপীকৃত হইতেছিল। একজন সার্কিয়ান কর্তৃক অষ্ট্রিয়ার একজন রাজকুমারের হত্যাকাণ্ড এই বারুদের স্তূপে অগ্নিস্ফুলিঙ্গের কাজ করিয়াছিল মাত্র।

বর্তমান ক্ষেত্রেও অবস্থা প্রায় অনুরূপ। একজন জাপানী চীনাগের হস্তে নিহত হয়—বাহতঃ ইহাই জাপানের আক্রমণের মুখ্য কারণ। কিন্তু ইহা উপলক্ষ মাত্র। অন্য কারণ, ইহাই প্রকৃত কারণ হইলে কিছু টাকা ক্ষতিপূরণ

স্বরূপ আদান প্রদান করিলেই ব্যাপারটা চুকিয়া যাইত। কিন্তু অনেক দিন হইতেই জাপানকেও যুদ্ধের জন্ত প্রস্তুত হইতে হইতেছিল। বর্তমানে তাহার চীন আক্রমণের গোণ কারণ তাহার অদম্য রাজ্যলিপ্সা। জাপান দ্বীপপুঞ্জ ক্ষুদ্র রাজ্য, তাহার আয়তন বড় বেশী নহে। জাপানীরা জীবিত উন্নতিশীল জাতি—জাপানী জাতির সংখ্যা শনৈঃ শনৈঃ বৃদ্ধি পাইতেছে—ক্ষুদ্র জাপান রাজ্যে আর কুলাই না উঠিতেছে না। কাজেই বৃহত্তর জাপান সাম্রাজ্য প্রতিষ্ঠা করিতে না পারিলে তাহার আর চলিতেছে না। এই জন্তই জাপানকে ফরমোজায় উপনিবেশ স্থাপন করিতে হইয়াছে, কোরিয়া অধিকার করিতে হইয়াছে। বহু জাপানী আমেরিকায় গিয়া বাস করিতে বাধ্য হইয়াছে। কিন্তু সেখানে প্রাচ্য জাতির বিরুদ্ধে বড় কঠোর ব্যবস্থা—সেখানে মাথা তুলিবার স্থযোগ নাই। অত্র কোন দিকেই জাপান সাম্রাজ্যের প্রসারের সম্ভাবনা নাই। অতএব, নিকটতম প্রতিবেশী আফ্রিকাহে দুর্বল চীনের উপর জাপানের যে লোলুপ দৃষ্টি পতিত হইবে, তাহাতে বিচিত্রতা কি?

জাপান এতদিন স্বযোগের প্রতীক্ষা করিতেছিল। চীনের উপর জাপানের যেমন লোভ, ইয়োরোপের শক্তিশালী জাতি সমূহের লোভও তদপেক্ষা একটুও অল্প নহে। এত দিন তাই চীনের উপর সকলেরই তীক্ষ্ণ দৃষ্টি ছিল। কিন্তু বর্তমানে ইয়োরোপ আর্থিক সঙ্কটে বিষম বিব্রত। সেই জন্ত তাঁহারা এখন আর এই প্রাচ্য ভূখণ্ডের উপর তেমন তীব্র দৃষ্টি রাখিতে পারিতেছেন না। ইহাই জাপানের স্বর্ভব স্বযোগ। তীক্ষ্ণবুদ্ধি জাপান এই স্বযোগ উপেক্ষা করিবার পাত্র নহে। তাই 'ঐ' একজন নগণ্য জাপানী হত্যার উপলক্ষ করিয়া জাপান আজ চীনে অভিযান করিতে সাহসী হইয়াছে, এবং অতি সামান্য আয়াসে মাঞ্চুরিয়া ও মঙ্গোলিয়া অধিকার করিয়াছে।

চীনও নিদ্রিত নহে। চীন এখন সজ্জবদ্ধ হইয়া জাতীয় দল প্রতিষ্ঠিত করিয়াছে। মহাচীনের দক্ষিণাংশে জাতীয় দলের প্রভুত্ব স্বপ্রতিষ্ঠিত। জাতীয় দলের নেতা চিয়াং কাই সেক মহা যোদ্ধা ও রাজনীতিকুশল ব্যক্তি। কিছু দিন পূর্বে তিনি রাজনীতির ক্ষেত্র হইতে অবসর গ্রহণ করিয়াছিলেন। বর্তমানে সঙ্কটকাল উপস্থিত দেখিয়া

তিনি আবার কক্ষক্ষেত্রে অবতীর্ণ হইয়াছেন। তাঁহার নেতৃত্বে হয় ত চীন জাপানকে বাধা দিতে পারিবে; কিম্বা ঠিক কি ঘটবে তাহা হয় ত এখনও নিশ্চিত করিয়া বলিবার সময় উপস্থিত হয় নাই।

জাপান ও ইয়োরোপ -

চীন-জাপান যুদ্ধে আর একটি বিবেচ্য বিষয়—ইয়োরোপ এই যুদ্ধে যোগ দিবে কি না? রাজনীতির গতি কখন কোন্ পথ অনুসরণ করে, তাহা ঠিক করিয়া বলিতে পারা না গেলেও, কার্য-কারণের সম্বন্ধ বিবেচনা করিয়া একটা অনুমান করিতে কোন বাধা দেখা যায় না। চীন-জাপানের যুদ্ধটা আসিয়া পৌছিয়াছে সাংহাইএর খুব কাছে—এমন কি, সাংহাইএর উপরও গোলা-গুলি পড়িতেছে। এখন এই সাংহাইটি একটি আন্তর্জাতিক বন্দর। ইহার উপর গোলা-গুলি বর্ষণ আন্তর্জাতিক বিধি-বিরোধী। এই হেতু ব্রিটেন ও আমেরিকা উভয়েই চীন ও জাপান উভয়কেই সাংহাইএ যাহাতে গোলা-গুলি না বর্ষিত হয় সে পক্ষে সতর্ক করিয়া দিয়াছেন। এবং ইয়োরোপীয় শক্তিপুঞ্জের—ইংরেজ, ফরাসীয়, এবং আমেরিকার সৈন্য, নৌ সৈন্য, রণতরী প্রভৃতি সাংহাইএর নিরপেক্ষতা রক্ষার্থ এখানে

আসিয়া জমা হইতেছে। সাংহাইএ এইভাবে শক্তি সমন্বয় সংঘটনের ফলে সাংহাইএর শান্তি ও নিরপেক্ষতা রক্ষিত হইতেও পারে; কিম্বা—ইহার উপস্থিত না থাকিলে হয় ত বিশেষ কোন গণ্ডগোল না ঘটতেও পারিত, কিন্তু ইহার উপস্থিত থাকার দরুণই—ইয়োরোপীয় শক্তিপুঞ্জকে জাপান-চীন যুদ্ধে লিপ্ত হইতেও হইতে পারে—কিছুই বলা যায় না; কারণ, যুদ্ধ-বিগ্রহের স্থলে এরূপ অঘটন প্রায়ই ঘটয়া থাকে। সেইজন্য চীন-জাপান যুদ্ধ পৃথিবীর সকলের পক্ষেই সমান উদ্বেগের কারণ হওয়াই স্বাভাবিক। বিশেষতঃ চীনে ইয়োরোপের মহা স্বার্থ রহিয়াছে—বিগত বন্ধার যুদ্ধের দরুণ চীন শক্তিপুঞ্জের ক্ষতিপূরণ কারিতে বাধ্য আছে—চীনের সে ঋণ সম্ভবতঃ এখনও পরিশোধিত হয় নাই। এরূপ ক্ষেত্রে যুদ্ধের গতি অনুসারে ইয়োরোপ, ইচ্ছা না করিলেও হয় ত, বাধ্য হইয়া এই যুদ্ধে লিপ্ত হইতে পারে। তখন কি অবস্থা ঘটবে, এখন তাহা অনুমানাতীত বিষয়। একটা সংবাদ পাওয়া গেল যে, ইয়োরোপীয় শক্তিপুঞ্জের আপোষ-প্রস্তাব জাপান অগ্রাহ করিয়াছে; সুতরাং ব্যাপার গুরুতর হইবারই বিশেষ সম্ভাবনা।

সাহিত্য-সংবাদ

নব প্রকাশিত—পুস্তকাবলী

শ্রীমতী বিবেকানন্দ প্রণীত 'ভারতীয় নারী'—৭।

শ্রীমতী অন্নব্রতী দেবী প্রণীত 'বেদান্ত-দর্শন'—৪।

শ্রীমতী অন্নব্রতী দেবী প্রণীত উপন্যাস 'পথের সাথী'—২।

শ্রীমতী রায় প্রণীত নাটক 'একাক্ষিক'—১।

শ্রীমতী অন্নব্রতী দেবী প্রণীত গাথাকাব্য 'চিত্র ও চিত্ত'—১।

শ্রীমতী অন্নব্রতী দেবী প্রণীত 'রূপসী'—১।

শ্রীঅচিন্ত্যকুমার সেনগুপ্ত প্রণীত 'ইতি'—১।

শ্রীপ্রমোদ মিত্র প্রণীত 'পুতুল ও প্রতিমা'—১।

শ্রীপ্রভাবতী দেবী সরস্বতী প্রণীত উপন্যাস 'দূরের আশায়'—২।

শ্রীভোলানাথ কাব্যশাস্ত্রী প্রণীত নাটক 'বাহুকী'—১।

শ্রীদীনেন্দ্রকুমার রায় প্রণীত উপন্যাস 'গুপ্ত যাতকের ছুঁচ' ও 'ডাকলুঠ'—প্রত্যেকের—৭।

